

С. Цвигун. Қасос

**Ғафур Ғулом номидаги
Адабиёт ва санъат нашриёти**



КПСС Марказий Комитети аъзолигига кандидат, армия генерали, Социалистик Меҳнат Қаҳрамони Семён Кузьмич Цвигун 1917 йилда туғилган. У Улуғ Ватан уруши ва партизанлар ҳаракатининг иштирокчисидир.

Цвигун «Яширин фронт», «биз қайтиб келамиз» сингари асарлар муаллифи.

У Ленин комсомоли ҳамда РСФСР Давлат мукофоти лауреати унвонлагига сазовор бўлган.

СЕМЁН ЦВИГУН

ҚАСОС

ҚАСОСКОРЛАР
ФРОНТИ
ФРОНТ
ОРТИДАГИ
ФРОНТ
ДУШМАН
ОРТИДАГИ
ФРОНТ

Тошкент
Faafur Gulom nomidagi
Адабиёт ва санъат нашриёти
1982

85.54
Ц 28

Цвигун, Семён.

Қасос: Қасоскорлар фронти; Фронт ортидаги фронт; Дүшман ортидаги фронт. [Киноқиссалар] [Тарж.: О. Мухторов, Т. Искандаров, Х. Султанов].— Т.: Адабиёт ва санъат нашриёти, 1982.—440 б.

Семён Цвигуннинг «Қасос» тўпламига унинг уч киноқиссаси: «Қасоскорлар фронт», «Фронт ортидаги фронт», «Дүшман ортидаги фронт» сценарийлари киритилган. Учала асар ягона мавзу билан бирлашган. Учала сценарийда Қизил Армия маҳсус отрядининг Ўлуг Ватан уруши даврида немис-фашист қўшинлари орқасида кўрсатган жанговар фаолиятлари хикоя қилинади. Ушбу сценарийлар бўйича «Мосфильм» киностудиясида суратга олинган фильмлар мамлакатимиз экранларида муваффақият билан намойиш этилди ва кўпгина мукофотлар билан тақдирланди.

Цвигун, Семен. Возмездие. Киноповести.

85.54

778

Ц 70803—119
М352(04)—82 173—82 4803010102

© Ғафур Ғулом номидаги Адабиёт ва санъат нашриёти, 1982 й.
(Тарж.)

ҚАСОСКОРЛАР ФРОНТИ

Уруш аждари ўт пуркаган ерлар устига хоч шаклидаги самолёт сояси тўшалган.

Юксакдан туриб қараганда, хамирдек кўпчиган тупроқ, тутаб ётган қишлоқлар кўзга ташланади...

Йўлларда суринган сафлар...

Йўл ёқаларидағи ҳар ерда сочилган, аброр ҳолга келган ҳарбий техника...

Мана, нақ самолёт қанотлари остидаги дарёning кечув нуқтаси. Бу ерда жанг бўляпти... Тизилиб келаётган немис танкларига қарши қирғоқда ўрнашган артиллериачи батареялар ўт очишмоқда... Кўкка олов ўрлаб, ерда сўнгсиз портлашлар рўй бермоқда... Танклар гулхандек гуриллаб ёняпти...

Самолётлар дарёning кечув нуқтасини нишонга олишаёттири... Чексиз дарёда сув бомбалар ёғилаётганидан қайнаб-тошяпти...

Ниҳоят, бомбардимончилар орасига совет қирувчи самолётлари ёриб киришди... Шиддатли ҳаво жанги бошланади...

Олисдаги ёнаётган шаҳарда олов ярақлаб, черков қуббалари ярқираб кўринмоқда... Уфққа парда тортган тутун бағрини ёриб, маҳзун қуёш кўтарилимоқда.

Ўрмон бағридаги анча кенг сўқмоқ йўлда бир гуруҳ аскарлар ҳорғин боришаётти. Уларнинг юзи, қош-кўзлари чангга беланиб, усти бошлари тўзиб кетган, яра-

дорларнинг оқ мато билан наридан бери тангилган жа-
роҳатларидан қон сизиб, қора доғлар ҳосил қилганча,
қотиб қолган.

Бу гуруҳда кимлар йўқ, дейсиз!

Бу одамлар орасида отлиқ аскарлар ҳам, пиёдалар
ҳам, танкчилар ҳам, артиллериячилар ҳам бор.

Аскарлардан кимнингдир оёғида шунчаки увада,
кимнингдир оёғида этик, кимдир қўлтиқтаёғини тўқил-
латиб боряпти,

Отлар қийналиб, зил-замбил юкларни судраб кета-
япти. Арава фиддираклари ўнқир-чўнқирга уриниб, фир-
чиллаганча, секинлик билан олдинга суринайти. Ара-
валарда — оғир ярадорлар.

Аравага қўшилмаган отлар терга тушиб, замбарак-
ларни судраб боришмоқда. Икки аскар ўз ярадор
ўртоқларини икки ёндан қўлтиқлаб кетишяпти. Бутун
сафдан олдинда бораётган кишининг ҳарбий унвони —
майор. У новчадан келган, аммо елкалари кенг. Унинг
соҳи асосан қалин, қора эканига қарамай, чаккаларига
оқ туша бошлаган. Белига филофсиз тўппонча қисти-
рилган. Қамарида сафар дурбини осиғлиқ. Ёнда булар-
дан ташқари иккита қўл граната ҳам бор. Гимнастёр-
каси кўксига «Ҳурмат Белгиси» ордени тақилган. Соқол
қоплаганидан юзи офтобдан, ҳорғинлик ва йўллардаги
чанг-тўзонлардан қорайиб кетгани янада яққол сези-
лади. Бу майор Млинский.

Уфқда ёрқин, алланечук оқиш аланга кўкка ўрлаб,
узоқ-узоқлардаги черковларнинг қўнғироқхоналарини
ёритади. Олис уфқларни қуюқ қора тутун қопламоқда.

Кунгабоқар ўсган дала ва ўрмонга туташ йўл. Кун-
дуз куни. Эрта куз.

Дала бўйлаб болалар, аёллар, қариялар, аскар ки-
йимидағи йигитлар жон талвасасида, даҳшатдан эс-
ҳушлари оққан, ранг-қутлари ўчган бир ҳолатда югу-
риб боришмоқда...

...Эгнидаги ридо оёқларига ўралашган руҳоний, оппоқ соқоли шамолда тўзиб, шошганча, олдинга интиляпти... Даладаги кишиларни оғзини очган тўплар, босиб сайраётган пулемётлар, тасмаси бир маромда шағирлаб айланётган танклар таъқиб қилмоқда.

Чекинишаётган совет аскарлари уларга қўшилишиб қолган қочқинларни қорнига хоч шаклидаги фашист тамғаси туширилган уч танк қуршовга олиб, яксон қилишга уринмоқда. Ўнг томондаги йўлда снаряд ортилган юқ машиналари карвони кетяпти. Мотоциклларда ҳам немислар. Снаряд қутилари устига ўрнашиб олган немис аскарлари ҳимоясиз одамларни танклар қандай ерга қулатишаётганини томоша қилишяпти.

Мана, ёшгина аскар йигит югурганича, ўрмонга яқинлашяпти, аммо уни танк қувиб, ўртадаги масофа дам сайин қисқариб бормоқда...

...Худди шу аснода бехосдан танк олдинга суринишдан тўхтаб, остидаги ерни қўпориб атрофга сочганича, қуруқ ўтингек гуриллаб ёна бошлайди.

Ўрмондан немис танклари қаршисига «Т—34» совет танки шиддат билан чиқиб келади. У тўғри олдинга босади. Ўт очади... Энди иккинчи немис танки ҳам турган ерида чарх уриб, қора тутунга қопланган кўйда овози ўчади.

Учинчи немис танки ҳужумга ўтади. Снарядлар портлайди. «Ўттиз тўртинчи» немис танкига яқинлаша бошлайди. Бизнинг танкимиз душманга чап бериш учун эгри-буғри йўналишда илдам суринади.

Ўрмонда пулемёт тилга киради. Милтиқлар қарсилайди.

Немислар саросималаниб, қочоқларнинг панасига ўтиб олишга уринишади.

Уч немис ўзлари минишган коляскали мотоциклларни дала томон буриб, жон сақламоқчи бўлишади. Аммо пулемёт уларни ер тишлилатади. Мотоцикллардан бири тўйтарилиб, портлаб кетади...

Одамлар сурони тина бошлайди; қочқинлардан кимдир ерга ётволиб, кимдир буталар орасига беркинади; бошқа бирор эса қотиб қолганича жангнинг боришини кузатади. Ўрмонда бояги танк изидан ёрдамга ошиқиб, Млинский отряди жангчилари югуриб чиқишиади.

Чекинишаётган қисм аскарлари ниҳоят эс-хушларини йиғиб олишади... Айримлар «Ўттиз тўртинчи»га дарҳол эргашиб, ўйл-йўлакай душманга ўқ уза бошлашади. Ўлимдан қутулган ёшгина аскар йигит ёнаётган танкдан ўрмалаб чиқсан немиснинг кўксига найза санчади...

Учинчи немис танки жангта киришмасдан, орқага чекинади...

«Ўттиз тўртинчи» юк машиналари томон кескин йўналади. У машиналар орасига ёриб киради... Немис ҳайдовчилари ва аскарлари пароканда бўлишиб, дуч келган ёққа қоча бошлашади... Танкка ўрнатилган пулемёт ўт очиб, снаряд солинган қутилар ҳавога тўзийди... Бир немис аскари граната ўрамини улоқтиради... Гранаталар портлайди... Алланга... Лахта-лахта ер қўпорилиб, ҳар томонга сочилади... «Ўттиз тўртинчи» тутунга бурканади...

Шамол атрофга куюқ ҳид таратади; икки немис танки ҳамон сезилар-сезилмас бурқсимоқда. «Ўттиз тўртинчи» ҳам бир лаҳза бурун портлаш рўй берган жойда ҳаракатдан тўхтаган. Унинг ҳалқа-ҳалқа тасмаси узилиб ётгани кўзга ташланади. Танк зирҳидаги бўёқларни ўт ямлаган. «Фашистларга ўлим!» деган ёзуудан фақат «ўлим!» сўзини ўқиши мумкин.

Оёқ остида ўт-ўланлар қурумга айланиб, ўйл ёқасидаги нав-ниҳол арчалар жизғанак бўлиб қолган.

Руҳоний — Павел ҳазрат, ҳалигина немис машиналари тизилган қишлоқ йўлининг бир четида қабр қазияпти. Ундан сал берида әгнидаги комбинзон куйиббитган совет танкчиси қўлларини кўксида чалиштириб ётипти.

Руҳонийнинг ёнига бизнинг аскарларимиз келишади.
Шу атрофда қочқинларга қўшилишган аскарлар
Млинский отряди жангчиларига аралашиб кетишади.
Чекинишган аскарлар орасида оқ-сариқдан келган ёш
лейтенант Петренко ҳам бор.

«Ўттиз тўртинчи» шарофатидан тирик қолган ёшги-
на аскар йигит Павел ҳазратга яқинлашади. У руҳоний-
нинг қўлидан индамаганча, белкуракни олиб, зарб би-
лан ерни катта-катта қазий бошлайди.

Петренко жасад ёнига келиб тўхтайди. У Павел
ҳазратга юзланади.

— Бу ишдан ҳеч нарса чиқмайди, бобо... Наҳотки,
сен буларнинг ҳаммасини кўммоқчи бўлсанг?—дейди.

Павел ҳазрат унга жимгина тикилади ва бир оздан
сўнг ушбу жавобни қайтаради:

— Мен ҳаммани кўмишим қийин албатта, лекин ма-
навини ўз қўлим билан дафн этиб, қабрини белгилаб
қўймоқчиман. Кейин, вақти соати келиб, одамларга, бу
ерда қаҳрамон танкчи ётипти, демоқчиман. Бу йигит не-
мислардан қочгани йўқ, айримларга ўхшаб...

Аскарлар мулзам бош эгишади.

— Сен тилингга кўп эрк бераверма, бобо,— хўмра-
йиб дейди Петренко,— Эви билан...

Майор Млинский пайдо бўлади. Ундан сал орқада—
капитан Серёгин ва сиёсий бўлим бошлиғи Алиев. Улар
Петренкога қадалишади. Петренко дарҳол пилоткасини
бошига қўндириб, қоматини ғоз тутади:

— Рота командири лейтенант Петренко?

— Сиз қайси ротага командирсиз, лейтенант? Одам-
ларингиз қаёқда?—сўрайди Млинский.

— Шу ерда...—ғудранади Петренко атрофга олаза-
рак бўлиб.

— Жангчиларингизни сафга тизинг!—буюради майор.

— Есть,—қисиниб дейди Петренко ва шу ондаёқ ба-
ланд товушда қичқиради:—Тўққизинчи полк олтинчи
рота, сафланинг!

Ёшгина аскар йигит белкуракни руҳонийга топшириб, ўртоқлари сафидан жой олишга ошиқади.

Павел ҳазрат бир нафас у ён-бу ёнга юргурган одамларни кузатади, сўнг кафтига туфлаб, яна қабр қазишга киришади.

Майор Млинскийнинг ёнига ҳамшира Зина келади.

— Ўртоқ майор, ярадорларни ташишга улов етишмаяпти.

Млинский Алиевга томон ўгирилади.

— Ўртоқ политрук, ярадорларни ташиб, марҳумларни дағн этишга аравалардан бир қисмини бўшатиб бериш керак.

— Ўқ-дори нима бўлади?

— Ўқ-дори жангчиларга улашилсин.

— Есть!—дейди Алиев қатъий.

— Рота, смирно!—осойишта буйруқ беради Петренко қувлик билан Зина томон кўз қирини ташлаб.

Млинский ва Серёгин Петренко ҳамроҳлигига саф бўйлаб одимлашади.

— Сизнинг қуролингиз қани?— сўрайди майор бир жангчидан.

Жангчи бўйни, елкаларини қисади.

— Сизнинг қуролингиз қани?— сўрайди майор иккинчи жангчидан.

— Йўқолиб қолди...— Бошини кўксига солинтиради жангчи.

Петренко аскарни, шу баҳонада ўзини ҳам оқлагиси келиб, ғудранади:

— Туйқусдан ҳужум қилишди. Шошиб қолдик...

— Сиз ҳатто қаршилик кўрсатишни ҳам ўйламаганга ўхшайсиз?!—дейди майор кескин.

Петренко яна ўзини оқлашга уринади:

— Бизнинг полкимиз қаерда — номаълум, ротанинг ярми қолган, мен нима қила олардим, ўртоқ майор? Бу ёғи қуршовга тушган бўлсак.

— Бас қилинг! — ғижиниб дейди майор ва Петренко-ни қўйиб, аскарларга мурожаат қиласди: — Ўртоқ жангчилар! Оғир кунларда бизга қурол Ватанимизни фашист босқинчиларидан ҳимоя қилиш учун берилган; сизлардан айримларингиз эса бу қуролни кўз қорачиғидек асрараш ўрнига йўқотиб, Қизил Армия жангчиси шаънига доғ туширгансизлар. Мен сизларга гапнинг индоллосини айтдим, бундан ўзларингиз тегишли хулоса чиқарасизлар, деб ўйлайман.

Сафдаги аскарлар қомат тиклашади.

Млинский Серёгинга юзланади:

— Йигитларни взводларга бўлиб чиқинг.

— Есть! — дейди Серёгин.

— Лейтенантни ҳозирча Артёмов ротасига ўтказинг, взводни бошқарсин. Қейин яна қарамаймиз. Тушунарлимиз?

— Есть, ўртоқ майор!

— Үнгга! Шагом марш!

Петренко бошқарган рота кетгач, Павел ҳазрат Млинскийга яқинлашади.

— Ўртоқ командир, менга милтиқ топилмайдими?

— Кечирасиз, сиз ўзи кимсиз? — сўрайди Млинский.

— Мен руҳоний... Павел ҳазрат... умуман, Павел Иванович Воробьев... Шарққа кетаётгандим, лекин сабрбардошим тугади. Эгнимдаги жандани ечиб, аскарга ёэилгим келяпти.

— Қўлга қурол олиб, жанг қилишга тайёр эканингиз учун раҳмат сизга, Павел Иванович, — дейди майор, — аммо, менингча, бизнинг қуролимиз фақат милтиқ эмас... Үзингиз ўйлаб кўринг. Уруш туфайли хонавайрон, сарсон-саргардан бўлган одамларга сизнинг бошқача ёрдамингиз тегиши мумкин. Масалан, ҳимоясиз кишиларга далда берсангиз, ёки, ишончли одамларни душманлардан яширсангиз. Қўлга милтиқ олиб, жанг қилгандан кўра, сизнинг бу ишингииздан халққа кўпроқ манфаат тегади. Турли кишилар эшигингизга келиб, сиз

билан мулоқотда бўлиши турган гап. Бизнинг битта-яримта ўртоқларимиз ҳам сизга учраб, сиз орқали ха-барлашиш имкони туғилади. Сиз бунга қарши бўлма-сангиз керак?

— Йўқ, жоним билан....

— Мана, келишиб ҳам олдик. Сизга омад ёр бўлсин, ўртоқ Воробъёв,—жилмаяди Млинский.

— Сизга ҳам ташаккур,—дейди Павел ҳазрат, сизни оллоҳ таоло...—У дуо қилишдан бехос тўхтаб, қўлини силтаб қўя қолади.

Млинский отряд изидан ўрмон бағрига жўнайди. Йўлда якка-ёлғиз қолган Павел ҳазрат унга ортдан меҳрибон термулади, сўнг шошмасдан йўлга равона бўлади.

Майор бошчилигидаги аскарлар сафи ўрмондаги сўқмоқ йўлда олдинга суринади. Майор йўл четига чиқиб, одамларни кузатади. Сафдаги аскарлардан кимлардир бошларини букиб боришлоқда; айримлар майорга кўзлари тушгани заҳоти елкаларини тик тутишга ҳаракат қилишади; бошқаларнинг юз-кўзларида уларнинг бу одам ўzlарини қуршовдан олиб чиқишига умид ва ишончи акс этаётир. Филдираклар ғижирлаб, аравалар ўрмондаги нотекис йўлда вазмин чайқалишади; ярадорлар оҳиста инқиллашади...

Ўрмонда — ўрмон қоровулининг уйи ва ҳовлиси. Тонг.

...Ўрмон ичида ўйноқлаб юрган қуён бехосдан инсонга тўқнаш келади. У бир нафас қотиб қолади. Сўнг кулогини силкиб, кўзларини олайтирганича, ўзини буталар орасига уради. Инсон илдам босади. У матрос кийимида, ўрта бўйли, худди чўяндан қўйгандек пишиқ гавдали. Манглайдаги ёзуvdan унинг Қора денгиз флотида хизмат қилишини билиш қийин эмас. Унвони мичман. Бу Вакуленчук.

У ўрмон ёқасида беркиниб, ўрмон қоровулининг уй-

жойини кўздан кечиради. Қоровулхона ёнида товуқлар осоиишта дон чўқиб юришипти, сал нарида боғлоқлик сигир ўт чимдияпти, оstonада паҳмоқ ит офтобда исиниб ётипти. Бошига оқ рўмол танғиган кампир арқонга кир илмоқда. Остонадаги ит билан етти ёшлардаги бола ўйнамоқчи бўлиб турипти.

Вакуленчук беркинган еридан сапчиб, ўтлоқни юрганча кесиб ўтади. Ит ҳуради. Кампир билан бола денгизчи йигитга хуркиб қарашибади.

— Сенга ким керак, болам?—сўрайди кампир.

Вакуленчук атрофга кўз юргутиради.

— Менга сиз керак, бувижон. Ичкарига кирсам майлими?

Вакуленчук уйга киради. Кампир билан бола унга эргашибади. Торгина уйда ёши саксонларга борган қария печка ёнида ўтирипти.

— Салом бердик,—унга юзланади Вакуленчук.

— Салом алайкум,—дейди чол босиқ.

Вакуленчук ичидаги чўмич ётган сувли челакка яқинлашибади. У чўмич тортаётуб, чолга қарайди, уйни кўздан кечиради. Каравот турган томондаги деворда икки ёш йигитнинг сурати кўзга ташланади. Улар қизил аскар кийимида. Бу суратлардан сал пастда гитара осиғлиқ. Вакуленчук деворга яқинлашиб, суратларга тикилади, торни чертиб қўяди...

— Үфилларингизми булар, бувижон?—сўрайди ниҳоят.

— Үфилларим!—дейди кампир ғуур билан.—Ҳозир қаерда бўлишса экан менинг жигарпораларим?—хўрси нади у.

Чол ўрнидан секинлик билан туриб, қўлларини олдинга чўзганча, Вакуленчукнинг овози эшитилаётган томонга тусмоллаб одимлади. Яқинлашиб, йигитнинг елкаларини пайпаслайди.

— Сиз кимлардан бўласиз, муҳтарам зот? Аскар эмасмисиз?—сўрайди у.

— Аскар, отахон, аскар,— мужмал жавоб қайтаради Вакуленчук.

Кампир (қарияга имо қилиб).— Жа қариб қолган, кўзи кўрмайди... Денгизчи бу, бобоси, денгизчи.

Чол.— Сўраганинг айби йўқ, сен ким учун жанг қиляпсан?

Вакуленчук:— Қора денгизда хизмат қилган одам ким учун жанг қиласди? Мен советлар учун жанг қиляпман, отахон.

Кампир печкага яқинлашиб, картошка солинган қозонча устидаги идишни столга олиб қўяди.

— Ол, болам, е!

Вакуленчук боланинг бошини силаб қўйганича, сўрайди:

Неварангизми?

— Неварам,—дейди кампир ва беозор кулимсираб, болага мурожаат қиласди:—Чоп, ертўладан бир кувача сут опке.— Сўнг, яна матросга юзланади.— Ўт, ўтири, болам.

— Раҳмат, бувижон. Неварангизнинг оти нима?

— Мишавой.

Мишавой харакдан қўзғалиб, юргурганча ташқарига чиқиб кетади.

Вакуленчук стол ёнига ўтириб, идишдан пичоқ билан буғланиб турган картошка олади. Кампир столга бир боғлам пиёз, бир кесим ион келтириб қўяди. Мишавой кувачада сут кўтариб келади.

Картошканинг тафтидан лаб-лунжи куйиб, Вакуленчук сўрайди:

— Бу ерга немислар келишгани йўқми?

— Қишлоқни босиб олишган. Лекин ҳозирча бизни худо ёрлақаб турипти...—дейди кампир.

— Узоқроқ бирон ерга кетяпсанми, денгизчи бола?— қизиқсинади чол.

Вакуленчук.— Нима десам экан...

Ташқаридан итнинг қаттиқ ҳургани эшитилади.

— Яна ким бўлди?—савол ташлайди кампир.

Моторлар шовқини, мотоцикллар тариллаши, немисча гап-сўзлар қулоққа чалинади.

— Немислар,—дейди чол тараддувланиб.

— Эй, худойим-е, эсламасак бўлармиди лаънатиларни. Немислар,—чўқинади кампир.—Энди нима қилдик?

Вакуленчук харак устидан елдек кўчади, унинг қўлида — автомат.

— Сен, йигит, бостирмаға ўтиб, чордоққа чиқ,—дэйди чол буйруқ оҳангида.

Кампир бостирма эшигини очади. Вакуленчук чордоқ четидаги харига чирмашиб, юқорига кўтарилади ва қонри чордоққа ўрмалайди. Чордоқда пичан ғарамланган. Вакуленчук хашак оралаб кўчага қаратилган түйнук ёнига боради. У юк машинаси келиб тўхтагани, бир неча немис аскарлари сакраб тушишганини кўради. Мотоцикл пинжидаги аравачадан бир офицер оёқларини керишитириб тушади. Мотоциклчи автоматини кўтариб, ўқ узади, ит ангиллаб, ер қучади.

Аскарлар товуқ тутишади, иккитаси сигирга яқинлашади.

— Сен уни қаёққа оббормоқчисан? Қаёққа?—бақиради кампир, оstonада туриб.— Молу жон, деган гап бор! Ў, ноинсоф!.. Тегма!.. Қўйвор!..— Кампир аскарлар томон югуради.

Аскарлар ертўладан кувада сут, саватда картошка олиб чиқишади, улардан бири омборхонадан бир халта ун кўтариб чиқади. Бошқа биттаси уйдан пиёз ташийди.

Кампир сигир атрофида уймалашган аскарга жонжаҳди билан ёпишади. У эса кампирни силтаб ташлайди. Оғайнилари машинанинг орқасини очишади. Нарвон тиркашади.

Чол неварасига суюниб, зинапояда турипти. Бола кучук жасадини қўлига кўтариб олган.

— Уларга тенглашма, ойиси, ҳаромхўрларга тенг-

лашма. Ҳали ҳаммаси учун ҳисоб беришади. Олганини олишсин...

— Партизан!—бўғилиб қичқиради офицер. У чолнинг ёнига келади.—Партизан?

Вакуленчук туйнук атрофидаги хас-хашакни нариберига суриб, автоматни ўрнатади, қўлига иккита граната олади.

...Офицер чолни зинапоядан итариб ташлайди, чолоёқда туришга уринади, аммо қоқиниб, йиқилади.

Офицер уни ердан қўзғаб, бақиради:

— Партизан!

— Бу ерда ҳеч қанақа партизан йўқ. Биз партизанларни билмаймиз!—сигирни қўйиб, ғудранганича чол ва Мишавой томон ошиқади кампир.

— Швайн!—қичқиради офицер ва қариянинг юзига тарсаки тортади.—Қаерда партизан?

Чол алам-адоватга тўлган кўйда ожиз кўзларини офицерга қадайди.

У эса тўппончасини олиб, Мишавойга ўқталади. Кампир болани бағрига босиб, уни қўллари билан ҳимоя қилишга чоғланади.

— Партизанлар қаердалигини мен сенга айтаман! Партизанлар мана бу ерда!—дейди чол баланд товушда қўли билан юрагига нуқтаб.—Биз барчамиз партизанлармиз! Кетинглар бизнинг тупроғимиздан! Қет, одамхўр ҳайвон! Йўқол!

Қария немиснинг башарасига қон аралаш тупуради. Офицер буни кутмаганидан бир нафас каловланади, сўнг ўқ узади. Кампир чолнинг бир ҳовучгина суякдан иборат бўлиб қолган гавдасини суяб, уни ерга ётқизади.

Вакуленчук туйнук оғзидағи ойнани оёғи билан тепиб синдириганча, сигирни машинага юклайтган немислар томон граната улоқтиради... Портлаш рўй беради... Иккинчи граната ҳавога учади... Яна портлаш... Вакуленчук камаридан учинчи гранатани олади, аммо унга энди эҳтиёж йўқ.

Фақат икки киши — офицер ва бир немис аскари ерда қонли из қолдириб машина томон интилади. Офицер тўппончадан яна ўқ узади.. Кампир ўз гавдаси билан болани тўсиб, ерга қулайди.

Вакуленчук автоматдан ўт очади, туйнукдан томга сирғалиб, пастга сакраганча, кампирнинг ёнига келади. Кампир ўлиб ётипти.

Мишавой остонада ётганича, ўнг қўли билан чап елкасини ғижимлаб, қўрқувга тўлган кўзларини мичманга тикади.

— Тирикмисан?

— А — ха,— дейди Мишавой ҳамон Вакуленчукка тикилиб. Боланинг кўзларида баёnsиз даҳшат муҳрланган.

Вакуленчук атрофга кўз югуртиб, арқондан чойшабни олади, чол-кампир жасади устига уни тортади. Немислар ўлигига бирма-бир яқинлашиб, иккита автоматни ердан кўтаради, тўппончани камарига қистиради.

Вакуленчук билан Мишавой ҳовлидан узоқлашиб, ўрмонга кириб боришади.

— Чарчамадингми? — сўрайди мичман.

— Йўқ, амакижон.

— Сал туриб иккимиз дам олишга ўтирамиз, ўшанда тамадди ҳам қиламиз, бўлтими?

— Майли, амакижон.

Вакуленчук болага далда бергиси келади:

— Қани олдинга ўт, азамат, баракалла.

Ўрмон бағридаги йўлда Млинский бошчилигидаги саф илдам суринмоқда. Гувиллаган самолётлар товуши эшитилади.

Майор осмонга безовталаниб қарайди.

Вакуленчук билан Мишавой қуюқ ўрмонзорга кириб, ирмоқлардан кечганча, тепаликка кўтарилишади ва ингичка сўқмоқ йўлдан юриб, унча катта бўлма-

ган сайҳонга чиқишади. Қуёш энди ғарбга оққан. Унинг нурлари дараҳтларнинг фақат уч-учларида ялтирамоқда... Сайхондан ўтиб, улар яна ўрмон қаърига сингишади...

Орқа томондан, қайсиdir бутазорлар орасидан кескин товуш эшитилади:

— Тўхта! Қўлингни кўтар!

Вакуленчук тўхтайди. Уларга икки киши яқинлашади. Булар сержант Бондаренко ва кекса аскар Иванов.

— Сени қараю!—дейди Иванов.— Афтингдан денгизчига ўхшайсан. Шундайми? Хўп, бу бола билан ўрмонада нега сайр қилиб юрипсан? Адашиб қолганинг йўқми, ҳайтовур?

— Бу атрофда, ҳар қалай, денгиз бўлмаса керак,— кулади Бондаренко.

— Қўлимни тушираверсам бўладими?—дейди жаҳли чиқиб Вакуленчук.

— Хап тур,— дейди Бондаренко.

И в а н о в .— Семён, тинтиб кўр уни.

Бондаренко орқадан эҳтиёткорлик билан Вакуленчукнинг ёнига келиб, унинг елкаларидағи автоматларни, камаридаги немис тўппончасини олиб қўяди, бутун устини пайпаслайди. Ниҳоят, унинг чўнтағидаги «ТТ» тўппончаси ва гранатани ҳам олади.

— Мановини қара, қойил!— дейди Бондаренко.— Энди қўлингни туширавер!

— Хўп, денгизчи, бу сен ўзи қаёққа сафар қилаётгандинг, отам?—сўрайди Иванов дўстона оҳангда.

— Аммамнинг уйига...— дейди Вакуленчук.

— Э, демак, йўлимиз бир экан...—илжаяди Бондаренко.— Қани, юр!

Вакуленчук энгашганча, қўнжидан пичоқ чиқариб, сержантга узатади.

— Ma, ушла, мишиқи!

— Ни-ма?— сўрайди Бондаренко.

— Эшитганинг. Юр, юравер.

— Бўпти, гапни қисқа қил,—денгизчини елкасидан туртади Иванов ва Мишавойнинг бошини меҳрибон си-лайди.—Сен қўрқма, болам... Олдинга тушавер...

Бола рўй берган воқеадан калакаси учиб, йиғлаво-рай деб турипти.

Вакуленчук.—Ке, Мишавой, кетдик.

Ўрмон оралигидаги ялангликда капитан Серёгин ас-карлар чеккан саф бўйлаб одимлаганча, ҳаммани рўй-хатдан ўтказмоқда.

Ўрмон этагидаги дараҳтлар соясида, снаряддан бўша-ган қути устида бизнинг майоримиз турипти. Унинг ол-дидда харита ёзиғлиқ.

Бондаренко, Иванов, Вакуленчук ва Мишавойлар шу-ерга келишади. Вакуленчукка кўзи тушиб, Млинский сў-райди:

— Бу ерда денгизчи қаёқдан пайдо бўлди?

— Денгизчи пиёда аскарлар взводи артиллерия пол-кини муҳофаза қилаётгандик. Мен ҳозир ҳалок бўлган командир ўрнини эгаллаб турипман. Уч кундан буён армия билан алоқа ўрнатолмаяпмиз. Иккита алоқачини жўнатдим, қайтиб келишмади... Ўзим шуғулланишга мажбур бўлдим. Мичман Вакуленчук,— шундай ахбо-рот беради денгизчи.

— Взводингиз қаерда, мичман?

— Бу ердан унча узоқда эмас, ўртоқ майор, ҳимоя чизифида туришипти.

— Болани қаердан топиб олдингиз?— қизиқсинади майор.

— Ўрмонда иккি оёқли ҳайвонларга тўқнашиб қол-дим, ўртоқ майор. Боланинг бобоси билан бувисини ўл-диришди. Уни пинжимга олишимга тўғри келди.

Млинский Зинани ёнига чақириб, болага мурожаат қиласади:

— Салом, болакай, сенинг исми шарифинг нима?

— Миша Турченко.

Млинский Зинадан янги жангчи — Михаил Турченкони ўз қаноти остига олишини сўрайди.

Зина болани қучганича, дейди:

— Есть, ўртоқ майор, у менга ёрдамчи бўлади. Қани, Мишавой, юр мен билан.

Вакуленчук.— Сен Зина холанг билан қоласан, Мишавой, унга қулоқ ос, бўптими? Хўп, соғ бўл. Мен яқин орада қайтиб келаман.

Зина Мишавой билан кетишади.

Иккинчى взводга сафга тизилишга буйруқ берилади.

Млинский харита ёнига қайтиб келади. Бондаренко ва Иванов майорнинг қўли харита устида қандай суриниб, белгилар қўяётганини кузатишмоқда...

— Гап бундай...—дейди у белги тортиб.—Демак, катта йўлда бўлдингларми?

Бондаренко.—Худди шундай, ўртоқ майор.

Иванов.—У ерда немис танклари қатнаяпти.

— Чапдаги кичик йўлда-чи?

Бондаренко.—Машиналарда пиёда аскар ташишяпти...

— Темир йўлни кесиб ўтмадингларми?

Бондаренко.—Йўқ, ўтиш мумкин бўлган ҳамма жойга соқчи қўйилган.

Иванов.—Арава билан айланиб ўтишнинг ҳам иложи йўқ, ботқоқлик бор.

Майор харитага қалам билан қалин чизиқ тортади:

— Бутун шарт-шароит тушунарлимис?

Вакуленчук.—Унчалик эмас, ўртоқ майор.

Млинский.—Мен, отрядингиз билан бизга қўшилинг, демоқчиман, ўртоқ мичман. Бирга жанг қиласиз. (У дарё устидаги кўприкдан ўтган темир йўлни харитада белгилаб қўяди. Қўл ишораси билан Вакуленчукдан

харитага яқинроқ келишини сўрайди.) Харитага тишингиз ўтадими?

— Оз-моз.

— Мана бу нима?

— Ботқоқлик...

— Ботқоқлик. Манови ҳам ботқоқлик. Биз учун мана бу кечувдан бўлак йўл йўқ, энди тушунгандирсиз? Демак, эртага кечаси роппа-роса соат учда сиз бир томондан, биз иккинчи томондан душманни сиқувга оламиз. Маъқулми?

— Худди шундай, ўртоқ майор. Эртага кечикда манглай уриштирамиз.

Млинский.—Баракалла. Сизга алоқачи бўлиб разведкачилардан Бондаренко ва Ивановлар, сизнинг ошналарингиз боришади. Тушунарлимис?

— Тушунарли, ўртоқ майор.

Млинский ҳорғин жилмайиб, Ивановга юзланади:

— Яхши жанг қилаётганингиздан хурсандман, Пётр Сергеевич, ниҳоятда хурсандман.

Иванов, Бондаренко ҳамда Вакуленчуклар кетишиди. Улар ўртасида ўзаро суҳбат бошланади. Бондаренко Ивановга савол ташлайди:

— Сен майор билан таниш экансан-ку?

— Ҳа, танишмиз.

Бондаренко Ивановдан кўзини узмай, андак қитмирлик билан сўрайди:

— Ҳамشاҳар эмасмисизлар?

Иванов бу саволга шошмасдан жавоб қайтаради:

— У қишлоғимизда муаллимлик қиласарди, мактабда директор эди.

— У нега сенинг қандай урушаётганингни гапиряпти?—суҳбатга аралашди Вакуленчук.

— Урушдан олдин бир иш рўй берганди, ўн йилни бўйинга олиб, қамалиб кетишумга оз қолганди.

— Шунақа дегин? Нега энди?—қизиқсинади денгизчи.

— Совет ҳокимиятига қарши, колхоз омборига ўт қўймоқчи бўлган, деб туҳмат қилишганди менга. Биттаси бор эди, ифлос.

— Падарига лаънат! — оғир хўрсинади Вакуленчук.

— Бизнинг майоримиз Млинский Иван Петрович ўша пайтда район НКВД бошлиғи бўлиб ишга ўтиб қолди, бизнинг масаламизни унга топширишди.

— У нима қилди? — бир йўла сўрашди Бондаренко билан Вакуленчук.

— У? У ҳақиқат тикланишига ёрдам берди.

Вакуленчук кетаётган йўлида тўхтаб, Бондаренкога юзланади:

— Етар энди, бу ёқقا бер менинг қурол-яроғимни.

Бондаренко денгизчидан олган қурол-яроғни унга қайтиб беради. Вакуленчук қўлидаги немис автоматини Бондаренкога бериб, дейди:

— Ол, сенга эсадалик!

— Раҳмат. Лекин сен ўзинг мишиқисан!

Млинский кетаётган группага буйруқ бериб бўлгач, ёнига келган сиёсий бўлим бошлиғи Алиевни ўрнидан туриб қаршилайди. Алиев йиртиқ-сиртиқ, айримлари куийб битган, айримлари қон билан ювилган бир даста қизил аскарларга тегишли гувоҳномаларни қўлида тутиб турипти.

— Нима бўлди, алоқа ўрнатилдими? — сўрайди сиёсий бўлим бошлиғи.

— Йўқ! Дивизия билан ҳам, корпус билан ҳам боғланолмаяпмиз, — дейди майор.

— Қандай воқеа рўй берди экан?

— Менимча, Ҳасан, улар биз билан жангга вақтни ҳам, кучни ҳам сарфлаб ўтирумай, шунчаки бизни четлаб, олдинга ўтиб кетишганга ўхшашади. Уларнинг танклари биздан ўттиз чақирим илгарига суринишган бўлса ажабмас...

Млинский отряди темир йўлни кесиб ўтадиган нуқта яқинидаги ўрмонликда биқиниб ётипти. Тепаликдан Бондаренко ва Иванов қирғоқлари буталар билан қопланган энсизгина дарё устидаги кўприкни кузатишмоқда. Кўприк остидаги ер буталардан тозаланиб, зенит майдончаси ҳозирланган. Кўприк устида соқчилар, кўпприкнинг олдида — пулемётлар, мотоцикллар. Темир йўлдан кечиб ўтиладиган нуқта худди шу ерда жойлашган. Сўқмоқ йўл қуюқ қарағайзор ўрмонга бориб тақалади.

Ўрмондан эшелон ўрмалаб чиқиб, кўприк томон йўналади. Вагонлар усти очиқ. Аскарлар оёқларини осилтириб ўтиришганича, сибизгада куй чалиб, баралла ашула айтиб боришияти.

— Денгизчилар қаёқда қолишли?—дейди пичирлаб Бондаренко, соатига кўз ташлаб.—Манглай уриштириш шунаقا экан-да.

Поезд шовқини авжига мина бошлайди. Платформаларда немис ҳарбий техникаси: танклар, замбараклар. Лекин туйқусдан гранаталар портлаб, пулемётлар сайрайди, милтиқлар ўт чақнатади.

Кўприкда урён-сурён. Немис аскарлари зенит пулемётларидан буталарга қараб ўқ ёғдиришади. Зенит замбараги томоқ қиради.

Гранаталар муҳофаза майдонларини ларзага келтиради. Вагонларда ўтирган немислардан кимлардир тўғри жаҳаннамга равона бўлиб, кимлардир дарё томон қоча бошлашади. Аммо кўп ўтмай, булар ҳам ер тишиб, тил тортмай қолишиади. Кўприк остидан тўп-тўп бўлиб юргулганча юқорига интилган денгиз флоти формасидаги йигитлар кўлкаси қорайиб кўринади. Бу орада паравоз ва дастлабки вагонлар кўприкка етиб келади.

— Мана улар! Денгизчилар!—шовқин-суронни босгиси келгандек қичқириб, хитоб қиласи Бондаренко.—

Хўш? Биз ҳам насибадан қуруқ қоладиган аҳмоқ бўлмасак керак? Қетдик!

Икки томондан аскарлар занжир тортиб кўприкка ёпирилишади. Уларни майор жангга бошламоқда. Одатдаги «ура!» садоларини ичга ютиб, босиқлик билан денгизчилар кўприк остидан граната итқитишади. Пастлика қараб юргурган немисларни ўқ-олов қаршилайди. Денгизчилар энди кўприк устунлари теграсида уймалашиб, нималар биландир банд бўлишади ва ниҳоят, улар кўприкдан чекинишади. Матрослардан бири бош киймини ҳавода силкийди. Кўприкда югураётган аскарлар бу ишорага тушуниб, дарҳол тўхтаганча, ерга чўзишишади. Денгизчиларнинг ўзлари ҳам ётиб олишади.

Кўприк портлайди. Оғир темир устунлар жарлик томон букилиб, банди-бандидан ажралган кўприк ўнгир четларини емирганча, пастга чўқади. Ҳарбий техника юклangan вагонлар ҳам ўнгирга думалайди...

Темир йўлнинг кечув нуқтасидан аскарлар югуришиб, аравалар ўта бошлайди. Йўлдан ўтиб олган отлар ўрмон бағрига сингишади. Аскарлар иккита тўпни ҳам ташиб ўтишади.

Кўкдан самолёт вағиллагани эши билади. Кимдир буйруқ беришга ошиқади:

— Эҳтиёт! Осмон!

Немис разведкачи самолёти «Шторъх» дарахтлар устида пайдо бўлади. У ўрмон узра пастлаб учмоқда. Унинг қанотларида муҳрланган хоч шакли аниқ-равшан кўриниб турипти.

Самолётда икки киши: учувчи ҳамда иккинчи кабинада немис армиясида генерал-полковник бўлган фон Хорн учиб боришаپти.

Самолёт қаноти остида — кўприкдаги жанг манзараси. Тўғрироғи, бу энди жанг ҳам эмас, кўпроқ ёнгинни эслатади; узилиб тушган кўприк, ёниб битаётган вагон-

лар кўзга ташланади. Ҳув, ана пастдан тимирскиланиб, самолётни нишонга олишяпти.

Учувчи ўз самолётини кескин четга буриб, бу ердан тез узоқлашади...

Млинский отряди йўл босишда давом этади. Фақат одамлар чеҳрасида энди хушнудлик аломатлари пайдо бўлган. Кўпларнинг қўлида ўлжага олинган қуроллар. Денгизчилар барча немис автоматлари билан қуролла-нишган. Ора-сира бўғиқ кулги эшитилади. Ярадорлар сафига янгилари қўшилишган. Аравалардан бирида Ми-шавой ўтирипти. Зина ярадор аскарнинг боши остига йўл-йўлакай сафар халтасини жойламоқда.

Бутун отряд саф чеккан. Ҳозиргина ҳаммани рўйхат-дан ўтказган капитан дона-дона қадам ташлайди. Бу — Серёгин. У ахборот беради:

— Жаъми составнинг сони олти юз уч киши. Оддий аскарлар сони беш юз саксон, ўрта ва қуий даражадаги командирлар сони йигирма уч кишини ташкил этади. Ўн беш киши соқчилик қилмоқдà. Ярадорлар бир юзу қирқ, улардан оғир ярадорлар — ўттиз саккиз киши. Тўрт юз ўн киши бизнинг дивизиямиздан, қолганлар турли қисм-лардан келиб қўшилишган... Капитан Серёгин.

— Раҳмат, капитан! — жавоб қайтаради Млинский.

Рота командирлари буйруқ беришади:

— Биринчи рота, смирно!

— Иккинчи рота, смирно!

— Учинчи рота, смирно!

Млинский одамлар юзига диққат билан тикилади... У сайҳон марказига йўналади. Чапдан ўнгга юз буриб турган саф олдидан ҳилпираган полк байроғини олиб ўтишади.

— Ўртоқлар! — аскарларга мурожаат қиласиди Млинский. Бу 41- ўқчи дивизияси 315- полкининг байроғидир. Мен, дивизия маҳсус бўлими бошлиги майор Млинский,

бошқалардан унвоним катта бўлгани учун ҳам, отряд қўмондонлигини қабул қилиб олдим. Сиёсий бўлим бошлиғи ўртоқ Алиев,—дейди у ёнида турган Алиевни кўрсатиб.— Штаб бошлиғи — капитан Серёгин,— Серёгинга ишора қиласи у.— Ўртоқлар! Биз қуршовдамиз. Чор атрофда фашистлар. Аммо биз она тупроқда турипмиз. Биз камарбаста Қизил Армия жангчиларимиз. Бизнинг қўлимизда қурол бор ва биз учун қуршов деган нарса йўқ ва бўлиши ҳам мумкин эмас. Мен сизларга осойишта ҳаёт, катта баҳту саодат ваъда қилмайман, биз факат ўз қўлимиз билан тақдиримизни яратиб, ғалабага эришишимиз лозим... Отряд! Смирно!—буюради Млинский.— Ўнг-га! Юзингни байроқ томон бур! Шагом марш!

Отряддаги аскарлар жанговар қадамлар билан байроқ олдидан саф чекиб ўтишади.

Араваларда ётган қўпчилик ярадорлар ҳам ўринларида қимирлаб қўйишади. Улардан бошини кўтара олган айримлари ўринларидан ярим қўзғалишиб, фавқулодда бу парадни томоша қилишади; кўзларда умид учқунланади.

Генерал фон Хорн штаби жойлашган ҳашаматли залга чўғдек гиламлар тўшалган. Залнинг ўртасидаги маҳсус столда қисмлар билан алоқа ўрнатишга мўлжалланган телефонлар. Улар ёнида — генералнинг адъютанти майор Крюгер. Сал берида оператив карталар ёзиб ташланган стол. Булардан бир четда нақшинкорлик қилиб ишланган, устига қалайи сиёҳдон ва шамдонлар қўйилган эски ёзув столи. Хона бурчагида бир парча мато билан ёпиб қўйилган, рассом дастгоҳини эслатган тахтакач.

Ташқаридан келган фон Хорн паришон кўйда ҳузурига оператив бўлим бошлиғи полковник Кемлени чақиришни буюради.

У тахтакачга яқинлашиб, матони сидиради. Олтин югуртиб ҳошияланган гўзал аёл тасвири кўринади.

- Бу нима? — сўрайди фон Хорн.
- Совға, жаноб генерал-полковник. Штандартенфюрер Вольфдан.
- Уни қараю, — иржаяди фон Хорн. — У бундан кўра биз эгаллаган ерларда осойишталикни таъминласа яхшироқ бўларди.

Полковник Кемпе киради.

- Жаноб полковник, бизнинг пинжимиздаги йўлларда душман бемалол иш олиб бораётганидан хабарингиз борми? Бугун менинг самолётим ўққа тутилиб, кўприк портлатилди...

— Жаноб қўмондон, бу қуршовда қолган майда-чуйда отрядлар...

— Униси мени қизиқтирмайди, — гапни кескин бўлади фон Хорн. — Мудофаа бошлиғи билан штандартенфюрер Вольфга айтинг: бу иш билан жиддий шуғуллашибсин... Ёдингизда бўлсин, Кемпе, партизанлик ҳаракати узоқ давом этиши мумкин...

Полковник Кемпе чиқиб кетади.

Фон Хорн стол ёнидан жой олади, адъютант унинг ёнига келади.

— Жаноб генерал-полковник, русларнинг руҳонийси сизнинг ҳузурингизга кирмоқчи бўлиб турипти.

— Унга нима керак экан?

— Шаҳардаги черковни очмоқчи эмиш.

— Очаверсин.

— У ерда армия омбори... Сиз буйруқ бермай туриб...

— Шаҳар комендантига мурожаат қилсан, — дейди фон Хорн асабий.

— У сизнинг қабул қилишингизни ўтиниб сўраяпти.

Генерал аёл тасвирига тикилади.

— Бўпти, кирсан!

Эшик оҳиста тиқиллайди ва кабинетда Павел ҳазрат пайдо бўлади. Унинг изидан адъютант Крюгер киради. Генерал адъютантга чиқиб туришни имо қиласди.

Бир муддат фон Хорн ва Павел ҳазрат нафас ютганча, бир-бирларига разм солишади. Генерал руҳонийнинг кўзларида ўзига нисбатан мутеълик ёки қўрқув ўйқлигидан алланечук инжиш ҳис этади.

— Мен сизни эшитаман, руҳоний падар,—дейди ниҳоят рус тилида фон Хорн.

— Жаноб генерал, сизнинг аскарларингиз черковни банд қилишган...

— Бу табиий ҳол, урущ боряпти...

— Мен ўз черковим қарамоғидаги кишилар номидан сизнинг ҳузурингизга келдим. Нотинч замон юракларга шубҳа ва ноумидлик уруфини сепяпти. Руҳи ожизлар, ноумидларга мадад бўлмоқ черковнинг вазифасидир, сиздан бизнинг черковимиз ўз ақидаларига муносиб иш олиб боришига рухсат беришингизни қаттиқ сўрайман.

— Черковни очаверинг, мен айтиб қўяман,—дейди генерал.

— Сиздан ниҳоятда миннатдорман.—Павел ҳазрат бош эгади.—Сиз христианга мос иш тутдингиз...

— Менга қаранг, руҳоний падар...—Бир дақиқа гапиришга иккилангандек сукутга чўмади фон Хорн.—Менга очиғини айтинг... Сиз дунё кўрган одамсиз... Ўзи нима бўляпти? Биз сизларни большевиклар зулмидан озод қилгани келдик, лекин шунга қарамай, бизни бирон ерда аҳоли очиқ юз билан қаршилаб, қўллаб-қувватламаяпти. Бунинг боиси нимада? Қўрқманг. Менга бор ҳақиқатни айтинг.

— Биргина одам қандоқ қилиб бутун ҳақиқатни айтила оларди?

— Майли. Сизнинг ўз фикрингизни эшитайлик.

— Уруш бизнинг бошимизга кулфат, сарсон-саргардонлик олиб келди... Минглаб кишилар қурбон бўлиш-

ялти... Бизнинг уйларимизни қайғу ва кўзёшлар чулға-ялти... Барига худо шоҳид...

— Азалдан худо ғолибларга ёр,—унинг сўзини бў-лади фон Хорн.

— Инсонлар ўртасида меҳру шафқат, жаноб гене-рал, барча динлардаги биринчи ақида...

— Итоаткорлик — мағлуб халқ учун асосий ақида бўлмоғи лозим...

Кўм-кўк, тиниқ ирмоқ бўйида ўн тўрт ёшлардаги ўс-мир ювинашти. Унинг соясида ўрмон оғушидаги бир не-ча уйдан иборат қишлоқ кўзга ташланади. Қишлоқ ўр-тасидаги бошқалардан каттароқ, олди пешайвонли уйда ўрмон хўжалиги идораси жойлашган.

Қишлоққа Млинский отряди жангчилари яқинлаши-шади. Уларни югуриб чиққан аёллар қаршилашади. Аёллар шодон жаврашади:

— Жигарбандларимиз келишди!

— Марҳамат, азизлар, марҳамат!

— Мана бу ёққа, ўғлим, бу ёққа юр.— Улар ярадор-ларнинг уйга киришларига кўмаклашишади.

Аскарлар мамнун кулишади, қудуқ ёнида туриб, юванишади.

Млинский, Алиев ва Серёгин. Буларнинг юзи ҳорғин, гимнастёркалари чанг. Роса мадорлари қочиб, ҳолдан тойишгани кўриниб турипти.

Млинский билан Алиевнинг ёнига Матвей бобо келиб, гоҳ у, гоҳ бу командирга кўз тикканича саломлашади ва ниҳоят сўрайди:

— Ораларингда ким каттакон? Матросларми ёки бизнинг қадрдан пиёдаларми, мен ҳозирча бу ерда ҳеч нарсага тушуммай турипман.

— Сизга қайси соҳалар бўйича каттакон керак?— жилмайиб сўрайди Млинский.

— Аскарий қисмлар бўйича... Мен ўзим шахсан ик-

кита урушни қуритганман, герман уруши билан гражданлар...

— Ундаи бўлса, келинг танишайлик. Майор Млинский.

— Матвей Егорич, қоровул,—қомат тиклайди бобо.—Хўп, ҳамма йигитлар жангга кетишгани боисидан, бу ердаги каттакон мен ўзимман. Мурожаат қилишга рухсат беринг, ўртоқ командир: немислар босиб келишгани сабабли, ёғоч заводи ишдан тўхтаган... Бошқа жойларда осойишталик.

— Немислар бу ерда бўлишдими, Матвей Егорович?

— Бўлишгани йўқ. Йўл оғир. Автомобил юролмайди. Ёмғир қўйса, тракторни ҳам лойдан зўрға суғуриб оласан... Лекин аэроплан Москвага кечаю кундуз учиб турипти.

— Москвага учаётганини сиз қаёқдан билдингиз?

— Э, ҳар гал учишганидан кейин, эрталаб радиодан Москвани ўққа тутишганини хабар қиласяпти.

— Радио?— қизиқсиниб сўрайди Млинский.

— Фақат кеча кечқурун гапирмай қўйди: движок ишламаяпти. Бўлмаса, Московни мунтазам эшитаётгандик.

Млинский билан Алиев кўз уриштиришади.

— Урушнинг бориши тўғрисида маълумот-чи? Бирон маълумот эшитганларинг йўқми?—сўрайди Алиев.

— Эшитганда қандоқ? Мен неварам Алёша билан картага байроқчалар қўндириб қўйганмиз...—гапида давом этади бобо.—Кўришларинг мумкин. Қайси шаҳарлар қўлдан кетган, қайсилари учун жанг боряпти,—у ерда ҳаммаси белгиланган...

Уларнинг ёнгинасидан ярадорларни ташиётган жангчилар ўтишади. Майиб-мажруҳларни қўлбола замбилларга юклашади. Зина ҳам шу ерда. У жангчилардан оғир ярадорларга эҳтиёт бўлишларини сўрайди.

Ўрмон хўжалиги идораси. Директор кабинети. Ёзув столи, курсилар, китоб жовони. Стол орқасидаги деворда

Ленин портрети. Бошқа бир деворда катта СССР харитаси. Стол устида телефон.

Мичман Вакуленчук, лейтенант Петренкогача ҳамма шу ерда. Кўпчилик енгил яраланган. Чекишяпти. Стол орқасида — президиум қабилида, майор Млинский, капитан Серёгин ва сиёсий бўлим бошлиғи Алиевлар ўтиришипти. Деярли барча фронт чизиги белгиланган картани кўздан кечиришяпти. Босик, фикр алмashiшяпти:

- Жа, кўп ерни босиб олишипти, лаънатилар...
 - Бўлиши мумкин эмас...
 - Сен картани қўйиб, атрофга қара...
- Майор Млинский ўрнидан қўзгалади.
- Жим, ўртоқлар! Ҳамма тўпландими?
 - Ҳамма.

Млинский дейди:

— Ўртоқ командирлар, фронт шарққа томон суриниб, биздан анча узоқлашгани муқаррар. Энди фронтгача масофа юз километрдан ҳам ортиқроқ. Бунинг устига, биз Ҳаракатдаги армия билан ҳозирча алоқа ҳам ўрнатолганимиз йўқ. Демак, бизнинг душман билан бевосита юзма-юз келишимиз аниқ, аммо бунинг учун эса бизда ўқ-дори етарли эмас.

Командирлар ва жангчилар диққат билан қулоқ тутишади. Млинский гапни давом эттиради:

— Озиқ-овқат масаласи чатоқ. Бизнинг эркин ҳаракат қилишимизга араваларда ярадорлар борлиги халал беради, немислар эса бугун бўлмаса, эртага ўрмонни тинтишга тушишлари мумкин. Лекин биз душманни чалғитишимиз керак. Биз Шарққа йўналгандек бўлиб, аслида Қора ўрмон чакалакзорларида беркина оламиз. Немис балчиқдан қўрқади. Мана, кўриб турибизлар, шароит оғир, аммо умидсизланишга асос йўқ. Мен сизларнинг бу ерда бир қатор муҳим мулоҳазалар билдирагнингиздан мамнунман... Бугун бизнинг отрядимиз бўлинмас Қизил Армия тимсолидир. У бор экан, биз қат-

ра қонимиз қолгунича Ватан олдидаги бурчимизни ўташга мажбурмиз... Ҳозир, ўртоқ командирлар, жангчиларга бўйнимизга юкланган вазифани албатта тушунтириш лозим. Имкониятларимиз қандайлигини яширишнинг ҳожати йўқ.

— Тўғри! — хитоблар янграйди.— Тўғри!

— Биз барчамиз Ватан, халқ олдида содиқ бўлишга қасамёд қилганмиз. Шу оғир кунларда бу қасамёдни унутмаслигимиз керак, ўртоқлар,—дейди Алиев.

— Унутмаймиз! — дейишади йигитлар.

Зина бошчилигидаги аёллар чаққонлик билан ярадорларнинг жароҳатини танфиётган ўрмон хўжалиги идорасидаги катта хонада Матвей бобо ҳам бор.

Аскарлар ўзаро ундан-бундан гурунглашиб ўтиришипти; бири гитара чертиб, қўшиқ хиргойи қиляпти, бошқаси ёнидагиларга уч ака-ука фронтга жўнаб, уйда ойилари ёлғиз қолгани тўғрисида гапириб беряпти.

Матвей бобо чойшаб ва ёстиқ жилдларидан узун тасма қирққанича, ярадорлардан бирига юзланади:

— Ҳай, болам, бу сени касофатлар қандоқ қилиб, бунақсанги бежашди-а?

— Ким билсин, ўзимча жанг қилаётгандим...

— Жангдаям устамонлик керак... Душманни сол, лекигин ўзингни секин чеккага ол!

— Э, гапиришга осон, бобо... Сен уларда танкнинг ўзи қанча эканини биласанми?

— Танк, дейсанми? Қизиқ экансан, танк жониворинг ҳам ичиди одам бор. Демак, унгаям жон ширин. Қўрқиш эмас, уларни қийратиш лозим!

— Уларда куч катта, бобо,—гапга аралашади бошқа бир аскар.

— Нима қипти! Биласанми, биз герман уруши пайти — биринчи жаҳон муҳорабаси йиллари, уларнинг қанақсанги додини берганимиз. Шунақсанги орқасига туширганимизки, қочишга жой тополмай қолган.

— Биздан ҳам,— дейди иккинчи аскар,—фашистлар пайтавасига қурт тushiб, қочишган пайтлари кўп бўлди. Худди нозик жойига куйдирги чиққандек...

Чўзилиб ётган ярадорлар жилмайшади.

— Куйдирги чиқариш бунақа бўлмайди,—тиржайиб, тўнғиллади гапдан қаноат ҳосил қилмаган бобо.— Куйдирги жонни суфуриши лозим! Токи, душман бир қочганча, қочсин. Берлингача.

— Жангнинг кифтини келтирди бобо,—кулишади ярадорлар.

Матвей бобо елкасида немис автомати осиглиқ ярадор томон қўл чўзади.

— Бу қурғур нима экан? Мен урушган пайтлarda бунақаси йўқ эди... Менга у билан муомала қилишни ўргат!

— Ҳе. Ўргат, эмиш! Автомат — ўйинчоқ эмас... Сен, бобо, бу ёғи офтобда қорнингни силаб ётсанг, ўзи кифоя!

— Офтобда ётиш мумкин, албатта... Мен бунга жондилдан қўшиламан!.. Аммо-лекигин сенга ўхшаган битта-яримта фрицлардан войдод деб турганда, тинч ётиш қийин!.. Ўргат, бу менга зое кетмайди, сенга ўхшаб...

Ярадорлар мириқиб кулишади.

— Тилинг тил эмас, устара экан-ку, бобо. Яна нақ бўғизга қадашингни қараю!

— Бўйти, сенга тан, бобо,—дейди автомат таққан ярадор.—Фақат тамаки билан сийлайсанми?

— Жоним билан!

Ярадор автоматни бобога беради.

Матвей бобонинг кулбаси, Млинский, Алиев, Серёгинлар ўтиришилти. Матвей бобонинг кампири Анастасия идиш-товоқ ювмоқда. Мишавой печка устида ётипти. Командирлар музокара қилишаётир.

Серёгин.— Биз фақат бир ҳолда — рўпарадан

бизга ёрдам бўлган тақдирдагина, фронт чизигини ёриб ўтишимиз мумкин.

Алиев.—У томонда бизни кутишса, албатта, ёрдам қилишади.

Млинский.—Алоқа ўрнатиш керак. Қимни бунга жўнатсак бўлади?

Серёгин.—Мен икки кишини мўлжаллаб турипман.

Алиев.—Кимлар?

Серёгин.—Жангчилар Бондаренко билан Иванов: Бондаренко танкни портлатиб, жангда ўзини кўрсатди, ўқтам йигит, яқин атрофни, айниқса ўрмонни яхши билади, шароитга қараб иш тута олади. Иванов ёши каттароқ, мулоҳазали. Мен уни уруш бошланган кунлардан биламан, тажрибали разведкачи. Иккиси ҳам ишончли йигитлар.

Алиев.—Бу сиз гапириб берган бояги Иванов эмасми ҳар қалай, Иван Петрович?

Серёгин.—Шубҳаланяпсанми, комиссар?

Алиев.—Вазифа ниҳоятда масъулиятли.

Млинский.—Ивановни мен биламан. Унга бир марта ишониб, адашмаганман. Уларни менинг ҳузуримга юбор. Йўл олдидан суҳбатлашиш керак. Ҳар эҳтимолга қарши яна икки киши тайёрла.

Кечки палла. Зина қудуқдан челякка сув тортияти. Петренко келиб қолади.

— Ке, ёрдамлашворай, Зиночка.—У челяк кўтариб, ўрмон хўжалиги идораси томон йўналади.— Қара, кунмисан, кун, а? Кечаси бундоқ чиқиб айланмаймизми?

— Менда айланишга вақт қаёқда?—кулади Зина.

— Уруш ўз йўлига, ҳаёт бари бир ҳаёт, Зиночка,— гапни давом эттиради Петренко.— Балки айланармиз?

— Йўқ, лейтенант,— дейди Зина энди жиддий.— Вақтим йўқ. Бўлмайди ҳам.

Улар ҳар хил товушлар ва ярадорларнинг инқиллаши эштилаётган уйга яқинлашишади.

— Сен дилбар қизсан, Зина! Мен фақат сенга ачинаман.

— Менга ачинишнинг нима ҳожати бор? Мана, ярадорларга ачиниш керак... Уларга қандай қўмаклашишни билмайман. Мен доктор бўлмасам!

— «Ярадорлар», «ярадорлар»... Сен ўзингни ўйла.— Улар биргаликда ичкарига киришади.

— Буларни асли шу ерда қолдираверган маъқул, ўзимиз билан ўрмонда ташиб юрсак — ишнинг расвоси чиқади. Тўрт томондан сиқувга олишса, барибир араваларни ташлаб қочишимизга тўғри келади... Буларнинг барини қўлда ташишинг қийин...— дейди Петренко.

Зина унга қўрқув аралаш ҳолатда тикилади ва гапирма, деган мазмунда имо қиласди.

Улар ўрмон хўжалиги идорасидаги директор кабинетида ўтиришипти. Очиқ эшикдан йўлак ва катта хона кўзга ташланади. Хонада ярадорлардан кимдир тўшакда ётиб, кимдир дағал стол ённдан, кимдир шунчаки ердан жой олган.

Зина: — Жим. Немислар келиб қолишиша, нима бўлади?

— Бугун нечта киши кўмилди? — сўрайди Петренко.

— Мени қийнаб нима қиласан?.. Мана, бугун тўрт кишини ишга яроқли деб ёзиб бердик... Үзлари шуни илтимос қилишди... ҳолбуки, бундай сал мадорга киришгани йўқ.

Сукунатда телефон кескин жиринглайди. Зина ва Петренко нафасларини ичга ютишади. Дам ўтмай, яна жиринглаш эштилилади. Зина телефонга томон йўналади. Петренко уни қўлидан тутиб, курсига ўтқазади.

— Сен нима, эсингни едингми? Бу немислар-ку.

— Улар бўлмаса-чи?

Петренко Зинага, сўнг аппаратга тикилади. Телефон

янгидан жириングлайди. Петренко дадилланиб, трубкани кўтаради. Трубкадан бузилган рус тилидаги товуш эши-тилади:

— Алло! Алло! Бу штаб комендант?.. Алло, алло!
Петренко ўзига ўхшамаган бўғиқ товушда дейди:
— Эшитаман!

Трубкадаги киши дейди:

— Бу ҳарбий комендантур? Қим бор аппарат ёнида?
— Қоровул!

Трубкадаги киши дейди:

— Үрис золдат бор? Үрис золдат бор?... Алло!

Шундан сўнг немис тилида айтилган бир неча ка-
лима қулоққа чалинади.

Зина Петренкога яқинлашади. Петренко унга кўз-
қири билан қарайди ва трубкани ўрнига илади.

— Ҳеч ким йўқ, дейиш керак эди!
— Кетиш керак!..
— Млинскийнинг ёнига югур! Уни огоҳлантири!

— Млинскийни бошимга ураманми? Барибир бу ер-
дан ҳамма кетолмайди. Биз улар билан жанг қила
олармидик?— У Зинага томон энгашади.— Зина, икки-
миз кета қолайлик, а? Бизга бирон бошпана топилар...

— Сен нима деяпсан? Сен нималар деяпсан ўзи?
Тезроқ майорнинг ёнига югур!

Телефон яна жириングлайди. Петренко аппаратга ҳур-
кибгина қарайди. У Зинага пичирлаб дейди:

— Иўқ бўлиб кетасан, Зинка, иккимиз эса қутили-
шимиз мумкин... Мен сени қутқараман! Қўлга тушсак,
баҳона топишни менга қўяверасан! Гимнастёркалари-
мизни ечиб ташлаймиз. Биз эр-хотинмиз, деймиз. Хўш?
Тезроқ ҳал қил, бўлмаса кеч бўлади.— У қизнинг қў-
лини тутади.

Зина Петренкога қадалади.

— Эҳ, лейтенант, сен нақадар пасткаш экансан!

Петренко зўр билан Зинанинг оғзини беркитади.
Зина уни зарб билан силтаб ташлайди. Идиш ерга ту-

шиб, чил-чил сингани эштилади. Хонага қўлтиқтаёққа суянган ярадор аскар шошиб киради. Унинг изидан яна ярадорлардан икки киши келади. Ичкарига кирганлардан бири остоонада турганича дейди:

— Яхши эмас, лейтенант! Уят! Сен нега бизнинг сингилчамизга озор етказяпсан?

— Э, йўқ, оғайнилар, унчалик эмас,— жилмайишга уринади Петренко,— биз ҳазиллашяпмиз...

— Мен сенга ҳазилни кўрсатаман,— дейди бошқа ярадор жаҳл билан Петренкога ҳамла қилиб.

Петренко мушт тушириб, ярадорни ерга қулатади. У стол томон сапчиб, столда ётган, ўлжага олинган автоматни чангллаганича, ярадорга ўқталади: «Яқинлашма!» У затворни шиқиллатади. Петренконинг юзида тўнг жаҳолат. У дераза томон чекинганича, жангчиларнинг ҳарбир хатти-ҳаракатини кузатиб боради. Деразага яқинлашгач, уларга автоматни яна қаратади.

Зина ярадорларни ўз гавдаси билан тўсади.

— Тегма, ифлос!

Петренко қайрилмасдан, милтиқ қўндоғи билан деразани уриб синдиради.

— Сен ҳам шулар билан бирга қўшмозор бўл, тентак!— қичқиради у ва деразадан сакраб, ўрмон томон югуради.

Пастда турган поғбон уни кўриб, нидо беради:

— Тўхта! Ким у?

Петренко автоматдан унга ўқ узади.

Аскар йигит иҳраб, жони узилганча, ерга' қулайди.

Матвей бобо кулбасидаги дастурхонда зағора нонлар. Анастасия уларни печдан олиб, столга қўймоқда. Шипга осилган еттинчи лампа хира милтирайди. Тун. Мишавой ҳам шу ерда, печка устида бошини солинтириб ухляяпти.

Млинский, Алиев ва Серёгинлар стол ёнида ўтириб, тамадди қилишга чоғланишяпти.

Эшик қўйқисдан катта очилиб, оstonада Матвей бо-
бо билан Зина пайдо бўлишади; Зина ичкарига кирибоқ
ёндарга сұннади.

— Нима бўлди? — сўрайди Млинский қизга пешвоз
чиқиб.

— Петренко,— нафаси бўғзига тиқилиб, пичирлайди
қиз,— менга бирга кетишни таклиф қилди, кейин қочди!..

— У германликни бошлаб келиши мумкин,— дейди
Матвей бобо,— ушлаш керак.

Петренко қўрққанидан қалтираб, қоронги ўрмонда
қочиб бормоқда. Ёмғир ва шох-шаббалар унинг юзига
урилади. У йиқилади, ўрнидан туриб атрофга оч бўри-
дек аланглаганча, яна илдам суринади, кўл ва тўқайдан
ўтиб, бутазорга етади.

— Тўхта! Ким у? — қоронғилик бағридан эшитилади
немис овози.

Петренконинг қаршисига икки немис аскари отилиб
чиқади. Булардан бири уни бўғзидан тутиб, қичқиради:
«Рус швайн!» Сўнг кескин, кучли зарба билан уни ўзи-
дан нарига улоқтиради ва автоматни унга ўқтаб, ўқдон-
га ўқ жойлай бошлайди. Петренко ерга қуролини таш-
лайди. Даҳшат босганидан, унинг рангидан қон қочади.
У ўлдиришлари мумкинлигидан эс-хуши оғиб, телбалан-
ган кўйда немислар олдида ялтоқланиб, жон-жаҳ-
ди билан, титраб-қақшаганча, ўзини оқлашга уринади:

— Керак эмас! Керак эмас! Керак э... э... Мен ўзим!
Мен ўзим! Их бин фройнд! Мен... Мен дўстман. Керак
эмас!

Немис уни нағалли этиги билан тепади.

Матвей бобо кулбасида — Млинский ва Алиев. Улар
дастурхонга қўл чўзишгани йўқ. Фақат Матвей бобо
тишсиз лунжини шишириб, ниманидир кавшаяпти.

Анастасия печь ёнида уймалашади. Ҳамманинг кўзи
эшикда... Мишавой ухляяпти.

Эшик очилади. Ичкарига ҳорғин, усти бошлари ивиган Серёгин билан мичман Вакуленчук кириб келишади. Ҳамма уларга тикилади. Мичман қўйидаги автоматни қўйиб, бошидаги гирди-фум шапкасини тўғрилаганча, норизо оҳангда ғудранади:

— Кетди, лаънати...

— Мен ўйлагандим-а шу Петренко тўғрисида,—хўрсиниб дейди Серёгин,— муттаҳамлигини пайқагандим, лекин хоинлик қилиши...

Млинский Вакуленчукка соқчилар сонини икки ҳисса кўпайтиришни буюради.

— Қанақа она туққан экан бунаقا номардни,—бошини чайқайди Алиев.— Энди бу ерни тарк этиш керак.

— Сизлар менсиз Қора ўрмон балчиқларидан ўтолмайсизлар,— дейди Матвей бобо.— Мени бирга олволинглар, кунларингга ярайман.

— Биз энди Қора ўрмонга боролмаймиз, Матвей Егорович,— дейди унга Млинский.

— Бу ердан йигирма чақиримча нарида,— ўйчан сўзланади яна Матвей бобо,— ўрмон ичиди қўналға бор эди... Геологлар урушгача нималардир қидиришганди, ўша ерда учта вайронга қолган... Одам бормайдиган жой...

— У қайси томонда, Матвей Егорович?— қизиқсинади Серёгин.

— Мен ўзим бошлаб борамац. Яқин... У ерда ётибтуриш мумкин, бунинг устига, мева-чева дегандек емиш ҳам топилади, инчунин...

— Сизникилар биз билан бирга боришадими?— сўрайди Серёгин.

— Уларга нима бор?— дейди Матвей бобо.— Улар аскарларга халал беришади холос. Душман бу ерда ҳар қалай хотин-халаж, бола-чақа билан жанг қилиб юрмаса керак.

— От-улов билан борса бўладими? — сўрайди Млинский.

— Бўлади,— дейди босиқ, ишончли оҳангда Матвей бобо.—Бу ерда Алёшкани қолдирдик. Самолётдан одамлар беркиниб жон сақлашади, бирон кор-ҳол рўй берган тақдирда, бола бизга хабар қиласди. У бу атрофдаги сўқмоқ йўлларни билади. Сиз ҳам манави болакайни шу ерда қолдирасиз, унинг ҳам тўқай — ботқоқликларда судралишига ҳожат йўқ,— дейди бобо Мишавойга кўз ташлаб.

— Демак, масала аниқ, икки соатдан кейин йўлга тушамиз,— гапга якун ясайди Млинский.

Отряд йўлга тайёрланади. Ярадорларни араваларга ётқизишади. Мишавой уларга човгунида сув ичиради. Зина унга мурожаат қиласди:

— Бўпти, энди, Мишавой. Кўришгунча. Биз тез орада қайтиб келамиз.

Аскар йигитлардан бири болани нари олиб кетади. Қишлоқни тарқ этаётганларни аёллар кузатишмоқда. Улар обидийда қилишади. Млинский уларга юракдан, меҳрибон сўзланади:

— Опа-сингиллар, раҳмат сизларга.

Қишлоқ аёллари ўз навбатида майорга миннатдорчилик билдиришади. Улардан бири кўз ёшини артаётуб, дейди:

— Шунаقا ҳам дабдурустдан кетар экан-да?

Млинский ҳимоясиз аёллар, болаларни қолдириб кетишга тўғри келганидан юрагини кемираётган аламни ичига ютиб, кўзларидан ҳамон ёш оқаётган аёлга таскин беради:

— Қайғурма, она, йиғлама. Биз албатта қайтиб келамиз.

Аёллар тинмай жаврашади:

— Бағримиздан узилаётган жигарларимиз!

— Нима бўляпти ўзи, худойим, нималар бўляпти!

Кулбадан Матвей бобо чиқади.

Анастасия унга мурожаат қиласди:

— Мен сизларга ул-бул йиғиб қўйдим. Чойшаб эмас, Матвей Егорич, бунга ҳар хил пайтава, иссиқ пайпоқларни ўраганман.

Матвей бобо неварасига кўзи тушиб, дейди:

— Алёшка, сен бу ерда қолаётган йигитсан. Мабодо зарурат туғилса, мен қаердалигимни биласан.

— Тушундим,— дейди бола атрофдагиларга мағурур кўз ташлаб.

Матвей бобо хотини билан хайрлашади. Хотини унга кўнглидагини айтади:

— Ўзингни эҳтиёт қил, Матвей Егорич.

— Бўпти, менинг Анастасиям.— У бошқа аёлларга юзланади:— Хўп, мұхтарамалар, хуш қолинглар.

Ҳамма бир овоздан дейди:

— Соғ бориб, омон қайтинглар... Оқ йўл сизларга. Млинский отряди уфққа сингади.

Олдинги мактаб биносидаги синф хоналаридан бири гестапо кабинетига айланган. Катталаштирилган район харитаси осиғлиқ тахта олдидағи стол орқасида қора кийган гестапо офицери Шмидт ўтирипти. Ундан ёшроқ бошқа офицер — Вилли дераза олдида турипти. Буларнинг рўпарасидаги курсидан белида камари йўқ, кирланган гимнастёркадаги юзида қулларча итоаткорлик акс этган Петренко жой олган.

— Мен оддий аскарман, жаноб офицер... Биринчи марта қуршовдан чиққанимда.. Минск остоналарида... Ўзимни лейтенант деб эълон қилдим... Мен шунақада асирга тушишим осонроқ бўлади, деб ўйладим. Қейин қандайдир полковник менинг башанглигимга қараб, мени рота командирлигига қўйди...

— Қанақа топшириқ билан шаҳарга кетаётгандингиз?— жиддий қиёфада сўрайди Шмидт.

— Мен ўзим шунчаки... Ўз ихтиёrim билан сизлар

томонга ўтдим!.. Менда ҳеч қанақа топшириқ йўқ! Менинг Совет ҳукуматига шахсий адоватим бор! Улар отамни қулоқ қилиб юборишган! Бизни хонавайрон қилишган!..

— Сиз буни айтдингиз,— унинг гапини бўлади Шмидт.— Бундан ташқари, сиз, майор Млинский отряди ўрмондаги қишлоқда турипти, деб ҳам айтдингиз. Тур ўрнингдан!

Петренко щошиб ўрнидан сапчийди.

— Разведка қишлоқда биронта ҳам ҳарбий қисм ўйқлигини аниқлади! Қора ўрмонда ҳам унақа қисм йўқ.

— Мен кетганимда, улар ўша ерда эди... Фронт чизифига қараб жўнашган бўлса керак...

— Сиз уларнинг фронт чизифига қараб, йўл олишганига ўзингиз ишонасизми?

Петренко Шмидтга тикилганча, анқаяди.

— Бошқа қаёққа ҳам кетишарди? Шарққа, ўз одамлари ёнига боришмоқчи эди!

— Сиз бизни алдаяпсиз, Петренко!— дейди жаҳли чиқиб Шмидт.

— Мен ўзим асирга тушдим ахир, ўз ихтиёrim билан.

— Мен сизни ишда синааб кўраман.

— Раҳмат, раҳмат,— пичирлайди Петренко.

— Жиндек шубҳа туғилса бас, тўғри дорга остираман.

— Мен сизнинг ишончингизни оқлайман, жаноб офицер.

— Ҳозирча кетишингиз мумкин.

— Хўп бўлади!— Петренко эшикка йўналади, аммо оstonага етиб, тўхтайди. Орқага ўгирилади.— Кечирасиз, мен бир гапни эсладим, жаноб офицер.

— Нима экан у?

— Мен бир гапни эсладим. Майор Млинский Смоленскда туғилиб-ўсган... Урушгача оиласи билан ўша ерда яшаган... Қайси жойида экани эсимда йўқ... Ҳо-

зир у ерда бизнинг аскарларимиз... Сиз, унинг оиласи бирон ёққа қочишга улгурмаган бўлса, қидириб қўлга олишингиз қийин эмас...

— Сен уларнинг қайси жойда эканини эсла,— дейди Вилли.

— Мен эслайман, мен албатта эслайман...

— Жўна!

Петренко орқаси билан тисарилиб, чиқиб кетади. Вилли тиржаяди.

— Бу қўрқоқ сизга афтидан ёққанга ўхшайди.

— Ҳа, ёди,— тан олади Шмидт.— У ҳозирча полицияда терговчи бўлиб ишлаб турсин. Қўли рус қони билан тоза ювилганидан сўнг, бизнинг этигимизни ялашдан бўлак иложи қолмайди...

— Мен нима ҳам дердим, тўғри,— бошини силкӣди Вилли.— Лекин манави Млинскийнинг оиласини қўлга киритсайдик...

Млинский отряди лагери — янги жойда. Кузги реза ёмғир ҳадеганда тинмасдан, тинканни қуритмоқда. Давр ўтиши билан ранг-туси ўзгариб, қорая бошлаган бир неча ёғоч кулбалар ва узун, вақтида эътибор бериб тикланган қўргон ўрмон пинжида жойлашган. Сайҳонда иш қизғин. Аскарлар хандақ қазишиб, дзот учун ёғоч йўнишяпти. Айримлар кулбалар ва қўргон томини арча шоҳ-шаббалари билан ёпишмоқда. Сал нарироқда отлар учун оғил тикланаётир.

Млинский лагерни айланади. У қўргон ва кулбалар қандай инқобланганини кўздан кечиради. У паст бўйли питирак лейтенант раҳбарлигида минани ерга қандай кўмишни машқ қилишаётган аскарлар ёнига келади. Бир-бирига ёндош қўйилган икки тахта бўлаги шартли равишда темир йўл вазифасини ўтамоқда. Бошқа гурӯҳ аскарлар немис автоматлари тузилишини ўрганишяпти.

Майор лагерни айланаётиб, рота командирига душман суқилиб кириши мумкин бўлган ерларни, айниқса, пухта миналаштириш тўғрисида буйруқ беради. У аскарлардан бирига юзланиб, траншеянинг ўпирлиб тушиши эҳтимолга яқин бўлган четларини яхшироқ шибалаш кераклигини уқтиради.

Рота командири кузатиш майдонидан чор атроф кўзга ташлансан учун, баландроқ тепалик тиклашни буюради.

Кўздан пинҳон қилинган биноларга ярадорларни ташибади. Бу ерда Зина жонбозлик кўрсатмоқда.

— Яна озгина чидагин, озгина, ҳозир,— дейди у ярадорга ва ёнидаги аскарга мурожаат қилади:— Тезроқ опкир ичкарига.

Дзот тиклашаётган бошқа бир гуруҳ аскарлар ёнида турган Алиев улардан бирига дейди:

— Артёмов, менга қара. Бу ерда ишни тугатганинг заҳоти отхона томон ўтасизлар, тушундингми?

Млинский улар ёнига келади.

— Ҳасан Алиевич, сенинг ишларинг қалай? Эрталабгача тугатасанми?

— Тугатсак керак.

Майор ҳамма ғайрат кўрсатиши, шошилиш зарурлигини эслатади. Серёгин келиб, унга ахборот беради:

— Ўтиш мумкин бўлган ерлар миналаштирилди, ўртоқ майор.

— Ҳаммани огоҳлантири, эҳтиёт бўлишсин... Посбонлар учун жой ҳозирландими?

— Бўляпти, Иван Петрович! Йигитлар бир неча кунлик разведкадан қайтиб келишди, партизанларни топишомламти... Немислар ўрмонни, ўрмондаги қишлоқнинг шарқ томонидаги ерларни бомбардимон қилишганини айтишяпти...

— Қачон?

— Бундан уч кун бурун.

— Бу Петренко,— дейди Млинский.

— Ҳа, ўша кўрсатган ҳунар бу,— қўшиб қўяди сиёсий бўлим бошлиғи.

— Ундан бошқа ким бўларди,— чуқур хўрсинади Серёгин.

Рота командири Хват уларга яқинлашади.

— Үртоқ капитан!— Серёгинга мурожаат қилади у.— Рухсат беринг, иккинчи ротадан бир взвод менинг ихтиёримга ўтсин. Улар ўз ишларини тугатиши, биз бўлсан ҳали, ўҳ-ҳў, қанча ерни қазишимиз керак!

— Артёмов билан келишгин,— дейди унга Серёгин.

— У билан келишиб бўпсан! У буйруқсиз гапга қулоқ қоқмайди.

— Хўп, майли,— жилмаяди Серёгин,— мени буюрди, дегин!

Хват қўлинни бош кийими айвончасига тегизиб, нари кетади.

Млинский Серёгинга кўрсатма беради:

— Гап бундок, капитан; сен Матвей бобо ҳамда разведкачилар билан ҳозироқ ўрмондаги қишлоққа қараб жўна. У ерда одамларга бизнинг ёрдамимиз керак бўлиши мумкин.

— Есть, ўртоқ майор!

Куйган хода устида Алёша тошдек қотиб ўтирипти. Мишавой унинг рўпарасида чўкка тушган.

— Алёша, менга қара, Алёша!— илтижо қилади Мишавой.— Юр энди... Улар яна қайтиб келишлари мумкин, Алёша...— У атрофга мунгли кўз ташлайди.— Алёша!.. Юр энди!..

Ўрмондаги қишлоқ ўрнида бир ҳовуч кул қолган. Бинолар эмас, фақат мўрилар қорайиб турипти. Шамол атрофга кул совурмоқда.

Болакайлар ёнига секинлик билан Матвей бобо, Серёгин, бир неча аскар йигитлар келишади.

Матвей бобо куйиб кул бўлган қишлоққа яқинлаш-

ган ўир неча дақиқа орасида ранги ўзгариб, худди кўмирга айланади.

Мишавой келганларга пешвоз югуради. Серёгин уни қўлига кўтариб, бағрига босади. Болакай йиғлаб юборади.

Матвей бобо Алёшанинг қаршисига келиб тўхтайди.

— Биз Мишавой билан ўрмонга кетгандик... қайтиб келсак, ҳаммаёқ ёняпти. Ҳеч ким йўқ. Қидирдик...

— Бизниkilар қаёққа кетишипти? — сўрайди довдинраб бобо.

— Анави ерда!

Матвей бобо Алёша имо қылган томонга қарайди, аммо устидаги тахталари куйган қудуқдан бўлак нарсани кўрмайди.

— Анави ерда! — дейди яна Алёша.

Матвей бобо қудуқ томон тикилади.

— Сен бундоқ тушунарли қилиб гапир! Соқов бўлиб қолдингми ёки, нима бало? — дейди бўғилиб бобо.

Серёгин унинг елкасига кафтини қўяди. Аммо чол ўзини қўлга олиши қийин:

— Кани улар?

Алёша бобосининг юз-кўзига қарамасдан, ўрнидан қўзгалади ва қудуқ томон йўналади. Матвей бобо, Серёгин ва аскарлар унга эргашишади. Қудуққа икки қадам қолганида, Алёша тўхтайди. Матвей бобо унга, Серёгинга, аскарларга қарайди. Серёгин қудуққа яқинлашади. Аммо қудуққа қараб-қарамасдан, титроқ босиб, орқага тисирлади.

— Э, сизларга нима бўлган ўзи! — жон-фиғони чиқиб дейди бобо. У қудуқ томон бормоқчи бўлади, бироқ Серёгин унинг қўлинин тутади. Серёгин қалтираб, лаблари алланечук қийшади.

Матвей бобо юлқиниб, қудуқ оғзига боради ва қудуққа энкайганча тикилиб, эс-ҳуши оғади. У бошини кўтариб, Серёгинга қарайди; уларнинг кўзлари тўқнашади. Бир дунё изтироб, даҳшат бобонинг кўзларида.

У нимагадир суюммоқчидек, қўллари билан пайпясла-
нади. Серёгин уни орқадан қучади. Нарига етаклаб, хо-
дага ўтқазади. Ҳамма Матвей бобони қуршайди.

Б о б о.— Бу нима деған гап ахир... аёллар, ёш бола-
ларни-я...

— Матвей Егорович! Оғир бўл... ўзингни қўлга ол,—
деди оҳиста Серёгин,— биз ҳаммаси учун қасос ола-
миз... ҳаммаси учун... Қонга қон, жонга жон билан қа-
сос оламиз...

Геологлар кулбаси. Торгина хонада отряд штаби
аъзолари — Млинский, Серёгин, Алиевлар йигилишган.

Алиев Млинскийга юзланади:

— Разведкачиларимиз Иванов ва Бондаренкодан
дарак йўқ.

— Балки, ҳалок бўлишгандир,— ташвишланади Се-
рёгин.

— Мен Бондаренко ва Иванов сингари йигитлар-
нинг вазифасини бажармай туриб, ҳалок бўлишла-
рига ишонгим қелмайди. Ундай бўлиши мумкин эмас,—
деди Млинский.

Тун. Бондаренко билан Иванов фронт чизиғининг
олдинги нуқтаси бўйлаб илдам суринишмоқда. Қеч куз
кунлари; дараҳтлардаги япроқлар тўкилиб, узоқ давом
этган аёз аралаш ёғингарчиликдан кейин, қуруқ изфи-
рин эса бошлаган йилнинг ноҳуш пайти.

Улар совқотиб, оч-наҳор қолган, тинкалари қури-
ган бир ҳолатда энсизгина дарёнинг қоқ ўртасида бир
тутам бутазор кўзга ташланган балчиқли соҳилга етиб
келишади. Бу ерда хандақлар ўпирилиб, иккита тепалик
орасида қирғоққа тушадиган ингичка сўқмоқ йўл ҳо-
сил бўлган. Худда шу ерда, ўнг ва чап тарафдаги те-
паликларда немислар истеҳком қуришган.

Дарёнинг зулмат қоплаган нариги қирғоғида аҳён-
аҳён ёритувчи ракеталар порлаб, оҳиста сўниб тушмоқ-

да. Разведкачилар дарё соҳилига туташ сўқмоқ бошида, эманзорда ерга чўзилишади.

— Мана шу ердан ўтамиз,— пицирлаб дейди Бондаренко. Иванов бошини силкитади.

— Немисвойлар ҳадемай уйқуга кетишади, Семён. Бугун ёзи қайси кун?

— Йсо пайғамбар ҳисоби бўйичами?— илжайиб сўрайди Бондаренко.

— Млинский ҳисоби бўйича,— дейди Иванов.

— Бугун ўн саккизинчи ўмбалоқ ошиб келди... Иккى суткадан буён олдинги жабҳада ўрмалаяпмиз...

— Шунақа бўлди,— хўрсинади Иванов.— Белгилangan муддат ўтиб кетди... Иван Петрович биз ҳақда нималар деб ўйлаётган бўлса? Индамайсан, Семён?

— Биз нима ҳам қила олардик? Икки юз чақиримча йўл орқамиздан ит бўлиб ҳуришди. Фронт ҳам анча узоққа бориб қолган экан.— Москва ҳозир пинжимизда.

— Бизни, ҳалок бўлишган, деб ўйласа майлийди...— гапни давом эттиради Иванов,— лекин бошқа хаёлга борса... Мен ўлишга ҳақим йўқ, Семён!

— Ўтамиз!— шивирлайди Бондаренко.

— Тинчиб қолиши шекилли! Овқатланишган бўлса керак фрицлар,— фикр билдиради Иванов.

— Ке, биз ҳам тамадди қилиб оламиз,— таклиф кирилади Бондаренко.

— Қолган-қутганними?— сўрайди Иванов.

— Қолган-қутганни!— илжаяди Бондаренко.— Йўлга мадор бўлади...

Иванов чўнтағидан қотган нон чиқариб, уни пичноқ дастаси билан синдиради. Ярим бўлагини Бондаренко-га узатади. Қўлидаги ушоқларни кафтига йигади.

— Дори-дармон!— жилмаяди у.

Ярқ этган ракета шуъласи уларнинг озгин, соқол қоплаган юзини ёритади... Атрофни яна қоронгилик қоплайди...

— Тайёрмисан?— сўрайди Бондаренко.

— Тайёр!

— Қетдик!

Ерга бағрини бериб, Иванов оҳиста қирғоқ томон суринади. У тепаликни ёилаб, түқайзорга етиб олади... Бондаренко ҳам олдинга ўрмалайди.. Ракета шуъласи балчиққа айланган бир кесим қирғоқни ёритади... Қаердадир олисда пулемёт сайрайди...

Яна бир ёритувчи ракета чақнайди; у ерга тушаётиб, ўзининг сўник шуъласи билан немислар истеҳкомини ёритади. Бондаренко бошини орқага ўгириб, тепаликдаги хандақда қорайиб турган пулемётга кўзи тушади. Немис каскаси ярақлаб кўринади.

Иванов Бондаренкога юзланиб, пиҷирлайди:

— Икков ўтишимиз қийин! Қани, бўл!.. Мен уларни chalғитиб тураман!

Бондаренко қўйнидан индамай Млинскийнинг хатини граната билан қўшиб чиқаради.

— Ма,— дейди у, гранатани узатганча.— Сен бор! Бор! Боравер — Иванов эътиroz билдиromoқчи бўлаётганини кўриб, кескин оҳангда дейди:— Бу буйруқ. Бажар!— сўнг беозор қўшиб қўяди:— Бор, Петро, сенинг ўлишга ҳақинг йўқ...

Иванов чуқур хўрсиниб, бутазор томон оҳиста сурина бошлайди.

Бондаренко бир дам сукут сақлагач, орқага бурилиб, қайтиб эманзорга томон эмаклайди... У энг чаккадаги эман дарахти ёнида тўхтайди. Ундан ўнг ва сўл тарафга душман пулемётлари жойлашган. У бўйнидан автоматни суфуриб, қўлига иккита граната олганича, қоронғилик бағрига тикилади. Зулмат-зимистон... Жимлик...

Тепаликда бехос пулемёт сайрайди. Баланд-пастликлар оралаб ўт чақнайди. Чап тарафдаги пулемёт бутазорга ўт очади... Бирдан порлаган икки ракета дарёнинг бутун қўйқа соҳилини ёритади... Иванов кўзга чалинади... Унинг теграсига ўқ ёмғир бўлиб ёғаётир...

Бондаренко кескин бурилиб, бутазорни нишонга ола-ётган пулемёт томон граната улоқтиради... Портлаш рўй беради... Бондаренконинг устига бир ҳовуч нам тупроқ сочилади... У оёққа қалқиб, бошқа пулемётга иккинчи гранатани улоқтиради... Бондаренко яқингина ерда портлаган гранатадан чатнаган олов, ўз устига ташланаётган немис аскарини кўради. У шуларни кўрганча, секин тупроққа бош қўяди.

Геологлар кулбаси. Штаб хонасида — Млинский, майор Алиев ҳам шу ерда. Толиққан, тупроққа, лойга беланган Вакуленчук қотган нонни қисирлатиб, човгундан мириқканча қайноқ сув ичмоқда.

Майор картани очади.

— Хўш... Бу сенинг тахминингми ёки билиб гапиряпсанми, мичман? — сўрайди майор.

— Тахминга бало борми... Роппа-роса икки кун кўкракни намга бериб ётдим. Ёнилғи сақланган армия омбори...

Вакуленчук бир неча кунлик разведка пайтида у бошчилик қилган гурӯҳ немис омборларини қандай аниқлаганини гапириб беради.

Млинский картани Вакуленчук томон суриб, қизиқ-синганча сўрайди:

— Қаерда сен айтган омбор, кўрсат.

— Мана бу ерда, Подсвят районида.

Серёгин. (картага қараб, ҳисоб-китоб қилганча):— Биздан юз километрча масофада экан. Қамида учта ҳимоя чизигидан ўтишга тўғри келади.

Мичман.— Ўрмон томондан бориш мумкин. Лекин манави ердаги тепаликларда пулемёт ўрнатилган.

Серёгин.— Нечта?

— Бешта. Жа эҳтиёткорлик билан иш тутганда, сим тўсиқнинг ёнигача борса бўлади.

Млинский уни диққат билан тинглаб, картага тикилганча, сўрайди:

— Сойга қуюлган мана бу дарё томонда-чи?
— Дзотлар ўрнатилган. Бу томон анча мустаҳкам.

Алиев:— Соқчилар кўп қўйилганми?

— Бир ротадан кам эмас. Бронетранспортёрлар ҳам бор.

Млинский.— У ерда киши қолдирилдими?

— Худди шундай!

Отряд командири бир нафас ўйланиб, жангчи дўстларини кузатганча, дейди:

— Хўш, қалай? Томоша кўрсатамизми?

Генерал Ермолаев штаби.

Карта ёнида — узун бўйли оқсоқ ҳарбий. Унинг жуссасига нисбатан кенгроқ гимнастёркаси ёқаларига иккитадан ромба тикилган. Бу — фронт Ҳарбий советининг аъзоси, дивизия комисари Садовников. Тўгарак стол теграсида Ҳарбий совет аъзолари ўтиришилти.

— Уртоқлар,— дейди Садовников,— Москва қамал ҳолатида турилти. Партия барча москваликларни шаҳарни ҳимоя қилишга чақирмоқда. Шароит ниҳоятда оғир. Фронтдан разведкачиларнинг хабар қилишларича, бизнинг армиямиз истеҳком чизигига фон Хорн кучли танк ҳужуми билан ёриб кирмоқчи... Бундай вазиятда фронт штаби, душман орқасида, у эгаллаган бутун йўлларда разведка ва қўпорувчилик фаолиятини жонлантириш, бунга айрича эътибор бериш зарур, деб ҳисоблайди.

Биз учун аввало фон Хорн қачон, қайси йўналишда ҳужум қилмоқчи эканини аниқлаб олиш муҳим... Биз ҳужумга ўтгунимизча, унинг режасини бузиб, аскарларини тўхтатиб туриш чорасини топиш керак. Бунинг учун қуршовда қолиб кетган, фон Хорн армияси орқасидаги турлича ҳарбий қисмлардан фойдаланиш лозим... Тез фурсатда алоқа ўрнатиб, уларга — Фронт чизигини ёриб ўтиш эмас, ўзлари ўрин топган жойлар-

да душманга ичдан зарба бериб, алоқа воситаларини емириш вазифасини юклаш мақсадга мувофиқ.

Армия қўмондони генерал Ермолаев ўрнидан қўзғолади.

— Тўғри, бу иш кенг йўлга қўйилган тақдирда, душман орқа томонини қўлдан бой бермаслик учун қўшимча қисмлардан фойдаланишга мажбур бўлиб қолади... ҳаттоқи, фронтдаги аскарни қисқартиши ҳам мумкин. Хўш, разведка бошлиғи полковник Куликов қандай фикрда?

— Фон Хорн армиясининг орқа томонига бир неча разведкачи группаларни юборганмиз. Шаҳарининг шарқ тарафидаги ўрмонликда, фон Хорн штаби яқинида майор Млинский отряди ҳам бор...

Садовников.— Қим у, майор Млинский?

Куликов.— 41-нчи ўқчи дивизия Махсус бўлими бошлиғи, улар август ойидан буён Смоленск остоналаридан қуршовни ёриб чиқиш учун жанг олиб боришяпти.

Садовников.— Унинг отряди қанча кишидан ташкил топган?

Куликов.— У юборган алоқачи-жангчи фронт чизигидан ўтиб, бизга хабар олиб келди. Бир ой бурун олти юздан кўпроқ киши бўлган. Лекин бошқа қисмлардан мунтазам одам қўшилиб туриши муқаррар, демак отряд янга кенгайиб боряпти, дейиш мумкин... Бизнинг қўлимиздаги маълумотларга қараганда, отряд душманга қарши жангни давом эттиряпти.

Садовников.— Улар билан алоқа ўрнатилдими?

Куликов.— Биз яширин обкомдан алоқа ўрнатишни сўраганмиз. Самолёт орқали радиист туширишини мўлжаллаяпмиз.

Садовников.— Майор Млинский отрядига алоҳида аҳамият бериш лозим. Бу жуда муҳим.

Куликов.— Фон Хорн штабида бизнинг ўз киши миз бор. Ҳозирги кунда капитан Афанасьев бошчили-

гидаги разведкачилар ёрдамида у билан алоқа боғлаялмиз.

Садовников.— Майор Млинский отряди билан алоқа ўрнатишни кечиктирманг, ўртоқ полковник.

Дашт бағридаги йўл. Матвей бобо ўн-сўлга ортиқча қарамасдан, катта-катта одимлаб боряпти. Пичан ғаррами орқасидан бир неча немис ва полициячи Охрим Шмиль югуриб чиқишиади. Улар Матвей бобонинг йўлини тўсишиади. Бобо қўл кўтаради.

Автомат тутган немис чолни нишонга олганича, унга яқинлашади ва унинг қўлидаги халтани юлқиб, қичқиради:

— Партизан?!

— Менинг ҳунарим бошқа...— имо-ишора билан гап тушунтира бошлайди Матвей бобо.— Мен дурадгорман! Струг!

— Қўлида ҳақиқатан дурадгорлик асбоблари бор экан,— дейди Охрим Шмиль халтани титкилаётib.

Буғдойзордан фельдфебель чиқиб келади. У бобога синчков тикилади. Полициячи халта ичидан тугун олади. Тугунда бир кесим ёғ, силлиқ тараашланган фляга, бир парча нон, пиёз бор.

— О-о! хитоб қиласди фельдфебель. У флягага ёпишиб, қулоғи остида уни силкитиб кўради.— Нима бу?— сўрайди қизиқиб.

— Унга нима солиб олгансан?— сўрайди полициячи, флягани кўрсатиб.

— Қўлбола ичимлик. Самогон,— дейди бобо.

Шмилъ.— Шнапс.

— Шнапс! Гут!— жонланади фельдфебель. У идишнинг оғзини очиб, ҳидлайди, роҳатланади. Аскарларга кўз қисиб қўяди. Дарҳол қаердандир ихчамгина стакан пайдо бўлади.

Фельдфебель ичимликни чайқаб, стаканга қуяди ва Матвей бобога узатади.

— Ич!

Бобо стакани қўлнига олади, чўқинади.

— Худо умрга барака берсинг.

Матвей бобо ичиб олиб, оғзига бир тишлам ёғ ташлаш ниятида атрофга қарайди. Аммо бояги автомат тутган немис аллақачон ёғни олдига қўйиб, уни қиймалашга тушган. Фельдфебель стакани лиммолим тўлдиради. Сўнг бир кўтаришда отиб, яйраганидан қунишганча, ёғ билан пиёз тишлайди. Дам ўтмай аскарлар флягадаги ичимликни қуритишади.

— Мени худо ҳақи қўйворинг, жаноб бошлиқ! — илтимос қилади Матвей бобо. — Мен шаҳарга боришим керак... азбаройи тирикчилик...

Полициячи фельдфебелга секин дейди:

— Қўйворинг уни, жаноб фельдфебель. Уни боши мизга урамизми? Ўзи бир оёғи гўрда...

Немис кулиб, қўлинни силтайди.

Полициячи бўш халтага асбобларни қайтариб солганича, бобога узатади.

— Кет, бобо! Лекин билиб қўй: мабодо бирон гап чиқса, ўзингдан кўраверасан...

— Ҳеч қанақа гап чиқмайди.— Матвей бобо бошидаги қулоқчинни ечиб, таъзим қилади ва йўлга равона бўлади.

Кўққисдан овоз беришади:

— Тўхта! Тўхта! Цурюк!

Матвей бобо тўхтайди. Унинг ёнига полициячи Шмиль югуриб келади.

— Болтани бу ёқса ол, бобо! Болта билан мумкин эмас.

— Мен болтасиз қандоқ дурадгор бўлдим?

— Гап битта: болта билан мумкин эмас. Кейин кетавер, худо хайрингни берсинг.

Матвей бобо болтани полициячига беради ва йўлга чиқиб, орқасига қарамай, жўнайди.

У кеч қоронғиси тушаётганда шаҳарга яқинлашади.

Қўлидаги ҳасса учи билан шаҳар этагидаги ҳовлилардан бирининг эшигини оҳиста қоқади.

Остонада уй эгаси, ёши қайтган, кўриниши оддий, афтидан анчайин осойишта киши жонланади. Бу — Захар, темир йўлда хизмат қилаётган собиқ деңгизчи.

— Матвей Егорич, ўзингмисан? Қандай шамол учирди?

— Ўзим келдим, дийдор кўришайлик, деб, нима қилганда ҳам қариндошлигимиз бор.

— Қани, марҳамат, азиз меҳмон.

Матвей бобо уйга киради. Захар ундан бемалол ечиниб ўтиришини сўрайди. Чол у ён-бу ёнга кўз тикиб, савол ташлайди:

— Сенинг Евдокиянг қаерда, болалар?

— Мен бир ўзимман. Улар эвакуация қилинган. Уй эгаси билан меҳмон ўтиришади.

Захар:— Анастасия хола қалай? Яхши юриптими?

— Менинг Анастасиям бандаликни бажо келтирди.

Тупроқда ётипти, раҳматли,— кўз ёшини артиб дейди Матвей бобо.

— Нима бўлди ўзи?

— Конхўр жаллодлар уни ўлдиришди.

— Қаерда?

— Үрмондаги қишлоқнинг ўзида... Барча аёллар, норасидаларни!.. Бир неварағинам Алёша қолган...— Матвей бобо сукутга чўмади. Қейин сўрайди:— Сен нега бир ўзинг қолдинг?

— Мен сафарда эдим,— дейди Захар.— Бизникларни шу пайтда эвакуация қилишган. Қайтиб келсам, ҳеч ким йўқ, бунинг устига, ҳа-ба, дегунча, немис бостириб келди... Вақтинча лангар ташлашга тўғри келиб қолди.

— Лангар ташладим, дегин,— ишончсиз оҳангда сўрайди Матвей бобо.

— Сен нима, менинг гапимга ишонмаяпсанми?

— Сен, Захар, ёлғонни дўндирима... Ўзинг агар менга ишонмаётган бўлсанг, ростини айт.

— Сен эса мени тафтиш қилма, тушундингми?..
Нега бу ёқларда сандирақлаб юрилсан?

— Анастасиямни сен билан хотирлагим келди!..

— Хотирлаш бўлса, мен қочмайман...

Захар чолга қараб қўйиб, индамай хонадан чиқиб кетади. У ярим шиша ароқ, бир боғлам пиёз кўтариб, ароқнинг оғзини очади.

— Хўш...— дейди Захар.— Анастасия холанинг руҳи шод бўлсин!

— Ке, олдин рус тупроғи фашистларнинг ифлос қадамидан пок бўлиши учун ичайлик!— Таклиф қилади Матвей бобо.— Кейин Анастасияга навбат!

— Топиб айтдинг... Фақат пастроқ гапир...

Матвей бобо Захар томон энкаяди.

— Менга қара, Захар, сен партизанлар тўғрисида ҳеч нарса эшитганинг йўқми?

Захар бобонинг кўзларига диққат билан тикилади.

— Ҳали шунақа гаплар ҳам бор, дегин, Матвей бобо, сен худонинг балоси экансан-ку. Хўп, масалан, ҳар хил гаплар юрипти... Поездлар ағдарилаётганмиш...

— Мана шу поездларни, Захарвой, биз ағдаряпмиз.

Захар қадаҳларга яна қуяди. У Матвей бобога шубҳаланган кўйда қарайди.

— Биз, деганинг ким ўзи? Сен бунақанги ишларга бир оз қариброқ қолган бўлсанг керак...

— Қариманми, йўқми, ҳар ҳолда, мен немис ботқоғига айримлардек лангар ташлаб ўтирумайман,— дейди бобо.

Захар кулади. Сўнг юзини бобонинг нақ соқолига теккузгудек унга яқинлашиб, оҳиста сўрайди:

— Хўш, биз, деганинг ким, Матвей бобо?

— Ке, энди яххиси Анастасияни хотирлайлик,— дейди бобо.

Захар ароқдан қуяди. Ичишади.

— Қизиқ,— бошини чайқайди Захар.— Ҳозир икки-

миз, Матвей бобо, бир қайиқда ўтириб, икки томонга эшкак тортаётганга ўхшаб қолдик...

— Сен, Захарвой, қайиқда тўғрироқ ўтириб,— дейди чол, ўшандаги эшкакни ҳам тўғри тортасан.

Захар кулади ва яна қадаҳларни тўлдиради.

Кўл. Тун.

Тўқайзор бағридан қайиқ ёриб чиқади. Қайиқда Матвей бобо билан Захар. Ўлар қирғоққа келиб тўхташади. Қайнқдан тушиб, ўрмон бағрига сингишади.

Партизанлар лагеридаги ёғоч уй.

...Лампа-чироқнинг хирагина нури омонат ясалган дағал стол устини ёритмоқда. Стол ёнида ўрта бўйли, озғин, аскар гимнастёркасида Николай Сергеевич ўтирипти. Радист ҳам шу ерда. Ичкарига Захар билан Матвей бобо кириб келишади.

— Салом алайкум, Матвей бобо,— дейди Николай Сергеевич. Хўш, сен нима иш билан келдинг?

Матвей бобо. Фира-шира ёруғликда ўзи билан гаплашаётган одамнинг афтини яхшироқ кўриб олиш учун, унга яқинлашади. Сўнг тиҳсиз оғзини очиб илжайганича, хитоб қиласди:

— Мен сизни танидим! Сиз горком секретари Николай Сергеевичиз! Бултур бизнинг ўрмон хўжалигимизни кўргани келгансиз!

— Танидинг, бобо, танидинг!— кулади Николай Сергеевич.— Хўш, қандай юмуш билан келдинг, Матвей Егорович?

— Мен сизга майор Млинскийнинг ёнидан келдим! Унинг отряди ўрмонда... Сизлар билан алоқа боғлашиб, германни бақамти дўппослашмоқчи!

Горком секретари Матвей бобога тикилиб қолади ва чолни елкаларидан қучганича, дейди:

— Раҳмат, Матвей Егорович! Биз сизларни аллақачондан бери қидиряпмиз! Сен бизга қанақа хурсандчи-

лик олиб келганингни ўзинг тасаввур ҳам қилолмайсан!..
Қандай муҳим ишни адо этганингни!

Ёнилғи сақланган омбор.

Атрофга тиканли сим тортилган. Минораларда пос-
бонлар. Орқа-томонда ярмигача ерга кўмилиб, ўраб —
чирмалган оғир цистерналар, буларда огоҳлантириш
мазмунидаги «Чекилмасин» деган немисча ёзув. Сал
нарида усти ниқобланган қандайдир қутилар бўртиб
турипти. Вакуленчук взводи омборга яқинлашади. Ден-
гизчи йигитлар йўл яқинидаги захкаш ёқасидан жой
олишади. Яқингина ердан немис соқчиларининг оёқ
шарпаси эшитилади...

Матрослар нафас ютиб, ўринларидан сапчишга ҳо-
зирланишади... Соқчиликни қабул қилишга кетаётган
аскарлар захкаш бўйига келишади... Йигитлар захкаш-
дан душман устига сапчишади... Олишув... Иҳрашлар...
Қўлдан тушиб кетган автоматларнинг шарақлаши... Ни-
ҳоят, осойишталик чўкади. Матрослар аскарларни йўл-
дан четга судрашади. Тезкорлик билан уларнинг эгни-
даги шинели, этиги ва каскасини суғириб олишади.

Вакуленчукнинг буйруғи билан бир неча матрослар
бу кийимларни кийиб олишади. Сўнг улар йўлда саф
чекишади. Мичман уларга юзланади:

— Лапашанглик қилма, Саша, тугмангни қадаб ол...
Сочингни тўғрила, Андрюша... э, сенлар бундоқ каска
кийишни биласанларми ўзи... фрицлар... Буйруқни қай-
тараман: энг муҳими, йигитлар, киравериш билан дзот
олдидаги соқчиларни бартараф қилиш. Минора бизни-
ки... Қани, Милованов, бошла... Ўнгга! Шагом марш!..
Каскани бостириб кийинглар, деяпман!.. Фрицлар!—
кулади у.

Матрослар саф чекканча, омборлар олдидағи дар-
возахонага келишади. Вакуленчук қўнфироқ тугмасини
босади. Соқчилар алмashiшини назорат қиладиган буд-
кадан бир аскар чиқади. У куйманиб, қулфни очади.

Эшикни суриб, уларга пешвоз йўналади... У кутилмаган зарбадан қулайди! Йигитлардан икки киши уни будкага судраб киришади...

Тун сукунатини кескин, асабий сирена товуши бузади. Пулемётлар аёвсиз томоқ қоқа бошлайди. Матрослар улар томон отилишади...

Олдинда Вакуленчук югуриб бормоқда. У бўйруқ беради:

— Қани, бўл! Минорага!.. Минорага!.. Полундра!

Минорадан ўт очишади. Мичман граната улоқтиради. Минора портлайди.

Дзот оғзида матрос йигитлардан бири бошини алланечук қийшайтириб ётипти... Немис каскаси унинг бошидан учиб, оёқ томонига думалаб тушган... Дзотга ўрнатилган пулемёт рўпарадаги ўрмонга тинмай ўқ саваламоқда.

Ўрмон ёқасидаги омонат хандақда Млинский ва Сеरёгин шиббаланган дўнгликка кўкрак бериб ётишипти. Ўқ қовоғаридек изиллаб, ерни тимдалаганча, атрофга тупроқ сочмоқда.

Пулемётлар нишонга олаётган нуқтани ўзгартиришганида, Млинский бошини кўтариб, фуражкасидаги тупроқни қоқиб ташлайди.

Сашка Полишчук дзот томон югуриб келади. У чаққонлик билан дзот оғзини мўлжаллаб, иккита граната улоқтиради. Портлаш рўй беради... Пулемёт сайрашдан тўхтайди...

Млинский бошчилигида қўпорувчилар взводи очиқ дарвозадан омбор томон югуряди.

Орқадан, қоровулхона тарафдан милтиқлар қарсиллаши, гранаталарнинг портлаб гумбирлаши қулоққа чалинади... Дараҳтлар орасидаги ялангликларда гулханлар ёнмоқда...

Жангчилар шошганча цистерналар остига дори кўмишади.

Серёгин аниқ, қисқа команда бермоқда.

Қўпорувчилар цистерналардан ўрмон томон сим тортишади.

Бир неча аскарлар ярадорларни ташишмоқда.

Млинский кўрсатма беради:

— Орқага қайтиш керак, Зина, тезроқ.

— Есть, ўртоқ майор!

Унга аскар йигитлардан бири мурожаат қиласди:

— Иккинчи рота чекиниб бўлди, ўртоқ майор, учкиши қурбон бердик, ярадорлар ўн икки киши.

Млинский атрофни кўздан кечириб, вазиятни аниқлаганча, команда беради:

— Базага қайтинглар!.. Зосимов!

— Лаббай!

— Комисsar Алиевнинг ёнига югур! Орқага қайтсин!

— Есть, ўртоқ майор!

Матрос бир йигит югуриб келиб, унга юзланади:

— Вакуленчук взводи чекиниб бўлди.

— Балли, денгизчилар, қойил,— дейди Млинский ва унинг ёнидан сим тортиб кетаётган аскарга тикилади.

— Сенинг ишларинг қалай?

— Ҳаммаси жойида, ўртоқ майор.

Майорнинг ёнига терлаб-пишган Серёгин келиб, унга мурожаат қиласди:

— Вазифа кўнгилдагидек бажарилди.

— Одамлар чекиниб бўлишдими?

— Худди шундай!

— Демак, портлатамиз.

— Менга буни топширинг, ўртоқ майор.

— Яхши, капитан.

Серёгин аппаратни қўлга олганича, «Бу ўрмондаги қишлоқчада ҳалок бўлганлар учун»,— деб тишлари орасидан пичирлаган кўйда, аппарат дастасини кескин бурайди.

Урмон узра худди ер-кўкни титратган гулдурак сингари садо янграйди. Цистерналар бирин-кетин ердан осмонга кўчади. Кўкка беқиёс аланга ўралмоқда. Саратон иссиғи уфуради... Портлашларга қўшилиб, дараҳтлар қарсиллаб синмоқда. Ҳаммаёқ ўт-оловга чўлғанган. Олов денгизи мавжланяпти... Урмонни дам сайин кучлироқ сурон қоплади. Даҳшатли, қиёмат-қойим фалаён орасида яккам-дуккам отилган милтиқ товушлари ҳам қулоққа чалинади.

Армия қисмлари қўмондони фон Хорн штаби.

Қабинетда телефон узлуксиз жириングлайди, аммо генерал бунга қулоқ қоққиси ҳам келмайди.

У қоматини ғоз тиклаб турган полковник Кемпе ва штандартенфюрер Вольфни ёнлаб, хонада нари-бери асабий одимламоқда.

— Жаноб қўмондон...— Нимадир дейишга шайланиб пичирлайди Кемпе.

— Сиз гапирманг!— унинг сўзини кескин бўлади генерал.— Мен сиздан авҳолни тушунтиришингизни талаб қиласман, штандартенфюрер Вольф! Бу нима деган гап ўзи? Менинча, сиз менинг қўлим остидаги ерларда хавфсизликни таъминлашингиз керак, шундай эмасми? Ким менга бутун партизанлар ҳаракати тўхтатилди, барча партизанлар йўқотилди, деб ҳисбот берганди? Сиздан сўраяпман, ким?

— Жаноб қўмондон,— дейди Вольф.— Бу қўпорувчиликни бир-икки киши эмас, ҳаракатдаги рус армиясининг катта отряди амалга оширган...

— Нима? Ҳали менинг қўлим остидаги ерларда рус армияси борми?— Бир нафас қотиб қолади фон Хорн.— Шунаقا армия бору мен билмайман дeng... Ана буниси ақл бовар қиласман қўлимиз остидаги ерларда ҳалок бўлишяпти!— баттар тувақади генерал.— Мен уларнинг хавфсизлигини таъминлаёлмаяпман...

— Биз жиддий чоралар кўрамиз, жаноб қўмондон,— ўзини оқлайди Вольф. Лекин мен ўзимдаги имконият билангина бу отрядни йўқотолмайман! Менга ҳеч бўлмаганда биронта полк беришингизни илтимос қиласман.

— Йўқ! Мен сизга ҳатточи биронта аскар ҳам бермайман, Вольф! Биронта аскар ҳам! Сиз нима, фюрер кўрсатган муддатда менинг Москва томон ҳужум қилишим кераклигини билмайсизми? Ёки сизнингча, мен бу кўрсатмани бажармаслигим керакми? Буйруқни қулоғингизга қўйиб олинг, Вольф! Ҳаммани оёққа турғазинг! Дала жандармерияси, зондеркоманда, полициячилар... Яна кимлар бор қўл остингизда? Ҳаммасини! Мен фронтдан сизга биронта ҳам одам ажратиб бермайман лекин. Гап шу.— У сал осойишталаниб, сўрайди:— Сиз айтганингиз қанақа отряд ўзи? Унинг қўмондони ким?

— Саккиз юзга яқин киши йифилган, қандайдир майор қўмондонлик қиляпти. Фамилияси Млинский,— шошилиб жавоб қайтаради Вольф.

— Шунисини билганингизга ҳам шукур. Демак, майор... Мен ўз армиямдаги юзлаб майорлардан тахминан ўнлаб кишини танийман. Лекин манави... Ким эди?..

— Млинский,— эслатади Кемпе.

— ...Мен у билан яқиндан танишмоқчиман. Сиз менинг бу ниятим амалга ошишига ҳаракат қиласиз, Вольф. Мен унинг ўзини ёки жасадини кўришим керак. Ҳужумга ўтгунимизча шундай бўлиши лозим.

Иккинчи қисм

Кеч тун. Булутлар орасидан чиққан тўлин ой кумушдек порлаб, ўзининг совуқ шуъласи билан ўрмонни, мажнунтоллар, қамиш ва зирк қоплаган ости ботқоқ сайҳонликни фира-шира ёритади.

Белигача ботқоққа ботиб буталарга чирмашганча, Вакуленчук дараҳт шохларига тикилган бир кўйға олдинга суринмоқда. Бўйнига автомат осган Саша Поплишчук ва бошқа денгизчилар унга пешвоз чиқишиади.

Вакуленчук.—Парашиботини топдингларми?

Матрос.—Йўқ, командир, қидирмаган еримиз қолмади, қурол-яроғ жойланган жой топилди, лекин радиостлинг қораси кўринмаяпти.

Мичман чуқур хўрсинади ва бош кийимини манглайига сурганча, дейди:

— Тонгга яқин қолди, яна қидириб кўринглар.

— Хўп бўлади!—дейди Сашка.

— Қани, кетдик.

Улар илдам босишиб, диққат билан сайҳонликни кўздан кечиришда давом этишиади. Йигирма-ўттиз метрлар чамаси олдинга юришгач, Сашка мамнун хитоб қиласади:

— Командир, парашют!

Вакуленчук бошини кўтариб қарайди ва дараҳтлар учига илашган оқ чодирга кўзи тушади.

— Сигнал бер-чи.

Қоронғиликда фонарь милтирайди. Сўнг атрофни яна зулмат қоплайди.

— Ҳеч ким жавоб қилмаяпти, командир.

— Шошма, сигнал беравер!

— Бўлди, батареяси тугади.

Орага оғир сукунат чўкади.

— Яқинроқ борсакмикин?

Икки киши дараҳтларни паналаганча, эҳтиёткорлик билан сайҳонликка чиқишиади. Атроф жимжит. Ҳеч зор кўринмайди.

Кўққисдан шох-шаббаларнинг чирсиллаши ва «Тўхта!»—деган бўғиқ нидо эшишилади.

Ёнма-ён ўсган уч дараҳт тепасида парашют арқонига осилиб турган киши кўзга ташланади. У типирчилаб, арқонни кесишга уринмоқда.

— Сафар бехатар ўтгани билан қутлаймиз!— дейди жилмайиб Вакуленчук.

— Пароль!— эшитилади жиддий товуш. Дараҳтдағи кишининг қўлида сўник ярқиллаган граната жонланди.

— Паролга бало борми?— кулади Сашка.— Ҳаммаси шундоқ ҳам кўриниб турипти... Уч кундан бўён кутяпмиз...

— Пароль?

— Вой, қайсар! Командир, ўзиям заифалардан шекилли,— ҳиринглайди Сашка.

— Хўп, Москва!— дейди Вакуленчук.

— Рязань,— дейди парашютчи ва ерга тушиб, гранатани қўйнига беркитгач, йигитларга мурожаат қиласи:— Келинглар, танишайлик!

— Мичман Вакуленчук,— қўлини узатади мичман.

— Наташа,— ўзини таништиради парашютчи.

Мичман қизга анграйганча тикилади.

Сашка нақ парашютчининг пинжига суқилиб, таажжубланган кўйда минфиirlайди:

— Чинданам заифа экан...— сўнг ўз гапидан ўзи ҳижолат чекиб, қўшиб қўяди:— яъни, аёлларимиздан...

Қиз секин кулимсираб, хушнудлик билан дейди:

— Аёл эмас, осмондан тушган фаришта... Нега анкайиб турипсанлар? Қутини бўшатишга кўмаклашвонглар! Эҳтиёт бўлинглар — рация!

Вакуленчук билан Сашка ҳушёр тортишиб, қизга елкасидаги қутини бўшатиб олишга кўмаклашишади. Наташа енгил тортиб, ишбилармонлик билан дейди:

— Мен билан бирга қурол-яроf, ўқ-дори ҳам ташлашган, уларни тезда қидириб топиш керак.

— Биз уларни аллақачон толғанмиз, фақат сени қидираётгандик,— дейди Вакуленчук ва гапни бундай якунлайди:— Лекин сен жа ўғил бола экансан, Наташа.

Млинский штаби қарор топган ўрмондаги геологлар кулбаси. Наташа билан Вакуленчукни Млинский кулба остонасида қаршилайди.

— Ўртоқ майор! Радист сержант Сафонова армия штабидан сизнинг ихтиёригизга келди. Менга топширилган нарсаларни ҳам бирга олиб келганман.

— Зиёрат қабул, сержант,— дейди жилмайиб Млинский ва ногоҳ Наташани бағрига босиб, уни икки бетидан ўпади.— Хуш кўрдик, азиз сержант!

Наташа бир оз уялинқирайди, сўнг қўйнидан найда қилиб ўралган конверт чиқариб, Млинскийга узатади.

— Генерал Ермолаевдан.

Млинский пакетни олади ва улар учовлон хонага киришади.

Геологлар кулбасидаги отряд штабида командирлар мажлиси ўтилди. Ҳамманинг юзида жиддият акс этган. Барча Млинскийни дикқат билан тинглаяпти.

— Ўртоқ командирлар! Разведка келтирган аниқ маълумотларга қараганда, бизга қарши жазо операцияси уюштирилмоқда. Фашистлар катта куч тўплаб, лагерни қуршаганча, отрядни ер билан яксон қилишга аҳд этишган. Биз жангга киришмасдан, ҳимояга одам қолдириб, отрядни ҳужум чизигидан соғ-саломат олиб чиқишга, уни шу йўсинда бизнинг олдимизга фронт қўмондонлиги қўйган муҳим вазифани бажариш учун асрашга қарор қилдик. Муҳим вазифа эса душманнинг орқа томонида қўпорувчиликни авж олдириб, немисларни фронтдан кўпроқ аскар ажратганча бизга қарши жанг олиб боришга мажбур қилишдан иборат.— Майор бир дам сукут сақлаб, Зинанинг ёнида ўтирган Вакуленчукка қараб қўйганича, сўзни давом эттиради:— Ҳимояга Вакуленчук взводи қолдирилади. Душманни тахминан иккى соатча тўхтатиб туришга тўғри келади, мичман. Отряд қирқ минутдан кейин йўлга тушиди. Ҳозирча ҳаммага жавоб.

Ўрмон ёқасидаги кузатиш асбоби ёнида қўлида карта тутган бир гуруҳ эсесчилар ва армия офицерлари туришипти. Вилли ва Шмидт ҳам шу ерда. Улардан сал нарида рация ташиган аскарлар. Буларга яқин жойда — танклар. Олисроқда замбараклар кўзга ташланади.

Буларнинг баридан четда, карнайи ўрмонга қаратилган радио аппарати ўрнатилган автомашина олдида Петренко билан бир гуруҳ полициячилар уймалашибмоқда.

Петренко бир ёқ сими овозни кучайтирадиган ускунага улаб қўйилган микрофонга яқинлашади. Сотқининг товуши атрофга таралади:

— Рус аскарлари ва матрослари, қаршилик қўрса-тишдан воз кечинглар. Бунинг фойдаси йўқ. Биз сизни қуршаганмиз, исканжага олиб, ботқоқликка суреб ташлашимиз мумкин. Герман қўмондонлиги ортиқча қон тўкилмаслигини истайди, шу боисдан, сизларга таслим бўлишни таклиф қиласди. Сизнинг ҳаётингиз хавфсизлигига кафолот берилади, ярадорларга медицина ёрдами кўрсатилади. Ўрмондан чиқиб таслим бўлинглар! Ўрмондан чиқиб, таслим бўлинглар!

Қўлига қўлқоп кияётган Вилли илжайганча Шмидтга қараб, Петренко томон имо қиласди.

— Бу сайроқликдан ҳеч нарса чиқмайди, Ганс. Иблислар ўз хоҳишилари билан ўрмонни тарк этишларига қўзим етмаяпти. Уларни тўрут томондан қуршаб олганмиз... Авиация билан салгина қитиқлаб қўйиб, ботқоққа чўқтира қолайлик.

— Тўғри гап, маъқул,— уни тасдиқлади Шмидт.

Петренко Млинский отрядига қаратада мурожаатномани тақорорлайди.

— Хў, Петренко!— қичқиради Шмидт.— Собиқ бошлиғинг, майор Млинскийни агар керак бўлса сувга чўкканлар ичидан ажратиб бера оласанми ёки йўқми?

— Ажратганда қандоқ! Мен у иблисни қоронғи қаб-

ристонда йўлиқтирсам ҳам танийман!— дейди Петренко ўшилиб.

Сотқиннинг товуши ўрмон узра янграй бошлайди, аммо унга отряддагилардан бирон кимса қулоқ ҳам осмайди. Фашистлар ниҳоят ташвиқотдан натижа чиқмаслигига қаноат ҳосил қилишиб, жазо операциясига киришишади.

Яланглик устидан ўрмон томонга қараб биринчи олов найзалар учади. Портлашлардан қўпорилиб ўтга чулғанган дараҳтлардан кўкка пайрахалар сачрайди.

Самолётлар қатор тизилишиб, ерни чўқий бошлашади ва кузги ўрмон янги портлашлардан дам ўтмай харобаликка айланади.

— Ракетани ишга солинглар!— команда беради немис офицери.

Қизил ракета осмонга қадалади. Артиллерия ва миномёт отишмалари бошланади. Аскарлар занжир тортиб ўрмонга ёпирилишади.

Портлаётгани бомбалар, снарядларнинг даҳшатли товуши бутун ўрмонни тутади. Ҳар жиҳатдан тартибга келтирилган хандақларда турли томондан ҳужумни қаршилашга шай бўлиб Вакуленчук матрослари чўзилиб ётишипти.

Вакуленчук қисқа-қисқа команда беради.

— Командир! Бизникилар анча олислаб қолишгандир, ҳайтовур?— дейди суронни босгудек қичқириб матрослардан бири.

Вакуленчук қўлидаги одатдагига нисбатан катта соатга тикилади.

— Ҳа,— жилмаяди мичман,— менимча, уларга энди етиб олиш қийин...

Яқингина ерда портлаш рўй беради. Матрос хандақ деворига кўксини босади.

Портлашлар узлуксиз давом этади. Худди қандайдир ҳайратли махлуқ ўрмон тепасида туриб, аёвсиз гурзи тушираётганга ўхшайди.

Илдизидан қўпорилган дараҳтлар қулақ, ернинг кўч-
ган қора қатлами траншеяларни қоплаганча, кўмиб
ташлайди. Бош устида дараҳтлардан узилиб учган шох-
шаббалар гирдибод уради. Миналар нолакор портлаб,
янги кўм-кўк буталарни заъфарон япроқларга, тупроқ-
қа қориштиради...

Геологлар кулбаси аллақачон кунфаякун бўлган.
Ертўлалар вайронага айланган. Бомбалар гумбирлаши,
гранаталар портлаши аста-секин узоқлашиб бормоқда.
Бутун сурон энди хандақда ётган матрослардан анчайин
орқа томондан, ўрмон қаъридан эшитилаётir.

— Ярадорлар борми? — сўрайди Вакуленчук.

— Михеев ва Сазонов ҳалок бўлишди... Боголепов
қаттиқ яраланган... — ахборот беришади унга...

— Траншеяларни тозаланглар! Николай, хандақ де-
ворини тўғрила!

— Есть! — жавоб қайтаради матрос.

— Ҷақонлик билан иш тутнинглар! — буйруқ беради
Вакуленчук. — Ярадорларни панага олинглар!.. Ҳушёр
бўлинглар! Ҳозир ўрмалаб келишади!

Матрослар ускунали ва қўл пулемётларини ҳужумга
шайлаб, гранаталарни саржин қилиб қўйишади.

Вакуленчук ҳамманинг кўзи тушадиган хандақ ол-
дидаги шиббаланган ерга кўтарилади.

— Биродарлар, муҳими гуж бўлиб ҳаракат қилмас-
лигимиз керак, йўқса дабдаламизни чиқаришади. Ай-
ниқса пулемётчилар тез-тез позицияни ўзгартириб ту-
ришлари шарт! Тушундингларми?

Вакуленчук қайтиб траншеяга сакрайди.

Деярли бир пайтнинг ўзида икки тарафдан қотил-
ларнинг қора кўлкаси кўринади. Улар занжир тортиб
жипслашган кўйда, секинлик билан хандақлар томон
одимлашади. Баёnsиз сукунат... Фақат қаердандир
олисдан, орқа томондан бўғиқ портлашлар қулоққа ча-
линади...

Вакуленчук қўли остидаги матросларнинг жиддий

қиёфаси... Улар қуролни қўлларида маҳкам қисишиганча, нафас ютишган... Гоҳ буталар сояси, дараҳтлар панасида беркиниб, гоҳ пайдо бўлиб, ит етаклаган немислар сафи яқинлашмоқда.

Ана, қотиллар яқинлашишади... Матрослар қимир этмай ётишипти. Уларнинг юзида қатъият, матонат акс этган...

Вакуленчук қўл пулемёти тепкисига панжасини босиб туритти... У тепкини босади... Ўқлар қарсиллаб, сукунатни бузади.

Уч гуруҳга бўлинган Млинский отряди ўрмон ёқасига чиқади. Рўпарада очиқ майдон. Устини ҳар хил ўсимликлар ва барглар тутган ботқоқлик сезилар-сезилмас жимиirlайди. Бутун борлиқни тонгти қуюқ туман қоплаган. Олис-олисда ўрмонлар қорайиб туритти. Улар кетган томондан ўқтин-ўқтин ўқ товушлари эшитилади.

Млинский билан Серёгин нақ ботқоқлик этагида туришипти. Уларнинг ёнига Алиев келади. Млинский унга савол ташлайди:

- Вакуленчукдан дарак йўқми?
- Йўқ.

Серёгин ботқоқликдаги пуштага оёғини босиб кўради. У оёғини босиши билан пушта ўпирлади. Алиевнинг қўлини тутганича, Серёгин зўрға кўкариб ётган ботқоқликдан оёқ тортади...

Млинский соатига қарайди.

— Агар яна бирон соат ичида кечик топилмаса, душман билан шу ерда жанг қилишдан бўлак иложимиз қолмайди.— У Серёгинга юзланади:— Буюр, капитан, хандақ қазишга киришишсин. Бошқа чора йўққа ўхшайди.

Ўрмон устидан пастлаб немис қирувчи самолётлари саф чекиб ўтади.

Млинский бир четдаги аравага яқинлашади. Ара-

вада ярадор ётиitti. У майорга салом бергиси келиб, қўлини беҳол чўзади. Млинский ярим жилмайганча, ярадорнинг қўлини қисади ва йўлда давом этади. У айланиб, отрядни кўздан кечиради. Жангчиларнинг афти ангорига қараб, уларга ортиқча сўз малол келишини, одамлар янги оғир жангларга тайёр эканлигини ҳис этади...

Млинский Зина икки ярадор матросга сув ичираётган арава ёнида тўхтайди. Матрослардан бири — йигирма беш ёшлардаги миқти, гимнастёркаси ёқалари очилиб, йўл-йўл кўйлаги кўрининб турган йигит ҳуш-беҳуш ихраяпти. Мишавой катталардек жиддий тарзда Зинага кўмаклашмоқда...

— Машқларинг бир оз пастми, дейман? — жилмаяди Млинский.

— Ҳаммаси қойилмақом, ўртоқ майор,— дейди иккичи ярадор.

Млинский Зинага савол назари билан қарайди.

Қизгина унга индамай, бошини қўйи эгади.

Млинский Мишавойнинг бошини силаб эркалаганча булардан узоқлашади. У Алиев билан Серёгинга рӯпара келади.

Серёгин.— Иван Петрович! Отларни аравалардан бўшатишни буюрдим... Араваларни хандақлар олдига тизиб қўямиз... Қарағайдан ҳам истеҳком ясамоқчимиз...

— Яхши,— дейди Млинский ва соатига қараб қўйиб, бир дам ўйланганича, дейди:— хандақни икки йўл қаздир. Кейингисига ярадорларни жойлаштирамиз.

— Есть! — Серёгин араваларни тўнтараётиб, қарағай кесаётган аскарлар томон кетади.

Млинский отрядни айланиб бўлиб, қайтиб ботқоқликка яқинлашади ва бу ерда рўпарадан келаётган усти шалаббо, узун калтакка суюнган Матвей бобо билан унга пилдираб эргашган, ҳаммаёги лойга беланган Алёшага кўзи тушади.

— Эҳтиёт бўлинглар,— дейди уларга Млинский.

Матвей бобо билан Алёша ерга ҳорғин чўкишади. Бобо этигини ечиб, ичига кирган сувни тўкиб ташлайди, пайтавасини сиқади.

Млинский ташвишли оҳангда сўрайди:

— Нима бўлди?

Матвей бобо бўғиқ йўталади.

— Топдик!..

— Раҳмат, Матвей Егорович, каттакон раҳмат! Хўп, қани, қаерда экан у? Бу ердан анча олисдами?

— Икки чақиримча келар...— дейди бобо ва бир дам сукут сақлаб қўшиб қўяди:— Лекигин арава билан ўтиш қийин... тортиб кетади...

— Нима қилсак экан? Туман ҳали-бери тарқамасмикан?— сўрайди Млинский.

Бобо кўзларини қисиб офтобга қарайди.

— Икки соатлардан кейин тарқаса керак...

Млинский орқага ўгирилиб, буюради:

— Хандақ қазишни тўхтатинглар! Ёғоч йўнинглар! Йўлга тайёрланинглар! Ярадорлар билан ўқ-дорини қўлда ташиймиз!

Ўрмон устидан ноҳуш гулдираб немис самолёти учеб ўтади. Алёша самолётга кўз тикиб, тўнғиллайди:

— Лаънати!.. Кузатялти...

Қўёшли куз куни. Вакуленчук матрослари катта қурбонлар бериб Млинский отряди жойлашган лагерга амал-тақал яқинлашган қотилларга қарши тенгсиз, оғир жангни давом эттиришмоқда.

Улардан фақат уч киши — Вакуленчук ва икки матрос тирик қолган.

Бутун атрофнинг ағдар-тўнтари чиққан... Душман мурдаси нақ хандақлар оғзида сочилиб ётипти. Сал нарида пачоқланган немис танки кўзга ташланади.

Мичман пулемётни қўйиб, учта граната улоқтиради...

Унинг усти бошига лахта-лахта лой ёпишган... Жанг ии-
ҳоят тингандек бўлади.

Вакуленчук соатига қарайди. Орадан белгиланган ик-
ки соат вақт ўтилти... У шошганча хандақ бўйлаб югу-
ради.

— Андрей!— дейди у қичқириб, яланг ҳўл кўйлаги
баданига ёпишган қирра бурунли йигитга яқинлашгани-
ча. Йигит жанг давомида сув бўлиб, унинг юзини лой
қоришган тер қоплаган.— Орқага чекинамиз, тушундинг-
ми? Мен қарай-чи, балки яна тирик қолганлар бордир.

Матрос.— Тушунарли.

Вакуленчук иккинчи матрос — Сашкага кўзи тушади.

— Хайрият, тирик экансан. Орқага чекинамиз, бўп-
тими?

— Есть!

— Мабодо мен омонатни топширсам, планшеткани
сен оборасан.

— Есть, командир!

Вакуленчук ўлганларни оралаб, уларни йўл-йўлакай
кафаплаб қўйган бўлади. У хандақ охирида яна бир мат-
росга тўқнаш келади. Энгалиб, унинг манглайига каф-
тини босади... Матроснинг секин иҳраётганини қулоғи
билан эшитиб эмас, қалби билан ҳис этади Вакуленчук.

— Яхши, тирик экансан, Коля!— мамнун хитоб қи-
лади у.— Бир оз сабр қил! Ҳозир замбили тўғрилаймиз!
Сабр қил. Душманни чалғитиб, ўтиб кетамиз.

Николай индамайди, фақат унинг кўм-кўк тиниқ кўз-
лари Вакуленчукка қадалади. Анчадан сўнггина матрос
бошини чайқаб, эшитилар-эшитилмас товушда дейди:

— Мен билан... ўтолмайсизлар... Мени отиб ташлай-
кол, Васильич!

— Унақа бемаъни гапни қўй!— унинг сўзини бўлади
мичман.— Тушундингми? Озгина чида. Чида. Сен ётиб
тур, мен ҳозир қайтиб қеламан. Бўптими?

Матрос қони қочган лаблари қийшайиб жилмаяди
ва уни нигоҳи билан кузатиб қолади.

Вакуленчук пулемёт ёнида ўзини кутаётган Андрей билан Сашканинг ёнига келади.

— Сашка, сен мени ҳимоя қиласан!— қисқа буйруқ беради мичман.

— Хўп бўлади.

Вакуленчук Николайни елкасига юклаб, «Биродарлар, полуундра!»— деб қичқирганча, хандақдан сапчийди. Унинг изидан пулемётдан ўқ узиб, граната улоқтирганча, Сашка билан Андрей олдинга суринишади.

Вакуленчук Николайнинг оғирлигини ҳам ҳис этмай, фавқулодда гайрат, шижоат кўрсатиб, қотиллар эгаллаган чизиқни ёриб ўтади.

Андрей улоқтираётган гранаталар портлаши, Сашканинг қўлидаги пулемётдан сочилган ўқлар изиллаши диққатни жалб этиб, амалга оширилаётган операцияни гўёки пардалайди...

Қотиллар эс-ҳушларини йиғиб олишгунига қадар, матрослар улар эгаллаган чизиқни орқада қолдиришади. Йигитлар ўрмонга кириб, беркингандан кейингина, душман уйқуси бузилган итдек ҳура бошлайди.

Ботқоқликка туташ ўрмон. Млинский отряди Матвей бобо кўрсатган нуқтада ботқоқликдан ўтмоқда. Жангчилар узун калтакларга суюниб, эҳтиёт бўлганча, машаққат билан аста-секин олдинга суринишади. Қўлбола замбилларда ярадорларни ташишяпти. Ўқ-дори солинган қутиларни орқалаб олишган. Олис-олисда замбараклар товуши дам сайин сўнмоқда.

Ўрмон бўйлаб Вакуленчук ҳамон югуриб бормоқда. Унинг изидан икки матрос ўқ узишганча эргашишяпти. Итлар вовуллаши эшитилади. Қотиллар денгизчиларни таъқиб қилиб ўт очишаётганига қарамай, энди улар анча орқада қолишган.

Буталар, ғовлаб ётган қамишзорларни оралаб, олдинга елганича, Вакуленчук ниҳоят қўйқисдан янги қа-

зилган каттакон ўрага йиқилади. У нафасини ростлаб, тимдаланиб қонаган юзини енги билан артади. Сўнг Николайнинг устига энгашади. Николайнинг вужудида ҳаёт асари сезилмайди.

Вакуленчук шошилинч оғайнисининг гимнастёркасини йиртганча, унинг кўксига қулоқ тутади... Кейин, Николайнинг бошини ердан кўтариб, унинг қўзларини ёпди. Сўнг чўк тушганча нам ерни қўллари билан тимдалаб, дўсти жасадини ўра тубига кўма бошлади.

Тепада, ўра оғзида туриб оғир нафас олишганича Сашка билан Андрей унга тикилиб туришипти.

Ботқоқликка туташ ўрмон.

...Уч денгизчи Млинский отрядининг сўнгги қўналғаси бўлган майдонга қўёш тиккага келган бир пайтда чиқиб олишади. Офтобнинг заррин нурлари сезилар-сезилмас жимирилаётган ботқоқлик сатҳида чил-чил синмоқда...

Ажойиб фараҳли куз куни... Нақ ботқоқлик ёқасида-ги тўйтариб қўйилган арава устида Матвей бобо ўтирипти. У тиши билан тирсагидан сал юқоридаги ярасини йўл-йўлакай тангиётган Андрейга тикилади.

— Мен бекорга ўтирипманми,— деб, қўрқаётгандим,— ўрнидан қўзгалади бобо.— Юринглар, ўғилларим, юринглар, кетдик.— У денгизчиларни ботқоқлик орқали Млинский отряди кетган томон йўлга етаклайди.

Вакуленчук матрослари қотиллар билан ҳализамон жанг олиб борган жойда бир неча немис офицерлари позицияни кўздан кечиришмоқда. Бу ерда бомбалар, снарядлар ва гранаталар портлашидан заминнинг титиғи чиққан, илдизидан қўпорилган дарахтлар билан аскар мурдалари бир-бираига чатишиб ётипти...

Бир груҳ немис аскарлари билан полиция бошлиғи Раздоркин ва Петренко келишади.

— Хўш, нима гап?— сўрайди улардан Шмидт.

Бошидан оёғигача балчиққа беланган полициячилар миқ этишмайди. Немис фельдфебели ахборот беради:

— Булар, ботқоқликдан ўтишнинг ҳеч иложи йўқ, дейишяпти, штурмбанфюрер!

Гестапочи полициячиларнинг нақ бурни остига келиб, тирғалади.

— Ҳеч иложи йўқми, а? — деб бақирганича, Раздоркиннинг юзига тарсаки тортади у. — Жанг қилиш, бу сенга пора олиш эмас, ҳайвон! Петренко! Бу хода ютгандан сейф билан ишларни қабул қилиб ол!

— Ташаккур! Ишончингизни оқлайман!.. — таъзим қилиб минғирлади Петренко.

Гестапочи унинг сўзини ҳам эшитмай, бу ердан узоқлашади.

Ўрмонни оралаган темир йўл. Қичик бир гуруҳ совет ҳарбий асиrlари унинг излари устида судралишиб, шпалларни чеккага уйиб қўйишишмоқда. Барчанинг ранги заъфарон. Мадори йўқ.

Асиrlарни қўлига бориҷ танғиб, милтиқ кўтарган икки полициячи қўриқлаяпти. Булардан бири — Охрим Шмиль. Йўлдан немис аскарлари ўтиришган аравача филдираб ўтади. Аравача изидан патруль ўтиб кетади.

Асиrlар орасида сержант Бондаренко ҳам бор. Унинг қўлига танғилган рангсиз мато қора қонга беланган.

Шмильнинг ҳамроҳи қичқиради:

— Қани, бўлларинг, бўлларинг, деяпман, текинхўрлар!.. Тезроқ! Тезроқ!

Асиrlар тақдирга тан берган кўйда шпалларни орқалаб, секинлик билан тўда томон ташишади. Ҳамроҳига Шмиль яқинлашади.

— Тихон!

— Ҳа, Шмиль...

— Қара, худо ёрлақади!.. — Шмиль Тихонга бир қути сигарет узатади.

— Э, сен буни қаердан олдинг?— қутини олганча, ҳайратланиб сўрайди Тихон.

— Кечак гестаподаги терговчи сийлади.

— Ўҳ, томоқни куйдиришини кўрмайсанми!— тутун тортаётиб, дейди Тихон.— Бизнинг тамакимиз бундан хуштаъм, лекин ўзи ўткир.

Охрим ўгирилиб, кўзга ташланиб турган темир йўл кесимини назаридан ўтказади. Ҳеч ким йўқ... У Тихонга томон кескин бурилиб, ҳамроҳининг бошига миљтиқ қўндоғи билан туширади... Тихон инқиллаб, оҳиста ерга чўзилади...

Ҳарбий асиirlар тош қотиб қолишади... Улар полициячилар томонга ҳайрат билан тикилишади.

— Нега анқайиб қолдиларинг?!— бақиради Охрим.— Қани, бу ёққа келинглар! Тезроқ бўлинглар!

Асиirlар нима бўлаётганига тушунолмай, ҳамон турган ўринларидан қимир этишмайди.

Охрим Бондаренкони имлайди:

— Бу ёққа ке! Бўл, деяпман!— Унга Тихоннинг миљтигини тутқазади.— Манавини бошидан ушла,— ерда ётган полициячига имо қиласди у,— буталар орасига беркитиш керак!..— Бондаренко билан бирга полициячи жасадини йўлдан четга ташишади.

— Энди, йигитлар,— мурожаат қиласди у асиirlарга,— ўрмонга қочамиз!.. Қани, тезроқ бўлларинг, йигитлар!— буюради Охрим.

Асиirlар Охрим бошчилигига қуюқ ўрмонзорлар бағрига сингишади.

Улар нафаслари бўғизларига тиқилганча олдинига босишиб, унча катта бўлмаган сайҳонликка чиқишиади. Машаққат билан йўл босишаётган икки аскар ҳансирашганича нола қилишади:

— Тўхтанглар, биродарлар!.. Сал бундоқ нафасни ростлаб олайлик...

Охрим уларга юзланади.

— Мумкин эмас, қочганимизни сезишгач, бизни қувишиади, албатта. Юриглар!

...Ҳамма яна олдинга суринади. Бу гуруҳда кекслар ҳам, ёшлар ҳам бор. Уларнинг қиёфаси ҳар хил. Ёши қайтган бирори чап оёғи қайрилиб, ерга гурсиллаб йиқилади. Бу киши афти ангори, рус тилида лаҳжа билан гапиришидан Ўрта Осиёликка ўхшайди. Исми Оқтой.

Ҳарбий аспирлардан бошқа бири ўзининг асабий, андак телбанамо ҳолати билан кўзга ташланади. У ориқ, соқол-мўйлаби ўсиб кетган, товуши хирилдоқ. Буниси — Игнат. Бондаренко босиқ одимламоқда.

— Шу боришда қаёққа борамиз энди? — савол ташлайди Игнат. Қочишга қочдик, лекин бу ёғи нима бўлади?

— Ўрмонга кириб бораверайлик-чи, қанча ичкарига шўнғисак, шунчалик яхши! — дейди унга Охрим.

— Семён,— дейди Игнат Бондаренкога юзланиб,— эсингдами, сен бу ўрмонзорни биламан, деганднинг.

— Ҳа, биламан.

— Бўлмаса, олдинга тушиб, ўзинг йўл бошлай қол!

Млинский қўним топган ертўла. Хира шамчироқ ёруғида Млинский, Алиев ва полициячи Охримлар ўтиришипти.

— Охрим Шмилъ? Шундайми? — сўрайди Млинский.

— Худди шундай! — дейди Охрим.

— Айтингчи, сиз қандоқ қилиб полицияда ишлагансиз-у, нега бундай дабдурустдан қочиш фикрига келгансиз?

Охрим ўйланади, бир Алиев, бир Млинскийга кўз ташлаб, ниҳоят дейди:

— Мен, ўртоқ майор, сиз билан ёлғиз гаплашмоқчи эдим.

Алиев ўрнидан қўзғалмоқчи бўлади, аммо Млинский уни тўхтатади.

— Үтиравер, Ҳасан Алиевич! — сўнг Охримга қараб, кескин оҳангда дейди: — Отряд комиссари билан ўртамиизда яширин гап йўқ. Демак, сиз бизнинг... — у «бизнинг» сўзига ургу беради, — саволларимизга жавоб беришга мажбурсиз, йўқса, сиз билан гаплашмай ҳам қўяқолишимиз мумкин.

Шмиль яна бир қур Алиевга кўз ташлайди, кейин Млинскийга қараб, андак сукут сақлаганча дейди:

— Сиз нимани хоҳласангиз, ўшаниси тўғри албатта, сиз бу ерда хўжайинсиз!.. Аммо биз бари бир гаплашиб олишимиз керак,— у оғир хўрсиниб қўйиб, гапни бундай якунлайди: — Мен сизнинг ёнингизга гестапо томонидан юборилганман!..

Млинский билан Алиев бир-бирларига маъноли қарашади.

— Қандай мақсадда сизни юборишган? — сўрайди Млинский.

— Командирни ўлдириш учун. Комиссарни ҳам. Яна менга рацияни радиист билан бирга йўқ қилишни ҳам буюришган.

— Гестапо сизнинг олдингизга ҳаддан ташқари кўп вазифани қалаштириб юбормаганмикин, нима деб ўйлайсиз? — кулимсирайди Млинский.

— Қалаштирган. Мен ҳам шундай деб ўйлайман, — жавоб беради Шмиль.

— Демак, асиirlарнинг бутун қочиб-қутилиш воқеаси олдиндан режаланган бир ўйингина бўлган холос, шундайми? — сўрайди Алиев.

— Шундай.

— Полициячининг ўлими-чи?

— Уни мен ўзим сидқидилдан тинчитдим.

— Айтинг-чи, сизлар нимага асосланиб, бўйинларингизга юкланган вазифани бажариб бўлади, деб ўйладинглар? — сўрайди Млинский.

— Бунинг учун асиirlар орасига Семён Бондаренко жўрттага қўшиб қўйилди. Сизнинг ёнингизга келгач, у

туфайли менга ҳам ишонч билан қаралади, деган фикр-га борилган бўлса керак. Уни эса аллақандай Петренко деган қочқин асиrlар сафида кўриб, таниб қолган.

— Хўш... Гестапо агентларидан яна бизнинг отрядимизга суқилиб кирган киши бормикин?

— Билмадим, лекин ҳар ҳолда кимнидир юборган бўлишлари ҳам мумкин,— дейди Шмиль.— У андак суктдан сўнг савол ташлайди:— Мен сиздан бир нарсани сўрасам майлими?

— Қулоғим сизда,— дейди Млинский.

— Сизнинг оиласигиз эвакуация қилинишга улгурганми? Гестапо бутун имкониятни ишга солиб, сизнинг хотинингиз билан болаларингизни қидиртиряпти. Айрим маълумотларга қараганда, улар кетишга улгурнишмаган. Қаергадир яширинишган. Ҳозир Смоленскда қаттиқ тинтув эълон қилинганд. Бу биздан анча узоқ ердаги гап, лекин менинг қулоғимга чалинуви.

— Сиз ўзи аслида кимсиз, Охрим Шмиль?— тик қадалиб сўрайди Млинский.

— Мен сизга мана шу айтганларимдан бошқа ҳеч нарса деёлмайман... Иложи бўлса, мен шаҳарга қайтишим керак эди...

Отряд командири бир дам ўйланиб, дейди:

— Сиз гестапо топширигини бажармаган ҳолда шаҳарга боришингиз тўғри келмайди. Биз аҳволни аниқлаб олгунимизча, шу ерда қолаверасиз...

— Тушунарли,— бошини силкийди Охрим.

— Боринг.

Охрим чиқиб кетади.

Млинский уни нигоҳи билан изидан кузатиб, чуқур хўрсинади ва кўкрак чўнтағидан хотини, икки жигарбанди тушган суратни чиқариб, унга ўйчан тикилади.

— Улар кетмай қолган бўлишлари ҳам мумкинми, Иван Петрович?— сўрайди Алиев.

Млинский бир оз сукутдан сўнг, ҳамон суратни кўздан кечирганича, истар-истамас оҳанга дейди:

— Ким билади, нима бўлганини...— Ойим кўрпа-тўшак қилиб ётган эдилар...— У суратни чўнтағига қайтиб солғанча, энди одатдаги қатъий товушда Алиевга мурожаат қиласди:— Кетдик, Ҳасан Алиевич, одамларнинг йўлга тайёргарлигини текшириб кўрайлик. Шошилиш керак, қиши қиличини яланғочлаб келяпти...

Қора ўрмоннинг қуюқ чакалакзорларида Млинский отряди кун ўтказмоқда. Торгина сайҳонлик. Атрофда бир қатор янги тикланган ертўлалар. Булардан бирининг эшигида ёғоч чорсига қозон ўрнатилган.

Сайҳонликда асирикдан қочганлар саф чекиб туришипти. Ҳаммадан орқада — Охрим. Серёгин саф бўйлаб одимлаганча, озодликка эришган аскарларни сўроққа тутмоқда. Мана, у биринчи йигитга юзланади. Йигит ўзи ҳақида дейди:

— Сержант Бейсамбоев Оқтой! 44-полк 131- ўқчи дивизиядан. Ровно яқинида июль ойи асирга тушганман.

Серёгин эшигтганини ён дафтарига ёзиб боряпти.

— Қандай қилиб асирга тушгансан?— сўрайди у.

— Контузия бўп қолдим,— дейди Оқтой.— Сезганим йўқ, опкетишипти...

— Жанг қилишга тайёрмисан?

— Худди шундай, ўртоқ капитан!— суюниб дейди Оқтой.— Жанг қилганда қандоқ!

Серёгин кейинги йигитга томон йўналади.

— Оддий аскар Игнат Осика! 9- маҳсус қурилиш батальонидан. Сентябрда асирга тушдим.

— Қаерда?

— Шостка яқинида, муҳофаза райони қураётгандик.

— Нима бўлиб асирга тушдинг?

— Ўзим... бостириб келишди... Қўрққанимдан таслим бўлмай иложим қолмади.

Жангчилар унинг гапига кулишади.

— Сен ҳали бу ерда юриб ҳам қўрқанингдан душманга таслим бўлсанг, нима қилдик?— дейди Серёгин жангчиларнинг ялпи кулгисига қўшилиб.

— Йўқ, ўртоқ командир, энди мулла бўп қолдим!

— Қанақа мулла бўлганингни жангда кўрамиз, албатта...

Ертўладан Алиев чиқади. Саф чеккан аскарларга яқинлашади.

Серёгин уни кўриб, команда беради:

— Смирно!

Ҳамма қоматини тиклайди.

Серёгин комиссарга юзланади:

— Ўртоқ комиссар, саккиз жондан иборат собиқ ҳарбий асиirlар группаси хизматга тайёр.

Алиев жангчиларга мурожаат қиласди:

— Вольно, ўртоқлар! Сиз Қизил Армиянинг ҳаракатда бўлган полкига янги келиб қўшилдингиз. Эртага қасамёдан ўтасиз. Мен сизларни, фашистлар қўлида асиirlикда бўлиш нималигини ўз қони жонларнингда си наб кўргансизлар, деб ўйлайман. Биз сизларга қурол берамиз, бу душмандан интиқом олишга имконият, демакдир. Ҳозир эса ювениб, овқатланганча, усти бошларингни тартибга келтиринглар. Ўртоқ Бондаренко, йигитларни бошла,— сўзини тугатади комиссар.

Бондаренко буюради:

— Чалга! Шагом марш!

Бўлинма сайҳонликдан узоқлаша бошлайди. Йингитларнинг қаршисидан Наташа чиқади. У ўтиб кетаётган аскарларга, Бондаренкога қарайди. Бир неча қадам олдинга босиб, яна ўгирилади. Тўхтайди... Бондаренко ҳам у томонга қайрилиб кўз ташлайди... Икковлари бирдек қотиб қолишади... Сўнг, бир-бирлари томон отилишади...

— Наташка!— аёлни бағрига босиб, ўпади Бондаренко.

— Сенечка!— Сеня! Бор экансан-ку!

Уларга Алиев билан Серёгин ҳайратланиб тикилишади.

Наташа бошлиқларга томон бурилади. Бондаренко узоқлашиб бораётган бўлинмага издан тикилмоқда. У афтидан нима қиласини билмаяпти... Довдираб қолган... Наташа уни қўлидан ушлаб олган. У эса шуурсиз ҳолатда эргашяпти.

Наташа оғзи қулоғида, Бондаренкони Алиев томон етаклайди.

— Ҳасан Алиевич, Ҳасан Алиевич... — ниҳоят, сал ўзини қўлга олиб, дейди у: — Уртоқ капитан, бу менинг эrim! Мен уни, ўлганми, деб қўрқаётгандим, тирик экан, Семён Бондаренко!

Ҳаммалари жилмайишади.

— Сен уни бизга таништирмай қўяқол, биз эскидан танишмиз, Наташа,— дейди Алиев.

Серёгин унга қўшимча қилади:

— Сирасини айтганда, сенинг бу ерга келишингга ҳам у озмунча хизмат кўрсатганий йўқ.

Ҳаммалари кулишади. Бондаренкони баттар тер босади.

Фон Хорн штаби.

Фавқулодда чақирилган йигин бормоқда. Узун стол атрофида генераллар, офицерлар ўтиришипти. Армия маҳсус бўлими бошлиғи полковник Кемпе ахборот беради:

— ...Бизни аскарларимиз ҳужум чизигида очиқ турган ўнг қанот ташвишга солаётир... — У харитага яқинлашади.— Руслар Глуховка — Дорофеевка йўналишида қарши ҳужумга ўтишлари эҳтимоли бор. Бу эса бизнинг танк қисмларимизни танг аҳволга солиб қўйиши муқаррар.

— Ўнг қанотни мустаҳкамлаш учун биз қайси қисмларни бу ерга суришимиз мумкин? — сўрайди фон Хорн.

— Жаноб қўймондон,— дейди кекса генерал,— армия-

даги деярли барча резервлар аллақачон бош йўналиш-даги группировкалар қўлига топширилган.

— Бизнинг ихтиёrimизда нималар қолган?

— СС «Рейх» дивизиясига тегишли танкчилар полки ва биргина мотобатальон.

— Қўлимиз анча қисқа экан,— дейди фон Хорн ва адъютанти Крюгерга буюради:— Мени телефондә генерал-фельдмаршалга уланг.

— Хўл бўлади,— чиқиб кетади Крюгер.

— Авиация бизга ҳужум пайтида қандай хизмат кўрсатмоқчи?— стол чеккасида ўтирган ёш авиация генералига мурожаат қиласди фон Хорн.

— 1-нчи ва 2-нчи эскадрильялар дала аэродромларида буйруққа шай бўлиб туришипти,— ахборот беради генерал.

— Сизни об-ҳавонинг бузилаётгани безовта қилмаяттими, генерал?

— Мени партизанлар безовта қилишяпти, жаноб қўмондон!

— Яна қанақа партизанлар?— асабийланиб сўрайди фон Хорн.

— Бугун кечаси менинг қўлим остидаги аэродромлардан бирига бостириб келиб, майдонда турган қиравчилардан икки эскадрильянин йўқ қилишибди... «Кондор» эскадрильясидаги учувчилар ҳалок бўлишибди...

— Нима?!— қичқиради фон Хорн ва полковник Кемпе томон кескин ўгирилади.— Полковник Кемпе, нега мен бунақа гаплардан ҳаммадан кейин хабар топишм керак?

— Мен бу тўғрида сизга йиғин охирида ҳисобот бермоқчи эдим...— шошилиб дейди Кемпе.

— Сиз биринчи навбатда ҳисобот бернишингиз керак эди!— кескин унинг сўзини бўлади фон Хорн.— Штандартенфю rer Вольф! Бу нима бўляпти ўзи?

Штандартенфю rer Вольф ўрнидан туради.

— Жаноб қўмондон, бизнинг қўлимиз остидаги ер-

ларда русларнинг майор Млинский қўмондонлик қилган ҳаракатдаги доимий армияси жанг олиб боряпти...

— Млинский?!— баттар тутақади фон Хорн.— Тағин Млинскийми?!

Бўғиқ, аммо қисқа-қисқа жиринглаган телефон генералнинг шаштини босади. Фон Хорн трубкани кўтарида.

— Жаноб фельдмаршал, менинг армиямда ўнг қанотнинг заифлигини сизга яна бир карра эслатмасдан иложим қолмаяпти. Биз Москвага қанчалик яқинлашганимиз сайн, рус аскарлари шунчалик кучлироқ қаршилик кўрсатишяпти...— у асабини бир оз босиб, нутқидаги охирги сўзларини анча паст товушда гапиради.

Трубкадан ноxуш товуш эштилади:

— Азизим Хорн, 33- мотодивизия сиз томон йўлга тушганига анча бўлди. Мен сизга бундан бўлак ёрдам кўрсатолмайман.

— Жаноб фельдмаршал, фронтнинг катталигини инобатга олганда, менга биргина дивизия камлик қиласади.

Трубкадан унга бундай жавоб беришади:

— Жуда дўппи тор келса, ўз армиянгиздаги қисмлар ўрнини алмаштириб, бор имкониятдан фойдаланинг. Ортиқча ҳаяжонланманг, генерал! Русларнинг сиз ташвишланётган ўнг қанотга кўзи учиб турмаган бўлиши ҳам мумкин... Омад тилайман!— Шу билан гап тугайди.

Телефондаги музокара пайтида хонага алоқа бўлими офицери сассиз кириб, полковник Кемпега телеграмма тутқазади. У телеграммани шошганча кўздан кечириб, генерал телефонда гаплашиб бўлиб-бўлмасдан, ўрнидан кўзгалади. Унинг ранги бўздек оқарган.

— Жаноб қўмондон...— тили оғзида зўрга айланиб дейди Кемпе.— Ҳозиргина хабар қилишди: Плавск районидаги темир йўлда диверсия юз берипти. 33- мотодивизияни тўзитиб юборишилти.

Фон Хорн оҳиста трубкани ўрнига қўйиб, Вольфга тикилади.

— Сиз ахир, партизанлардан энди ном-нишон қолмади, деган эдингиз-ку.

— Бу партизанлар эмас. Бу жанг қилаётган аскарлар ва мен айтганманки, буларни йўқотиш учун катта куч керак...

— Йўқ, Вольф!— унинг сўзини кескин бўлади генерал.— Биз сизга полк ҳам бериб кўрдик, полкни ҳам қуритдингиз. Мен сизга энди битта ҳам аскар бермайман, гап тамом! Аскар беришнинг ҳам чегараси бор! Бир нарсани келишиб олайлик, штандартенфюрер! Ўз имкониятларингиздан фойдаланишга ўрганинг!

Радист қўним топган ертўла. Наташа рация устига энганишб, армия штабидан радиограмма қабул қилмоқда ва овоз чиқариб, уни бир йўла Млинскийга ўқиб бермоқда:

— «Отряднинг янги базаси шаҳарга ва фон Хорн алоқа воситалари ўрнашган ерга яқин жойда бўлиши мақсадга мувофиқдир. Нуқта. Шаҳар марказида фронтнинг разведкачилар группаси иш олиб бормоқда. Нуқта. Разведкачилар бошлиғи — капитан Афанасьев. Нуқта. Алоқа учун пароль: «Москвада осмон беғубор». Нуқта. Жавоб: «Қопламоқда Берлинни булат» Нуқта. Зарурат туғилганида фақат сиз билан контакт ўрнатади. Нуқта. Ермолаев».

Армия қўмондони кўрсатмаларини диққат билан тинглаб бўлиб, Млинский дейди:

— Яхши. Ёз, Наташа: «Отряд 37—43-инчи квадратдаги янги базага кўчади. Сиздан Шуи қишлоғи марказига биз учун ўқ-дори, тиббий ёрдам, қишки уст-бош юборилишини сўраймиз».

Жимитгина қишлоқча. Жон асари йўқ. Мўриларда тутун ҳам кўринмайди. Осоиншталик...

Отряд қишлоқ яқинига келиб тұхтайди. Вакуленчук бир неча матрослар билан разведкага жүнайды. У қайтиб келиб, Млинскийга мурожаат қиласы:

— Қишлоқ бүм-бүш, ўртоқ майор. Бирон шарпа сезилмаяпты.

Млинский.— Сен ҳаммаёқни күздан кечирдингиз? Мина күмилмаганми?

Вакуленчук.— Ҳаммаси жойида.

Серёгин улар ёнiga келиб, таклиф киритади:

— Ўртоқ майор, бир оз ҳордиқ чиқарсак-чи? Одамлар чарчаб қолишиди, сал исиниб олишса, жон киради.

— Майли, сен айтганча бўлсин,— розилик беради Млинский ва Серёгинга буюради:— Қишлоқдан нарироққа пособон қўй, бирон фалокатга йўлиқмайлик тағин.

— Есть!— дейди Серёгин.

Кимсасиз қишлоқдаги Клавдия Герасимовна кулбаси. Млинский, Алиев ва Серёгинлар печка ёқилган кулбада ўтиришилти. Наташа ҳам шу ерда.

Млинский:— Наташа, ҳозир эмас, ихтиёриимиизда бўлган навбатдаги соатда марказ билан боғланасан, хўпми, йўқса, немислар ҳид сезишиб, ҳордиқ чиқаришга ҳам қўйишмаслиги мумкин.

— Шу ердан туриб алоқа ўрнатамизми?

— Йўқ, ўрмондан, беш километрча наридан туриб...

— У картага қарайди.— Сени Бондаренко у ерга бошлиб боради.— Сўнг Серёгинга юзланади:— Қани, энди дам олайлик!

Хонага аскарлардан бири киради.

— Ўртоқ майор! Бу ерда мени ҳол-жонимга қўйиншмаяпти...

— Қим?

— Аллақанақа хотин! Дабдурустдан пайдо бўлиб қолди... Горковенко сизнинг ёнингизга олиб келишни буюрди! Мен, командир дам оляпти, сабр қил, десам, олдинга босгани босган...

— Бу қандай гап, наҳотки, мен ўз уйимга киролмасам? Салом алайкум,— аскарнинг гапига ҳам парвоқилмай, кулбага хушқомат, хипча, рўмол билан юзини кўзларигача беркитган жувон киради.

Млинский уни дарҳол қаршилайди:

— Салом алайкум!— У аскар йигитга буюради:— Сен боравер.

Аскар йигит кетади.

Жувон мезбонларга хос сиполик билан уйдагиларни кўздан кечиради, шошмасдан эгнидаги иссиқ ҳимчани ечиб, бошидаги рўмолни олиб қоқади. У кулба этагидаги харакка ўтириб, этиги ўрнигачувак кияди ва ниҳоят, Млинскийга яқинлашади.

— Хўп, энди танишайлик,— дейди жилмайиб.— Клавдия! Колхозда эскидан бригадир, ҳозир вақтинча раис.

Млинский Алиев билан кўз уриштиради.

— Клавдия... ҳурматни ўрнига қўйиб айтганда қандоқ?

— Клавдия Герасимовна.

— Сиз бизни кечиринг, қўққисдан уйингизга бундай...

— Аксинча, сизлар мени кечиринглар, менинг уйимда тартиб йўқ. Мен ҳозир бир дақиқа. Э, сизлар... картошка қайнатибсизлар-ку...

— Сизнинг колхозингиз қаерда, Клавдия Герасимовна?— сўрайди Алиев.

— Қаерда бўларди?— савол эриш туюлгандек, дейди жувон.— Шу ерда! Ленин номидаги колхоз. Биз фагат вақтинча ўрмонга кўчганимиз.

— Ўрмонда нима қиляпсизлар?

— Турмуш... яшаяпмиз, ишлаяпмиз...

— Колхозчиларингиз кўлми, ўрмонда?

— Асосан, аёллар... етмиш уч киши, эркаклардан иккита. Бундан бўлак, бола-чақа... Сигир, қўй, чўчқа, товуқларимиз бор.— У Млинскийга диққат билан қарайди ва умидланган кўйда сўрайди:— Хўп, сизлар қола-

диган бўлиб келдингларми ўзи? Ёки ҳадемай жўнавора-сизларми?— Жувон саволга жавоб олмай туриб, қўшиб қўяди:— Мен шунга қараб иш тутишим лозим!

— Биз жўнаймиз,— дейди Млинский,— лекин кўлга эмас! Умуман, шу яқин ўртада ўрнашиб қоладиганга ўхшаяпмиз! Сизга қўшни бўлиб...

Клавдия Герасимовна унга, сўнг Алиевга жимгина тикилади ва андак ҳаяжонланган ҳолатда картошка қайнатилган қозон, тузланган карам солинган идишни кўтариб келганича, стол устига дастурхон тузай бошлийди. Эшик орқасида куйманиб, қандайдир латтага ўралган бир шиша ароқ топади ва уни ҳам секин дастурхонга келтириб қўяди.

Млинский карамдан татиб кўриб, Алиевга санчқини кўрсатганча, боши билан имо қиласди.

— Карам яхши экан, Ҳасан, кўнгилдагидек.

Клавдия Герасимовна ароқни Млинскийга яқин сурниб қўяди.

— Қани, бошланг!

Млинский шишани қўлига олади.

— Тинч кунларда харид қилинган ароқ экан, қара! Марҳамат, ўзингиз қўйсангиз...

Уй бекаси ҳаммага ароқ қуийиб, қадаҳ кўтаради.

— Танишиб қолганимиз учун!

— Фалаба ҳаққи!

Барчалари ароқ симириб, тамадди қила бошлашади. Млинский яна карамни олқайди.

— Олинглар, қисинмасдан олаверинглар,— мулозамат кўрсатади Клавдия Герасимовна.

Отряд командири Клавдия Герасимовнага куюнч билан тикилиб, қизиқсинади:

— Эркаклар йўғида хўжаликни бошқариш қийин бўлмаяптими, дейман?

— Бошингда соябонинг бўлмагани қийин албатта, лекин амаллаб турипмиз. Биласизми, эрларимиз баъзан ичишиб, сиздан яшириб ўтирамайман, бизга мушт

дўйлайтиришган пайтлар ҳам йўқ эмасди. Аммо шунга қарамай, улар жангга кетишгач, худди етимчадек бўлиб қолдик... Сизлар олаверинглар... Бизнинг аёлларимиз яхши, идрокли, заҳматкаш. Мана, барчамиз йиғилишиб, колхозни тарқатиб юбормаймиз, деб қарор қилдик, бир ёқадан бош чиқардик, вассалом. Йиғинда мени Алексеичнинг ўрнига раис қилиб сайлашди. У жангга кетган.

Тамадди қилишдан тўхтаб, Серёгин суҳбатга аралашади:

— Ўрмонга нега кўчдинглар? Немислар сизларни чеълаб ўтишгани маълум, шундай экан, қишлоқда тураверса ҳам бўларди-ку.

— Биз нима, душман балки келар, балки йўқ, деб инқайиб қолаверишимиз керакми? Қишлоқда Егор бобони қолдирганимиз. У яримта жон бўлса ҳамки, ўз вазифасини ҳалол бажарайти.

— Хўп, бизнинг қишлоққа келганимизни қаёқдан билдинглар?— сўрайди Серёгин.

— Айтяпман-ку, Егор бобо қолган, деб, ўша хабар қилди. У сизларнинг разведкачиларингизни кўрган. Қеъинин, аскарлар келишганини кузатган. Заставага қадам ранжида қилиб, жияним Фролкага ҳаммасини шипшиганди...

— Ҳали сизларда застава ҳам борми?— таажжубланиди Алиев.

— Бўлмасам-чи! Бутун ишларимиз рисоладагидек,— жилмаяди Клавдия Герасимовна.— Катта хўжалик немисдан фафлатда қолмаслигимиз учун разведкасиз иш битмайди.— Ҳаммага бирма-бир меҳрибон тикилиб, у яна бундай дейди:— Сизлар овқатланиб, бемалол дам олаверинглар, мен энди ўрмонга кета қолай. Сизлар ҳақда хушхабарни хотинларга айтмасам бўлмайди... Биздан, балки, бирон ёрдам керакдир?.. Тортинма, командир, айтавер. Биз бутун колхоз бир бўлиб қўмаклашамиз!

Млинский Алиев билан кўз уриштириб, ўрнидан ту-

ради ва Клавдия Герасимовнага яқинлашиб, унинг кўзларига тик қараганича дейди:

— Ажойиб инсон, Клавдия Герасимовна! Сенга барчамизниг номимиздан... бутун Қизил Армия номидан каттакон раҳмат...

Клавдия Герасимовна.—Москвага ҳар қалай ҳеч нарса бўлгани йўқми? Сталин соғ-саломатми?

— Москвага ҳам, Ленинградга ҳам ҳеч нарса бўлгани йўқ. Сталин ҳам бардам.

— Биз ҳам шундай деб ўйлагандик. Хўп, мен кегдим.

Бизга таниш, бир пайтлар Петренко сўроқ қилинган хонада, ҳайбатли стол орқасида гестапочи Шмидт ўтирипти. Унинг қаршисида елкалари букилиб ўтирган аёлнинг чөхраси очиқ, аммо баёнсиз даражада ҳоргин. Нона тўридаги дивандан штандартенфюрер Вольф жой олган.

— Млинская хоним, сиз эрингизга ёрдам кўрсатишингиз лозим, бу сизнинг қўлингиздан келади. Сиз уни қутқаришингиз керак. Бу унчалик қийин иш эмас. Сиз унга уч-тўрт оғиз сўздан иборат хат ёзасиз. Наҳотки, арзимаган шу ишни хиёнат деб билсангиз?

— Мен унга нима деб ёзишим керак?

— Ҳаммаси оддий, шарт-шароит, аҳвол қандай бўлса, тўғрисини ёзверасиз. Сизнинг эрингиз бир неча ойлардан буён ўрмонда санқиб юриб, дунёда ўзи нима бўлаётганидан хабари йўқ, бизнинг аскарларимиз ҳозир дурбиндан Москвани қўздан кечиришайтганини билмайди. Сиз унга шуни ёзасиз. Бундан бўлак, уни соғиниб қолганингиз, болаларингиз бетоб эканини ёзинг. Бу гапларнинг барчаси тўғри, аслида ҳам шундай эмасми ахир? Биз сизнинг эрингизга, унинг аскарларига тирноқ текизмасликка кафолат берамиз.

— Мен унга хат ёзмайман,— дейди бир оз сукутдан сўнг Млинская.

— Тентак!— бақиради Шмидт.— Сизлар билан гап-

лашиб ўтиришнинг ўзи аҳмоқлик! Сенларнинг энг аввал қон-жоннингдаги фидоийликни ўлдириш керак! Биз шундай қиласмиш ҳам!

Вольф қош-қовоғи солинганча, эшикка йўналади. Остонада тўхтаб, орқага ўгирлади.

— Бекорга асабни бузишнинг ҳожати йўқ, Шмидт,— немисчалаб дейди у.

— Мен сизни тушундим, жаноб штандартенфюрер.

Қиши. Урмон. Йўлда обер-лейтенант кийимидағи немис армияси офицери мотоциклда боряпти. У йўл устида тўнтарилиб ётган дараҳт олдига келиб тўхтайди ва мотоциклдан тушиб, яқинлашади. Орқа тарафдан бошқа бир дараҳтнинг шохи қарс этиб сингани эшитилади.

У орқага ўгирлани заҳоти, ўзига ўқталган немис автоматига тўқнаш келиб, бундай сўзлар қулоғига чалинади:

— Хенде хоҳ!

Орадан дам ўтмай, у ўзини қўлга олиб сапчиганча, рўпарасида турган кишининг қўлидаги автоматни тепиб туширади, аммо шу аснода кимдир унинг бошини букишга уриниб, панжасини босганча, бўйини эзғилай бошлайди...

У орқадаги кишини устидан ўмбалоқ оштиради, бироқ шунинг баробаринда, ўзи ҳам ерга йиқилиб тушади. Унга бир неча киши ташланади. У ерда ётган куйи яна кутилишга ҳаракат қиласди, аммо унга ташланган кишилар энди қўлларини орқага қайириб, билагидан уни тасма билан қаттиқ танғиб қўйишади.

— Уҳ, лаънати фашист!— сўқинади матрос Сашка ўз қўлинни сийпалаётуб.

— Фоз бўлиб туришини қара...

Обер-лейтенант энди ўзича пишқиради холос.

Лукъянов милтиқ оғзини елкасига тўғрилаб, уни олдинга итаради:

— Юр, худо урган, қани, юр!

Қун ёришаётганда навбатчи аскар йигит Млинский-ни уйқудан уйғотиб, унга дейди:

— Полищук билан Лукъянов «тил» ушлаб келишиди.

— Кириншисин,— дейди Млинский.

Шу ерда ухлаган Алиев ҳам уйғониб, ўрнидан туради.

...Кулбага чарчаб, силласи қуриган Сашка билан Лукъянов киришади. Совуқдан кўкарган, эгнидаги шинели сўкилиб кетган обер-лейтенант ёндарга вазмин суянади. Сашка асирнинг қуроли ва ҳужжатларини стол устига қўяди.

— Уртоқ майор, ўрмонда қўлга туширдик.

Лукъянов.— Офицер.

Млинский обер-лейтенантга яқинлашади. Унга тикилиб, аскар йигитларга дейди:

— Раҳмат, йигитлар. Баракалла.

Алиев ўз планшетини очади.

— Фамилиянгиз, исмингиз, унвонингиз?

Обер-лейтенант Млинскийга разм солиб қарайди ва рус тилида сўзланади:

— Буюринг, менинг қўлимни бўшатишин!

— Ечинглар қўлини!

Офицер хараккя яқинлашиб, оғир чўкади ва яна мурожаат қиласади:

— Иккимиз ёлғиз гаплашишимиз керак.

Млинский бир Алиевга, бир офицерга кўз ташлайди. Алиев бошини силкиб қўйиб, кулбадан чиқиб кетади. Ҳайрон қолишган Сашка билан Лукъянов ҳам унга эргашишиди.

Млинский обер-лейтенантга ўйчан тикилади.

— Майор Млинский дегани сизми?

— Хўп, масалан, ўша мен, дейлик,— мужмал жавоб қайтаради Млинский.

— Москвада осмон беғубор!..

— Нима дедингиз?— сўрайди Млинский.

— Москвада осмон беғубор!..— дона-дона қилиб, ўз сўзини такрорлайди офицер.

— Капитан Афанасьев!.. Қопламоқда Берлинни булат!..— жавоб қайтаради Млинский.— Биз сизни қидирмаган жойимиз қолмади!

Афанасьев индамай печкага яқинлашганча, чойнакни қўлига олиб, ўзига қайноқ сув қуяди. Сувни шошмасдан, қултумлаб ичади. Ҳорғинлик билан эгнидаги шинель, бошидаги фуражкани ечиб, стол ёнинга қелиб ўтиради.

— Мен Марказ билан боғланишим лозим.

Млинский бир кесим ёғ, нон ва шишанинг остида қўлгун ароқни столга келтириб қўяди.

— Олинг, ичинг, баданингизга бир оз иссиқ югурмаса бўлмайди.

Афанасьев ўзига ўзи ароқ қўйиб ичади ва ёғни оғзига ташлайди. Сўнг сигарета тутатганича, иссиқ печкага суннади.

— Мен оғир кунга қолдим, ўртоқ майор!.. Радистим ҳалок бўлди, рация барбод бўлди... Фронт билан алоқа йўқ. Муайян жойда мен билан алоқа боғлаб турадиган кишини ҳам йўқ. Менинг ўзимга келсак, мана, сизнинг қўллингизда асир бўлиб ўтирилман.— Ғамгин жилмаяди у.

— Нега шароитингиз бунақа бўлиб қолди?

— Билмайман,— дейди Афанасьев ҳорғин.— Бизнинг радио-алоқамизни пайқашган ёки бирор сотган бўлса керак... Ҳозирча аниқ бир гап айтишим қийин.

— Сиз билан шу пайтгача алоқа боғлаб турган кишилар-чи? Улар нима қилишяпти?

— Улардан биттасини йўқотишиди. Қолганлари боғланишга имкон бўлмаётгани тўғрисида сигнал беришяпти. Мен Марказ билан тез боғланишим керак.

— Егоричев!— овоз беради майор.

Навбатчи йигит киради.

— Вакуленчук дарҳол менинг ёнимга кирсин!

— Есть! — навбатчи йигит кетади.

— Менинг полицияда ишлаган запасдаги алоқачим ҳам сўнгги пайтда кўринмай қолди, — сўзини давом эттиради Афанасьев. — Айтмоқчи, сизнинг отрядингизга суқилиб кирган гестало агентлари тўғрисида бизнинг огоҳлантиришимиз сизга етиб келган бўлса керак?

— Ҳа, раҳмат, лекин сиз хабар бергунингизга қадар отрядга гуноҳини кечиришимизни сўраб Охрим Шмиль деган полициячи келди. Фақат, у ўзидан бўлак яна қандай гестало кишилари борлигини бизга билдирамаяпти.

— Сир сақлаяптими?

— Афтидан, буни ўзи ҳам билмайдиганга ўхтайди. Биз ҳар эҳтимолга қарши отрядимизга келиб қўшилган барча кишиларни назорат қилиб турипмиз. Бу Шмиль, ниманидир айтмаётгандек таассурот қолдирапти, лекин айтмагани нима — билолмаяпман.

— У билан сұхбатлашсам, чакки бўлмасди... У менинг сўнгги пайтда жим бўлиб кетган алоқачим тўғрисида бирон нарса билиши ҳам мумкин.

— Сиз ўз алоқачингизни танийсизми?

— Йўқ, унинг афт-ангори қандайлигини фақат эшитганман.

Вакуленчук киради.

— Мумкинми?

— Марҳамат, мичман. Охрим Шмильни менинг ёнимга бошлаб кел, кейин Наташага айт, тезлик билан рацияни тайёрлаб турсин.

— Есть! — дейди мичман, ҳайратланиб кўз қири билан «обер-лейтенант»га қараб қўйганича.

— У бу ердан узоқ жойдами? — сўрайди Афанасьев.

— Йўқ, икки қадам нарида. — Вакуленчук чиқиб кетади.

Млинский Афанасьевга пахтали нимча тутқазади.

— Ҳозирча кийиб ўтиринг...

— Миннатдорман, — дейди Афанасьев. У нимчани олади ва ташқари эшик очилиб-ёпилгани эшитилганида,

ўрнидан қўзғалади.— Мен манави парда орқасидан туриб, бу агентнинг қанақалигини кузатмоқчиман.

Афанасьев парда орқасига ўтиши билан, Вакуленчук уйқудан қош-қовоғи шишган Охримни бошлаб киради.

— Мумкинми?

— Шмиль, шаҳарда хизмат қилган барча полиция ходимлари тўғрисида икки оғиз гапириб берсангиз,— дейди майор.

— Ўзим билганларими?

— Ҳа, албатта.

— Мен соқчилар взводида эдим... Биз фақат баъзан комендатура билан гестапо буюрган ишларни ҳам баъзардик.

Млинский.— Бир бошдан. Сизнинг взводингизда бўлган полициячиларга тўхтаб ўтайлик. Улардан ҳар бирининг афти ангори гўғрисида гапирсангиз. Иложи борича аниқ, батафсил.

Шмиль.— Биз тахминан йигирма бештacha киши бир ерда...

Қўққисдан Афанасьев парда орқасидан чиқади. Шмиль унга кўз қири билан қараб қўйиб, юзини четга буради.

— Айтинг-чи, Шмиль,— савол ташлайди Афанасьев, — сиз сесанба кунлари соат бир билан икки ўртасида қаерда бўлишингиз керак эди?

Млинский Афанасьевга ажабланиб қарайди. Шмиль ўйланиб, босиқ жавоб қайтаради:

— Мен Марказий кўчада, эшиги устига тақа шакли туширилган атторлик дўкони олдида бўлишим керак эди.

— Нега?

— Менинг ёнимга бирор келиб, мендан бир нарсани сўраши лозим эди...

— Кечирасиз, сизда папиро ёндиригич йўқми?— дейди Афанасьев.

— Йўқ, менда алмисоқдан қолган гугурт қути...

— Хўп, қисқаси, салом алайкум,— дейди энди Афансев ва Млинскийга юзланади.— Мана, яхшироқ танишиб олинг, ўртоқ майор, менинг йўқотган алоқачим ҳам топилди... Мен, сизни бу ерда кўраман деб, ҳеч ўйламагандим...

— Шунаقا бўлиб қолди,— дейди Охрим ва Млинскийга мурожаат қиласди.— Кечирасиз, мен ҳаммасини сизга айтишимнинг иложи бўлмади, ўртоқ майор.

— Тушунарли, ўртоқ Шмиль,— бош силкийди майор ва у билан қўл сиқишади.— Хўп, келинглар, энди бундан бу ёғи нима қилишимиз тўғрисида бош қотирайлик.

Афансев.— Мен доим шаҳарда бўлишимга тўғри келади.

Млинский.— Демак, сизга доимий алоқачилар керак.

Афансев.— Муайян жойда мен билан боғланиб турадиган кишисиз ҳам иш битмайди.

— Мен бормоқчи эдим,— дейди Охрим,— лекин бу ерда менга жавоб беришмади.

Афансев.— Сиз гестапо буйруғини бажармай шаҳарда кўзга кўринишингиз қийин. Бўпти, алоқачилар масаласини яна ўйлаймиз.

Млинский мулоҳаза юритиб кўриб, дейди:

— Муайян жойдаги одам масаласида мен шаҳарда кўзлаб қўйган Павел ҳазрат деган киши бор. Ўша орқали муносабат ўрнатса бўлади.

Афансев майорга тикилганча, илжаяди.

— Нега куляпсиз, капитан?

— Ўзим... Сиз айтган руҳонийни мен кўпдан буён кузатиб юргандим...

Икковлари ҳам кулиб юборишади.

Генерал Ермолаев штаби. Хонада Ермолаевнинг ўзи ва фронт Ҳарбий советининг аъзоси Садовников ўтиришипти.

— Фашистлар аскарий қисмларни жой-жойига қўйиши ниҳоясига етказишапти,— дейди Ермолаев.— Бундан келиб чиқадиган хулоса шуки, улар яқин кунларда ҳужумга ўтишлари мумкин.

— Улардан қайси дивизиялар бош йўналишда турипти?— сўрайди Садовников.

— 2-, 12- ва «Рейх» танк дивизияси.

— Бу аниқ маълумотми?

— Ҳа, биз бир неча далилларга суюньямиз, капитан Афанасьев ҳам буни тасдиқлаяпти.

— Улар ўзлари босиб олишган ерларда осойишталик ўрнатишга ҳеч нарса қолдиришмаяптими? Сиз менга, майор Млинский отряди душманнинг алоқа воситаларини емиришда фаол иш кўрсатяпти, деган эдингиз.

— Фон Хорн илоннинг ёғини ялаган. У ҳозир фронтдан биронта ҳам аскар ажратмаяпти.

— Ҳўп, нима қилдик, Сергей Павлович?

Ермолаев кабинетнинг бутун бир деворини эгалланган картага яқинлашади. Уни жим кўздан кечиради. Садовников ҳам карта ёнига келади.

— Улар бизнинг мудофаа чизигимизни ёриб киришлари эҳтимоли йўқ эмас,— ўз фикрини билдиради Ермолаев.— Мана, бу ерда,— картага ишора қиласи у,— бизда учта дивизия бор холос, булар ҳам унчалик мустаҳкам дивизиялардан эмас... жангларда тўзиб қолишиган, сон эътибори билан полклар, деса бўлади... йигитларнинг асосий қисми артиллерия билим юрти ўқувчилари...

Садовников картадан кўз узмаганича, сўрайди:

— Бизнинг резервимизда нималар бор?

— Иккита танк бригадаси ҳамда Казаков дивизияси.

— Биз, масалан, душманнинг ҳужумини кутиб турмай, қарши ҳужумни бошлаб юборсак-чи...— ўз мулоҳазасини ўртага тўқади Садовников.

— Қандай қилиб?

— Резервларни ишга солган ҳолда, албатта.
— Мабодо фон Хорн бошқа участкалардаги қисмларни ишга солса, биз унда барибир қийналишимиз турған гап.

Садовников картага тикилади.

- У қайси қисмларни күчира олади?
- Дейлик, чап қанотдаги қисмларни...
- Бу 18-танк дивизияси.
- Худди шундай.

Садовников бир нафас ўйланиб, таклиф киритади:

— Хўп, ўнг томондаги қўшнингиз сизга қўшилиб ҳужум қилса-чи?

— Яхши бўларди.

Ҳарбий совет аъзоси хаёлидагини яна ўртага тўқади:

— Демак, сиз билан биз душманнинг қисмларини кўчиришига қандай ҳалал бера олишимиз тўғрисида ўйлашимиз лозим.

Ермолаев Садовниковнинг бу фикрини маъқуллаб, дейди:

— Ҳалал бериш учун асосий хизматни ўтаган темир йўлни ҳеч бўлмаганда бир неча кунга ишдан чиқариб, мана бу йўлдаги кўприкни портлатиш керак. Биз бунга эриша олсак, ҳозирги об-ҳаво шароитида душман маневр қилиш имконидан буткул маҳрум бўлиб қоларди.

— Балки, авиациядан фойдаланиб, буларнинг иккисини ҳам бомбардимон қиласмиш, нима дейсиз?

— Бу билан мақсаддага эришиш қийин. Улар самолёт уриб туширишга уста. Бунинг устига, ҳозирги об-ҳавода осмондан мўлжаллга олиш кўп ҳам ўнгай эмас.

— Хўп, масалан... авиация билан биргаликда Млинский отряди ишга киришса-чи?.. Учувчилар ишни бошлashingadi, Млинский эса охирига етказади,— таклиф қиласди Садовников.

— Ана бу бошқа гап!— бир дам ўйланиб, дейди Ермолаев.— Лекин бу режа амалга ошиши учун душман худди ҳужумга ўтиши арафасида, шунга мослаб, унга

зарба бериш керак. Биз фон Хорн қайси соатда ҳужумга ўтишини аниқ билишимиз лозим...

Млинский ўрнашган лагерь.

Кулбага Матвей бобо киради. Млинский унга савол ташлайди:

— Қалай, тайёрмисан, Матвей Егорович?

— Аскар ҳамиша хизматга тайёр, ўртоқ майор!— дейди Матвей бобо муғамбирона илжайиб.

— Йўл олдидан оқ фотиҳа қилайлик бўлмаса, ўтири. Чойга ҳафсаланг қанақа?— Чойнакни қўлга олади Млинский.

— Йўқ, чой ичдим. Бўлди.

— Қуролинг борми ённингда?

— Бор, бўлмасам-чи!

— Кўрсат.

Матвей бобо қўйнидан тўппонча чиқариб, командирга кўрсатади. Млинский беозорлик билан тўппончани бобонинг қўлидан олиб қўяди.

— Худога ишон, ўзингга эҳтиёт бўл, дейишади. Қайтиб келганингда бераман. Сенга масъулиятли вазифа юклайпмиз. Фронт штаби бизга қараб турипти.

— Тушунаман, Иван Петрович.

Млинский Матвей Егоровичга яна бундай панд-насиҳат қиласди:

— Сен кўп шошма... Сен тўппа-тўғри Павел ҳазратнинг ёнига борма... Черковни кириб томоша қил, у ёнбу ёнга қара, яна биронтаси эргашган бўлмасин... Тартибга риоя қилиб, шам ёқ, чўқин.

Матвей бобо кўзларида бир алам қалқиб, дейди:

— Ҳа, шам ёқишим мумкин. Анастасиямни эслаб.

— Демак, тушунарли... Дуо ўқиши эсингдан чиқмаганми?

— «Э, парвардигор, осий бандаларингга ўзинг раҳми шафқат қил...» Қизиқ, эсимда...— жилмаяди Матвей

бобо.— Бўлмаса, мен худога ишонмай қўйганимга кўп бўлди, Иван Петрович.

— Бундан кейин ҳам ишонмасанг, ишонма. Лекин у ер худонинг уйи.

Млинский билақ Матвей бобо кулишади.

Станция яқинидаги ўрмон. Ҳаммаёқни қор босган. Ўрмонни оралаб, навбатчиликни қабул қилгани Охрим билан Игнат, булардан олдинроқда Вакуленчук боришяпти.

Улар ўрмон этагига чиқишиади. Рўпарада қорга бурканган дала. Олисдаги тепаликда станция жойлашган. Мичман икки қўлини чиллак қилиб оғзига босади ва худди какку қўши сайрагандек овоз чиқади. Куюқ бутазор устида аскар бир йигитнинг боши кўринади. Ў ва ҳамроҳи Вакуленчукнинг ёнига келишади.

— Ўринларингга одам опкелдим!— дейди Вакуленчук.— Совқотмадингларми?

— Вақтидан икки соат кўп туриб қолдик,— инжийди бояги аскар.

— Станцияда нима гап?

— Олти эшелон шимолга, фронт томонга ўтди, учтасига танк ортилган. Тўртта эшелон орқага бўш қайтиди, иккитаси ярадорларни обкетишиди.

Вакуленчук Игнатдан биноклни олиб, кўз югуртади, сўнг эгасига уни қайтиб беради. Станция томонда маневр қилишга тайёрлаб қўйилган паровоз вагонлари, цистерналар, атрофда буларни қўриқлаш учун ўрнатилган пулемётлар кўзга ташланади. Мана, цистерналар юкланган состав занжир бўлиб секин суринмоқда. Икки паровоз илдам босиб, уни очиқ йўлга чиқарив қўйишиди. Вакуленчук Игнатга постни қабул қилишини буриб, унга кўрсатма беради:

— Диққат билан кузат! Кечга томон ўрнингга одам юбораман.

— Есть, командир!— дейди Игнат.

Вакуленчук навбатчиликдан бўшаган икки аскар билан ўрмон бағрига сингишади.

Игнат билан Шмилъ постни эгаллашади. Игнат биноклдан станция томон қарайди. Темир йўлда аравача фиддираяпти.

— Ўрмон сенга жа ёқиб қолди шекилли, Охрим! — чекаётиб, дейди Игнат.

— Сен эҳтиёт бўлиб чек,— уни огоҳлантиради Охрим.

— Сен, қараб турсам, ҳаддан ташқари юрагингни олдириб қўйипсан! — тўнғиллайди Игнат. — Эски хўжайинларингни эсдан чиқариб қўйдингми, дейман? — Охримга тик қадалади у.

Охрим сергакланади.

— Нега нафасинг ичингга тушди? Тиззанг қалтиряптими? Сени қараю!.. — кулади Игнат ва дона-дона қилиб дейди: — Сенга Бойқушдан салом!..

Охрим унинг гапига жавоб бермайди.

— Мени эшиитмаяпсанми, Охрим! Сенга Бойқушдан салом!.. — дейди яна Игнат.

— Бойқуш қизилтошнинг уясига кириб кетган!.. — жавоб қайтаради ниҳоят Охрим.

— Тўппа-тўғри! — илжайиб дейди Игнат ва қўшиб қўяди: — Мана, қоидага мувофиқ иш тутишнинг кифтини келтирдик... Сен билан биз бу ерда, шунча вақт ўтиб, вазифамизни бажарганимиз йўқ!. Бу ҳолда бирорнинг юзинга қандоқ қараймиз... Қисқаси, бу кечада жон койитишимизга тўғри келади.

— Ҳали эрта эмасмикан? — ғўдранади Охрим.

— Кеч бўп қолса, кимга додингни айтасан! — уни силтаб ташлайди Игнат. — Булар яна бир балони бошлишади. Млинский, анави комиссар билан Серёгин бир пайтда кулбада йиғилишади, менинг ўзим улар билан шурӯлланаман... Сен Наташа билан рацияни тинчиласан! Иккимиз баб-баравар ҳаракат қилишимиз керак... Навбатчиликни толширгандан кейин ошхона ёнига боргин,

Мен у ерда граната жамғарыб қўйғанман... Йиши битириб, тезгина жиламиш!

— Бўпти!— кайфияти бузилиб дейди Охрим.

Радист турган ертўла.

Наташа радиограмма магзини чақяпти, Млинский кутяпти.

— Нима дейишган экан?— сабрсизлик билан сўрайди у.

Разведка маълумотига қизиқишияпти яна,— дейди Наташа қўлидаги қофозни Млинскийга узатешиб.

— Навбатдаги сеанс қачон бўлади?

— Ҳар икки соатда боғланишимиз мумкин... Интизорлик билан жавоб кутишяпти...

Алиев киради.

— Матвей бобо қайтиб келди.

— Қани у?

— Заставага эмаклаб етиб олгаига ўхшайди. Чолнинг аҳволи чатоқ. Зина дарҳол ўша ёққа жўнади.

— Наташа, хабар қил, ўзимиз жилла туриб алоқа боғлаймиз,— дейди Млинский ва Алиев билан бирга ертўладан чиқиб кетади.

Матвей бобо қарағай шох-шаббалари устида чўзилиб ётипти. Шамол ўчирамасин учун тортилган парда ёнида милтираётган бир ҳовучгина гулхан шуъласи унинг юзини фира-шира ёритмоқда. У чуқур нафас оляпти. Тер қоплаган нам соchlарни йиртиқ қулоқчини остидан тўзиганча чиқиб турипти. Зина унинг совуқ олган оёқларига дори-дармон қилмоқда. Навбатчиликда бўлган аскарлардан бири Зинага кўмаклашяпти. Млинскийни кўриб, бобо ҳамшира қизни ўзидан бир оз четлашади.

Майор Матвей бобонинг устига энгашади.

— Матвей Егорович!..

— Мени маъзур тут, Иван Петрович...— хаста то-

вушда дейди бобо,— сенинг ишончингни оқлаёлмади Матвей бобонг... Қаёққа қарама, застава, ўтиб бўлмади. Далани оралаб кетмоқчи эдим... Лекин кўрмайсанми... белгача қор. Мени маъзур тут...— У ўрнидан туришга уринади.

— Ёт, ётавер, Матвей Егорович,— дейди Млинский.— Зина, муолижангни давом эттиравер...

Зина чолнинг оёғини яна уқалашга тушади.

— Озгина отсам, яхшироқ бўлармиди?— дейди бобо.

— Ҳозир, ҳозир,— дейди спирт ишлатаётган Зина.

— Демак, ўтишнинг ҳеч иложи йўқми?— хўрсинади Млинский.

— Мен энди етиб боришим қийин, дармоним қуриди...— дейди паст товушда бобо.

— Мен одам билан замбил юбораман,— дейди Млинский Зинага.— Уни мен турган уйга оборинглар...

Қоп-қора тун. Ертўлада жойлашган ошхонанинг орқа тарафида, ўрмонликда икки киши — Охрим билан Игнат туришипти. Устини шоҳ-шабба, сўнг эса қор қоплаган ўрани кавлаштириб, Игнат бир неча гранат олади.

— Демак, келишдик!— шипшийди Игнат.— Млинский билан Алиев келишган заҳоти, мен ҳуштак чаламан, бу ишни бошлайвер, деганим бўлади. Эшикда турган навбатчини обташлайсан. Семён бугун постда турипти, ертўлада Наташа бир ўзи бўлиши керак... Бешта граната у билан рацияни тинчтишга етиб ортади...— Охримга граната узатади у.

— Яна битта граната бера қол,— сўрайди Охрим.

Дарахт шохлари шитирлагандек бўлади. Игнат жон ҳолатда атрофга аланглайди... Жимлик...

— Сенга бирон нима бўлдими?— секин савол ташлайди Охрим.

— Дарахт шитирлади шекилли.

— Ҳа, бу шамол...— дейди Охрим.— Хўп, менга яна битта!

— Ма,— шивирлайди Игнат, граната узатганича.
— Тўппончани ҳам узатмайсанми бу ёқقا?

— Сен жа берганинг юзига қарамайдиганлар тоифасидан экансан, Охрим, сенга шунча гранатанинг ўзи ортиқча.

Бехосдан фонарь шуъласи Игнатнинг юз-кўзига тушади. У даб-дуруст рўй бераётган воқеадан саросималаниб, бир нафас кўзларини юмади ва худди шу аснода Охрим унга ташланади. Аммо Игнат Охримни зарб билан ўзидан нарига силтаб, шуъладан узлатга чекланганича, «...эҳ, сен ювиндихўр сотқин!»— деб қичқирган кўйда тўппончадан икки марта ўқ узади ва ўрмон ичкарисига қоча бошлайди. Охрим ихраганча қорнини чанглаб, қор устига йиқилади.

Буталар орасидан учта матрос сакраб чиқишиади.

Булардан биринчиси — Сашка. У қочиб бораётган Игнатга қараб автоматдан ўт очади. Игнат дараҳтлар панасида беркиниб, матрослар томон кетма-кет иккита граната улоқтиради. Қулоқни қоматга келтирадиган портлаш рўй беради.

Матрослар яна ўт очишади. Игнат тўппончаси қўлидан тушиб, гандираклаб қолади ва ниҳоят, асфаласо-филинга жўнаган кўйда буталар орасига қулайди. Фонарь унинг қор устида ётган мурдасини ёритади. Бояги олишув юз берган жойда қаттиқ яраланган Охрим ердан бош кўтаришга уринмоқда.

Млинский ўрнашган лагерь.

Матвей бобо кулбадаги узун тахта устида қўй терисидан тикилган пўстинга ўраниб ётипти. Матвей бобонинг невараси Алёшка, чолга совуқ кор қилмасин, деб у ўранган пўстинни тартибга келтиряпти. Зина чолнинг манглайига кафтини босганича, дейди:

— Мен турган ертўлага чоп Алёша, токчадаги устига дока ташланган темир қутичада аспирин бор. Топол-

масанг, Мишавойни уйғот, сенга топиб беради. Қани бўл.

Алёша юрганча хонадан чиқиб кетгани заҳоти, бу ерга Млинский, Алиев ҳамда Вакуленчуклар кириб келишади. Млинский чолга кўз ташлаб қўйиб, Зинадан сўрайди:

— Бир оз дурустми, аҳволи?

— Йўқ, иситмаси тушмаяпти, ёняпти Матвей бобо.

Млинский бир чеккага ўтириб, телпагини бошидан олганича, ўйчан шикоятланади:

— Фалокат бир ўзи келмас экан...

Матвей бобо бир ёнбошидан иккинчи ёнбошига афдарилиб, ногоҳ паст товушда дейди:

— Иван Петрович...

Майор уни гапиргани қўймайди:

— Сен ёт, ётавер, Матвей Егорович, безовта бўлма. Бир иложини қилармиз.

Матвей бобо ўзиникидан қолмайди:

— Иван Петрович, Алёша билан Мишавойни юбора қол. Улар заставадан ўтиб кетишади...

Млинский чолгә тикилади.

— Қўй, бобо, гапирма! Қалтис иш бу!..

— Сен учун жуда қалтис, мен учун балки озроқ, аммо болалар учун... улар шайтон, кўзни шамғалат қила олишади. Йўлга келса, Алёша йўлни билади...

— Гўдак-ку улар ахир, Матвей Егорович! Киши қўрқасан,— дейди Алиев.

— Нима, мен қўрқмайманми?— кескин жавоб қайтаради Матвей бобо.— Алёша менинг неварам, бунинг устига, орқамда қолаётган биргина зурриёт.. Лекин Москва бизни кутяпти, Иван Петрович. Эҳтимол, шахсан Сталининг ўзи кутаётгандир. Мен Алёшага нима қилишини обдан тушунтираман. Сен фақат уларга ишончлироқ йигитларни қўшиб бер, немис постигача кузатиб Қўйищсин...

Млинский индамайди.

— Ўртоқ майор,— гапга аралашади Зина.— Менга ижозат бермайсизми? Кўнглим сезиб турипти, ўтиб кетаман.

— Сен ўтиб кетолмайсан, Зина,— ҳорғин товушда дейди Матвей бобо.— Яқин бормасингдан немислар сени тутиб олишади... Ўтган тақдирда ҳам, Петренко шаҳарда изғиб юрипти, сени яхши танийди...

— Зина, сен ўз ишингга, санчастга бор, Охрим Шмиль оғир яраланиб ётипти,— дейди майор ва Алиев томон бурилади.— Болаларни юборишга тўғри келади, Ҳасан, бошқа чора кўринмаяпти.

— Шунақа,— тасдиқлайди уни комиссар.

Млинский Вакуленчукка бўйруқ беради:

— Болаларни йўлга тайёрланглар!

— Есть!— дейди мичман.

Черковда эрталабки ибодат бормоқда.

Художўлар кўп эмас: қора кийган кампирлар, соқоли оқариб, сочи тўқилган бир неча чоллар, ҳар хил удава, латта-путтага ўранган норасидалар.

Ўртадаги меҳробда теграси олтин билан қопланган маъбуда тасвири.

Снаряд шикаст етказган обиданинг тепа қисмига шамол ин қурган. Темир қопламали том шундан асабга тегиб тириқлагани тириқлаган. Узун занжирга осилган ва сезилар-сезилмас тебраниб турган каттакон биллур қандилнинг ярми учиб тушган.

Ибодат охирламоқда. Павел ҳазрат ҳамду санони ўқиб тутатган. Черков хори хонақо гумбазини янгроқ товушга тўлдириб, сўнгги оятни қироат қиляпти: «Худоё, барча ўтганларни бирдек раҳмат қил...»

Павел ҳазрат минбарга чиқади. Унинг бўйнида кумуш хоч осиғлиқ. Хор қироғини тутатган палла, у оллоҳга чўқиниб, ибодат охирида айтиладиган калмани зикр этади: «Раббано, оят-ибодатимизни даргоҳингга қабул айла. Сенинг марҳаматингдан кўнгилларимиз му-

наввар бўлсин». Сўнг каттакон очни қўшқўллаб тутганча, ибодатга келганлар бошидан ўгириб, минбардан пастга тушади. Художўйлар хоч ҳамда Павел ҳазратнинг қўлини ўпишга ошиқишиади. У айримлар билан икки оғиз сўзлашиб, уларга маслаҳат, бошқа бирорларга эса таскин беради. Одамлар гумбазга туташ вазмин устунга осиғлиқ бутга сажда қилишганча, бирин-кетин чиқиб кета бошлишади.

Шапкаларини қўлларида фижимлашган Алёша билан Мишавой Павел ҳазратга яқинлашишиади. Ҳазрат бошини эгиб, ёnidаги юзига мўлтираб турган ориқ, жиккак кампирга алланимани тушунтиromoқда. Қампир чўқиниб, очни, сўнг Павел ҳазратнинг қўлини ўлади ва ниҳоят дейди:

— Мен учун ҳам ибодат бажо келтир, отахон.— У бир неча қатла таъзим қилиб, нари кетади.

Алёша очни ўпганча, сўз қотади:

— Дуо қил, Павел.— Руҳоний қўлини бошига қўйгач, секин пичирлайди:— Сизга Александр Қарповичдан салом.

— У ҳозир қаерда истиқомат қилмоқда, ўғлим?— аста сўрайди Павел ҳазрат.

— Чистие пруди кўчаси, еттинчи уй,— тез жавоб қайтаради Алёша ва қўшиб қўяди:— У сиздан дуо қилишингизни сўраяпти...

— Тунги ибодат пайти соат тўртларда ҳузуримга кел. Мен унга табаррук кулча юбораман.

Алёша ҳазратнинг ўзи томон чўзилган қўлини ўпиди, ундан узоқлашишиади. Энди Мишавой унинг ёнига боради.

— Дуо қил, падари бузруквор.

— Кел яқинроқ, бўтам, кел.

Павел ҳазрат Мишавойни ҳамда шу ерда қўлтиқтаёққа суюниб турган майиб чолни дуо қилади ва астасекин кўп жойларида олтин ҳошиялари сидириб олинган ҳашаматли эшик томон суринади.

Алёша билан Мишавой иккى томонида буталари ерға қапишиб ўсган қишлоқ йўли четидаги сўқмоқ бўйлаб одимлашмоқда. Совуқ булут ва туманга бурканиб, шаҳар улардан анча олисда қолган.

— Алёша! Қорним очди!— дейди Мишавой.

— Сен юҳомисан, нима бало, Миша? Шаҳарга бораётсиб, йўл бўйи оғзинг тингани йўқ, шаҳарда менга тегишли ёғни ҳам паққос туширдинг. Яна инқиллашингни қара!..

— Еф ҳали бор шекилли!— қовоқ уйиб дейди Мишавой.

— Оч қоринга йўл босган яхши!.. Жа бўлмаса, маза қилиб қор симиравер,— кулади Алёша.

— Алёша!.. Кулчадан битта тишлат...— инқиллайди Мишавой.

— Мен сенга кулчани кўрсатаман!— жаҳли чиқиб дейди Алёша. Кулча йўқ.

— Биттагина тишлат ақалли...

— Йўқ, дедимми, йўқ, Миша, гап тамом.

Муюлишда шу асно енгил машина кўринади. У болалар ёнидан шиддат билан ўтиб кетади. Машинада — ҳайдовчи ёнида Шмидт, орқада Петренко билан Вилли ўтиришилти. Петренко қайрилиб, болалар томон тикилиб қолади. Вилли ундан сўрайди:

— Намунча қараб қолдингиз, жаноб Петренко?

— Менга анави болалар таниш бўлиб туюлишди,— дейди Петренко ва бир нафас ўйланниб, таклиф киригади.— Орқага қайта қолайлик!.. Мен бу болаларни Млинский отрядида кўрганга ўхшаяпман...

— Ҳа-ҳа-ҳа! Сизга ҳамма нарса Млинский отряди бўлиб кўринади кейинги пайтларда,— кулади унинг гапига ёнида ўтирган ҳамроҳи.

— Нима қилганда ҳам, уларни бир текшириб кўрайлик, жаноблар!— дейди Петренко андак инжиган товушда.

— Орқага қайтамиэми, Ганс? — иккиланган кўйда сўрайди Вилли Шмидтдан.

— Мен йўлда орқага қайтишни ёқтирмайман, Вилли! Бунинг хосияти йўқ... — дейди Шмидт. — Лекин жаноб Петренко икки оёқни бир этикка тиқадиган бўлсалар, билмадим...

— Мен сизлардан ўтинаман.

— Франц, орқага! — буюради Шмидт ҳайдовчига.

Машина орқага бурилиб, болалар томон йўналади.

Йўл муюлишидаги буталар орасида Вакуленчук билан бир неча жангчилар беркиниб ётишипти. Яқинлашиб келаётган болалар ва уларни таъқиб қилаётган машинага йигитларнинг кўзи тушади. Болалар муюлишга етиб, беркинишларига оз, эллик метрча масофа қолган. Аммо улар имиллаб оёқ босишяпти...

Машина яқинлашмоқда.

Вакуленчук бутазор бўйлаб югуради.

Машина ниҳоятда яқинлашган. Улгурмаслик мумкин!.. У ҳозир болалар йўлини тўсади.

Вакуленчук йўлга сакраб чиқади ва: «Ерга ётларинг!» — деб қичқирганча, граната улоқтиради.

Болалар машина яқинида қор устига қулашади.

Портлаш...

Вакуленчук ҳамон юргурганича, келиб тўхтаган машинага тўғри юзланиб, автоматдан ўқ очади. Яна бир граната улоқтиради.

Қайтиб ўриидан жилган машина йўлдан четга суриниб, афдарилганча, ёна бошлайди. Петренко, Вилли ва Шмидт машина остидан чиқишиади.

Ўрмон ёқасида Млинский отрядидаги йигитлардан яна уч аскар пайдо бўлишади. Петренко уларга қараб ўқ узганича, қочмоқда. Вакуленчук автоматдан ўт очиб, уни тинчтади.

Машина тўқилган бензиндан баттар алганга олиб, гуриллаб ёняпти.

Аскар йигитлар устига ўт кетган бир намойишда қочиб бораётган Виллини ўққа тутиб, ер тишлатишиди.

Шмидт Вакуленчук томон ўқ узади. Мичман қўлидаги автомати тушиб, ерга йиқилади. Аскар йигитлардан бири Шмидтни асфаласоилинга жўнатади.

Икки ўртадаги қисқа олишув ниҳоясига етганида, Мишавой Вакуленчукининг ёнига югуриб келади. У ерда чўзилиб ётган мичманнинг кўксига бошини суйкаб, йифлаб юборади.

Ертўлада Наташа радиограмма бермоқда.

Радиограммадаги рақамлар бундай сўзларга айланади:

— «Фон Хорн ўн еттинчи ноябрь куни соат олтию ўттиз дақиқада ҳужумга ўтади...— Наташанинг қўли остида, лентада нуқта ва тире акс этади.— Бизга юклangan вазифани бажаришга тайёрмиз. Млинский».

Млинский штабида командирлар мажлиси ўтяпти. Барча катта диққат-эътибор билан шаҳар партия комитетининг секретари Николай Сергеевичнинг сўзини тинглашяпти:

— Бизнинг муқаддас тупроғимизга фалокат ўрмалади. Душман на кексалар, на болаларга раҳм-шафқат қилмоқда, аммо бизни енгиб бўлмайди. Бутун халқ фашист босқинчиларига қарши курашга отланиб, оёққа қалқиган. Биз партизанларни, ўртоқлар, сиз, Қизил Армия жангчилари, қўллаб-қувватлаётганингиз ниҳоятда суюнтиради. Фашист босқинчиларига ўлим!— Николай Сергеевич сўзини тугатиб, стол ёнига ўтиради.

Ингилганларга Млинский юзланади:

— Уртоқ командирлар, вазифани яна бир карра аниқлаб олайлик! Розанов ротаси катта йўлга чиқиб, йўлни назорат қилганча, кўприкни портлатади. Биронта машина, биронта аскар станция томонга ҳам, станция томондан ҳам ўтишига имкон бермаслик керак...

— Тушунарли, ўртоқ майор!— дейди Розанов.

— Капитан Серёгин уч взвод ва Николай Сергеевич партизанлари билан биргаликда йўлдаги посбонлар ҳамда комендатурани даф қилишиб, отряднинг талофат кўрмай чекинишини таъминлайди.

— Есть!— дейди Серёгин.

— Старший лейтенант Хват бошчилигидаги икки взвод вокзал, пакгауз ҳамда сув чиқарадиган насосларни йўқ қилиши кўзда тутилади.

— Худди шундай, ўртоқ майор.

— Комиссар Алиев қўли остидаги сапёрлар биринчи навбатда қатнашга яроқли изларни қўпориб, бутун темир йўлни паровоз алмашинадиган нуқталаргача ишдан чиқаришлари лозим.

— Тушунарли,— бошини силкийди Алиев.

— Лукьянов.

— Мен, ўртоқ майор, эшитаман!— дейди Лукьянов.

— Сен ўз йигитларинг билан вагонларни тўзитиб ташлайсан. Энг аввал танк юкланган эшелонларни рельсдан нарига суришларинг керак.

— Суришни қотирворамиз.

Ҳаммалари кулишади.

Млинский.— Мақтанишни қотирворма тағин.— У маҳфий иш олиб борган темир йўлчилар вакилига мурожаат қиласди:— Заҳар Петрович, машинистлар панд бериб қўйишмайдими?

Заҳар (қатъий оҳангда).— Панд беришмайди, ўртоқ майор, одамларимиз ишончли.

Млинский.— Яхши. Бейсамбоев ўз бўлинмаси билан ярадорларни ўрмон ичкарисига ташийди. Зина ўша ерда бўлади.

Бейсамбоев.— Тушунарли!

Зина.— Есть, ўртоқ майор!

Млинский соатига қараб қўйиб, дейди:

— Асосан, шу. Саволлар бўлса, марҳамат!

Операция мақсади, бажарадиган вазифалар аниқ.
Шу боисдан, уни ҳеч ким саволга тутмайды.

Млинскийнинг ўзи гапни якунлайди:

— Демак, сўздан ишга ўтиш қолди. Бир соатдан ке-
йин йўлга тушамиз. Тунда мўлжалланган позицияларни
эгаллаймиз. Ҳозирча ҳаммага жавоб.

Инғилганлар ўзаро гангир-гунгур қилишганча, хо-
нани тарк этишади. Бу ерда фақат Млинский билан Ни-
колай Сергеевич қолади. Николай Сергеевич автомагини
олиб елкасига илади, майэр шинелини кияди. Шаҳар
партия комитетининг секретари майорга алланечук из-
тироб билан тикилиб, эзилган товушда дейди:

— Иван Петрович, бола-чақаларингдан хабаринг
борми?

— Фронтда улардан бир қур хат олдим. Мамлакат
ичкарисига кўчишмоқчи, аммо ойим хасталигидан бош-
лари қотиб туришганди... — У бир дам сукутдан сўнг сў-
райди:— Нима эди?

Николай Сергеевич курсига ўтиб ўтиради, унга ҳаде-
ганда жавоб қайтармайди. Млинский секретарга яқин-
лашиб, энди вужудини чулғаган ҳаяжонни яшиrolма-
ган ҳолатда, савол ташлайди:

— Нега индамаяпсан? Сен улар тўғрисида бирон гап
эшийтдингми?

— Улар улгуришмаган кўчишга, улгуришмаган. Ке-
йин гестапонинг қўлига тушишган.

Млинскийни, қандайдир кулфат рўй берганини ҳис
этганидан, титроқ боса бошлайди.

— Гапир!

— Бардошли бўл, Иван.

— Гапир, деяпман...

Николай Сергеевич бўғиқ товушда секин дейди:

— Уларни кеча кечқурун...

Млинский қандайдир букчайиб қолганича, хона эта-
гидаги тахтага бориб ўтиради.

У кекса волидаси, хотини, қисқа умрида мاشаққатдан бўлак нарсани кўришга улгурмаган норасида болалари ни хаёлан кўз олдига келтиради. Баёнсиз айрилиқ азобидан юрак-бағри ўртаниб кетади.

Бир неча дақиқадан кейин, ўрнидан, туриб, титроқ қўллари билан камарини танғиганича, тўппонча филофи ни ўрнига суреб қўяди ва ниҳоят, қоматини тиклаб, соатига қараган кўйда, кескин дейди:

— Қани, кетдик!

Млинский қароргоҳи чумоли иинини эслатади. Ҳамма бирдек ғимирлаяпти. Чаналарга толь ва граната қутилаги юкланяпти. Отларга пулемётларни бириктириб қўйишяпти. Розанов ротаси лагерни тарк этишга улгурган. Хват ҳам, мана, ўз одамларини сафга тизмоқда. У аскарлардан ҳар бири йўлга қандай ҳозирлаганини кўздан кечирмоқчи. Икки аскар йигит Зина ҳамроҳлигига доридармон жойланган тугунларни ташишяпти. Қимирламаган биронта жон йўқ. Отряд янги, қалтис операцияни амалга ошириш арафасида турипти.

Катта алоқа аҳамиятига эга бўлган темир йўл. Тун. Излар бир-бирига чирмашган. Составлар ҳам бир-бирларига ҳалқа бўлиб боғланишган. Платформаларда танклар, оғир артиллерия қуроллари, автомашиналар. Цистерналар юкланган составлар ҳам йўқ эмас. Маневр қилишга мўлжалланган иккита ихчам паровоз вагонларни у ён-бу ён ташишиб, состав тикланишини таъминлашмоқда. Асосий йўлга ёқилғи ортилган узундан узун состав келиб тўхтайди.

Станция этагида зил-замбил паровозга насослардан сув олишяпти. Қизил ғиштдан тикланган пакгаузнинг орқа тарафидаги катта-кичик майдонларга зенит ўрнатилган. Бир-бирига яқин масофадаги соқчи минораларида

ҳам шундай қуроллар кўзга ташланади. Станция чор атрофдан икки сира сим тўсиқ билан ўралган, фақат йўл чироқлари ўрнатилган нуқталаргина очик.

Станциядан ўрмон кўриниб турипти. Ўрмон ёқасидаги қуюқ бутазорларни бир неча кишилар эгаллашган. Булар орасида Млинский бошчилигидаги штаб аъзолари ва маҳфий шаҳар партия комитети секретари Николай Сергеевич ҳам бор.

Млинский ғамгин жилмайиб, дейди:

— Станцияга ачинасан киши... Қанча азият чекиб қурилган, энди бўлса ўзимиз кулини кўкка совуришимизга тўғри келяпти.

— Зиёни йўқ, қайтиб тиклаймиз,— дейди Николай Сергеевич.— Олдингидан яхшироқ қилиб тиклаймиз...— У хўрсиниб қўшиб қўяди:— Ўлганларни тирилтириб бўймайди. Ана бунга ачиниш керак:

Млинский соатига қарайди.

— Жой-жойларингни эгалланглар!.. Ишимиз бароридан келсин!

Отряд жангчилари ўзларига юклangan вазифага мувофиқ турли томондан станцияга қараб суринишади.

Кўкни совет қирувчи самолётлари товуши тутади. Улар станцияга яқинлашиб, бомба ёғдиришади.

Биринчи бўлиб немис казармалари атрофида бомбалар портлайди. Сўнг ўрмон пинжидаги омборларга ўт кетади.

Зенит тўплари ва пулемётлари тилга киришади. Қорайиб турган осмонни гўёки яшин тилади. Иккита пројектор тунда кўриш қийин бўлган самолётларни ёритмоқчи бўлиб, кўкка кўз қадашади.

Бомбалар портлаши, зенитлар гулдирагиу пулемётлар сайроғи бир-бирига қоришиб кетади. Млинский бошчилигидаги штаб авиация ҳамла қилаётган фурсатдан фойдаланиб, отрядни станция бўсағасига етаклайди. Осмонда энди қизил мушак портлайди... ва худди шу аснода олдинги чизиқда автоматлар қарсиллаб, граната-

лар портлайди. Млинский отряди темир йўл станциясини эгаллаш учун жангга киришади.

Аскарлар немис соқчиларини чаққонлик билан гумдон қилишиб, олдинга босишади ва дуч келган гитлерчилар билан қўл-қўндоқ жангларини бошлаб юборишиади. Қўнорувчилар вагонлар остига мина кўма бошлашади. Миналар портлаб, ёнилғи ортилган составлар оловга чулғанади...

Ҳаммаёқи ёритган ёнғин шуъласида капалаги учиб, тўрт томонга тумтарақай бўлаётган немис аскарлари кўзга чалинишади.

Бутун темир йўл бўйлаб олов ўрмалайди.

Комиссар Алиев бир гуруҳ аскарлар билан олдинга елганича, хитоб қиласди:

— Бўш келма, азаматлар!

Танк ортилган ва маневрларга мўлжалланган паровозлар, олдинга вазмин суринади боришаётган узун состав йўл бошига келиб тўхтайди. Млинский юргурганча Захара яқинлашиб, составга имо қилганча, ундан сўрайди:

— Бу эшелон нима бўляпти?

— Паровоз уланди, тортиб кетади.

— Бўл тезроқ, вақт зик!

— Есть!

Шу пайт кучли портлаш ер-қўкни ларзага келтиради... Состав чироқ томон суринади... Платформалар бирин-кетин издан сирғалиб, ағдарила бошлайди. Иккита берк вагон тўнтарилиб тушади.

Млинскийнинг ёнига лейтенант Хват югуриб келади.

— Ўртоқ майор, сув насослари остига мина кўмилди.

— Яхши, портлатинглар.

— Есть!

Орадан кўп ўтмай, сув насослари кўкка ҳаволанади.

...Олис осмонда самолёт бехосдан ёниб, аланга олганча, қаергадир, станциянинг орқа томонига лақса чўғ бўлиб тушади...

...Станция ўт ичиди. Қуюқ қора тутун гирдибод ур-

моқда. У атрофни домиға тортиб, аста-секин зымистонга айлантиргандек бўлади... Чақмоқ чаққандек фақат як-кам-дуккам портлашлар рўй беради.

Аскар йигитлардан бирি Млинскийга шошқин яқинлашади.

— Ўртоқ майор, немислар йўлга ўзларини уришяпти.

— Э, лаънати! Капитан Серёгин, душманга йўл бер-маслик чорасини кўринг!

— Есть, ўртоқ майор! — Серёгин бир гуруҳ жанчилар билан гитлерчиларнинг йўлини тўсишга ошиқади. У бро-нетранспортёрни мўлжалга олиб, танкка қарши граната улоқтиради. Жангчилар фашистларга аёвсиз ташланишади, аммо шу палла ўқ тегиб, Серёгин йиқилади. Бейсамбоев ўрмон томон уни орқалаб кетади. Йигитлар баттар ғазабга мингандар кўйда душманга қирон сола бошлишади. Гитлерчилар парокандаланиб, орқага чекинишади.

Николай Сергеевич Млинскийнинг ёнига келади.

— Иван Петрович, станцияга боғлиқ йўлларга мина кўмилди.

— Яхши, Николай Сергеевич!

Ўрмонга ярадорларни ташишга киришишади. Зина уларни баданлариги жароҳатларини танғиб, ченаларга ётқизмоқда. Жангда ўқ еган Хватни кўтариб келишади...

Млинский ёнаётган станция биноси эшигига яқинлашади. Унинг ёнида ўз аскарлари билан Алиев, Лукъянов, партизанларни бошлаб Николай Сергеевичлар пайдо бўлишади.

Барчалари кураш руҳига тўлгин. Кўпчиликнинг юз-кўзини чанг-ғубор, қурум қоплаган.

Станция куйиб битмоқда. Ҳаммаёқ дабдала. Ағдарилган вагонлар, цистерналар жизғанак бўлиб, рельслар қўпорилиб ётипти.

Млинский соатига қарайди.

— Орқага қайтамиз! Мушак отинглар!..— қисқа буйруқ беради у.

Дарё устида — янги қурилган шинам кўприк. Сигнал учун отилған мушаклар ёруғида кўприк остидаги бутун устун ва ускуналар портлайди. Отряд жангчилари, партизанлар соқчиларни сассиз даф қилишиб, кўприкни эгалашади. Улар толь солинган қутиларни устунлар теграсига жойлаб, шинур учини ёқишганча, бу ердан нари чекинишади. Кетма-кет портлаш рўй беради. Устунлар темир ҳавозалардан айрилиб, кўприк атрофга оппоқ кўпиклар сачратган бир тарзда дарёга чўкади.

Ерни чуқур қазиб ҳосил қилинган паналикда фон Хорн штабининг жангни бошқариш пункти жойлашган.

Стереотруба қаршисида фон Хорн, унинг ёнида полковник Кемпе туринти. Булардан жилла нарида авиация генерали, телефонлар ўрнатилган стол олдида эса штандартенфюрер Вольф қўним топган.

Улар рўпарасида — қор босган, олисдаги қуюқ ўрмонзорга бориб туташган чексиз дала. Дала этагида, нақ ўрмон ёқасида — совет аскарларининг мудофаа чизифи. Хандақлар кўзга ташланмайди. Қор қалин.

Немис батареялари сайрашга шади... Ўрмон тарафда ўт-олов тўлғанади... Артиллерия жангни бошланади.

Фон Хорн авиация генералига бурилиб қарайди.

— Авиация жангга тайёрми, генерал?

— Ҳавонинг теги кўринмаяпти, жаноб қўмондон. Мўлжаллаб бомба ташлаш қийин...

— Лочинларингизни огоҳлантиринг: мўлжалга олишмагунча бомбардимон қилишмасин! Улар менинг танкларимга эҳтиёт бўлишсин ҳар қалай...

— Жаноб генерал-полковник,— дейди Кемпе,— СС «Рейх» дивизияси ўзига йўл очиб олди!

— Хурсандман, полковник.

Бошқарув пунктига офицерлардан бири ҳовлиқиб киради. У нафас ростлаб, дейди:

— Жаноб генерал-полковник! Генерал Бергерни рус танклари билан пиёдалар ўнг қанотдан айланиб ўтишяпти!

— Сиз адашмаяпсизми?— сўрайди фон Хорн.

— Йўқ, жаноб генерал-полковник!—дейди офицер.— Улар мени ўққа тутишди!

Фон Хорн, Кемпе, Вольф ва авиация генерали карта устига энгashiшади.

— Сиз қаерда уларга тўқнаш келдингиз?

Офицер картадан воқеа рўй берган жойни кўрсатади.

— Улар ўнг қанотга зарба беришяпти.

Фон Хорн қўли билан карта устига чизиқ тортади, Кемпега қарайди, ўйланади...

— Бу уларнинг ўз жонига жабр. Улар нақ гирдобга тушишяпти... Уларни ичкарига қўйвориб, ўраб олиш керак!— У алоқачи офицерга юзланади.— Мени Бергерга уланг.

Алоқачи телефон Бергерга уланганини хабар қиласди.

Фон Хорн трубкани қўлига олади.

— Бергер, сиз томонда нима бўляпти ўзи?— бир дам қулоқ тутиб, музокарага киришади:— Ўнг қанотни маъниб қилишди, деяпсизми? Қандай қилиб? Иккита танк бригадасини ташлашибдими? Сиз адашмаяпсизми? Сиз уларни қўйвориб, фронт чизигини тортаверинг... Мен сизга резервдан 18-танк дивизиясини ёрдамга юбораман... Ўзингизни қўлга олинг, Бергер!— Соатига қарайди.— Мен бир соатдан кейин ҳужумга ўтаман!..— Трубкани ўринига қўяди.— Кемпе, 18-танк дивизиясини генерал Бергер томон йўлга тушиши тўғрисида кўрсатма беринг! — буюради фон Хорн, стереотруба ёнига қайтаётуб.

Кемпе блиндаж тўрида турган фон Хорнга паришон тикилади.

- Жаноб генерал-полковник...— ғудранади Кемпе.
- Буйруқни бажаринг!— стереотрубадан кўз узмай, дейди фон Хорн.
- Биз 18-танк дивизиясини юборолмаймиз...
- Нима?!— кескин ўгирилади фон Хорн.— Нима дедингиз?

— Ҳозиргина хабар қилишди, Млинский отряди асосий алоқа воситаси бўлган станцияни ишдан чиқариб, катта йўлдаги кўприкни портлатипти,— дейди Кемпе ва кўзини ердан олмай, қўшиб қўяди:— борадиган бошқа йўл йўқ...

Ҳамма оғир сукутга чўмади. Фон Хорн атрофидаги офицерларга бирма-бир кўз тикади. Унинг нигоҳи ниҳоят Вольфга қадалади.

— Млинский... Млинский!— ўз-ўзига гапираётгандек оҳангда пичирлайди Фон Хорн ва яна дейди:— Млинский... майор... тушунарли... У бир дам жимликдан сўнг. Вольфдан ҳамон кўз узмаганича, хитоб қилади:— Бунини учун сиз бошингиз билан жавоб берасиз, штандартен-фюрер Вольф... Сизни эса, генерал,— ёнида турган авиация генералига юзланади у,— мен судга бераман!— Охирги сўзларни у деярли қичқириб айтади.

Фон Хорн картага яқинлашиб, бир неча дақиқа алланималарнидир ўйлайди... У ҳадеганда индамайди ва охири ҳеч кимнинг юзига қарамай, пичирлайди:

— Руслар бизни гирдобга туширишяпти... Ермолаев армияси ҳужумга ўтди... Биз эмас, улар бизни қуршовга оладиганга ўхшаяпти...— У нафасини ростлаб дейди:— Кемпе, тез мудофаага ўтинг!— ўйланиб туриб, яна дейди:— Иккичи дивизияни шимол томон жангга йўналтиринг. Менинг ихтиёrimдаги артиллерия бригадасини ишга солинг.— Яна бир лаҳза ўйланади.— СС «Рейх» танк дивизияси ҳужумга ўтсин... У русларнинг ҳужумини бир оз қайтариб туриши мумкин. Жангни бошқариш пунктини бу ердан кўчиришга ҳозирланинг. Армия штабига ўтамиз. Тезроқ ҳаракатимизни қилмасак,

улар анча жойни ишғол этиб, бизни суриб ташлашлари мұқаррар...

Ұрмон ёқасидаги иланг-билинг дарё қирғоғида Млинский отряди саф чеккан. Полк байроғи ҳилпира-моқда.

Навниҳол қайинлар остида каттагина биродарлик қабристони. Атрофдаги турли қишлоқлардан аёллар, болалар, чоллар йиғилишган. Бир-бирларига тиқишлишиб турған чаналар таомилга күра тұртбурчак шаклга киришган. Уларда ярадор жаңгчилар ётишипти.

Млинский сұзға чиқади:

— Биз бугун Ватан озодлиги ва мустақиллиги учун жонини қурбон қылған азиз ўртоқларимиз билан видлашыпмиз.

У снаряд қутиси устига күтарилған. Алиев унинг ёнида турипти.

— Жанговар дўстларимиз қабри устида биз душманга, кун бўлсин, тун бўлсин, бирон дақиқа осойишталик бермасликка қасамёд қиласми! Бизнинг юрагимиз уриб турған экан, биз қўлимизда қурол тутишга қодир эканмиз, ота-боболаримиз мерос қолдирған тупроқдан сўнгги босқинчининг оёғи қирқилгунича курашамиз...

Командирнинг сўзларини барча қаттиқ берилиб тинглашади. Алиев, Бондаренко, Матвей бобо, Зиналарнинг юзида ғурур, виқор акс этади.

Майор сўзни давом эттиради:

— Орадан йиллар ўтади. Бизнинг фарзандларимиз балоғатга етишади. Улар ўз ота-оналари билан ҳақли равищда фахрланишади. Улар бизларнинг невараларимизга бугун жонини аямай мұқаддас тупроғимизни ҳимоя қылған кишилар тұғрисида гапириб беришади. Биз ғарбга қараб яна йўлга отланяпмиз. Бу олис, машақ-қатли йўл. Биз фашизм аталған ёвуз илоннинг бошини ўз инида янчыб ташламагунимизча, ўт ва сув кечишга, ўлим ва барча кулфатлар билан қўрқмай юзлашаверишга

қасамёд қиласмиз. Биз қайтиб келамиз. Биз зафар қучиб келамиз! Қасамёд қиласмиз!

Барча жангчилар тантанавор кўйда пи chirлашади:
— Қасамёд қиласмиз!.. Қасамёд қиласмиз!.. Қасамёд қиласмиз!..

Ҳилпираётган байроқ олдида турган Млиникий ёнидан унинг отряди аскарлари бирма-бир ўтишади...

ФРОНТ ОРТИДАГИ ФРОНТ

Қишининг қаҳратон кунларининг бирида ўрмон четидаги дарё жарлигининг ўнгирида отряд ҳалок бўлган ўртоқлар билан видолашмоқда. Яраларига боғланган докалардан қорамтири қон доғлари силқиган ярадорлар ҳам сафдан ўрин олишган.

Изғиринда байроқ шиддатли лопиллаб, ўзини ҳар ёққа уради.

Нозиккина оқ қайинчалар қуршаган жойда янгигина тўртбурчак қилиб қазилган ўртоқлик мозори қор бағрида қорайганча дўмпайиб туриди.

Отряд командири майор Млинский снарядлардан бўшаган яшик устига чиқиб, бўғиқ овоз билан хириллаб гапиради, унинг нутқи шаффофф совуқ ҳавода олисдагиларга ҳам эшитилади:

— Бугун биз ҳаётларини Ватанимизнинг озодлиги, мустақиллиги йўлида қурбон қилган биродарларимиз билан видолашмоқдамиз...— Ҳаяжондан майорнинг томоғи хиппа бўғилиб, юzlари оқариб кетади. Майор ёнида турган отряд комиссари Алиев билан нигоҳларини уриштириб олгач, овози янада қатъйлашиб, ҳавони зириллатиб юборади:— Жанговар дўстларимизнинг мозори устида туар әканмиз, биз душманга на кундузи; на кечаси бўлсин — бирон дақиқаям омонлик бермасликка қасам ичамиз! Токи бизнинг қалбимиз уриб, токи қўлимизда қурол бор әкан, ота — боболаримизнинг табарруқ тупроғини топтаётган босқинчининг кулини кўкка совурмагунча...

Сафда жим қотганларнинг бор диққат-эътибори командирларида. Қесиб олгудай бўлиб увиллаётган изғирин уларнинг пинагини ҳам бузмайди, фақат нигоҳлари совуқ офтоб шуъласида муз парчалари монанд йилтиллайди.

— Ҳали не-не йиллар ўтади. Болаларимиз ҳам одам бўлиб қолади. Шунда улар сизлар билан, ўзларининг оталари, оналари билан фахрланадилар. Улар бизнинг бўлажак набираларимизга бугун жонларини ҳам аямай муқаддас еримизни душмандан ҳимоя этаётганлар ҳақида ифтихор-ла гапириб беришади,— унинг сўзлари қалбларга сингиб кетади.— Биз ғарбга томон жўнаб кетамиз. Олдида олис ва машаққатли йўл. Жаҳаннаму қаҳратонларни кесиб, ўлимга, азобу уқубатларга бардош бериб, фашист деган йиртқични ўзининг уясида янчиб ташлашга қасам ичамиз. Биз қайтиб келамиз. Шону шарап билан, ғалаба билан қайтамиз! Онт ичамиз!

— Онт ичамиз!— отряднинг юзлаб жангчиси бир овозда гуриллайди.

Улар қурбон бўлган биродарлар билан сўнгги бор видолашиб, қор босган далалар бағрини тилганча ғарбга, душманнинг ичкарисига, муқаддас қасамни шарафли адо қилиш учун жўнаб кетадилар.

Ўша очиқ қишидан бери роппа-роса икки йил ўтган. Улуғ Ватан урушининг учинчи марта келган қиши унча совуқ бўлмаса-да, қорбўронга, зилдай қорга мўл-кўл.

Днепрдаги жанглардан сўнг, фронтларда сокинлик бошланган. Фашистлар 1943 йилнинг сараторли ёзида кўрган мағлубиятларидан кейин ўзларини ўнглаб олгани зўр беришар, совет қўшинилари эса янги-янги ҳужумларни амалга оширгани куч тўплашарди...

Янги йилга ўтар кечаси Полесья ва Белоруссия бўйлаб қорли қуюн авжига минган. Қуюн асрлик дараҳтларнинг белини зирқиратиб тебратади, қуриганларининг оёғини осмондан келтиради, ёшгина оқ қайнчаларни ер

билан тенг қилиб юмдалайди. Бўрон оппоқ қор тўлқинларини тўзғитади, чакалакзорлар ичра, далалар узра увиллайди, вишиллаб қутурганча ҳамма ёқда қортепалар ясаб, йўлларни кўмиб ташлайди... Ҳатто шу қадар жаҳлига минган табиатнинг қаҳри ҳам уруш машинасини тўхтатгани ожизлик қиласди. Бу машина ғижирлаб, турган жойида ҳадеб ғийқилласа-да, лекин бутун-бутун эшелонларнинг қорбўронлар оша фронтга томон силжигани сингари у ҳам ҳаракатдан тинмайди. Эшелонларнинг энг олдинги платформаси тўсиқ бўлсин учун шпалёчлар билан тўлдирилган, кейинги платформага йирик калибрли пулемётлар ўрнатилган. Заҳил рангли шинелларига ўралиб, каскаларини пешаналарига бостириб кийган немис солдатлари пулемётларнинг нишонларига қўрқув аралаш қапишганича ётишибди. Платформаларнинг орқасидан паровоз, кейин вагонлар, яна битта сурувчи-паровоз келади. Буларнинг ҳаммаси қишки тун қоронфулигига вақтинча босиб олинган советлар ери бўйлаб сургалиб борар экан, бу тупроқнинг ҳар қадамида ўлим хавфи билан дуч келиши тайин.

Қоровулхонанинг ғийқиллаб очилган эшигидан уфурган шамол сал бўлмаса стол устидаги фонусни ўчириб юборай дейди. Отряд командири майор Млинский, комиссар Алиев ва штаб бошлиғи капитан Хват столга ёзиғлиқ харита устига энгашиб туришибди.

Млинский қўйини кўтариб кўзини чироқдан паналаганча ким кирганлигини кўрмоқчи бўлади.

— Ерофеич, сенмисан?

— Йўқ, ўртоқ Махсус отряднинг командири, юқорироқдан келавер! — деб жавоб беради пўстинчасига қор илашган, телпаги оппоқ қорга беланганд, белига қилич тақиб олган бир киши.

Млинский дарҳол унга пешвоз чиқади.

— Николай Васильевич! Қайси шамоллар учириб келди сени?

— Хатарли шамоллар, оғайни...

Улар қучоқлашиб кўришадилар,

— Пўстингни ечиб қўй... Бу киши ўртоқ Семиренко бўладилар,— бошқа командирларга томон юзланади Млинский,— ундан марҳамату илтифотларингизни аямас-сизлар...

— Бизлар эски танишлармиз,— дейди Семиренко Алиев ва Хватнинг қўлларини қисиб саломлашаркан.— Салом, комиссар... Сен бўлсанг, Хват, штаб бошлиғидирсан-а?

— Худди шундай, ўртоқ обком секретари,— ҳарбий-часига жавоб беради Хват.

— Жудаям соз, илтимос, энди менинг одамларим-нинг гамини қилгин, майлими?

— Бўпти! — Хват Млинскийга боқади, унинг маъқул-лаб бош силкитганини кўргач, телпагини кияди-да эшик-ка юради.

— Ерофеичга айтвортин, чой опкирсин! — Хватнинг орқасидан қичқиради Млинский.

— Чой исагу, дарҳол ишга киришсак,— дейди Семиренко стол ёнига ўтиаркан.— Кеча кечқурун соат ўнда самолётларимиз Риннадаги кўприкни роса ясашди.

— Хабаримиз бор,— дейди Алиев.

— Қечадан бери ҳар икки томондаги разъездларга ўқ-дори, ёнилғи, озиқ-овқат ортилган эшелонлар тиқи-либ кетди, биттасида ҳар хил анжомлару, иссиқ кийимлар...

— Иккию чоракда фарбий соҳилга танклар юкланган яна битта эшелон етиб келди,— қистиради Млинский.

— Вой шайтон урмагур-ей, дарров ҳаммасини билиб олибди-я,— жилмаяди Семиренко.— Шундай қилиб, десангизлар, кечқурун шарқдан Германияга ишга опкети-лаётганлар тушган поезд келиб қолди, шунинг учун лочинларимиз ишларини охирига етказа олишмади...

— Биз уларга қандай ёрдам берсак экан, деб бош қотириб ўтирувдик,— дейди Алиев.

— Бўлмасам, йигитлар, энди бирлашиб ўйлаймиз,— уқтиради Семиренко.— Сизлар бир ёқдан, «Россия» отряди бошқа ёқдан қисиб, исканжага оламиз!.. Хайрнят, мана Ерофеининг чойи ҳам келди...

Қоровулхонага кекса аскар буғга беланган самовар кўтариб киради.

— Сизларга қандай самовар кераклигини айтами?— минғирлайди чол.— Камида уч пақирлик. Манави бесўнақай тунука татирмиди — йигирма мартараб қайната-ман-а. Гапиурврасан, гапиурврасан, барибир бефойда...

— Келаётган Янги йилинг билан Ерофеич!— қувноқ илжайганча чолни табриклайди Семиренко.

Биринчи класс вагонда жойлашиб олган штурмбанфю rer Занге уйғоқ. У ўриндиқнинг суюнчиғига бошини қўйганча, вагоннинг юпқа деворларига қорнинг гупиллаб уришини тинглаб ўтирибди. Бунинг устига кимдир қўшни купеда мастона шовқин солади. Штурмбанфю rer сигаретдонини ширқиллатиб, сигарета чиқаради. Унинг ёнидаги ўринда ётган қари полковник жойида инқиллаб ағанайди-да, тўнғиллади:

— Жаноби штрумбанфю rer, марҳамат қилиб, купеда чекмасалар.

Занге индамай қўзғалади-да, ташқарига чиқади.

Йўлак у ер-бу ерда илинган чироқлардан ғира-шира ёришган. Поезд имиллаганча судралади.

Занге сигаретини тутатади. Унинг нигоҳи беихтиёр қўшни купенинг ярим очиқ эшигига қадалади. Купенинг столчасида яримлаб қолган шредер ароғининг новча шиши, очиқ консерва қутилари турибди.

Қителининг тугмалари ечилган, ҳаяжондан ва ичкиликдан юзлари қизариб кетган подполковник қаршисида ўтирган сұхбатдошининг тиззасига мушти билан туртиб қўяди. Наригиси йўлакдаги Зангега кўринмайди.

— Фактларга ҳайиқмасдан, кўзни очиб қарашиб кепак,— иссиқдан бўғриқиб гапиради подполковник.—

Урушда дастлабки иккала қурни ҳам бой бердик! Боксдан сиз бирор нарсани тушунасизми, ўзи? Биз иккита қурни очколар бўйича ютқаздик! Учинчисини, нима бало бўлгандаям, ютишимиз лозим! Ютгандаям, ерпарчин қилиб ютмоғимиз лозим!.. Биз ё уни яксон қиласиз, ёки ўзимиз расво бўламиз. Бўлак иложимиз йўқ!.. Қани, келаётган қирқ тўртинчи йилда албатта ерпарчин қилишмиз учун олайлик!

Подполковник шиша томон энгашади, бироқ кескин чайқалишдан ағдарилган шиша унинг қўлига илинмайди: поезд талвасада қалтираб, тақа-тақ тўхтайди. Купенинг эшиги сурилиб очилиб, у ерда ўтирганлар йўлакда фўдайиб турган эсэсчини кўришади.

Подполковник оғзидан ароғи тўкилаётган шишани чаққон илиб олиб, ундан стаканига қуяди-да, бир кўтаришда ичиб, ўрнидан туради.

— Қараб юборай-чи, нима бўлдийкин...— У Зангенинг ёнидан ўтаркан, мастиликдан ола-кула кўзларини эсэсчининг кўзларига тешиб юборгудай бўлиб тякади ва тамбурга чиқади.— Фридрих, йўл бўлсин?— унинг орқасидан қичқиради купедаги аллаким.

Подполковник «бор-э» дегандай қўлинни силтаб, вагон майдончасига қадам босиб, сиртқи эшикни очиб юборади. Шамол унинг юзига намчил қорни келтириб уради. У секин пастга тушади ва тиззасигача қорга бошиб кетади.

Разъезд атрофидаги миноралардаги прожекторлар хира доғлардай милтиллайди. Оғир пулемётларнинг бир текисда бўғиқ «ду-ду-ду» лаб, тариллагани эшитилади. Миноралардаги қоровуллар ваҳимани ҳайдагани қоронгуликка томон шунчаки отиб қўйишмоқда.

Подполковник мастиларга хос ўжарлик билан қорда судралганча вагондан энди олислashi билан гўё уни оқ иблислар ўраб, кўтариб кетгандай, ғойиб бўлади.

Қорбўрон қутургандан қутуради. Ҳатто икки-уч қадам наридаги нарсани ҳам илғаб бўлмайди. Вагонлар қорга

кўмила бошлайди. Паровозлар турган жойида бекорга пишиллашади.

Қоровуллар ўтирган тиканли сим билан ўралган деразали будкалар олдидаги кўпраклар арқонларни узгудай бўлиб ташланишиб, ваҳимали бўронли туға қараб асабий вовиллашади.

Платформаларда брезент остидаги танклар букчайиб туришибди.

Уларни ҳам қор ямлаб бораётгандек...

Ўрмон чеккасида, разъезднинг пројекторлари аранг кўзга чалинадиган жойда разведкачилар взводининг командири елкадор, оқ ниқоб-халат кийиб, белига гранаталар осиб олган лейтенант Горшков отряд командири майор Млинскийга қилаётган докладини тугаллаяпти:

— Ҳозиргина офицерларга тўла классли вагонлар состави келиб тўхтади. Уларни янги йиллари билан қутлаб қўйишнинг айни пайти-да, ўртоқ майор! Мушакбозлик роса ярашади-да!..

Млинский жилмайиб қўяди, разведкачи йигит унга хуш ёқади.

— Бондаренко, Бейсамбоев! — чақиради майор. Қоронфиликдан рота командирлари пайдо бўлишади. Уларнинг пўстинлари ва телпакчалари оппоқ қорга беланганд, афтидан анчадан бери топшириқ олгани чақирилишини кутиб туришган.

— Сизлар чап қирғоқча ўтасизлар,— дейди майор.— Роталарингиз «Россия» отрядининг партизанларига ёрдам беради.

— Есть! — жавоб беради Бейсамбоев.

— Ишчилар юкланган поездни биринчи зарба биланоқ олиш лозим,— гапида давом этади майор.— Вагонлардан бўшатилганларни тўлпа-тўғри ўрмонга йўлланглар, шунгача ўқ-дори эшелонларига тегилмасин!

— Тушунарли! — дейди Бондаренко.

— Саросима бўлмаслиги учун соқчиларни жимги-

на тинчтинглар...— қўшиб қўяди обком секретари Семиренко.

— Тўппа-тўғри,— маъқуллайди Млинский.— Сигнал беришларингиз билан биз ҳам бошлаймиз.

— Мен ҳам улар билан бора қолай, Иван Петрович?— сўрайди Алиев.

— Мана бу зўр таклиф!— майорнинг жавобини ҳам кутмай обком секретари Алиевнинг елкасини қоқади. Кейин Бондаренко ва Хватга чин дилдан дейди:— Оғайнилар, сизлардан илтимос: иссиқ кийимлар босилган вагонларни ёқиб юборманглар. У кийимларни ифлослар қаҳратонда одамларимизнинг шундай эгниларидан ечиб олишган, ахир...

Млинский Алиевга қўлини узатади.

— Омон бўй, оғанини... Зинаниям олиб олинглар. Кўпроқ санитарлардан ҳам...

— Ўзларингиз ким билан қолмоқчисиз?— зарда билан сўрайди командирларнинг орқасида пайдо бўлган Зина.

— У ерда бола — чақалар ҳам бўлиши мумкин,— дейди майор. У соатига қараб олади.— Бир соатдан кейин сигналларингизни кутаман.

Совуқ вагонлардаги асиралар сал-пал илиш ниятида бир-бирига қисилиб олишган. Йизғирину очликдан қақшаб кетаётган Ирина Петровна ёнидагиларга ўҳшаб ярим беҳуш ҳолатда. У қўққисдан нимадандир сесканиб, кўзларини очади. Бу алланиманинг товушими ё қандайдир бўлгуси воқеалар тарааддудими эканлигини у англаб улгурмайди...

Диккайган қор тепалари қимирлаб, жонланиб қолади. Лейтенант Горшковнинг разведкачилари соқчиларни жимгина саранжомлашаётганди.

Иргиб ташланган кўпак Сашка Полишчукни ағанатади, йигит пастликка думалаб кетади.

Алиев билан Семиренко вагонлардан бирининг эшигни очиб юборишиади.

— Қўрқманглар,— дейди Алиев.— Бизлар Қизил Армия жангчиларимиз. Чиқаверинглар! Вой қизлари тушмагурлар-еъ, ўзларингизникиният танимайсизла-ра?— оппоқ тишиларини ярақлатиб илжаяди у.— Қани, тезроқ бўла қолинглар!

Улар кейинги вагоннинг ҳам эшигини оча бошлайди. Ҳалиги вагондагилар қорга сакраб тушишиади.

— Анови ёқقا, қаторлашиб ўрмонга юраверинглар!— дейишади чопиб келган жангчилар вагондан сакраётганларни опичиб олишаркан.

— Қасаллар борми? Ярадорлар-чи? — сўрайди Зина.

Хотинлар халоскорларини қучганча, кўз ёшлиарини тия олишмайди...

Эшелоннинг нариги бошида ҳали ҳам ур-йиқит авжида. Разведкачилар билан соқчилар товуш чиқармасдан, шиддатли солишишиади. Иттифоқо кимдир отган ўқ гумбурлаб кетади. Миноралардаги пројекторлар шу заҳотиёқ эшелонни сутдай ёритиб, уларнинг нури олата-сир қилиб ётганларга тушади. Пулемётлардан вагонларга қараб тариллатиб отиб қолишиади, ўқлар вагонларнинг ёғоч деворларини элак қилиб юборади.

Ирина Петровна полга гурсиллаб йиқилади. Ёнгинасида юзи қоп-қора қонга беланганд бир қиз ҳам узала тушган... Қиз жонсиз...

Разъезд узра ярақлаб ракета отилади.

Дарёning қирғоғида қорга чўкка тушган Млинский ўрнидан туриб, юзларини артади-да, пистолет тутган қўйини силкитади.

— Кетдик!

Жангчилар тура бошлайди, биринчи бўлиб Млинскийнинг ёрдамчиси сержант Ерофеев қўзғалади. Улар қорда қоқиниб-сурилганча, қорайиб кўринаётган вагонларга ўт очиб, чопиб кетишади.

Партизанларнинг пулемётлари минораларни, прожекторларни нишонга олади... Қорбўрон аралаш: «Ура! Ватан учун!» деган ҳайқириқ янграйди.

Ярим уйғоқ немислар вагонлардан сакраб тушиб, қисқа-қисқа, бетартиб отишма билан жавоб беришади.

Қўриқчи роталарнинг эсесчилари ертўлалардан чопиб чиқишидади.

Эщелоннинг охиридаги иккинчи вагоннинг эшигини очаётган Алиевни кимдир кўкрагидан зарб билан уриб юборгандай бўлади. У вагонга суяниб, буфердан муздай қорга кафтини тўлдиради-да, уни шинели остига, оловдай куйдираётган ерига босади. Алиевнинг ёнгинасидан Хват чопиб ўтиб, эшикни ғижирлатиб очиб юборади. Одамлар қалашиб ётган вагондан биринчи бўлиб хотин-қизлар сакрашади. Улар капитанни қучокълаб, сира қўйиб юборишимайди.

— Вой, байтали тушмагурлар-ей!— қичқиради Хват, тушиб кетаётган телпагини тўғрилаб.— Ҳозир ўпишадиган вақтми, ахир! Дарров ўрмонга чопинглар!..— У автоматини силкитиб, йўл кўрсатади.

Ирина Петровна бошқаларга қўшилиб чопиб кетади. Атрофда олатасир отишма бораарди, рельсларга урилган ўқлар чийиллаб, жаранглайди. Ирина Петровна қоқилиб кетиб, ўзини ўнгларкан, вагонлар орасида турган кишини кўриб қолади. У киши гўё вагонга суянганча, нафасини ростлаётгандай эди.

— Сизга нима бўлди?— сўрайди Ирина Петровна.

— Ҳеч нима.— Алиев шинели ичидан қор ушлаган қўлинин чиқаради. Қон шимган қор қоп-қора эди.

Ирина Петровна шоша-пиша Алиевнинг камарини, шинел тугмаларини еча бошлайди.

— Бинтми ё бошқа бирон нарсами борми?— сўрайди у.

— Бор.— Алиев чўнтағидан пакет олади.

— Ҳаммаси жойида бўлади, азизгинам. Мен врачман. Ҳаммаси жойида бўлади,— куйманганча Ирина Петровна пакетни йиртади.

Кўприк томонда гранаталар портлайди.

Окопларда бизникилар билан эсесчилар ўртасида қўл жангি бормоқда.

Бир неча немис танкчилари брезентни ечиб, платформаларда турган танкларга чиқиб олишади-да, ўт очишади.

Нарироқда портлаган снаряднинг шиддатли тўлқини Млинскийни қорга ирғитади. У чўккалаганча, қўлини силкиб, алоқачини чақиради.

— Юрченкога айт: танкларни тинчитсин! — қичқиради у.

— Қулоқларингиздан қон силқияпти-ку, ўртоқ майор,— дейди Ерофеев.

— Бор, боргин!.. Чоп!

Партизанлар танкларга гранаталар отиб, ёқилғи тўлдирилган шишалар ташлашади. Ўт ичидаги қолган машиналарнинг люкларидан шўнғиб чиқаётган танкчилар партизанларнинг ўқларига дуч бўлишади.

Занге вагонлар остида фидираклар оралаб эмаклайди. Чийиллаб тушаётган ўқлар қорни шувиллатиб, тўзғитади.

Эшелон ёнидаги ёнилғи юкланган составнинг цистерналари ҳам бирин-кетин ёниб, портлай бошлайди. Вагонлар остидаги Занге сурувчи паровозга томон қайсараблик билан эмаклаб бормоқда. Паровоз ёнига етгач, у ўрнидан туради-да, сурувчи паровозни вагонлар составидан бўшатиб, мушуклардай чаққонлик билан кочегаркага чиқиб олади. Машинист ўлиб ётган. Ланг очиқ ўтхонада олов гуриллайди. Занге ўтхона эшигини оёғи билан туртиб ёпади-да, реверснинг дастасини бурайди. Паровоз буғга бурканиб, орқага силтанади.

Занге ташқарига қараб, тутқичга осилиб олмоқчи бўлаётган кишини отиб ташлайди. Паровоз гуриллаб ёнаётган бензиннинг алангаси қуршаб олган разъезддан

узоқлаша боради...— Ўқдори солинган яшиклар гумбирлаб портлайди...

Чап соҳилдаги партизанлар ёнаётган вагонларни қолдириб, ўрмонга чекинишади. Ярадорларни, қўлга киритилган нарсалари чаналарга солиб олишган. Алиев тишини тишига босганча боради. Унинг ёнида Ирина Петровна.

— Чанага ўтириб олсангиз бўларди,— дейди у.

— Менга қаранг,— Алиев жойида тўхтайди,— илтимос, менинг ярадорлигимни ҳеч кимга айта кўрманг.

— Мени отрядларингизга оласизми?

Алиев ўйланиб қолади, жавоб бергани улгурмайди: орқадан Зина етиб келади.

— Ҳасан Алиевич! Ўртоқ комиссар! Тўрт юзга яқин кишини озод қилдик. Ярадорлар, беморлар ҳам бор. Соvuқдан нақ музлай дейишибди. Агар ҳозир иссиқ овқат бермасак, билмадим, нима бўлади...

— Яна салгина юрайлик. Айтинг, оз-моз чидаб туришсин. Мана бу қиз ҳам сенга ёрдам беради.— Алиев Ирина Петровна томонга имо қиласди.— У киши врачлар...

Зина синчковлик билан Ирина Петровнага бир қур қараб қўяди.

— Брачлигини қаёқдан билдингиз?

— Мен сенга айтяпман-ку, нима, менга ишонмайсанми?— жилмаяди Алиев.

— Юринг,— чорлайди Зина янги ёрдамчисини.

Млинский сўқмоқнинг четига чиқиб, одамларни ўтказабошлайди. У орқага, ҳали ҳам ловиллаб, гумбурлаб ётган разъезд томонга қарайди.

Жангчилар қўлга тушган аслаҳаларни осиб, ярадорларни орқаларига ортмоқлаб олишган. Улар ҳориб-толишган бўлса-да, яхшигина жанг қилганларидан кўнгиллари тўла, шунинг учун ҳалиям гупиллаб ураётган қор-

бўронга эътибор беришмайди, гоҳ у ерда, гоҳ бу ерда гурра кулги кўтарилади.

Млинский сўқмоқда чайқалиб, фуражкасиз, сурилиб келаётган китель кийган немис офицерини кўриб қолади. Жангчилар уни калака қилиб келишмоқда. Млинский қовоғини солиб олади.

— Юрченко! — взвод командирини чақиради майор. — Нима томоша бу?

Юрченко унга яқинлашиб, честь беради-да, асиринг ҳужжатларини узатади.

— Даланинг қоқ ўртасида ушладик, ўртоқ майор. Қуролиям, шинелиям йўқ, худди ёш болага ўхшаб ҳўнграб келяпти экан...

Жангчилар тағин «гуур» этиб кулиб юборишади.

Млинский пинагини ҳам бузмайди.

— Ярадорми? — сўрайди у.

— Ким? Ановими? — ҳайрон бўлади Юрченко. — Ие, у фирмт маст-ку, ўртоқ майор.

Немис бизга маълум — поезддаги ҳалиги подполковник эди.

— Менинг нарсаларимни, чамоданимни қайтариб беришадими? — сўрайди подполковник.

— Чамадони бормиди унинг! — взвод командирига юзланади майор.

— Ёнида ҳеч вақоси йўқ эди, ўртоқ майор! Кела келгунча шу чамадонини гапиргани гапирган. Аранг тирик қолдию, яна...

— Ҳа-да, чамадоним! — русчалаб такрорлайди немис ва яна ўзича гудирлайди: — Бўладиганим бўлди ўзи...

Млинский уни тинглаб ўтиrmайди.

— Унга бирон нарса кийдиринглар, — фармойиш беради у кетаркан. — Жадалроқ юринглар!

Подполковникка кийдиргани кимдир қизил армиячилар шинелини узатади.

Юрченко шинелни ёзади. Немис шинелни кийдириб қўйишади, деб ўйлаганиданми, бенхтиёр қўлларини уза-

тиб, орқасига ўгирилади. Юрченко шинелни унинг елка-сига ирғитиб, бошига телпакни бостиради-да, тиззаси билан орқасига туртиб қўяди.

— Қани, юрсинларчи, фон жаноблари...

Подполковник бошини ликиллатиб, ўзича нимадир деб чулдираганча юриб кетади.

...Тонгга бориб қорбўрон тинади. Ўрмон узра совуқ офтоб кўтарилади. Қарағайлар тилларанг товланиб, уларнинг орасида қорга бурканган арча дарахтлари шамлар мисол шуълаланиб туради.

Млинскийнинг отряди ва «Россия» отрядининг партизанлари — ҳар ким ўз йўлига бурилиб кетишади. Ўзундан узоқ чаналар карвони ва тунда халос қилинган аёлларининг ҳаммаси партизанлар билан равона бўлишган.

Ўрмондаги йўлларнинг айрилиш жойида Млинский ва унинг ўртоқлари обком секретари Семиренкони кузатишмоқда. Орқада отбоқарлар эгарланган отларни етаклаб олишган.

Йўл чеккасидаги арчалар остида турган чаналарга ярадорлар ётқизилган. Зина билан Ирина Петровна узоқ йўл олдидан уларни кўриб чиқишишмоқда.

— Врачимиз оғир ярадор бўлиб ётибди. Катта ердан бошқасини юборишларини кутишга илож йўқ,— дейди Млинский Семиренкога.

— Ирина Петровнани олиб қолавергин, қўли енгил аёл. Урушгача у биринчи касалхонамизда ишларди. Якка-ёлғиз эди, эркакларни уччаям чиқиширавермайди. Ўжар қиз деб от қўйиб олишганди унга...

— Майли энди, сен тавсия қилгандан кейин...

Обком секретари қилич осилган камарини пўстини устидан таққани қийналаркан, Млинский ўзига қараб жилмайиб турганини сезиб, ўнгайсизланади.

— Яёв юрганингда ҳалақит беради-да... Ифлосларни шунинг билан қотириб бир согинг келади...

— Хайрлашув ҳам оғир...— дейди Млинский.

— Албатта-да!— Қиличини силаб қўяди Семиренко.— Йигирманчи йилдан бери асраб юрибману. Шахсан Котовскийнинг ўзи топширган. Ҳазилакам нарсамас, оғайни...

— Қиличингнимас, ўзимизни айтяпман, Васильич...

— Ҳа, шунақами... Ҳали қанча кўришамиз! Бирга не-не ишлар қилмаймиз, ҳали! Яна бир бор Янги йилинг билан! Бошланиши ёмонмас, яхши йил бўладиганга ўхшаяпти. Қани, бир ўпишиб қўяйлик бўлмасам...

Эски қадрдонлар қучоқлашишади. Сўнгра Семиренко Алиевни қучади.

— Раҳмат, сенга, комиссар!

Оғриқдан Алиевнинг афти буришиб, беихтиёр инграб юборади.

— Нима бўлди сенга, Ҳасан?— сўрайди Млинский хавотирланиб. Боядан бери Алиевдан кўзини узмай турган Ирина Петровна дарҳол унинг ёнига чопиб келади.

— Ҳали яраланганди, ўртоқ командир. Нақ кўкракларидан.

Алиев озарбайжончалаб сўкиниб қўяди, унинг асабий қисилган кўзлари чақнаб кетади.

— Шундай бир ялаб ўтди шекилли.

— Узр, оғайни,— дейди хижолат бўлган Семиренко. Млинский Зинага хўмраяди.

— Бехабар қолибман...— ўнғайсизланади Зина.— Чанага ёта қолинг, ўртоқ комиссар!

— Ҳасан, ётиб олгин,— қистайди уни Млинский.

— Бўпти, бўпти... Ётаман. Шунгаям шунча шовқинми?— жилмаяди Алиев.

Отларни келтиришади. Семиренко ва партизанлар эгарларга ўтириши ҳамон ўқтам чавандозларнинг ўзи бўлади-қўяди.

Млинский ҳазил аралаш:

— Янги кадрлар энди зериккани қўймайди сени!..— дейди Семиренкога.

— Кадрлар ёмонмас.— Секретарь жилмайиб Ирина Петровна томонга қараб қўяди ва уям бўш келмайди:— Барибир кадрларнинг гулини ўзинг олиб қоляпсан. Урушдан олдин касалхонага кўринганимас, бирровгина уни кўргани чопишарди... Бўпти, саломат бўлинглар! Кет-дик!

Отлар қамчи тегиши билан қорни тўзғитганча учиб кетишади.

Тундаги дардисарликда ҳамма ёғи ифлос бўлиб кетган қора чарм пальтосининг тугмалари ечилган штурмбанфюер Занге армиялар группаси хавфсизлик бўлими бошлигининг қабулхонасига кириб келади. Телефонлар уст-устига жиринглаб ётибди.

— Бригаденфюер Вольфнинг адъютанти эшитади!— дейди ўрта ёшлардаги оберштурмфюер қатор тизилган учта телефондан бирининг трубкасини кўтараркан. Мутизли кўзойнак тақиб олган адъютант гестапочига қарангандага кўпроқ мактаб муаллимига ўхшаб кетади.— Афсуски, жаноб комендант, ҳозир улар бандлар...

Занге йўлини тўсмоқчи бўлган адъютантни четлатиб, кабинет эшигига қараб кескин юради.

Қўшалоқ эшик бригаденфюер Вольфнинг кабинетини шовқиндан тўсган. Ярим қоронги (деразалардаги оғир пардалар хиёл очилган) хонада бутунлай бошқача товушлар кезмоқда. Бригаденфюер креслога чўкиб, бошини кўксига осилтирганча фортельяно концертини тингламоқда. Автоматик ишлайдиган «Филипс» радиоласидаги улкан пластинка майнингина, фирилламай айланниб турибди.

— Мусиқа ҳалиям илгаригидай асабларингизни овута оладими?— салом-аликнинг ўрнига сўради Занге.

— Ҳа-а, сен ҳали ҳам бормисан?— дейди унга Вольф бошини кўтармай, қошлиари остидан тикилиб. У ланжлик билан қўлини силтаб, Зангенинг орқасида қақайиб турган адъютантига чиқишини ишора қиласди.

Занге пальтосини ечаркан, Вольф музикани ўчиради.

— Янги йилинг билан!— дейди Занге ранг-баранг шарлару шамлар билан безаб қўйилган жажжигина арчага назар ташлаб.— Болаларинг, Герда омонми?

— Раҳмат, ҳозирча дуруст. Утиргин.— Вольф столнинг тортмаси ичига тузатилган бардан бир шиша конъяк ва қадаҳлар олади.

Занге ўтиради. Вольф конъяк қуяркан, бир дақиқа оғайнисининг бўйнидаги яп-янги рицарлик крестига қараб қўяди.

— Қутлуғ бўлсин,— тўнғиллайди Вольф қадаҳни ушлаб.

— Раҳмат, бригаденфюрер,— Занге крестини тўғрилаб, қадаҳни кўтаради.— Бирга ишлайдиган бўлдик, хурсандман.

— Сенга ёрдам бериш ва қарашиш тўғрисидаги буйруқли қофозни олувдим.

— Фон Хорнни кўришим керак эди. Сен шуни тезлаштириб беролмайсанми?

— Ўзимнинг ташвишларим ҳам бошдан ошиб ётибди...— вайсайди Вольф.

— Нима, ишларингнинг мазаси йўқми?

— Қайси ишларни айтяпсан?

— Шундай, сўраяпман-да. Мен тўппа-тўғри ҳалиги жойдан, кўприк ёнидаги жаҳаннамдан келяпман.

— Икки ярим йил ичida биз бу ерда минглаб паровозлару ўн минглаб вагонларни техникаю одамлари билан бой берганмиз. Шунинг учун ҳозир сен бошингни олиб чиқсан бу ғалванг — холва, оғайни. Мени эса хунук ишлар пойлаб турибди: подполковник Фридрих Бютцов маҳфий ҳужжатлар билан бирга ғойиб бўлди. Бир соатдан кейин шу хабарни қўмондон генерал фон Хорнга етказишим керак.

Подполковник Бютцовнинг ҳужжатлари Млинскийнинг олдидағи тахта столда ётибди. Подполковникнинг

ўзи унинг қаршисида асабий қаққайганча ўтирибди. У ҳушёр тортиб қолган, гарчи ўзини тутишга уринса-да, содир бўлган воқеадан ич-этини еяётгани кўриниб турибди.

Ўрмондаги бу қўналға жуда исиб кетган. Печкада ўтинлар чирсиллайди. Ерофеев индамасдан столни йиғиштиromoқда. У немис томонга қарамасликка ҳаракат қилиб, ҳадеб пишиллайди. Дераза олдида елкасини деворга тираганча отряд разведкачиларининг командири лейтенант Горшков тубиби.

— Сиз Берлиннинг ўзида хизмат қиласиз? Шундайми, подполковник Бютцов? — сўрайди немисчалаб Млинский, лекин асир столнинг алоқачи идиш-товоқларни йиғиштираётган томонига тикилганча миқ этмайди.— Фронтга нима мақсадда командировка қилингансиз? Кейин русчалаб Горшковдан сўрайди:— Овқат-повқат бердингизларми, бунга, ўзи?

— Оборишганди...— жавоб беради Горшков.— Едими, йўқми, билмадим...

— Менга қолса, тўйдиардим уни яхшилаб,— идишларни тақирилатиб, тўнғиллайди Ерофеев,— қўрғошинли нўхат била-ан...

— Сен пеккани ҳаммом қилвориб, оловинг худди сигнал бергандай, осмонга чиқиб ётиби, шекилли,— дейди унга Млинский.— Бор, бир қараб қўй-чи.

— Майли, мана кетяпман,— минғиллайди чол.

Млинский яна асирга қарайди.

— Жавоб берасизми, йўқми?

Немис ниҳоят майорга юзланади.

— Мен немис офицериман, ватанимга содик бўлиш ва унга шак келтирмаслик учун қасам ичганман...

— Вой, ифлос-ей!— эшитилар-эшитилмас сўкинади Горшков.— Энди бунга ади-бади айтиб, сиёsatдан ҳам ўқитиб ўтиарканмиз-да...

Немис унга чўчинқираб, қараб қўяди.

Млинский яна немисчалаб давом этади:

— Нимаям қиласырдик, подполковник Бютцов, мабодо сиз Германия билан сиз жонингизни бераётган фашизм ўртасындағи фарқни күрмәётган бўлсангиз, унда ўша фашизмингиз билан тақдирингизни қўшиб қўйишингиз ҳеч гапмас...

Шу пайт қоровулхонанинг эшигидаги совуқ буғ порлатганча Хват пайдо бўлади.

— Рухсат қилинг! Ўртоқ майор!

— Бемалол, нимага овқатга кечикдингиз?

— Жангчиларнинг ёнида овқатланиб оларман,— дейди у ва Млинскийнинг олдига бир варақ қоғоз қўяди.— Марҳамат, сводкага қўл қўйворинг.

Млинский қофоздагини ўқиркан, Горшков асирга энгашиб, унга немисчалаб секингина дейди:— Бизларнинг вақтимиз зиқроқ, тушундингми?

Млинский ахборотга имзо чекиб, уни Хватга узатади.

— Элтиб бер-да, Алиевдан хабар ол. Мен ҳам ҳозир бораман.

— Есть!— Хват кескин бурилиб, чиқиб кетади.

— Ҳеч бир оёғини артиб кирганини кўрмайсан бу дарознинг,— тўнғиллайди алоқачи.

— Ерофеич!— жаҳл қиласы майор.

— Бўлди, бўлди, кетяпман...

Асири майорнинг кўзларига тикилади.

— Жаноби майор, агар мен билганларимнинг ҳамасини айтиб берсам, ҳаётимни сақлаб қоласизми?

Армиялар группаси қўмондони генерал-полковник фон Хорннинг бомбадан сақланадиган ертўласидаги бетон бункерда тепада совет авиациясининг шаҳардаги ҳарбий обьектларга қилаётган ҳужумининг гумбир-гумбирлари бўғиқ акс садо бериб турибди.

Гарчи бункерда бригаденфюрер Вольфдан бошқа ҳеч ким бўлмаса-да, фон Хорн овозини пасайтириб, шивирлайди:

— Агар подполковник Бютцов тириклайнин топилма-

са, демак у ўлган, бошқача гап бўлиши мумкин эмас.
Гапимни тушундингизми, Вольф?

— Худди шундай, жаноби қўмондон.

— Аммо лекин, фон Бютцов олиб кетган ҳужжатлар-
нинг тақдирини сиз билан мен қатъий, аниқ билишимиз
лозим.

— Кечирасизу, лекин жаноби қўмондон, бизга маъ-
лум хабарларга қараганда, баъзи ахборотлар айни
сизнинг штабингиздан ошкора бўляпти.

— Вольф, бу борада сиз қайғуришингиз керак...

Телефон жиринглаб, уларнинг сухбатини бўлади.
Фон Хорн трубкани кўтаради.

— Ҳаво тревогаси тамом бўлди, жаноб генерал,—
адъютантнинг овози эштилади.

— Раҳмат, Крюгер.— Фон Хорн телефонни қўйиб,
Вольфга юзланади:— Юқорига чиқайлик, бу ер жудаям
дим экан. Эсда туting: Бютцовнинг ҳужжатларини то-
пиш учун ихтиёрингизда бор-йўғи бир кун.

Қўмондоннинг қабулхонасида генералнинг адъютанти
майор Крюгер ўрнидан туриб, уларга пешвоз чиқади,
бироқ қабулни кутиб ўтирган Занге ундан аввал фон
Хорннинг қаршиисига ўтади.

— Хайль Гитлер!— қўлини силтаганча ванғиллайди у.

— Хайль,— фон Хорн секингина жавоб қилиб, Зан-
генинг ёнидан шошилганча ўтиб кетади.

Адъютант генерал билан Вольфнинг орқасидан келиб,
кабинетнинг эшигини ёпади. У қабулхонанинг ўртасида
қаққайиб қолган штурмбанфюрер Зангега қарамаслиник-
ка ҳаракат қиласиди.

Кабинетга кирниши ҳамон, фон Хорн Вольфга ўда-
гайлайди.

— Сизга неча марта айтувдим-ку, бу қассобларни
ёнимга ўйлатманг деб! Аҳолини бизга ўчакиштираётган-

лар ҳам мана шулар. Нимага уни бу ерга судраб келдингиз, Вольф?

— Жаноби қўмондон, эсингизда бўлса керак, бир пайтлар ўзингиз: «Ҳар қандай кўнгли бўшлик ожизликнинг оқибати ва хавф-хатарнинг уяси» — деган эдингиз. Зангенинг одамлари нима қилишини яхши билишади...

Шу орада фон Хорн креслоси ёнига бориб, чироқни бурайди, лекин у ёнмайди. Генерал адъютантни чақириш учун қўнғироқ тугмасини босади. Крюгер эшикда пайдо бўлади.

— Чироқ йўғу...—генерал унга лампани кўрсатади.—Хозироқ тузатишсин.

— Хўп бўлади!— Крюгер пошиналарини тақиллатиб, ғойиб бўлади.

— Ҳа, мен ўшандаям айтганман, ҳозирам қайтараман: партизанларни аёвсиз қириб ташлаш керак,— дейди фон Хорн.

— Улимдан ҳам қўрқмаяпти улар, жаноби генерал,— ҳорғин гап бошлайди Вольф.— Шундайлигини амалдаям кўрсатишаپти. Ахир, Берлинга неча марталаб Млинский отрядининг тугатилгани ҳақида хабар берганмизу, улар бўлса худди бизни масхара қилгандай, ҳалиям ўзини кўрсатишаپти. Куни кеча Ринда кўпригини тор-мор этганлар ҳам шулар. Бу оддий бир партизан отряди эмас, бу — шундай нақ биқинимиздаги рус разведкасининг иирик бир базаси.

— Тағин ўша Млинский...— ўйчан мингиллайди генерал.

— Уларга қарши оддий кураш методларини қўллаш бефойда кетяпти. Занге зўр бир план билан келибди, рейхсфюрернинг ўзи тасдиқлаган. Шу план билан иш кўрадиган бўлсак, бу отрядни йўқ қилишимизга аминман.

Эшикда яна Крюгер пайдо бўлади.

— Штаб комендантининг навбатчи ёрдамчиси обер-

лейтенант Цвюнше келди. Рухсат берсангиз, ҳозир чироқни алмашласа.

— Кутиб турсин. Штурмбанфюрер Зангега айтинг, кирсин.

— Хўп бўлади! — Крюгер қабулхонага чиқади. У ерда стол лампаси ушлаб олган Цвюнше ва русча аллақандай китобни ўқиётган Занге кутишади.

— Қўмондон сизни кутяптилар, штурмбанфюрер,— таклиф қилади уни Крюгер.

Занге китобчани қўйинб, туради-да, кителини тўғрилаб, ичкари киради.

Цвюнше креслода ётган китобчани қўлига олади, бу Қизил Армиянинг Жанговар устави эди. Цвюнше ҳуштак чалиб қўяди.

— Ким бўлди бу арбоб? — сўрайди у.

— Штурмбанфюрер Занге, партизанлар билан кураш бўйича йирик мутахассис.

— Худога шукур-эй. Энди биз тинч ухлайдиган бўлибмиз.

Алиев ҳамшира Зинанинг дори-дармонлари ва бошқа ҳар хил зарур нарсалари сақланадиган кичкинагина хонасида каравотда ётибди. Млинский керосин чироқнинг пилигини кўтариши билан бурчакдаги яшик устида ўтирган Хватга ҳам ёруғлик тушади. Майор Алиевнинг одеялини тўғрилаб қўяди. Ярадорни йўтали тутади. Шу йўтал унга вақти-вақти билан худди қўксини буровлаётгандай азоб берәётганди.

— Эҳ, комиссар-эй, bemavrid ётиб олдинг-да.— Бошини чайқайди Млинский.— Агар манави асир алдамаётган бўлса, гаройиб ишларнинг бўсағасида турганга ўхшаймиз. Алдашнинг унга фойдасиям йўқ, ўзи... Немислар шошилинч равишда муҳим истеҳкомлар қураётгандишиш. Франциядаги баъзи танк ва моторлаштирилган дивизиялар бу ёққа ташланяпти экан. Булардан мақсад, нима қилиб бўлса-да ҳозирча фронт чизигини силжитмай

туриш эмиш. Ҳалиги подполковникнинг айтишига қараша ганда, шу кунда Германияда аллақандай бир ғайритабиий, «қасос қуроли»ни яратиш бўйича ишлашаётганниш. Айтмоқчи, у ўзи билан янги истеҳком райони қурилиш ишларининг Берлинда тасдиқланган схемасини олиб кетаётган экан.

— У бердими схемани? — сўрайди Алиев ўрнидан қўзғалиб.

— Йўқ, вагонда қолдирганниш.

— Вой, ярамас-эй! — Новча Хват ертўланинг шипига бошини ургудай бўлиб букчайганча туриб кетади. — Ҳозироқ мен яrim ротани оёққа турғизаман!..

— Энди кеч бўлди, — дейди Млинский. — Қаердан ҳам излардинг у чамадонни? Менда бошқача бир режа бор...

— У «қасос қуроли» дегани нима экан ўзи? — сўрайди Алиев.

— Асир айтишдан бош тортди. Фақат Москвада энг катта бошлиқларгагина айтар эмиш.

— Тирриқлик қилаётгандир-да, у ифлос, — дейди Хват. — Нархини оширмоқчи энди...

— Шундай бўлиши ҳам мумкин, — дейди Алиев. — Лекин шуниси ҳам борки, немисларнинг окопидан Москвагача бор-йўғи беш юз километр!

— Алёшкани шаҳарга жўннатиш керак, — таклиф қиласиди майор. — Асирнинг ҳужжатлари билан. Афанасьев текшириб кўрсин-чи.

— Мен ҳам тезда тураман, — дейди Алиев. Хват билан Млинскийнинг хайрлашгани узатган қўлларини секин сиқиб қўяркан.

Командирлар катта ертўлага тушишади, у ерда қатор тизилган ёғоч каравотларда ярадор жангчилар ётишибди. Эшик яқинида чойшаблар билан ўралган операция хонаси ғира-ширада қўзга ташланиб туради. Чойшабларда операция билан машғул врач ва ҳамшираларнинг сояси кўринади.

Млинский чойшабни кўтариб, ичкари киради-да, юзига дока танғиган Ирина Петровнадан сўрайди.

— Ҳеч нарса керак эмасми, доктор?

— Самолёт керак. Тўқиз кишининг аҳволи оғир. Бу шароитимизда билмадим...— Бошини чайқайди у.

— Самолёт чақирамиз,— дейди Млинский.

Унинг назарида Ирина Петровна яна нимадир демоқчидай кўринади. У бироз кутиб туради, лекин доктор ҳеч нарса демайди. Млинский касалхона жойлашган ертўладан чиқади. Ташқарида сокин қиши оқшоми ҳукмрон. Млинский билан Хват қарағайлар орасидаги сўқмоқ бўйлаб штабга томон кетишмоқда. Қоровулхонанинг бўсағасида Горшков ва ўн беш ёшларда бўлишига қарамай кап-катта бўлиб қолган, узоқ йўл олдидан иссиқ кийинган Алёша кутиб турмоқда.

— Ҳамма нарса тахт, ўртоқ майор!— доклад қилади Горшков.

— Қофозларни тикдингизларми?— Йигитнинг елкаларини сийпалаб кўради Млинский.

— Худди шундай!— жавоб беради Горшков.

Майор энгашиб, Алёшага дейди:

— Эҳтиёт бўлгин, ўғлим. Бобойга салом деб қўй. Уни роса соғинганимизни айт...

— Ҳаммасини ҳам бажараман. Кўнглингиз тўқ бўлсин, Иван Петрович,— дейди йигит.

Фашистлардан яқиндагина қайтариб олинган шаҳарнинг чеккасидаги қор кўрпа бўлиб ётган боғ қуршовидаги унча катта бўлмаган уйда фронтнинг штаби жойлашган. Уйнинг подвали девор бўйлаб қатор тизилган алоқа аппаратураларига тўла. Үнтача алоқачининг ҳаммаси бараварига рацияларда ишлашмоқда.

Сержант радиограммани қабул қилиб, уни шифрловчига узатади. Бир оз фурсатдан кейин офицер унинг мазмунини машинкачига айтади:

— «...1944 йилнинг 2 январигача уч эшелон ўқ-дориси,

тўрттаси ҳарбий техникаси билан портлатилди, ёнилғи ортилган етти эшелон ёндириб юборилди, икки мингдан зиёд гитлерчи солдат ва офицерлар қириб ташланди...»

Машинка бюросининг кичкинагина хонасида машинкалар шиқиллади, бир неча офицерлар бирваракайига ахборотларни айтиб туришибди:

— «Семиренкодан... фронт яқинлашиб қолгани сабабли тез орада обкомнинг Полесиедаги запас базасига кўчамиз...»

— «Афанасьевдан: ... армиялар группасининг штабига фитналар уюштириш ва партизанларга қарши уруш бўйича мутахассис, ССнинг штурмбанфюрери Занге келди. Жазо ҳаракатларининг кучайиши -кутилмоқда...»

— «Млинскийдан:... линия бўйлаб қаттиқ мустаҳкамланган, орқама-орқа қилиб жойлаштириладиган мудофаа яратиш ишлари авж олиб кетди...»

Фронт қўмондони генерал-полковник Ермолаевнинг кабинетида Ҳарбий кенгаш ўтмоқда. Устига оператив хариталар ёйиб ташланган узун кенг стол атрофида Ҳарбий кенгаш аъзолари ўтиришибди. Фронт разведка бошқармасининг бошлиғи келишган, кўринишидан ҳали ёш генерал-майор Елисеев қўлидаги разведка ахборотларини титкилаб, қаламини харитага нуқиганча Ҳарбий кенгашга доклад қилмоқда:

— Млинский ва Афанасьевдан олинган маълумотларни ҳаво разведкаси ҳам тасдиқлади — душман қудратли истеҳком районлари қуриш бўйича ишни бошлаб юборган, фон Хорнга резерв учун анчагина кучлар келган. Фронтимизнинг орқа томонида ва алоқа йўлларимизда душман разведкасининг зўр бериб ҳаракат қилаётгани қайд қилинган. Йигирмата қўпорув группаси тинчтилиди...

— Фашистлар вақтдан ютмоқчи бўлишялти, улар қандайдир бир йирикроқ нарсани ният қилганга ўхашаяпти,— дейди фронт Ҳарбий кенгашининг аъзоси генерал-

лейтенант Садовников.— Менимча, шу масалада Млинский хабар берган «қасос қуроли» тўғрисидаги гап алоҳида аҳамиятга эга... Бу ҳақда дарҳол Ставкани хабардор қилмоқ лозим.

— Тўғри,— бош иргайди Ермолаев.— Разведка бошқармаси душманнинг маҳкамланиб олинаётган районлариға эътиборни кучайтиурсин!

— Есть!— дейди Елисеев ва сал туриб сўрайди:— Бу топшириқни бажаргани майор Млинскийни ҳам жалб қилишга рухсат қилинг, ўртоқ, қўмондон?

— Майли,— маъқуллайди Ермолаев.

Қаҳратон саҳар чоғи бўрон супуриб ташлаган йўл бўйлаб Алёша йироқда кўриниб турган шаҳарга томон тез-тез юрганча кетиб бормоқда. Гоҳи-гоҳида уни немисларнинг оғир юқ машиналари қувиб ўтади, баъзан дехқонларнинг аравалари учраб қолади ёки алоқачилар мотоциклларини патиллатиб ўтиб кетишади.

Кичикроқ бир посёлкага кираверишда Алёшани полиция патрули тўхтатади.

— Эй, қани тўхта-чи! Ҳужжатларингни ол!

— Қанақа ҳужжат? Энди бор-йўғи ўн бешга кирдиму... Қишлоққа боргандим, у — буни ейдиган нарсага алмаштирай деб,— йиғламсираган бўлади Алёша елкасидан бўш қопини оларкан.— Мана, кўринг...

— Бўлди қил-э, нокас! Ташла қопни, чўнтакларингни ағдарчи!

Алёша ҳиқиллаганча, итоаткорона буйруқни бажарди.

— Мана, ҳеч нарсам йўқ дедим-ку...

Полисларнинг ҳўқиздай барзангиси Алёшанинг ёқасидан ушлайди-да, йўлнинг четида турган усти ёпиқ юқ машинаси томонга судрайди.

— Ё ишлаш, ё киссавурлик қилиш керак, бунақа сандирақлаб юриш кеімайди, ёш эмассан!

Алёшани кузовга иргитишади, у ерда боланинг тенгги

ёки ундан сал каттароқ бўлган бир неча қизлар ва йигит-чалар ўтиришибди.

Барзанги қўлларини қоқиб, ёнидагига дейди:

— У ўн бешга кирганми, кирмаганми — суриштириб ўтиришмайди.— Сўнг Алёшага қичқиради:— Сен итвачча ҳали «раҳмат» ҳам айтасан, бу ерда очингдан ё бизнинг ўқдан сулаймасингдан илгари Германияга опкетишганла-ри учун!..

Шаҳардан унча узоқ бўлмаган жойда, шундай ўрмон-нинг биқинида илгариги санаториянинг вайрон қилинган биноси бор. Унга элтадиган, апил-тапил тозаланган йўл-дан бригаденфюрер Вольф ўтирган «Мерседес» мотоци-клчилар эскортининг кузатувида машақат билан ўтиб бормоқда.

Бино тиканли сим девор билан ўралган. Дарвоза олдидаги узун пўстин ва мўйна телпак кийиб олишган иккита соқчи уларни тўхтатишиади.

Уларнинг ҳужжатларидағи суратларни эгаларига со-лиштириб, алоҳида белгиларнинг бор-йўқлигини син-чиклаб текширишгач, соқчилардан бирни дарвозани очишига имо қиласи. Мотоциклчиларни ўтказишмайди.

Дарвозадан кириб, эллик метрлар юргач, йўл кичик бир майдончага тақалиб, тўхтайди. Нариёғида эса вай-рона ёнидаги собиқ парк ичидан ўтиб, қор уюмлари ора-лаб ўрмонга элтадиган торгина сўқмоқ бор.

— Бу ёғига яёв юришга тўғри келади, бригаденфю-рер,— дейди Занге машинадан тушиб, Вольф чиққунича эшикни қўйиб юбормай тураркан.

Иссиққина этик ва қулоқчини орқасига қайрилган десантчиларнинг калта оқ пахталиқ камзулини кийиб ол-тан Занге қорли сўқмоқдан дадил боради. Вольф унинг орқасидан зўрга улгуради.

Чор атроф жимжит, зимистон ўрмон.

Қўқисдан улкан қарағайнинг орқасидан дарвоза-даги соқчиларни кидай пўстин кийган бир кимса пайдо

бўлади. Русларни кидай қиррали найза нақ бригаденфю-
рернинг кўкрагига тўғрилангандаи бўлиб туюлади ва
русча: «Тўхта! Қим келяпти?»— деган қичқириқни эшит-
гач, Вольфни қалтироқ босади-да, қўлини парабелуми-
нинг рифолига ўзатади.

— Қаҳратон,— дейди Занге русчалаб хотиржамгина.

— Айиқ, ўтаверинглар,— ҳалиги кимса тағин изсиз
йўқолади.

Юз берган воқеанинг оқибатидан кўнгли тўлган Зан-
ге жилмайганча илгари юради.

Яна худди шундай кутилмаганда ертўланинг ниқоб-
ланган эшиги очилади. Занге бригаденфюер Вольфни
олдинга ўтказади.

Ертўла обод ва шинам қурилган: унинг девор-
лари тахта билан қопланган, озода, аккумулятор қув-
ватидан ёнадиган лампочка осилган, ёғоч стол устида
дала телефонининг қутиси, ўтдай қиздираётган тунука
печка.

— Шинелни ечиб қўявериш мумкин, жудаям иссиқ
бу ерда,— дейди Занге.

— Роза қотирибсану!— Вольф ечиниб, печкага яқин-
роқ турган скамейкага ўтиради. Атрофни томоша қила-
ди.— Жононларнинг суратларини ёпишириб чиқсанг
бўларкан энди...

— Эртага бу уй билан ҳам хайрлашамиз, ҳали.

— Ҳа, шошилиш керак. Қарши ҳужумни бошлагунча
махфий ташкилотниям, Млинскийниям тугатиш лозим.
Алерт келдими?

Занге бош ирғайди:

— У бизнинг энг зўр агентимиз... Ҳамма нарсамиз
шай, бригаденфюер.

— Машиналарни айтиб қўйдингизми?

— Вольф, бизнинг ишимизнинг икир-чикирларини
ҳатто сен тушунмайсану, бошқалардан нимани талаб
қиласдим? Кечаси йўлга чиқамиз, яёв, ҳайвонлар юра-
диган сўқмоқлар билан... Агар бизнинг кетаётганимизни

бир гўдак ҳам тасодифан кўриб қоладиган бўлса, у дар-
ҳол бешафқат тинчтилиши лозим!

— Уқдориларни, овқатни нимада опкетасизлар?

— Ҳозирча зарур бўладиган нарсаларнинг ҳаммасини
ўзимиз билан олиб кетамиз. Бошқа керакларини эса
душмандан ундирамиз.— У тиржайиб қўяди.

— Худонинг ўзи мададкор бўлсин!— дейди Вольф.

— Оқ йўл тилаб, бирон нарса дейсанми?

Вольф бошини силкитади. Занге телефон дастасини
айланириб, трубкага русчалаб:

— Кляйнмисан? Одамларни сафланг,— дейди.

Илгари ун сақланадиган, совуқ ва қоронғи омборда
юзга яқин ёшлар қамалган. Шундай ҳам тиқилиб кетиш-
ган эса-да, улар сал илишгани бир-бирларининг пинжи-
га кириб олишган.

Торгина ёриқлардан ёруғлик зўрға тушиб туради.

Алёша эшикдан кираверишда ўтириби. Ёнида ўн
етти ёшлардаги иккита қиз чўққайишганди. Қизларнинг
бири изиллаб йиғлайди.

Кўчадан аёлнинг чақиргани эшитилади:

— Машенька!

Бир неча қизлар ўзларини эшикка уришади.

— Ойи... Ойижоним!.. Ойи!..

Эшик орқасидан қўпол буйруқ эшитилади:

— Қани! Жўнаб қол-чи бу ердан!

— Анави ерда менинг қизим бор,— ҳиқиллайди
аёл.— Ёнида ҳеч вақоси йўқ... Мана шу пўстинчани бер-
ворай...

— Кетасанми, йўқми! Ҳа, қари ялмоғиз...

Полицайнинг аёлни қўндоқ билан нуқиб ҳайдаётгани
ёриқдан Алёшага кўриниб туради.

— Ойи!— қичқиради Алёшанинг ёнида чўккалаган
қиз ва у ҳам ёриқдан мўралайди.— Кета қолинг! Бу-
лардан ҳеч нарса сўраманг, илтимос! Ўзингизни хўрла-
манг, ойи! Мен соппа-соғман! Ҳеч бало урмайди...

— Маша!

Соқчи яна дўриллайди:

— Жим бўл!

Кутилмаганда ўқлар гумбирлайди... ..Омбордагилар «вой» деганча жим бўлишади. Худди тунука томни дўлнинг савалаганидай бирин-кетин қасирлаб ўқ ёғилади.

Ериқдан қараб турган Алёша аёлнинг омбор ёнидан ура қочганини, полицайнинг қулочини ўйганча гурсиллаб йиқилганини кўради. Бўш чана судраган от аллақа-еққа югуриб кетади. Қочаётганларни отишга уринаётган бир неча полицайлар кўринади. Сўнгра пўстин ва телпакларига қизил матолар тақиб олган кишилар пайдо бўлади.

Яна бир дақиқадан сўнг омборнинг эшигига қўндоқлар урилиб, тамба тарақлайди. Эшик ланг очилиб, олишувда қизариб кетган, пўстинларига қизил бант илинган, автомат ушлаган иккита йигит жилмайиб, қичқиришади:

— Қани чиқинглар, болалар, манзилгаям етдинглар!

— Оёқларингни қўлларингга олиб чопинглару бошқа қўлга тушувчи бўлманглар!

Оломон омбор эшигидан оқиб чиқади.

Халоскор йигитларни қизлар ўраб олишган, қий-чув авжига чиққанидан ҳеч нарсани англаб бўлмайди.

Алёша оломондан ажраб чиқиши билан қўлларини ёйиб, чалқанчасига йиқилиб ётган полицайнинг ўлигига дуч келади. Бу ҳалиги уни йўлда ушлаб олган ҳўкиздай дароз эди. Алёша карабинни олмоқчи бўлиб, энди эгилганида кимнингдир оёғи карабинни босади. Чарм курткали новча киши унга жиддий дейди:

— Болакай, қурол билан ўйнашишингга ҳали эрта. Уйингга бор-чи!

Алёша у билан баҳслашиб ўтиrmай, полицайларнинг ва қизил бантли пўстин кийган иккита иартизанинг жасади ётган кўча бўйлаб жўнаб кетади.

Алёша темир йўл шоҳобчаси келиб туташган жойда-

ги чўзилиб кетган омборлар ёнида тўхтаб қолади. Омбэрларнинг эшиклари ланг очилган, эшиклар олдидағи соқчылар ўлиб ётибди. Омборлардан озиқ-овқат солинган қопларни, яшикларни чиқариб чаналарга юклашмоқда.

Посёлкани партизанлар эгаллашган. Улар кўчалардаги уйларнинг эшикларини тақиллатишмоқда.

— Ўртоқлар, бу ёққа чиқинглар! Ҳамма омборлар томонга борсин! Озиқ-овқатларни олиб олинглар!

Маҳаллий аҳолидан бир гуруҳи омборлар ёнида тўплланган, лекин ҳеч ким ичкарига киргани ботина олмайди. Чарм курткали новча киши чана устига чиқиб олади.

— Ўртоқлар! Гражданлар! Бу нарсаларнинг ҳаммаси сизники! Ўзингизники! Уларни сиздан тортиб олишиб, Германияга опкетгани йифиб қўйибди. Биз буларнинг ҳаммасини олиб кетолмаймиз. Сизлар ҳам олинглар, кўтарганларингизча олиб кетинглар. Қолганини барибир ёқиб юборамиз...

— Ҳей, нима бўлса бўлар!— Бир қария телпагини ерга ирғитиб, ўзини эшикка уради.

— Ўртоқлар, қўрқманлар! «Ватан учун!» отрядининг партизанлари ортиқ сизни бу ифлосларга муте қилиб қўймайди! Биз энди шу атрофдаги ўрмонларга қатъий ўрнашиб олганмиз!..— дейди чарм курткали.

Одамлар қопларни уй-уйларига ташишади.

Алёша ҳали омборда ўзи билан қамалиб ўтирган қизларни —Машани ва унинг дугонасини қўриб қолади. Уларнинг орқасидан Машанинг ойиси йифи аралаш койиб келмоқда:

— Вой, қизим-эй, жоним-эй, нима қилиқ энди бу? Яна қаёқларга кетяпсан? Сенга айтяпман, уйга юр!..

Маша қичқиради:

— Алёша! Қаёққа кетяпсан?

— Менми? Уйга-да. Уйга боришим керак, бувамнинг олдига...

— Бизлар отрядга бўрмоқчимиз. Олишмаяпти. Ёшизслар, дейди, қиз болаларни олмаймиз, дейишаپти...— дейди хафа бўлиб Маша.

— Бўпти, ҳозирча,— хижолат аралаш хайрлашади Алёша.

— Майли, хайр...

Қизлар ўрмонга қараб кетаётган Алёшанинг орқасидан қараб туришаркан, уларнинг ёнига чарм курткали киши келади.

— Отрядга кирмоқчи бўлган қизлар сизлармидингиз?

— Ҳа, нимайди, оладиган бўлдингизми?— севиниб кетишади қизлар.

— Иўқ, мумкинмас. Бироқ бизларга ишончли одамлар жудаям зарур. Сизлар шу ерликмисизлар?

— Ҳа, шу ерлик, ана уйимиз...

Улар уйларига томон бурилишади.

— Менга қараглар. қизлар, сизларга катта бир илтимос бор... Комсомол аъзосимисизлар?— сўрайди новча.

— Ҳа-да, албатта,— жавоб беради Машанинг дугонаси.

— Ундай бўлса, мана бу жанговар вазифани эшитинглар: фашистлар бир йигитимизнинг оёғини найза билан ёриб юбориши, кўп қон кетиб қолди, ўрмондаги базамизгача оборолмай қоламизми, деб қўрқяпмиз...

— Бизларникида қолдириб кетаверинглар! Ўзимиз даволаймиз, ҳам яшириб қўямиз! Исковучлари билан ҳам излаб топишолмайди!— жўшиб жавоб беради Маша.

— Вой, худо-ей!..— уфлайди ҳалиям орқадан келаётган Машанинг онаси.

— Ойи!— дейди таъна билан Маша унга ўгирилиб.

— Яшанглар, қизлар! Худди шундай бўлишини билувдим! Бу шундай вақтинчалик иш, бувижон. Икки

кунлардан кейин олиб кетамиз... Ҳозир ҳеч ким кўрмасин учун томорқаларни оралаб олиб келишади...

Икки киши ярадорни қўлда ясалган замбилда келтиришади. У инграр, афтидан беҳуш. Қизлар уни чордоқقا чиқаришга қарашиб юборишади. Пичанга ётқизишади. Ярадорни олиб келганлар унинг ёнига автомат, граната, озиқ-овқат солинган халта қўйиб, жимгина қайтиб кетишади.

Маша ярадорнинг устига энгашади. Йигит базур нафас олмоқда. Маша унинг телпагини ечганда, малларанг соchlари ёйилиб кетади.

— Жудаям хўшрўй экан!..— дейди мафтун бўлиб Машанинг дугонаси.

— Вайсамасдан бор, иссиқ сув олиб келгин,— унинг гапини бўлади Маша, Шундай дея, у ярадорнинг нам пешонасидаги малла соchlарини юқорига тараб қўяди.

Оккупация қилингандан шаҳарнинг кўчасида вайрон бўлган ва ёнган жойларнинг ёнидан бир қирчанғи чана судраб бормоқда, чананинг устида Матвей чол буқчайиб ўтирибди. Чананинг қўшқораклари шиша синиқларига, ғишт парчаларига ва тушиб ётган сувоқларга тегиб фичирлайди. Гусеницаларини тарақлатиб лойли қор тусида ниқобланган бронетранспортёр ўтиб қолади, кеккайган офицерлар тушган енгил машиналар физиллашиб, аравачаларига пулемётлар ўрнатилган мотоцикллар тариллаб, солдат патруллари этикларининг нағалларини дукиллатиб юришибди... Чорраҳаларда енгларига оқ латта бойлаган полицайлар қаққайишган. Онда-сонда ўтиб қоладиган йўловчилар, улар ҳам бўлса асосан кампирлар, кўчадан иложи борича тезроқ ва сездиrmай ўтгани шошилишади.

Бутунроқ қолган уйларнинг деворларига у ер-бу ерда немисча ва русча ёзилган лавҳалар осилган. Улар-

дан бири қадимий нарсалар сотадиган —«Стессель ҳамда ўғли» дўконининг лавҳаси бошқаларига қараганда йирикроқ ва ҳашамлироқ.

Матвей чол вокзал майдончасига бориб, станциянинг емирилган биноси яқинидаги устун ёнида тўхтайди. Чолнинг қаторига яна извошлилик билан кун кўришга урниниб юрган учтаси келиб қўшилади. Поездни кута бошлашади...

Матвей чол мизғинди, шекилли, Алёшанинг қандай келиб қолганини сезмайди.

— Бува, ҳой бува! — Кўзингни очсанг-чи! Мен сенга совға-саломлар олиб келдим... — унинг қўлларидан тортқилайди бола.

— Лёша! — Матвей чол энгашиб, Алёшани чўлпиллатиб ўпади. Сўнгра теварак-атрофига кўз югуртиради. — Нега шаҳарда тентираб юрибсан? Уйда кутиб ўтирганингда бўларди.

— Сени очдирсан дедим, ундан кейин вақтим ҳам зикроқ, ўзи, — секингина жавоб беради Алёша.

Уларга ҳеч ким эътибор қилмайди, Алёша пирог ва тухум ўралган тугунини ечади.

— У ёқдагилар қалай? — сўрайди чол.

— Ҳамма соғ-саломат. Ваня амаки салом айтди, соғиняпмиз деб айтиб қўй, деди...

— Вой, худо-ей... — хўрсиниб қўяди чол.

Шу пайт бекатга учта миқти бўз от қўшилган енгилгина чана учиб келади, чана рус эртакларидагидай ранг-баранг қилиб безалган, устига мўйна ёпилган. Ўртадаги отнинг ёли осилиб ётган чиройли бўйнида никелли ва тилларанг пластинкалар билан ясатилган дўфа бор.

— Эй, ялангоёқлар, йўлдан қоч! — сурбетларча бақиради чанадаги совуқдан башараси олов бўлиб кетган чайир эркак. Ясатилган чананинг отлари чолнинг қирчанфисини урворай деганидан, у бошини силкиб, ҳуркиб кетади. Чанада ўтирган чол зўрга ўзини тутиб қолади,

тугунча қўшқораклар остида эзилиб кетган нам қорга тушади.

— Нега энди одамларнинг устига ҳайдайсан, баттол ярамас!— жаҳли чиқади Матвей чолнинг.

— Жим бўл, сассиқ чол, эсинг борида овозингни ўчир,— танбаллик билан сўкинади ҳалиги.

— Бува, қўйинг, керакмас, юринг кетайлик бу ердан, буважон...— ялиниб, чолнинг чакмонининг этагидан тортқилайди Алёша.

— Ҳў, ялтоқи бўлмай ўл!— ҳалиям ҳовуридан тушмайди чол.

— Ҳозир мен сени ана шу қирчангинг билан қўшиб гестапога бир оборай-чи!— дейди нариги чанадан тушаётиси.

Матвей чол отга қамчи босади. Алёша олдинига чананинг ёнида унинг чеккасидан ушлаб югуриб боради, кейин чанага сакраб, бувасининг ёнига ўтириб олади. Улар торгина, иланг-биланг бўлиб кетган бир жинкўчага бурилишади-да, тезда уйлар орасида ғойиб бўлишади.

Офицерлар клубининг кичкинагина ресторани шинам ва жимжит. Қиши қуёшининг майин шуъласи оппоқ ипак пардалар тутилган деразалардан элас-элас тушиб турарди, залнинг бурчаклари фира-шира, шамдон турган бир стол атрофида бир неча офицерлар овқатланиб ўтиришибди. Улардан учаласи афтидан яралангандан кейин даволанаётган фронтовиклар: ўйилган кўзига қора боғич танғиган танкчи, таёқча ушлаган учувчи ва ўрта ёшлардаги қўли яраланган, кўзойнакли врач. Тўртинчиси интендантлик хизматининг капитани бўлиб, қувноқ юзи майшатпарастларницидай ғам-ташвиш нелигини билмайдиган, ҳамманинг эркатои бўлган бу киши ҳозирги ўтиришга мутассади.

— Официант!— бақиради капитан.— Жаноблар, рухсат қилинг, мен ўзим!— У гўё олдиндан тайёрлаб қўй-

гандай сўлқавоини шартта чиқаради-да, официантнинг қўлига тутқазиб, кейин кетиш ишорасини қиласди.

— Раҳмат, Генрих!

— Унақаси кетмайди, капитан!— дағаллик билан дейди бир кўзли танкчи.— Жарақ-жарақ пулларингиз бор бўлса, нима бўпти?

Капитан асло хафа бўлмай, янада завқ билан жилмаяди.

— Мен сизларга бир сирни айтиб қўяй: ҳозиргина паққос туширган чўчқамизни камина сал илгаритдан билардилар. Уни бир деҳқондан ўн маркага сотиб олиб, бошқа чўчқачалар ёнига қўшиб ресторанинг хўжайинига ҳар бирини ўзимизнинг пул билан эллик маркадан пуллагандим. Еган обедимизнинг ўзиям менга даромад келтирган, азизларим...

Офицерлар хохолаб юборишади. Улар клубдан чиқишиганидаям ўзларини кулгидан тўхтата олишмайди.

— Оқшомгача хайр, жаноблар.—Шундай дея, капитан қўлинни фуражкасининг соявонига етказар-етказмас честь бериб, кескин қадамлар билан Матвей чолнинг ча-наси томон юради, у чанани ресторандан чиқсан заҳоти пайқаган.

— Чаққон йигит,— деб қўяди оқкўнгиллик билан врач.

— Унинг чаққонлигини окопда бир эмаклаганида кўрсак бўларди,— дейди танкчи.

— Уни худди ўша чаққонлиги учун ҳам окопда кўрмайсан-да,— илжаяди учувчи.

... Қирчанғи кимсасиз кўчада судралиб кетмоқдайди.

— Нима гап, Матвей Егорович?— сўрайди капитан секингина русчалаб.

Матвей чол орқасига қарамай, дейди:

— Иван Петровичдан шошилинч пакет. Ҳамишаги жойда, кигиз остида турибди.

Капитан борт ёнидан қўлинни пичан ва кигиз остига

тиқиб, пакетни олади ва сездирмай шинелининг чўнта-
гига солиб қўяди.

— Кечқурун сизни яна шу ерда, клуб олдида кута-
ман,— дейди чол.— Иложи бўлса, сал илгарироқ чиқар-
сиз, бўлмаса маст-аласт офицерларни ёнидаги манжалла-
қилари билан уй-уйларига ташиб юришга тўғри келади.
Қариликда кўрган кун ҳам қурсин, ишқилиб, ўзинг ке-
чир, худо...

— Майли, майли, кўз ёши қилавермагин, чол. Раҳ-
мат.

Капитан Матвей чолга сўлкавойни тутқазиб, чана-
дан иргиб тушади-да, армиялар группаси интендантлик
бошқармасининг озиқ-овқат бўлими жойлашган бино-
нинг подъездига кириб, фойиб бўлади. Капитан юқори-
га, ўзининг кабинетига чиқиб, эшикни қулфлайди-да,
Матвей чол келтирган пакетни очади. Унда подполков-
ник фон Бютцовнинг ҳужжатлари ҳамда шифрланган
хат бор. Хатда бошқа нарсалар қатори чамадоннинг кў-
риниши ҳам «...чўчқа терисидан, оч-малларанг, иккита
камарли ва қоплама қулфлик...» деб ёзилган.

Айни шу пайтда худди ўшандай чамадонни, эҳти-
мол: ўшанинг ўзини яқинда станцияга келиб тўхтаган,
вайрон бўлган поезд вагонидан олиб чиқиб, яна бошқа
ўнтача чамадонларга қўшиб, аравага палапартиш юқ-
лашади-да, бошқа солдатлар бўшатаётган вагонлар
ёнидан тунука омборга олиб кетишади...

Капитан бошқарма биносидан чиқиб, шаҳардаги
ҳамма машиналар каби лойли қор рангига бўялган ен-
гил машина рулига ўтиради. У машинани станциянинг
ҳарбий комендатураси жойлашган уйча олдида тўхта-
тади.

Комендатура даҳлизида капитан қалин шишали кўз-
ойнак таққан сафдан ташқари хизмат фельдфебелига
дуч келади. У ҳозиргина ҳовлидан келаётган бўлади.

— Фельдфебель!

— Эшитаман, жаноби капитан!

— Нима бўляпти ўзи сизларда? Ҳаммаларинг ялпи сафарбар қилингандарми? Комендант қани?

— Агар жанобларининг жуда зарур ишлари бўлса, балки ўзим ёрдам бероларман?

— Уйдагилар Янги йил олдидан посилка бериб юборишиган экан, бироқ уни опкелаётган поезд, эштишимча, кўприк ёнида илма-тешик қилингандармиш. Шуни топиб беролсангиз, яхшиликка мен ҳам яхшилик билан қайтарардим, фельдфебель...

— Омадингиз бор экан. Эгасиз нарсаларнинг ҳаммасини опкелишиб, биринчи омборга туширишди. Ҳозир таулашяпти. Бўлмаса, шу ёққа бора қолинг, жаноби капитан...

Капитан вагонлари пачақ бўлган поезд ёнидан, бўмбўш платформадан бормоқда, поездга паровозни тиркашмоқда.

...Шу чоқ омборда бригаденфюер Вольф чамадонларнинг бирин-кетин авра-астарини чиқаришиб, ағдаришларини кузатиб туради. Мундирлар, кўйлаклар, майда-чўйда нарсалар бетон полга тўкилади. Кимнингдир сурати солдат этиклари остида топталиб ётади...

Чўчқа терисидан қилингандар семиз чамадонга бошқа уюмдагилар қатори ҳали тегилмаган.

... Омборгача юз эллик қадамча бор. Капитан қадамини бир оз секинлатиб, сигарета тутатади ва атрофига аланглайди...

Солдат сариқ чамадонни суфириб, камарларини ечади...

Пачақ бўлган поезднинг охирги вагони омбор томонга шахдам бораётган капитанни қувиб ётади, у омборнинг нақ чеккасига етган...

Солдат чамадоннинг қулфларини юлиб, ундан командировкага бораётган офицернинг оддий лаш-лушларини олиб ташлай бошлайди... Тимсоҳ терисидан ясал-

ган пардоз-андозлар филофи ерга тушиб, очилиб кетади. Солдат чамадонни нари иргитади.

Вольфнинг нариёғида турган офицер энгашиб, чамадон қопқоғининг ички томонидаги аранг билиниб турган киссани текшириб кўради. Устига бургут акси нақшланган папкани эҳтиётлик билан сууради.

Уни кузатаётган Вольф дарров ёнига келади.

— Бу ёққа олинг-чи! — У папкани офицернинг қўлидан юлқилагандай тортиб олади-ю, сўрғичланган печатини кўздан кечиради: бус-бутун!

Вольф эшикка юради, иккита эсэсчи офицер унинг кетидан эргашади.

Капитан омборнинг худди бўсағасида улар билан тўқнашади. Вольф гумонсираб, унга бошдан-оёқ қараб қўяди ва сўрайди:

— Сиз кимсиз? Сизга нима керак, ўзи, бу ерда?

— Тушунтиргани рухсат беринг, бригаденфюрер? — Капитан қўлини фуражкасига тираганича фоз туради. — Интендантлик бошқармаси озиқ-овқат бўлиммининг офицери капитан Георг Райснерман! Ҳарбий коменданти излаб юрибман. Бўлимимизга икки вагон карам келиши керак эди...

Вольф индамай орқасига бурилади-да, машинаси томон юради.

Ечилган, сургучи кўчирилган қора папка фон Хорнинг столида ётибди. Генерал бўздай оппоқ ва нозик қўлини папкага қўйиб, ўзининг штаби офицерларига ҳамда армиялар қўмондонларига мурожаат қилиб, паст овоз билан гапиради. Йигирмага яқин генерал ва офицерлар штаб конференц залининг узун столи атрофидага ўтиришибди. Ҳар қайсисининг олдида қофозлар, жанговар ҳаракат ахборотлари, уни тарашланган қаламлар.

— Ўз позицияларини менинг буйруғимсиз ташлаб кетадиган ҳар қандай офицеру генерални, — дейди фон

Хорн,— ҳарбий трибунал судига топшираман. Қирқ биринчи йилда бизни ғалабадан маҳрум қилишди. Эндиликда олдимизда ўшанда йўл қўйган хатоларимизни тўғрилаш вазифаси кўндаланг. Мудофаанинг энг зўри — бу русларга кучли қарши зарба беришdir. Ўзимиз қурган, янги қурол билан таъминланган истеҳком районларимизга таяниб, душманни тор-мор қилишимиз лозим. Менинг фюрерим бугун: қирқ тўртинчи йил кампаниясининг тақдири сизнинг қўлингизда, фон Хорн...— дедилар.— Генерал охирги жумлани бошини қуйи солиб, гўё ўзига юкланган масъулиятнинг зиммасини туяётган каби гапиради. Бир дақиқадан сўнг тағин қатъий, хизматбоп оҳангда давом этади:— «Бисмарк» қарши ҳужум операциясини ишлаб чиқиш шарафи бизнинг штабга топширилган. Муддатимиз ниҳоятда қисқа, лекин шуни эсда тутингларки; тайёргарлик қанчалик жиддий бўлса, муваффақият ҳам шунчалик нақд бўлади. «Бисмарк» операциясига алоқадор бўлган жами нарсанинг қатъий маҳфий сақланиши лозимлигини сизларга қайтариб ўтиришнинг кераги йўқ. Бу имтиёз фақат бригаденфюрер Вольфгагина тааллуқли. Унинг ҳамда инженерлик қўшинлари бошлиғи генерал Шварценбергнинг қолишиларини сўрайман.

Офицерлар ва генераллар ўринларидан туришиб, залдан чиқишиади. Фон Хорн чақирган кишиларгина қолгақ, генералнинг адъютанти майор Крюгер стол устига оператив харитани ёзади.

— Докладингизни бошланг, генерал,— дейди фон Хорн Шварценбергга қараб.

— Жаноби қўмондон! Биз қурилишни кенг майдонда олиб боряпмиз, ишга ҳарбий асиrlар ва маҳаллий аҳоли жалб қилинган. Шубҳасиз, бундан душман хабар топади ва мудофаамиздаги ожизроқ жойларни қидиради.

— Шундай жойларимиз борми, ўзи?

— Худди шундай! Нақ марказдаги 27-катақка бир қаранг.— Шварценберг харитадан шу жойни қалам би-

лан чизиб қўяди.— А зонаси ичкарига қараб йигирма беш километргача мустаҳкамланмаган... Нариёфидаги Б зонаси бошланади.

— Генерал, айтганларингиз менга маъқул.— Фон Хорн Шварценбергга қора папкани узатади.— Бу ерда — сизнинг Б зонасида эндиликда қилишингиз лозим бўлган ишларнинг Берлинда тасдиқланган плани. Омад тилайман. Хайль Гитлер!

— Хайль!— Шварценберг қўлини силтаб, пошнала-рида диккайганча орқасига бурилади-да, залдан чиқади.

Фон Хорн Вольфни қўлтиқлаб, унга ишонч билан дейди:

— Қора папка — ўз жойида, подполковник фон Бютцовнинг ўлими эса урушнинг тақозоси ва шу билан вассалом, айборлар ҳам йўқ. Бироқ «Бисмарк» операциясини бошлаб юборгунимизча армияларнинг орқаси рус агентларидан тозаланиши, партизанлар бутунлай тугатилиши ёки қуршаб олиниши лозим. Б зонасига ҳатто сичқон ҳам пусиб киролмаслиги керак, бригаденфюер!

— Зангенинг эйнзатцгруппаси ишни бошлаб юборди, жаноби қўмондон. Операциянинг мураккаблиги ва файритабиийлиги эса ўзингизга маълум...

— Уларни қистанг, Вольф. Млинскийни аллақачон тугатиш керак эди!

Улар ўзаро гаплашишганча, залдан кичкина даҳлизга ўтишади. Хўжайнилар қачон хонани бўшатишаркин деб кутиб турган штаб комендантининг ёрдамчиси оберлейтенант Цвюншенинг ёнидан ўтиб, зинадан тушиб кетишади.

Цвюнше конференц залга киради-да, майор Крюгердан сўрайди:

— Ичкари бўшадими, жаноби майор?

— Ҳа. Марҳамат қилиб, Цвюнше, мана шу хариталарни жанговар қисмга топшириб қўйинг.— Крюгер хариталарни буқлайди.— Кейин бу ерни шамоллатиб қўярсиз.

Қадимий нарсалар сотадиган «Стессель ҳамда ўғли» дўкони илгариги ўлкашунослик музейининг биносига жойлашган. Тўғрисини айтганда, бу дўкон шаҳардаги энг равнақ топаётган савдо идораси.

Йкки қаватли бинонинг кенг савдо залларида музейнинг мўъжизали равишда бутун сақланиб қолган экспонатлари ҳали ҳам турибди. Бўри ва айиқ тулуплари, қадимги одамларнинг турмушини акс эттирувчи манзаралар дўконга ўзига хос бир кўриниш бахш этган. Савдо авжида. Бу ерда сотиб олиш, ўғирлаш, тортиб олиш, бир парча совунга ёки бир сиқим тузга алмашиш ёхуд дўкон эгасига ҳаётингни гаровга қўйиб бўлса-да: олиб кетиш мумкин бўлган нарсаларнинг ҳаммаси муҳайё... Шамдонлар, қандиллар, гиламлар, билур, расмлар, кўхна мебель, черков анжомлари бари бор...

Харидорлар асосан немислар.

Эркаклар камчиликни ташкил қиласди: харид қилинган нарсани олиб кетгани шай хизматкорларни эргаштирган офицерлар, бир неча гражданлар ва атрофдагиларни ваҳимага солган гестапонинг навбатчи агенти юришибди. Қимматбаҳо мантоларига бурканиб олган хонимлар... Хўжайнин дўконга кириб чиқаётганларни синчиклаб кузатарди, гўё унинг нигоҳлари харид солинган тугунларни тит-пит қилиб текшираётгандай.

Цюоншени у жилмайганча қарши олади.

— Салом, жаноби обер-лейтенант! Нимани кўришни хоҳлайдилар?

— Мен қадимги рус тасвирий санъатини, тухумли темпера билан ишланган расмларни кўрмоқчидим.

— Ҳа, иконалар денг... Биринчи қават, ўнг томонга, марҳамат...

Уруш бошланиб, фашистлар оккупация қилганидан кейин шу шаҳарда турғун бўлиб қолган савдо флотининг собиқ дengizchisi Захар турган пештахтанинг нари томонида вақт таъсирида қорайиб кетган иконалар тахланиб қўйилган.

— Гутен таг, герр офицер,— дейди Захар ўзига яқинлашган Цвюншега.— Икона қурғур қизиқтириб қолдими? Марр-ҳамат.— У шундай деб, харидорларнинг диққатини тортсин учун қўйиб қўйилган қимматбаҳо жилдлардаги кўзни оладиган бўёқлар чапланган иконаларга ишора қиласди.

— Қадимгирифдан бўлса... Үнғайлироқ... Худо онаси ning... Момоҳавонинг,— базўр русчалаб талафуз этади Цвюнше.— Миннатдорчилигимни аямасдим...— У пештахтага сигарета пачкасини қўяди.

— Майли. Қидириб кўрамиз.— Сигарета пачкаси шу зумдаёқ пештахта устидан ғойиб бўлади.— Топамиз,— иш орасида дейди Захар.

Шом чоғи, шаҳарнинг вайроналари қоронғилик ичра кўмилган, кампирлар қор босган кўчаларда солдат патрулларини қувиб ўтишади, ҳаммаси бир томонга — черковга шошилиб. қолишган. Ёқимли жаранглаган қўнғироқ товуши кечқурунги ибодатга чорлаб, олис-олисларда ҳам акс садо бера бошлайди.

Ибодатхона эшиги олдидаги айвонда тиланчилар: майиб-мажруҳлар, қари-қартанг ва болалар кўп, ҳар ҳолда оғир замонлиги кўриниб туради.

Черков ўт ёқиб иситилмаган, ичкирини юзлаб одамларнинг нафас олишидан қалин туман қоплаган. Шамлар аранг лишиллайди. Захар зўр мاشаққат билан олдинга ўтиб олади. Кампирлар хорининг ҳазин куйин таралади, хутба тушираётган авлиё Павелнинг йўғон овози оломон узра парвоз этиб, баланд равоқлар сари учади.

Биринчи қаторга ўтиб олган Захарни кўргач, руҳоний Павел ваъзини шоша-лиша якунлайди-да, одатдаги дай ҳорғин дейди:

— Ибодат ниҳоясига етди. Саломат бўлинглар.— У тилларанг дарвозага юради.

Тилларанг дарвозадан чиққач, ён томонда ҳазрат Павелнинг тор, одмигина жиҳозланган, лекин шинам ҳужраси бор. У ерда тўнлар тахланадиган очиқ турган сандиқ, стол, бир жуфт курси бўлиб, курсиларнинг биррида Захар ўтирган бўлади. У руҳонийга пешвуз чиқиб, ўрнидан туради ва унинг узатган қўлини қисади.

— Салом, Павел Иванович.

— Салом,— ҳазрат қисқагина жавоб қилиб, курсига оғир чўкади.— Аҳвол мушкул, Захар. Одамларнинг сабри-тоқати адо бўлди, ўзим ҳам зўрга юрибман...

— Ҳечқиси йўқ, бу ёғи оз қолди... Немисларнинг ўзлари ҳам сезишаётни. Худди телбаларга ўхшаб, молмулк йиғиш билан овора...

— Сен яна иконалар опкетгани келдингми?

— Бўлмаса, нима қиласай? Қерак экан-да, Павел Иванович. Савдо-сотиқ деганлар... Мана бу эса сенга. Совфа...— Захар ҳали дўконда Цвюншедан олган сигарет пачкасини чиқаради.— Мумкин бўлса биттасини олай. Бемаза нарса. Тамаки ўрнида немисларнинг алламбалоси солинган, бироқ, илож қанча, тутатгани ҳеч вақо бўлмагач...

Ҳазрат Павел стол устига бир неча сигарет ташлайди-да, пачкани жуббасининг кенг енгига солиб яширади. У вақтида улгуради: шу пайт ҳужрага башараси шубҳали писмиқ дъячок бошини суқади.

— Отахон, ибодатхонани ёпаверсам майлими?.. Ие, салом бердик, Захар Спиридонович... Мен сизга иконаларният тахт қип қўйдим... Кетвортганларидан...

Кичкина, ярим қоронги дорихонада аптекачининг дарчаси олдида бир неча кампирлар навбат кутишмоқда. Эшикнинг қўнғироғи жиринглаб, Павел кириб келади. У навбатни кўриб, қайтиб кетмоқчи бўлади, кампирлар уни қўйишмайди:

— Марҳамат қилсинлар, отахон...— Бараварига таклиф қилишиб, чўқинишганча, тараддуд билан дарча

Олдидан сурилишади улар:— Худо хайрингизни берсин, азиз отахонимиз...

— Ташаккур.— Павел яқинроқ келиб, дарчага суюнади.— Салом, Анна Густавовна.

— Хуш кўрдик.— Пальтоси устидан оқ ҳалат кийиб олган муштдеккина кампир унга қарайди.

— Марҳамат,— Павел унга буқланган қофозни узатади.— Ҳамишаги рецептимиз.

— Бўпти.— Анна Густавовна қофозни олиб, бир четга қўяди.— Эртага тайёр бўлар... Қиарсиз.

Кечқурун алламаҳалда бир енгил машина дорихона ёнига келиб тўхтайди. Очиқ турган эшикдан капитан ичкари киради. Эшикнинг жиринглаганига Анна Густавовна чиқади. Капитан унга немисчалаб, дейди:

— Салом, фрау Анна,— у фуражкасини ечиб, назоқат билан таъзим қиласди.

— Салом. Сизга керак нарсаларни тайёрлаб қўйганиман.— У резина билан чатилган оқ қутичани узатади.

— Раҳмат. Сиз фаришта аёлсиз.— Капитан кампирнинг қўлини ўпид қўяди.

— Ўзингизни эҳтиёт қилинг, ўғлим,— русчалаб шивирлайди кампир.

Қўчада кучли шамол эсмоқда. Қоронғиликда Матвей чолнинг чанаси кўринади. Капитан ўзини чанага отади.

— Тезроқ бўла қол!— буюради у чолга.

Нарироққа боргач, капитан ўрнидан туриб, чолнинг елкасидан қучади.

— Мана шуни ол-да,— у чолнинг қўлига кичкина бир пакет қўяди,— Алёша билан дарҳол ўрмоига, Иван Петровичга етказ.

— Ҳозирнинг ўзидами?— Чол отга қамчи босади.

— Ҳали тонг отаверсин. Егорич, хабаринг борми,

йўқми: бизникилар Ленинград остонасида иблисларни роса ясашибди!

— Бунақа нарсани албатта нишонлаш керак...— Чол орқасига ўгирилади, бироқ чанада зоф ҳам йўқ. Атроф-теварак қоп-қоронғи ва кимсасиз, фақат шамол гувил-лайди.

— Вой, қочоғ-ей...

Зина қонга ботган бинтларни бирма-бир очмоқда. Хирургнинг улкан ва бақувват қўллари яра четларидаги шишиб, қизариб кетган терини усталик ва эҳтиётлик билан сийпалайди. Ўзига ниҳоятда ишонган қиёфали, норғил профессор Беляев қисқагина сўрайди:

— Зондни олинг!— У Ирина Петровнанинг узатганини қайтаради.— Унимас. Игналигини!

Юзлари терлаб кетган ярадор инграйди.

— Салгина сабр қил, азизим, салгина... Мана тамомладик ҳам.— Беляев Ирина Петровна билан Зинага лотинча бир нима деб қўяди. Сўнгра ярадорнинг кўнглини кўтаради:— Отдайсан, оғайнни... Ҳамшира, боғлаб қўйинг. Қани, навбатдагисини кўрайлик-чи.

Врачлар рўпарадаги ёғоч каравот томонга ўтишади. Унда юзи қоғоздай оқариб кетган қонсиз, ўйинқароқ болалардай ёшгина жангчи ётибди...

Булар ҳаммаси майор Млинский отрядининг касалхонаси жойлашган ертўлада кечмоқда.

Алиев ётган чодирда Млинский ҳамда яширин партия обкомининг секретари Семиренко ўтиришибди.

— Босқинчиларга бўлган нафрат, баъзида тушкунлик кайфиятлари, ҳатто яқинларгача бетараф юрганларни фашистларга қарши қурол кўтаришга мажбур қилмоқда,— дейди Семиренко.— Майда, тарқоқ отрядлар билан алоқани мустаҳкамлаш, одамларни яхшилаб текшириб кўриш ва уларнинг барини асосий ишга жалб қилишимиз лозим...

Профессор Беляев, унинг орқасидан Ирина Петровна кириб келишади. Ирина Петровна бўсағада тўхтайди.

— Биз ҳам ишимизни тугатдик,— дейди Беляев.

— Ўтиринг, профессор,— ўрнидан туриб, курсини бўшатади Млинский.

— Ташаккур, келинг, яхшиси хоним ўтирсинлар,— Ирина Петровнага қайрилади профессор, бироқ у қатъий бош чайқаб, чиқиб кетади.

— Нимаям қиласардик... Ажойиб аёл экан... Сизларни бунингдек врачларингиз билан фақат қутлаш мумкин... Оғир касаллардан иккитасига умид кам. Ҳалиги мўйловлик ва анави болакай. Оғзидан она сутиям кетмаган гўдаг-а... Ҳм-м... Қолганларини албатта Катта ерга ўтказиб юбориш керак...

— Киргани ижозат беринг?— Горшковнинг овози эшитилади, кейин ўзи пайдо бўлади.— Профессор Беляевнинг ҳужжатлари таҳт, ўртоқ майор.— Шундай деб, Горшков қофозларни бирма-бир Млинскийга узатади.— Минскгача ва орқага қайтишга йўл билетлари. Контроль тамғалари билан... Пропускада шаҳар бошқармасининг қайдлари бор. Мана Столбцидаги текширув пунктининг штамплари.

— Раҳмат, оғайни, раҳмат... Демак, мен Минскка борганман?— сўрайди профессор Млинскийдан.

— Қизингизникига,— бош иргайди майор унга қозуларни бераркан.

— Бундайлигини қизим биладими?

— Албатта.

— Жўнадик, унда.— Профессор қўзғалади.— Тезроқ тузалиб кетинг, азизим Ҳасан Алиевич.— Алиевга қўлини беради у.— Сизни яхши даволашаяпти...

— Раҳмат, профессор. Урушдаи кейин Бокуга албатта бир келинг.

— Жоним билан. Бугунги қизимникида меҳмон бўл-

ганимдаймас, бутунлай бошқача қилиб бораман,— жил-
маяди Беляев.

Семиренко билан Беляев ташқарига чиқишиади, офтоб нурида оппоқ қорнинг ярақлашидан уларнинг кўз-
лари қамашади.

Партизанлар лагерида ўзига хос ҳаёт жўш уради:
нарироқда рота жангчилари қўл жангини машқ қили-
шиади, чанғичилар дозори қаёққадир йўл олган...

Профессорни чана, Семиренкони эса эгарланган
қадрдан йўрғаси кутади ва яrim взвод отлиқ соқчилик
шай туришади.

— Кўришгунча, саломат қолинглар! Яхши, қол, ма-
лика!— ертўланинг эшиги олдида Беляев билан хушла-
шаётган Ирина Петровнага қичқиради у.

— ...Алиевни ҳам албатта жўнатвориш керак,—
Ирина Петровнага тайинлади профессор.— Унда ўпка
шишининг аломатлари сезиляпти... Яхши қолинг, док-
тор. Асло бўш келманг...

Профессор ўтирган чана ва отлиқлар қуршовидаги
Семиренко жўнаб кетишиади.

Млинский Горшковга ўгирилади.

— Алёша келдими?

— Иўқ, ўртоқ майор... одамларим уч кундан бери
кутишаляпти...

— Шаҳарнинг ҳамма йўлларига дозор юбор.

— Есть!— Горшков честь бериб, кетади.

Млинский ҳам энди кетмоқчи бўлганида, халати ус-
тидан солдат шинелини ёпиниб, дарвоза олдида кетаёт-
ганларнинг изидан қараб турган Ирина Петровнани
кўриб қолади.

— Қалай, ажойиб-а?— сўрайди майор.

— Жудаям,— жавоб беради Ирина Петровна,— агар
сиз ҳавони назарда тутаётган бўлсангиз — тўғри, қўши-
ламан, ажойиб кун, лекин нега шундай очиқ кундаям
самолёт келмаяпти? Ярадорларни иложи борича тез-
роқ опкетиш керак!..

— Афсуски, бу об-ҳавога боғлиқ эмас, Ирина Петровна...— дейди майор.— Ҳамма сизни мақтаяпти. Қаерда бунчалик жиддий ўргангандингиз?

— Бу сизга шубҳали туюялпими?

— Йўғ-ей...— Үнинг кескин тўғрисўзлигидан Млинский бир оз хижил бўлади.— Шундай, ўзим... бир қизиқкан эдим-да...

— Мен 1916 йили Ленинградда туғилганман...

— Таржимаи ҳолингизни яхши биламан, Ирина Петровна.

— Шунинг учун ҳам айтапман-да, мен ёш бола эмасман, хирург бўлиб ишлаётганимгаям беш йил тўлди.

— Нимаям дердик, узр.— Млинский честь бериб, шартта бурилади-да, этиги билан қорни ғичирлатганча юриб кетади.

Ирина Петровна унинг орқасидан аламдан лабини тишлаганча қараб қолади.

«Ватан учун» отрядининг жангчилари қизларнинг чордоғида қолдириб кетган ярадорнинг аҳволи кундан-кунга оғирлашмоқда. У пичаннинг устида ётганча, у ёғидан бу ёғига ағанаб, қаттиқ инグラб, ҳушини йўқотиб, алаҳсирайди.

Қизлар унинг атрофида гирдикапалак бўлишиб, пешанасига тез-тез ҳўйл латта қўйишади, кўчадан ўтаётган немис патрулларининг бақириқ-чақириқларига қулоқ тутиб, изларидан кузатишади.

Ярадор ўзига келиб, сал қаддини ростлайди, у қизларга бир қурра қараб олиб, боғлаб ташланган оёғини ушлаб кўради.

— Еғоч бўп қопди-я... Врач йўқмикин-а, қизлар?— сўрайди у хавотир олиб.— Гангренами деб қўрқялман...

Бу сўзни эшитиб, даҳшатга тушган Маша кўзларини қўллари билан бекитади. Йигит яна ўзини пичанга ташлайди. Қизлар ўзаро шивирлаша бошлайди:

— Шаҳарга олиб бориш керак...

— Кимгаям оборардинг?

— Топилиб қолар. Лёнка шу ёқда... Костя Малишев... Унинг яширин ташкилотдагилар билан алоқаси бор... у ердагилар эса, врачи, дориларни топишга ёрдам беролишлирага аминман...

— Қандай қилиб оборамиз?

— Бир иложини топамиз... Жим, ухляяпти...

Ўрмондаги қоровулхонада Алёша жон-жаҳди билан қайноқ чой ҳўпламоқда, Ерофеев унинг олдида чўққай-ганча, боланинг ялангоёқларини спирт билан ишқалайди.

Алёша ҳали ҳам тиши тишига тегмай қалтирайди, шундай бўлса-да, ўзини зўрга босиб, ҳикоя қиласди:

— Полицайларнинг росаям абжафини чиқаришиди... Мени ушлаб борганиям қум қотди... Ўз кўзим билан кўрдим... Омборларни очишиб, озиқ-овқатларни одамларга бера бошлашди... Кейин нима бўлганини билмадим. Сизлар бу ерда мендан хавотир оласизлар, деб қўрқиб, жўнаб қолдим...

— Ўзингга ҳеч нарса қилмадими, ишқилиб? — сўрайди бошини чайқаб майор Млинский.

— Балоим урмади, мана келдим-ку...

Қоровулхонада Млинский, Ерофеев ва Алёшадан бошқа яна Хват, Горшков ҳамда Бондаренколар ўтиришибди. Скамейкада Алёшанинг эгни йиртилган пальтоси ётибди. Кичкина оқ пакетча майорнинг қўлида.

Хват харитани кўздан кечиради.

— Демак, бу гаплар Тарасевичида бўлди-я? — сўрайди у Алёшадан.

— Ҳа...

— Ёмон эмас, «Ватан учун» дагилар ҳам балога ўхшайди, — дейди Горшков.

Ерофеев идишдаги спиртни чайқаб қўяди.

— Ўртоқ майор, жиндаккина отворса нима қиласди, а? Ҳеч қизий демаяпти.

— Яхшилаб ишқалагин, Ерофеич, тузукроқ... — Ма-

Йор ўрнидан турди, у Алёшанинг сочларини тўзғитиб, эшикдан чиқаркан, дейди:

— Қойил, азамат...

— Мен барибир қочардим уларнинг қамоғидан,— қичқиради командирнинг изидан йигитча.

Млинский қоровулхона остидаги ертўлага тушади. Столдаги чироқнинг пилигини кўтаради. У рация олдидаги скамейкада бошини шинелга ўраганча ухлаб ётган Наташани уйғотвормаслик учун секин юради.

Алёша келтирган пакетчада тексти шифрлаб ёзилган варақ билан тўртбурчак қилиб қирқилган кичкинагина целлофан бор. Катталаштириб кўрсатадиган кўзгу остида генерал Шварценбергнинг 27- катакни қалам билан чизиб қўйган харитаси равшан кўриниб турди.

Млинский Наташага энгашиб, унинг елкасига секин туртади:

— Наташа...

27-катак фронт қўмондони генерал-полковник Ермолаевнинг оператив харитасида қайд қилинган, унинг кабинетида ҳозир бўлган разведка бошқармасининг бошлиғи генерал-майор Елисеев унга доклад қиласди:

— Кўпгина маълумот манбалари фон Хорннинг 27- катакка алоҳида аҳамият бераётгани ҳақидаги хабарни тасдиқлаяпти: сўнгги ойлар ичида келиб қўшилган ўтизта дивизиядан бешта пиёда ва учта танк дивизиялари мана шу унчалик катта бўлмаган районда қўним топишди, дарвоқе, у ерда душманнинг дурустроқ мудофаа иншоотлари ҳам йўқ ҳисоби.

— Йўқлиги аниқми?— қатъий сўрайди Ермолаев.

— Агентлар ҳам, авиаразведка ҳам учратмаган, ўртоқ қўмондон. Бундай белгилар фон Хорннинг харитасидаям йўқ.

— Хаританинг фотонусхаси қани?

— Ҳозиргина Млинскийнинг қўлига етди. Агар кечаси ҳаво яхши бўлса...

— Ишлар чатоқ, генерал! — унинг гапини бўлади Ермолаев.— Ставкага нима дейман? Ҳавонинг очилишини кутяпмиз, дейманми?.. Менга аниқ фактлар керак: қисмларнинг ва қўшилмаларнинг номерлари, уларнинг дислокацияси, душман кучайтирилган истеҳкомларининг жойлашиш тартиби... Асосийси эса, фон Хорннинг кучларни нега шу ерга тўплаётганини билмоқ керак. Майор Млинскийга немисларнинг мана шу гўёки мустаҳкамланмаган районда нималарга эгалигини аниқлашни топширинг. Ҳамма чораларни ишга солишсин, жанговар разведкага боришдан ҳам қайтишмасин! Унга зудлик билан ўқ-дори, медикаментлар ва озиқ-овқат етказинг. Ярадорларни ҳамда асир подполковникни олиб келишсин.

— Албатта бажарамиз, ўртоқ қўмондон!

Пичан ортилган арава шаҳар кўчасидаги бир қаватли уйча олдида турибди. Маша эҳтиёткорлик билан деразани чертади. Унинг дугонаси арава қошида, атрофга олазарак бўлиб аланглайди. Бир йигит деразадан қарайди ва Машани таниб, эгнига пахтали нимча ёпиниб, эшикка чиқади.

— Салом, тинчлики?

— Костя, сендан ёрдам сўраб келдик!

Аравада пичаннинг остида ётган ярадорга торгина ёриқдан бўсағада турган йигит билан қиз кўриниб турди, бироқ уларнинг гаплари эшитилмайди. Унинг устига шу пайт арава ёнидан немис патрулининг аравачали мотоцикли патиллаб ўтиб қолади.

— Маша, мен уни олиб қололмайман,— қизга таъкидлайди Костя.— Уйимизда бир офицер бўляяпти... Сизларнинг шунчалик енгилтаклик қилганларингизга ҳайронман — қандай қилиб келолдинглар?

— Карвонга қўшилиб олдик...

— Фирт жиннилигу бу...

— Костя, бўлмаса нима қиласайлик энди?.. Леналарни-

кидаям мумкин эмас. Ҳали борувдик... Ойиси шундай ҳам бақириб бердики... Костя, сен шаҳарда битта-яримтани танирсан.

— Ҳеч кимни билмайман,— кескин носамимий жавоб беради Костя.

— Жуда бўлмаса, бирон жойда тунасак яхшийди... Костя, оёғи гангrena бўляяпти, шекилли... Улар бизни қутқариб, тутқунликдан халос этишди-ю, бизлар бўлса...— Қизнинг кўзларида ёш филтиллайди.— Ҳозир комендантлик соатиям бошланиб қолади...

— Майли, бирпас туриб туринглар,— ён беради Костя,— ҳозир телпагимни кийиб чиқай...

... Пичан ортилган аравани ибодатхонанинг ортидағи ҳовлига киритиб яширишади. Қизлар хавотир ва шубҳа билан ён-верига аланглашади. Дъячок тилёғламили илжайғанча арава ёнида ўралашади, у пичанини ҳидлаб кўриб, сўрайди:

— Қанчадан сотмоқчисизлар, қизалоқлар?— У бир боғлам суғуради.

Маша уни итариб юборади.

— Тегма! Сотилмайди!

— Вой, сени қара-ю! Бунча жиртаки бўлмасанг!.. Пичан ҳам дейман, ўғирлик бўлса керагов...

Ёнидаги бинодан Павел билан Костя чиқиб, жанжал тинчийди.

— Саройга опкиринглар,— дейди Павел.

— Менга сотилмайди девдинглар-а,— бошини ликиллатади дъячок.— Алдаш яхшимас, яхшимас...

— Бўлти. Тугат гап сотишни!— Унинг гапини кесади Павел.— Бор, қизларга қирқ марка пул бервон...

— Нега энди бунча қиммат?

— Борасанми, йўқми? Айтган ишни қилгин-да. Бир йўла жонингга најот тилаб, ибодат ҳам қилиб ол. Парвардигорнинг азиз маконида туриб, шунча бахиллик қиласан!

— Қани! Чу, жонивор! — Костя ҳориб-толган отни саройга ниқтайди.

Ярадорни печканинг орқасига, шкаф билан бекитилган бурчакка ётқизишиади.

Маша у билан хайрлашади:

— Кўришгунча, Алик...

— Кўришгунча. Раҳмат сизга, қизлар. Машенька, мен сизни ҳечам унутмайман...

Костя уларни шоширади:

— Қани, қани, бўла қолинглар, ҳадемай комендант соатиям бошланади... Мен ҳали врачниям кўришим керак...

Маша сўнгги бор ярадорга тикилади, йигит унга жавобан билишар-билинмас жилмайиб қўяди.

Костя билан қизларни кузатаркан, ҳазрат Павел дейди:

— Фақат христианларча раҳм-шафқат юзасидан қилдим буни, ўзларингиз ҳам тушунарсизлар... Биз айниқса ҳозиргидай нотинч замонда яқинларимиздан ёрдамимизни аямаслигимиз лозим...

Профессор Беляев ярани борлаб бўларкан, ярадорнинг қўлига шапатилаб қўяди.

— Раҳмат, доктор,— шивирлайди Алик.

Профессор печка орқасидан чиқиб, пардани ёпадида, бир қумғон сувни тоғора устига тутиб, уни кутаётган Павелга дейди:

— Суягига тегманти. Ярага бошқа шикаст етмалти... Қуйинг, қуяверинг, отахон... Иситма, кўпроқ ваҳима қийнаб қўйибди. Организм ҳали ёш, бақувват... Яна икки-уч кунлардан сўнг бу ердан олиб кетишса бўларкан.

Қори яхшилаб шиббаланиб, қўниш майдони ясалган кенг чимзорда сигнал хизматини ўтаган гулханлар ҳали ҳам чирсиллаб турибди. Ўрмоннинг шундай чеккасидаги

самолёт ғира-ширада аранг кўзга чалинади. Унинг моторлари гуриллаб, парраклари қорни тўзфитади.

Бир гуруҳ кишилар ҳозиргина самолётдан туширилган ўқ-дори, медикаментлар ва яна бошқа аслаҳа-анжомлар солинган яшикларни ташишмоқда. Бошқалар самолётга ярадорларни кўтариб киритишади. Моторларниг гуриллашидан отлар ҳуркиб, ярадорларни солиб келган чаналарни самолётдан анча нарида тўхатишган. Ярадорларни жойлашга Зина бош-қош.

Учувчи шоширади:

— Тезроқ, ўртоқлар, тез бўла қолинглар, кун ёришиб қоляпти...

Бондаренко билан Бейсамбоев замбилда Алиевни опкелишмоқда. Улар билан ёнма-ён бир томонда Млинский, бир томонда Ирина Петровна келишади.

Комиссар Млинский билан нигоҳларини уриштириб, жилмайишга ҳаракат қиласди.

— Тащвишланма, Иван Петрович, ҳаммасини эгаларига топшираман...— У қўли билан ияигача ўраб қўйишган шинелининг чап томонини пайпаслаб қўяди.— Мана бу ерда, нақ кўксимда турибди.

— Унинг ташвишини қилмаяпман,— бўғиқ гапиради майор.

— Нима дейсан?— унинг гапини эшитмайди Алиев гуриллашдан.

— Шошманлар!— жангчиларга буюради майор,— замбилни шу ерга қўйинглар. У ёқда ҳеч балони эшитиб бўлмайди.

Замбилни қорга қўйишади. Млинский унинг ёнида бир тиззасига чўккалайди. Бондаренко билан Бейсамбоев, сал четроқда Ирина Петровна комиссарнинг тепанида гикка туришади.

— Негадир кўнглим ғаш, Петрович,— дейди Алиев.— Сизлар ўша квадратдан қайтгуналарингча қола турсам, нима қиласди, а? Ҳеч бўлмагандан, кейинги самолёт келгунича?— у Ирина Петровнага боқади, док-

тор, «йўқ» дея бош чайқайди.— Мумкинмасми... Ҳукм қатъий эканда, илтимослар бекор денг... Ундай бўлса, яхши қолинглар.— Алиев ортиқ сўзлагиси келмай, жим бўлиб қолади.

Млинский энгашиб, комиссарни ўпади.

— Сен омон қайтгунча ишларингни Юрченко қилиб туради...

Бироқ Алиев ҳеч нарса демайди. Замбилни кўтариб, самолётга олиб кетишади. У ерда люкдан ичкари уза-тишади.

Икки автоматчи Млинскийнинг ёнидан асир подпол-ковник Бютцовни самолётга олиб ўтишади. Подполков-ник тўхтаб, Млинскийга дейди:

— Миннатдорчилигимни қабул этинг, жаноб майор...

— Бораверинг, Бютцов. Сизнинг тақдирингиз ўз қў-лингизда,— немисчалаб жавоб беради Млинский.

Немис самолётга чиқаркан, Зина люкдан пастга сак-раб тушади. У телпагини қўлига олиб, берироқда тур-ган Млинский билан Ирина Петровнага қичқиради:

— Хайр! Мен комиссарни элтиб қўйсам бўлгани! Биринчи рейс биланоқ қайтиб келаман! Ирина, бу ерда-гиларни яхшилаб асрарин! Билдингми, ҳаммасини!..

Учувчилардан бири нимадир деб чақиради-да, қизга қўлини узатиб, уни юқорига тортиб олади. Парраклар чинқириб, қорбўрон кўтарилади. Самолёт ўрмондан майдончага қараб югуриб кетади.

Алиев тирсакларига таяниб, иллюминатор орқали ёнма-ён турган Млинский билан Ирина Петровнага қа-райди. Улар кичрайгандан кичрайиб, ниҳоят қоронфи-ликда кўринмай қолади..

Немисларнинг оғир танк колоннаси ўрмон йўли бўй-лаб, секин илгарилайди.

Йўлдан эллик метрлар берида қорга кўмилиб олган оқ ниқоб халатли учта разведкачи колонна ҳаракатини кузатиб ётишибди. Уларнинг бири лейтенант Горшков

Эқаиљигини таниш қийин әмас. Ў дурбинини тушиб-ради.

— Ифлослар ғимирлашиб қолиши-я, нима гап әкан, ўзи... Хўш, оғайнилар, яқинроқ борамизми?— У жавобни кутмай, нариёқдаги қишлоқни тўсиб турган чакалакзорга томон дала бўйлаб эмаклаб кетади. Қишлоқ яқинида немислар ниманингдир тадоригини кўришмоқда. Олисроқда усти ёпиқ автомашиналар колоннаси бормоқда...

Бошқа икки разведкачи ҳам Горшковнинг изидан эмаклайди.

Тунда чайлада Горшков чўнтак фонарининг ёруғида Млинский билан Юрченкога доклад қилмоқда:

— Асирининг гувоҳлигича, Франциядан келишганига энди бир ҳафта бўпти. Ҳақиқатдаям, кийимлари алламбало: устларида еп-енгил шинеллару, бошларида кепка... Хотинларнинг рўмолларини тортиб олишлариям турган гап... Жойлашишлари ҳам учкаликмас: шунчаки енгилелли қазилган окоплару блиндажлар. Ё бу ерда вақтингчага тўхташган, ё ниятлари дарҳол ҳужумга кириш...

— Лёня, бу гапларинг ёмонмасу бироқ бари қуруқ гап,— дейди майор.— Яхшироқ аниқлаш керак, шекили, нима дединг?

— Гапингиз тўғри, ўртоқ майор...

— Нарироқ боришимизнинг иложи йўқ,— хўрсинади Юрченко.— Фашистларни деярли ҳар қадамга экиб чиққандай...

Чайлага Ирина Петровна кириб келади.

— Халақит қилганим учун кечирасизу ўртоқ майор, бироқ бу аҳволда асирларни музлатиб қўямиз. Жилла бўлсада, ўт ёққани рухсат беринг?

— Совуқ ҳаммагаям бирдай. Асирлар учун истисно қилишга менимча асос йўқ. Ўйнай қолишин.

— Жиддий айтапсизми шуни?

— Беҳазил.

Арчалар остидаги ялангликда тўртта асир ўйин бошлайди. Ҳар ким эплаганича ўйнайди. Соқчи йигитлар пишинг беришади:

— Қани, зўравонлар, бир ўйнаб қолинглар-чи!

Бригаденфюрер Вольфнинг кабинетига адъютант кириб келади.

— Рухсат қилинг?— Вольф ишора қилгач, адъютант унинг олдига машинкаланган «Сўнгги соат»нинг оператив ахборотини қўяди.

Вольф бир қаращаёқ хабарнинг маъносини тушунади.

— Ташаккур. Мени қўмондон билан уланг.

Адъютант чиқиб кетганидан бир неча дақиқадан кейин телефонлардан бири жиринглайди. Вольф трубкани кўтаради.

— Жаноби қўмондон! Ҳозиргина хабар олдик: русларнинг разведкаси 27-катақка ўтгани уринишяпти... Албатта, албатта, жаноби генерал, ҳамма чоралар кўрилди, фақат А зонасигина...

Разведкачилар группаси сийрак учрайдиган оқ қайнилар оралаб боришлоқда. Оппоқ қордаги оқ қайнилар ва разведкачиларнинг оқ халатлари қиши офтобининг нурига ҳамоҳанг ялтирайди. Одамлар изма-из қаторлашиб, эҳтиётлик билан силжишади. Олдинда Юрченко. У орқасидаги жангчига «диққат» ишорасини қиласди. Қор узра майда симлар тортилган.

— Миналар!

Бу хабар дарҳол қатор бўйлаб тарқалади. Қаторнинг охирида Горшков.

Олдинда яккам-дуккам арчалар қорайиб турибди. Мана шундай арчазорлардан бирининг бошланишидаги ялпайган арча остида бир немис пулемёт қўндоғини елкасига тираганча ётибди.

Қаторлашиб келаётган руслар дарахтлар орасидан

ҳали аниқ кўринмайди. Пулемёт расчётидаги иккинчи солдат тиржайиб, қўлини силкийди:

— Келавур, Иван, келавур...— У бошқа бир арчазор томонда ҳам жангга ҳозир турган пулемёт расчёти та-рафга қараб қўяди.

Юрченко ҳали ҳам олдинда келмоқда. У қўққисдан жойида қотиб қолади. Гарчи ҳеч нарса эшиитмаса-да, хавф-хатарни дарров фаҳмлайди.

Шу зумнинг ўзидаёқ нақ пешонадан пулемётлар тариллади... Юрченко қонга белангандча, йиқилади... Бошқалар ҳам қорга ағнашади, кимдир ярадор бўлган, кимдир ҳалок бўлган, кимнинг тирик қолганини ҳозирча айтиш қийин.

Пулемётлар ўтидан бош кўтариб бўлмайди. Бироқ Горшков барibir дараҳтдан дараҳтга эмаклаб кетади... У яна бир сапчиб, гранатани отиши ҳамон бир пулемёт жимиийди. Иккинчи пулемётни автоматлардан ўт очиб, тинчтишиади.

Горшков эҳтиётлик билан ўрнидан туради. Унинг изидан яна тўрт киши. Бошқалари оплоқ қорда дўмпайиб ётишибди.

Вақтингчаликка қурилган лагерда ҳорғин ва дарғазаб, ҳаммаёғи қон Горшков пайдо бўлади.

Млинский қичқиради:

— Ирина!

Шу зум доктор ҳозир бўлади.

— Яралашдими?— сўрайди у.

— Йўқ. Мени қопишиди. Балки, қутургандирман!..
Разиллар! Ифлос газандалар!

— Узингизни босинг!— дейди Ирина Петровна.—
Кўлларингизни силкийверманг, боғлаб қўяй.

— Уларнинг нима қилишмоқчилигини энди ту-
шундингми, Горшков?— сўрайди майор.

— Тушундим... Улар биз билан бекинмачоқ ўйнаш-
япти-ю, биз уларга кишиларимизнинг ҳаётини бой
бераяпмиз...

— Тўппа-тўғри, Лёня. Ҳозирча улар бизга кўрсатмоқчи бўлаятган нарсаларнигина кўриб турибмиз. Кетишимиз керак... Бошқа йўлдан қайтиб келамиз.

«Стессель ҳамда ўғли» қадимий ашёлар дўкони — ёпилиш олдидан кимсасиз. Айиқ ва бўри тулупларининг садаф кўзлари маъюс боқади, илгариги замонлар калтакесагининг мумнусхаси аввалгидан-да, бемаънироқ кўринади...

Дўконни ёпмоқчи бўлаётган хўжайнин илтифот билан эшикларни ланг очди.

— Марҳамат қилсинлар, жаноби обер-лейтенант...

Иконалар тахланган пештахта орқасида ҳеч ким кўринмайди.

Цвюнше иккиланиб, қадамини секинлатади, лекин хўжайнин чақириб қолади:

— Захар!

Хизматчилар кириб чиқадиган эшикда Захар пайдо бўлади. Цвюншени кўрган Захар хушомад қилгани тиришиб, бир амаллаб илжаяди.

— Узр, узр, жаноби офицер!.. Мен кутдим сизни... Энди келмассиз, деб ўйловдим... Марҳамат...— У пештахта остидан кичикроқ бир иконани олади.— Жуда қадимги, унчалик қиммат ҳам эмас. Момоҳаво. Ўзингиз сўрагандай санамнинг ўзи... Тўрт юз марка туради.

Цвюнше Иконани қўлига олиб, уни ғира-шира ёруқ-қа тутади.

— Қеч бўп қолди,— дейди у Захарга.— Уни яхшилаб кўриш қийин... Унга эртага қай маҳал келсам бўлади?

— Иккиланмай олаверинг, иконанинг нави ҳақиқатдан ҳам зўр. Қачон вақtingиз бўлса, бемалол келаверинг. Дўконни тўққизда очамиз. Фақат, марҳамат қилиб, гаровини, яъни олдиндан бир нарса қолдириб кетсангиз....

Цвюнше пул санай бошлайди.

— Юз йигирма беш марка. Етар-а?

— Фоятда миннатдорман. Данке шён. Ауфвидерзейн...

Кечқурун, фон Хорн штабининг оператив бўлими офицерлари қоғозлар ва маҳфий хариталарини подполковникка топширишмоқда, у эса буларни сейфга жойлади. Офицерлардан бири столидаги қоғозларини йиғиштиаркан, ёнидагига дейди:

— Вассалом. Тамом бўлди. «Бисмарк» ҳам ниҳоясига етди. Бу шунинг билан бундай йирик операцияларни планлаштиришнинг тўртинчисида иштирок этишим. Қани, бунисининг тақдиди не бўларкин?..

— Яххиси, бунақа лақмалик қилаверадиган бўлсанг, ўзингни нима кутишини ўйлагин,— офицерга секингина жавоб беради суҳбатдоши.

Подполковник сейфни қулфлаб сурғичлайди. Ҳамма хонадан чиқиб кетганидан кейин у маҳсус идишдаги суюқликни олиб, ундан сейфга пуркайди. Сепилган суюқлик қуриб, тинигач, сезилмайдиган тусга киради.

Оператив бўлим эшикларини ҳам сурғичлашади. Қалитларни комендантнинг навбатчи ёрдамчиси Цвюншега топширади. У қалитларни хоналарнинг номерлари ёзилган тахтага осиб қўяди. Сўнгра бу тахтаниям маҳкамлаб, сурғичлашади. Йўлакда турган солдат чиқаётган офицерларнинг пропускаларини синчилаб текширади...

Уша куни кечқурун Захар Павелникида Костя билан учрашади.

— Иш унчалик мушкул эмас,— дейди Захар.— Бугун кечаси озгина фурсатга бўлса-да, фон Хорннинг штабини чироқсиз қолдириш керак...

— Ўҳў!— жавоб беради Костя.— Нима, подстанцияни портлатайми?

Павел чуқур хўрсиниб қўяди.

— Тўғри, Павел Иванович,— дейди Захар.— Ҳеч нарсани портлатишнинг кераги йўқ...

Павел ўрнидан туради.

— Мен тезда қайтаман. Тоза ҳавога чиқай, сизларни эса устларингдан бекитиб кета қолай, бирон кори ҳолдан нарироқ...

— Бўпти,— уни маъқуллайди Захар ва Павел хонадан чиқиб кетгач, яна давом этади:— Бирон тасодиф рўй берини лозим, Костя. Авария, тушундингми?

— Иҳм...

— Красноармейская билан Гоголь кўчасининг муюлишидаги шит қоқилган устунни кўргансан-а?

— Кўпраклар дарвозасими?

— Қанақасига?

— Кергиси кийшиқ устунни болалигимизда шундай дердик. Унинг остидан ўтиш мумкинмас... ёмонлик аломати...

— Тушунарли... Ёнингга бирорни олиб олақол...

— Аликни олақолай?— сўрайди Костя.— У ҳалиям хиёл оқсоқланади-ю, бироқ энди тузук, ўзиям иш бошлишни сўраётувди.

— Унга адидади айтиб, тушунтириб ўтиришнинг ҳожати йўқ.

— Тушунарли.

Тунда фон Хорннинг штабида жимжитлик. Киравериша, ҳар бир қаватнинг зинапоя майдончасида соқчилар туришибди...

Командантнинг навбатчи ёрдамчисининг хонасида оёқларини столга тираб, курсида чайқалганча Цвюнше ўтирибди. Унинг кўзи соат бирдан беш минут ўтаганини кўрсатиб турган доира шаклидаги девор соатида...

Бошқа машиналар орасида турган усти ёпиқ оғир юқ машинаси совуқдан тўнғиб қолганидан стартери ишламай, тунги тинчликни бузганча вифиллади.

— Ҳе, қуриб кеттур!..— сўкинади Костя.— Немисларнинг мақталган техникасимиш, яна.

— Балки, бошқасини кўрармиз? — таклиф қилади Алик, берироқда қорайиб турган мактаб биноси томонга хавфсираб қараб қўяркан.

— Ҳаммасиям бир гўр-да. Ма, буни ол! Ручка билан бурагин!— Костя узун ручкани ўриндиқ тагидан олиб унга узатади.

Цвюнше ҳалиям ҳалигидай аҳволда ўтирибди ва соатдан кўзини узмайди: соат миллари яrim кечадан чорак ўтганини кўрсатиб туради...

Мотор охири ишлаб кетади. Костя дарҳол газни босади. Шовқинни эшишиб, мактабнинг ичидан бир немис югуриб чиқади. Алланима деб бақиради... Бироқ Костя тезликка қўйиб улгуради. Машина турган жойидан силтаниб қўзғалганидан Алик бампердан сакраб тушишга зўрға улгуради. Алик эшикни ушлаб, зинага сакраб чиқади.

— Сал бўлмаса ўлдириб қўювдинг, ярамас!..

— Ўлдирмадимми, ахир!— илжаяди Костя.— Маҳкам ушлаб ол!

Машина кўча бўйлаб учиб кетади. Орқада гумбурлаб ўқ отилади. Чироқлар қоронғилик аро чорраҳани ва қийшиқ кергили устунни ёритиб юборади.

— Қўппаклар дарвозаси! Сакра!— қичқиради Костя.

Машина устунга бориб урилади.

Портлашнинг чақмоқ чаққандай ёруғлигига ҳар томонга қочиб кетаётган Костя билан Алик кўринади.

Устун аста-секин эгилиб қолади, узилган симлар машинанинг тёмир кузовига тушаркан, учқун сачратиб юборади.

Навбатчи комендантнинг хонаси қоронғи. Цвюнше қўл фонарини ёқиб, қўриқчи солдатларнинг этиклари

гурсиллаётган қоронғи даҳлизга чиқади. Кўкрагига фонар осган кишининг юзига чироғини тутади.

— Фельдфебель Аллендорф!— дейди Цвюнше.— Ташқаридаги соқчиларни икки баравар кўпайтиринг! Штабнинг ичига менинг рухсатимсиз бирон кишиниям қўйманг!

— Хўп бўлади, жаноби обер-лейтенант!

— Ички соқчиларнинг постларини шахсан ўзим текшираман. Фурсатни бой берманг, СДга хабар қилинг ва нима гаплигини билишга уриниб кўринг...

— Хўп бўлади! Кетишга рухсат қилинг?

— Боринг!

Фельдфебель кетади, этикларининг дупури ҳам тиради. Цвюнше якка ўзи қолади. У қўлқопини кийиб, фонарини ўчиради. Атроф қоп-қоронғи ва жимжит.

Вольф эрталаб келади, у секин ўтиб бораётган машинанинг деразасидан ҳали ҳам йиқилган устун ёнида турган юқ машинасига қарайди. Бригаденфюрер елкаларидаги карабинларини силкитиб, ефрейторчасига салом берган соқчилар ёнидан ўтиб, штаб биносига киради.

Коменданнтнинг навбатчи ёрдамчиси унга пешвоз чиқади.

— Доклад қилгани рухсат этинг, бригаденфюрер? Менинг навбатчилик пайтимда нолдан ўттиз минут ўтгандан учу қирққача электр энергияси узилиб қолди. Ташқи ва ички соқчилар икки ҳисса ошириб қўйилди. Постларда — навбатчи чироқлар ёқилди. Бошқа воқеа содир бўлмади. Коменданнтнинг навбатчи ёрдамчиси обер-лейтенант Цвюнше!..

Вольф докладни тингларкан, чақчайганча, кўзларини Цвюнщедан узмайди.

— Қилган ишларнингиз менга маъқул, обер-лейтенант,— дейди у.— Навбатчиликни топшириб, бориб дам олинг.

Вольф оператив бўлим хонасига киради-да, тўппатўғри каттакон пўлат сейф томонга юради. Идишни чиқариб, сейфга суюқлик сепади. Бўёқ дарҳол тусланиб, ундаги қўлқоп излари равшанлашади, кимдир сейфни очгани сезилади.

Цвюнше «Стессель ҳамда ўғли» қадимий ашёлар дўконига бормоқда. Дўкон ҳали ёпиқ. Тунука пардаларни кўтараётган бошқарувчи унга ҳушмуомалалик билан илжайиб қўяди, Цвюнше эса билинар-билинмас бошини иргаб, ўтиб кетади. У орқасидан кўчадаги ҳамма офицерларга ўхшаган бир офицернинг изма-из келаётганини пайқамайди.

Сартарошхонадаги курсилардан бирида Георг Райснер соч-соқолини қирдирмоқда. У соатига кўз қирини ташлайди. Икки минути кам тўққиз. Кўҳликкина сартарош қиз жозибали жилмайганча, капитаннинг бошини оқ ҳалати остидаги тирсиллаган кўксига тираб, чаккаларини майнин ишқалайди. Бошқа бир қиз Райснернинг ёнидаги оқ чойшабга ўранган қўшнисининг тепакал бошидаги яккам-дуккам соchlарини тўғрилайди. Қўшниси тинмай вайсайди:

— Ўзинг бир ўйлаб кўр, Георг, партизанлар омборларни қуритишиди, мен бу алмисоқдан қолган Тарасевичига чопаман, СД бўлс...

Райснер кўзгуга қараб, обер-лейтенант Цвюншенинг кийимхонага кирганини, фуражкасини ечиб, уни полкадаги худди шундай бошқа фуражкалар ёнига қўйганини, сўнгра соchlарини яхшилаб силаб, кутиш залига кирганини кўради. У ерда Цвюнше столдан олган газетаси билан юзини паналаб, креслога ўтиради. Яна бир офицер келиб, уям фуражкасини полканинг четига қўяди-да, Цвюншенинг ёнига келиб ўтиради... Иккаласи ҳам елкаларини кийимхона томонга ўгириб ўтиришган.

— Эшитаяпсан-а, Георг? — гапида давом этади қўш-

ниси.— СДда бўлса: сизнинг ишингизмас, дейишади-я!
Қарагин-а? Қанжиқдан тарқаганлар...

— Уларнинг ўз иши бор, Вальтер,— дейди Райснер.— Бизниг ўз ишимиз... Ташаккур, азизим...— У сочиқни олиб, ўрнидан туради. Қизнинг чўнтағига пул солиб, иягини сийпалаб қўяди.— Мен билан бир оқшом кўришгани вақтинг бўлармикан?

— Жоним билан, жаноби капитан.

— Сени бошқармада кутаман, Вальтер,— дейди капитан қўшнисига, у бўлса оғзига иссиқ тутганича, нимадир деб ғулдирайди.

Райснер навбат кутиб ўтирган офицерлар ёнидан ўтиб, полкадан у ерга ҳозиргина Цвюнше қўйган фурражкани олади-да, бостириб кийиб, чиқиб кетади.

Сартарош қиз Цвюншени бўш креслога таклиф қиласди.

— Марҳамат. Нима қилиб қўяй?

— Қўлингиздан нима келса, қилаверинг,— жилмаяди Цвюнше.

Унинг орқасидан келган офицер журнални бир чеккага қўйиб, қиз ёпаётган кенг чойшаб остида Цвюншенинг қўллари қандай кўмилиб бораётганини диққат билан кузатади.

Райснер ўз кабинетига кўтарилиб, эшигини қулфлайди-да, фурражкани ечиб, гардишнинг клеёнка астари тагига яширилган иккита кичкинагина капсулани олади.

У мундириининг ёқасини ечиб, кўкрагига осилган жажжи туморни чиқаради. Туморга иккала капсулани ҳам жойлаб, яна кўксига осади-да, эшикни очади. Худди шу пайт ҳалиги сартарошхона ёнида ўтирган қўшниси кириб, унга яқинлашади. У подполковник формасида.

— Георг, мен сенга ҳаммасини айтиб бўлмовдим. Менга қара, сен мен билан бирга Тарасевичига боришинг керак!..

Вольф кабинетида адъютантига гапиради:

— Шаҳар комендантининг бўйруғи билан расмий-лаштиринг.— У айтиб туради:—«Германия армияси офицерининг ёвузларча ўлдирилиши муносабати билан шаҳар черковининг нозири ҳазрат Павел, яъни Воробьев Павел Ивановични, шаҳар касалхонасининг бош врачи профессор Беляев Андрей Андреевични, сотувчи Егоров Захар Спиридоновични бизнинг кўрсатмамиз бўйича гаров сифатида ҳибсга олинсин. Мабодо, қотил 5-март соат ўн иккигача топилмаса, гаровга олинганлар осилади...» Ба ҳоказо. Варақани зудлик билан чоп этиб, кечқурунгача ёпиштириб чиқиш лозим. Иккинчи. Эртага шаҳардаги барча немисча ва русча газеталарда таъзиянома беринг: «Кеча бандитлар муюлишдан туриб, Германия армиясининг офицери, ватанининг содиқ ўғли, обер-лейтенант Отто Зигфрид Цвюншени ёвузларча ўлдиришди». Таъзия билдириш ва умуман шу тахлитда... Сартарошхона илма-тешик қилиб текширилсин, Цвюнше келган пайтда у ерда кимлар бўлгани, кимлар билан кўришгани аниқлансин ҳамда ҳаммаси синчиклаб текширилсин.

Худди шу пайтда обер-лейтенант Цвюнше кўча бўйлаб бормоқда. Кутимаганда тротуар ёнига енгил машина келиб тўхтайди. Ундан гражданча кийинган икки киши тушади. Цвюнше орқадан бошига зарба ейди. Яна бир дақиқа ичидан уни машинага судраб солишида-да, жўнаб кетишади. У ер, бу ерда келаётган йўловчилар нима гаплигини билмай ҳам қолишади.

Граждан кийимида гестапочилар чиқиб олган бошқа бир машина «Стессель ҳамда ўғли» дўкони ёнига келиб тўхтайди.

Захар уч кишининг шаҳд билан дўконга кирнишганини, ҳамтовоқларини таниган айғоқчининг қаддини ростлаб, диккайганини кўради...

Учаласи одамларнинг орасидан тўппа-тўғри Захар турган пештахта томонга қараб юришади. У иккилан-масдан буларнинг уни опкетгани келишаётганини англайди. Захар доимо пештахта тагида сақлайдиган иконасининг жилди остидан нағанини олади. У тикка туриб, гўё гестапочиларнинг яқинлашишини жимгина кутаётганга ўхшайди. Лекин улар нақ пештахтанинг ёнига келишлари ҳамон Захар уларнинг устига қўққисдан иконалар турган жавонни ағдариб юборади. Оғир тахталар гумбирлаганча гестапочиларнинг бошига тушади. Дўконда ур-сур бошланиб кетади.

Захар тўўс-тўполондан фойдаланиб, ўзини деразага отади. Айғоқчи унга қараб ўқ узади, лекин тегиза олмайди. Захар ойнани тепиб синдиради-да, орқасига ўгирилади ва иккита ўқ билан айғоқчини ҳамда ҳозир келганларнинг бирини ер тишлатади... Сўнгра деразадан тор кўчага сакрайди. У муюлишга энди етганида, гестапочилар отган ўқ уни йиқитади.

Вольф гестапонинг маҳбуслар ётадиган худди тобутдай тор бир кишилик камералари ва кенг-кенг қийноқхоналар жойлашган ертўласига тушади. Адъютанти ва камералар калитларини олиб олган барзангидай гестапочининг ҳамроҳлигига бораётган Вольф эшикдан эшикка ўтиб, туйнуклардан ичкарига мўралайди.

Ҳазрат Павел девор олдида кўзларини юмганча қотиб туради ва алланималарнидир шивирлайди. Балки, ибодат қилаётгандир...

Профессор Беляев камерада у ёқдан-бу ёққа асабий бориб келиб, кенг панжали ажойиб қўлларини ишқалайди...

Вольф кенг хонага киради. Хонанинг ўртасидаги курсида бир киши эшикка орқасини ўгириб ўтиради. У Цвонше.

Вольф унинг ёнига бориб, энгашади.

— Плёнка қани? Шуни айтсангиз бўлди, кейин сиз-

ни ўз ҳолингизга қўйиб қўямиз... Ўтвордингми? Йўқо дингми? Бировга бердингми? Кимга?

— Бу англашилмовчилик,— дейди Цвюнше.— Менинг ҳеч нарсадан хабарим йўқ.

— Мен ҳаммасини биламан!— унга бақиради Вольф.— Ҳамма шерикларингни йиғганман: руҳонийньям, врачиям, иконачингният — ҳаммасини! Яна кимда-ким қолиб кетган бўлса, уларният олиб келаман. Млинскийни ҳам.

— Мен ҳеч қайсисини танимайман...

— Қандай аҳволга тушганингизга фаҳмингиз етмайроқ турибди, шекилли-а?.. Мана, бўлмаса, кўриб қўйинг!— У Цвиюншенинг қора рамкадаги сурати туширилган газета варагини ёзади.— Бу газетанинг эртага чиқадиган сони. Сиз аллақачон марҳумга айлангансиз!.. Сизни кўпдан бери кузатиб юрувдим. Русларга 27-катақ тўғрисида маълумот берган ҳам сиз. «Бисмарк» операциясини ҳам худди сиз суратга туширдингиз. Менга аён — сизсиз!.. Плёнка қани?

Цвюнше ҳеч нарса демай, орқасига бурилади...

— Нима ҳам дердим...— уфлайди Вольф.— Сизга жоним ачияпти, холос, Цвюнше...

Фронт қўмондони генерал-полковник Ермолаев штаб қошидаги мўъжазроқ иккита хонада истиқомат қилади.

Рўзгордагидай оёғига юмшоқ кигиз этик, устига свитер кийиб, эгнига кителини ёпинган генерал меҳмонхонада эшикдан стол ёнигача бориб-келиб юрганча хаёл сурмоқда. У стол ёнида тўхтаб, очиқ папкадаги фотосуратларни титкилади. Бу ҳар хил катталиктаги немис штаби хариталарининг ва схемаларининг фотонусухалари. У фотосуратлардан бирини — бизга маълум 27-катақнинг белгилари туширилганини қўлига олиб, бир оз ушлаб туради-да, яна суратларнинг устига ташлайди.

Эшик секин чертилади; Ермолаев орқасига ўгирилади.

— Кираверинг!

Эшикда фронт разведка бошқармасининг бошлиғи серқомат генерал Елисеев пайдо бўлади.

— Буйруғингизга биноан келдим, ўртоқ қўмондон!— У доклад қилиши учун лозим бўлган материаллар солинган папкани кўтариб олган.

— Кел, Фёдор Фёдорович, ўтири,— таклиф қилади уни Ермолаев.— Ҳозирча қоғозларни қўятур.— У Елисеевдан папкани олади.— Қара-я, нақадар пухта ўйлашган: «Бисмарк» операциясининг плани ҳам, қўшинларнинг янгидан группаланиши тўғрисидаги буйруқ ҳам — бунинг бариси Хорннинг ҳужумини қатъий сир тутишдан бошқа нарса эмас! Ҳамма маълумот қўлимида! Фронт разведкасининг бошлиғи сифатида ўз ишингдан фахрланишинг мумкин, бироқ, шунисиям борки, бу нарса менга негадир жуда силлиққинадай туюлаяпти...

— Унчаликмасдиров... Ўртоқ қўмондон, мени кечирасизу лекин бу топшириқни амалга оширишда биз ажойиб ўртоқларимиздан бири немис антифашисти Цвюншедан ажрадик, яширин ташкилотчиларимиз қамоққа олинди, оғир қийноқларга дучор бўлишди... Бу лаънати катак хусусидаги маълумотлар бизга жудаям қимматга тушиб кетди...

— Ҳм...— Ермолаев уф тортиб қўяди.— «Бисмарк» плани ҳақидаги маълумотларнинг бизга нақадар қимматга тушганини биламан, бироқ бу маълумотларни саралашда хатога йўл қўйиш янаям қимматлироқ бўлиб қолиши мумкин, генерал...

Елисеев қаддини ростлайди.

— Худди шундай, ўртоқ қўмондон! Биз ҳамма чораларни кўряпмиз...

— Фёдор Фёдорович,— дейди майинлик билан Ер-

молаев,— Млинскийнинг фон Хорн группировкасининг орқасига қилинган рейди тўғрисидаги ахборотини яна бир бор синчиклаб кўриб чиқинг.

— Есть!

— Менимча, кейинги радиограммада бу районнинг фақат ҳужум учун плацдарм эканлигини айтишда иккиланиш сезилаяпти... Ундан бошқа ҳеч қандай маълумот йўқми?

— Ҳозирча йўқ, ўртоқ қўмондон.

Майор Млинский отрядининг бир қисми ўрмоннинг хилват чакалакзорлари оралаб қайтишмоқда. Намчил кўклам шамоли яланғоч дарахтларнинг шохларига урилиб вишиллайди. Эриган ботқоқликлар ва суви төшиб ётган тўқай дарёчаларини жангчилар кечиб ўтишмоқда. Қўлда ясалган замбилларга ярадорларни солиб, елкаларига кўтариб олишган.

Суви тизза бўйидан ҳам кўтарилган бир сойдан ўтәётуб, Бондаренко одамларни шошилтириш учун орқасига ўғирилади ва қирғоққа эндиғина етиб келган Млинский билан Ирина Петровнани кўради, улар сувни кечиб ўтгани ботинишмайди.

Ирина Петровна Млинскийга боқади, бироқ у бирон нарса дегани ҳам, нимадир қилгани ҳам улгурмайди, орқадан келган Горшков ўйлаб ўтирасдан қизни қўлларига опичиб олади. Ирина Петровна йигитнинг елкасидан ҳали ҳам ўша жойда турган, ранжиган ва бир оз саросимага тушган майорга қарайди. Қиз жилмайиб қўйгач, Млинский телпагини тўғрилаб, уларнинг кетидан сувга тушади. Унинг орқасидан бир қадам ҳам қолмай келаётган Ерофеев эргашади.

Бериги қирғоққа чиққач, Горшков Ирина Петровна ни оҳистагина ерга қўяди, унга нимадир демоқчи бўлади, лекин қизнинг кўзлари Млинскийда эканлигини пайқаб, ҳижолат аралаш:

— Уэр, доктор,— дейди-да, шошилганча юриб кегади.

— Раҳмат, Лёня!—унинг орқасидан қичқиради Ирина Петровна ва Млинскийнинг қирғоққа чиқишини кутиб турмай, замбил ёнида илдам юриб кетади. Замбилда Юрченко ҳалок бўлган жангда ярадор бўлган жангчи ётибди.

Ўрмон чеккасига етгач, ундан чиқмай тўхташади. Жангчилар дарҳол бўкиб кетган этикларидағи сувни тўкиб, қайтадан кийина бошлашади. Баъзилари шу ернинг ўзидаёқ чўкка тушиб, уйқуга кетишади.

Авангардга кетган Горшков қулоқчинига ўрмончилар нишони қадалган бақувват бир чолни бошлаб келади. Чол қулоқчинини ечиб, Млинскийга таъзим қилиб қўяди.

— Салом, Иван Петрович!

— Солодовмисиз? Салом!— майор унга қўлини узатади.

— Семиренко Николай Васильевич огоҳлантиргандилар: боравергин, эҳтимол, шу ерда бўлишар, дегандилар...

— У ҳозир қаёқда? У билан дарҳол кўришиш кепрак эди...— Млинский ҳўл пайтаваларини ўраётган Ерофеевга қараб қўяди.— Одамлар жилла нафас ростлаб, қуриниб олишса бўлди...

— Секретарнинг ўзи олдингга келади, Иван Петрович,— дейди чол.— Сизларни қаердан излаш керак?

— Яқин атрофда иккита қишлоқ бор,— Горшков майорга устига харита қистирилган планшетни узатади,— Смородино ва Селишчи...

— Раҳмат, лейтенант,— Млинский планшетни нари суради.— Бу жойларни мен харитасиз ҳам...

— Смородинодаги оқсоқол ўзимизнинг одам,— дейди чол,— Селишчида бўлса... У сенинг танишинг. Мактабда завхоз эди...

— Лукъяничми? — Млинский шубҳалангандай бошини чайқаб қўяди.

— Герасим Лукъянич Павлушкин,— маъқуллайди чол.— Босқинчилар хизматида, нақ пойлоқчи итнинг ўзи, ўзи хон, кўланкаси майдон...

— Семиренкога айтиб қўйинг — уни Селишчида кутаман,— дейди майор.

— Бўпти,— бош ирғайди чол.

Оқшом чоғи қош қорайиши билан қишлоқни мудроқ боса бошлиди. Деразаларда ёруғлик кўринмайди, афтидан чироқни асрashади. Қўчалар кимсасиз, ҳатто болакайлар ҳам кўринишмайди. Фақат мўрилардан чиқаётган тутунгина қишлоқда жон зотининг борлиги ни билдириб туради.

Қишлоқнинг ўрмон томондаги чеккасида бир кампир чиғирда қудуқдан пақирини тортиб олмоқда. У кимнингдир келаётганини кўради. Қампир кўзларини қисганча, келаётган кишини кўздан кечиради, у ўzlарига мансуб кимсага ўхшар, яширинмай, қуруқроқ жойлардан ҳатлаб келади... Унинг эгнида кулранг шинел, бошида юлдузли теллак, белида тўппонча осиғлик... Қампир худди бақиришга ҳозирлангандай оғзини кенг очади-ю, дарров уни қўли билан бекитади.

— Саломалайкум,— дейди Млинский ва тўхтамай, қишлоқ кўчаси бўйлаб олға юриб кетади.

Жаҳлга минган ит занжирни узидай бўлиб бўғиқ вовиллади.

Ўн уч ёшлардаги бир бола уйлардан бирининг дерасини чертади.

— Ким у чертаётган? — сўрайди қўпол овоз.

— Амакижон, Герасим Лукъянич сизни чақириб келишни топширдилар,— дейди бола.

— Э, иблис-еъ...

Эшик ёнида Бондаренко ва унинг ротасидан иккита жангчи деворга қапишиб туришади. Тамба олиниб, бў-

сағада енгига полициячиларнинг оқ бөғичи боғланган, калта пальто кийган киши пайдо бўлади. Қескин зарбадан полицайнинг қўлидаги карабин ерга тушади.

Қишлоқ маҳкамасида самогон ичиб, қарта суриш билан вақт ўtkазиб ётган бошқа иккита полицайни Горшков ортиқча шовқинсиз қўлга туширади У кириб келганида полицайларнинг бири ирғиб туриб, ўзини милиқ томонга отадиу, лекин Горшков чаққонлик қилиб, уни қўндоқ билан тушириб, деворга ағнатади. Елкасини эшикка ўғириб ўтирган наригиси жойидан ҳам қимирламайди, ҳатто қўлидаги қартаниям ташлай олмайди. Унинг ёнгинасида стол устида дала телефонининг қутиси туради.

Горшков ўзи уриб йиқитган полицайнинг ўрнига ўтиради-да, унинг қарталарини олиб, нафасини ростлагач, хотиржам дейди:

— Мабодо қунғироқ қилишса, ҳаммаси жойида деб жавоб қиласан. Юриш сендами? Юр, бўлмасам...

Горшковнинг одамлари бу вақт ичидаги полицайларнинг милиқларини йиғишитириб, шкафнинг қулфини бузишади-да, ундаги қоғозларни ерга тўкишади...

...Мудроқ босган қишлоқнинг оқшомги кўчалари ҳали ҳам кимсасиз ва жимжит.

Қишлоқнинг четидаги тегирмоннинг ёнида беш пахсалик улкан ёғоч уй. Уйнинг ёнбошида қуруқ ўтин босилган бостирма ва пичан гарами. Бостирма билан уй ўртасида сим тортилиб, унга итнинг занжири боғланган. Четан девор билан ўралган ҳовлига бостирмадан бир тишли плуг чиқариб ташланган. Қозиққа боғланган от секингина кишнаганча, охурдаги пичан қолдиқларини териб кавшамоқда. Шу ердаги охур устида қўй терисидан тикилган нимча ва телпак кийган бир қарироқ, лекин ҳали бақувват эркак эгар-жабдуқни созлаб

ўтирибди. Олишга ўнгай бўлиши учун ўнг томонидаги охурга карабинни суюб қўйган.

Ит бўғиқ ириллайди. Эркак бошини кўтариб, қишлоқдан у томонга шошилмасдан келаеттган кишини кўради. Ёлғиз у одамнинг кўриниши (фира-ширада уни яхшилаб кўриш қийин) уй эгасини ташвишга солмайди, у йўловчига бир-икки қараб олади-да, тинчгина ўз ишини давом эттираверади. Ит ҳам тинчланиб қолади.

Уй эгаси эътиборсизлик қилиб, хатога йўл қўйганини англаганида кеч бўлиб қолган: Млинский ҳовлига кириб келган бўлади.

Уй эгасининг нигоҳи карабинни ва отни мўлжалга оладио, лекин ҳеч нарса қила олмайди, унинг устига бостиurmанинг ёнида четан деворнинг ходаларига суюниб турган яна иккита кишига кўзи тушади. Млинский-нинг пайдо бўлиши билан диққати бўлинган уй эгаси бу одамларнинг қандай келиб қолганини пайқамай қолган.

— Салом, Лукъянич! — дейди майор.

Павлушкин секин ўрнидан қўзғалади.

— Салом.— У йўталиб қўяди.

Млинский карабинни нари суриб, охурга ўтиради. Уй эгаси ҳам ўз ўрнига қайта чўқади. Улар бироз индамай ўтиришади, сўнгра Павлушкин қўлини чўнтағига тиқадио, бироқ Млинскийнинг қарашидан ҳовлишиб қолади.

— Чексам... майлимни?

— Чекавер.

Павлушкин тамаки халтачасини олади, ундан чекиши ўрагани буклаб қўйилган газетани чиқариб, бир парчасини йиртади-да, унга тамаки сепади... Унинг қўллари қалтираб, тамаки четга тўкилади; шамол унинг бўшашиб қолган бармоқларидан қоғозни юлқиб учириб кетади ва Павлушкин бўшашганча халтача ушлаган қўлини тиззасига туширади...

- Қани, гапиргин,— жимликни бузади Млинский.
 - Кўнгилни бурғилаш осон дейсанми?
 - Кутганмидинг?
 - Албатта. Гарнizon ҳам шу ердайди. Сизлардан эса сира дарак бўлмади..
 - Ишлар кўпайиб кетганди...
- Млинский ўриндан тураётиб, карабинни ҳам олиб олади.
- Бу ердамас,— дейди Павлушкин уйнинг деразаларига ўғринча қараб олиб, у жойидан жилмайди.
 - Нима?
 - Мумкин бўлса, бошқа жойда,— такрорлайди Павлушкин.

— Сени ўлдиргани келганим йўқ, Лукъянич,— майор ҳам беихтиёр уй томонга қараб қўяди.— Сени ҳам қишлоқларинг суд қилишади. Улар қандай ҳукм чиқаришса — шу. Кетдик.

Павлушкин ўрнидан қўзғалади. Шу пайт эшик очишиб, бўсағада бошяланг, яланг оёқларига пийма илиб олган аёл кўринади.

— Герасим Лукъянич, меҳмонни овқатга чақиргин,— таклиф қиласди у.

Павлушкин умидворлик билан майорга боқади.

— Раҳмат, бека, вақтимиз зиқроқ,— дейди Млинский карабинни елкасига ташларкан.

— Нимаям дердик... Сени-чи, Герасим, кутайликми?

— Меними?— қайта сўрайди Павлушкин.— Иўқ, кутмай қўяқол.— У шундай дея ҳеч қаёққа қарамай ҳовлидан чиқиб кетади.

Эшикни Павлушкиннинг ўзи итариб очади-да, иккита керосинли чироқ ёниб турган маҳкамага хонасига киради. У ерда Горшков, Бондаренко ва Ирина Петровна майорни кутиб ўтиришади.

Пешвоз чиққан Горшков Млинский узатган кара-

бинни олади, майор унга имо билан Павлушкинни кўрсатади.

— Оқсоқол учун тонггача бирон жой-пой топилармикан?

Горшков кафтидаги бир боғлам қалитни шиқирлатади.

— Улар бу масалани қойил қип қўйишган. Қани, юр, энди ўзинг ҳам бир ўтириб кўргин-чи!— У карабиннинг қўндоғи билан Павлушкинни темир ҳалқали эшик томонга нуқийди.

Бондаренко командирга доклад қиласди:

— Ўртоқ майор, одамлар уйларга жойлаштирилди, ўрмон томонга ва йўлнинг ёнига жанговар соқчилар қўйиб қўйдик. Полицайлар қамоққа олинди. Талофат йўқ.

— Қойил, азаматлар,— дейди майор.— Бондаренко, кўрсатма бергин: одамларга кечки овқатга юз граммдан берилсин...

— Есть! — Бондаренконинг чеҳраси очилиб, телпагини олади-да, ғойиб бўлади.

Ирина Петровна майорга доклад қилиш учун ўз навбатини кутади. У хипча белини маҳкам қисиб турган камари тагидаги шинелини тўғрилаб қўяди...

— Ўртоқ командир, ярадорлар мактабга жойлаштирилди...

Қўлбола жинчироқнинг қизғин хира нури деворнинг яланғоч хариларини, кулранг адёллар осиб қўйилган тўртта деразани, оқланган печканни, девор тагига сурилган стол ва скамейкаларни ҳамда уларнинг тепасидаги қора тахтани — жўнгина бир синф хонасининг бор бисотини ёритиб туради. Похол устига тўшалган плашч-палаткаларда еттига ярадор ётқизилган. Печкада олов гуркирар, ичкари ҳаммомдай қизиб кетган. Ярадорга тунука кружкадан сув ичираётган санитарнинг ва ўша ярадорнинг юzlари терлаб кетган. Жинчироқ турган

стол ёнида бир қиз чойшабни шариллатиб ингичка бўйлакларга бўлиб йиртмоқда!

Эшик тагида ётган ярадор хонага кириб келган Млинскийни кўриб, ўрнидан туришга уринади.

— Қўйсангчи, Гарковенко! Ётавергин, — секингина дейди майор.— Қайфиятлар қалай?

— Э, жойида... Биргина шу тамаки қурғур...

— Ҳозир-да...

Млинский тамакидонини чиқариб, хонани кўздан кечирабкан, Ирина Петровна ярадорнинг ёнига келиб ўтиради. Ярадор шишиб кетган лабларини дўрдайтириб, жилмайиб қўяди.

— Энди ҳаётдан умидвормиз, доктор...

Майорнинг тамакидонини авайлабгина қўлдан қўлга узатишади. Қимнинг қўллари шикастланган бўлса. унинг учун ёнидаги ўртоғи тамаки ўрайди...

Млинский қизни кўздан кечиради: озғин жуссаси энсизгина, ориқ юзли, кап-катта кўзлари порлаб турди... У шу ўтиришида худди ўсмирнинг ўзи...

— Салом,— дейди Млинский унга, телпагини ечиб.

— Салом.— Қиз ўзини табийи ва оддийгина тутганидан кишини ўзига мойил қиласди.

— Сиз ўқитувчимисиз?

— Ҳа, мен болаларни ўқитаман.

— Шу ерликмисиз?

Қиз бошини чайқайди.

— Новгородданман. Каникулда Кримга кетаётувдим, бунақа бўлиб... Мен ҳалиям ўқиётувдим... Педтехникумда.

— Бу мактабга сизни кимдир қўйиб қўйдими?.. Бошқармадагиларми? Ё немисларми?

— Нималар деяпсиз ўзи?— Қиз иягини мағрур силтаб қўяди.— Сиз нима учун бундай деб ўйляяпсиз? Мен югурдак эмасман, унақа қўйиб қўявеврадиган...

Млинский билинар-билинмас жилмаяди.

— Бу ерда бир ўқитувчи яшарди,— давом этади қиз,— чинакам ўқитувчи, Анна Андреевна Млинская...

Қиз шундай деркан, ярадорлардан бирининг ярасидан лахта қон қотиб қолган эски боғични ечаётган Ирина Петровна кескин бурилади.

Майор юзидаги ўша жилмайиш билан қизга боқиб туради, у эса гапида давом этади:

— У: «Бизнинг фарзандларимиз таълим олиши лозим», дея таъкидларди. Уни бу гапидан қайтаришмоқчи бўлишди, ҳатто ҳозир тўқлик замонимиди, бир амаллаб кун кўриш ҳам осон ишмас, деб чўчитмоқчи ҳам бўлишди... У бўлса барибир гапидан қайтмай, болалар билан ўзининг уйида шуғулланаверди, чунки мактаб ёнмасидан илгари унда фашистлар жойлашиб олишганди. Айтишларича, мактабга ўзимизнинг болалардан бири ўт қўйган. Шу воқеадан кейин оқсоқолимиз Павлушкин ҳамма комсомолларнинг рўйхатини тузиб берди. Болаларни олдинига қамаб қўйишиди, сўнgra ишга жўнатишиди... бошқа тирик қолганларни эса отиб ташлашиди...— Қиз ҳикоя қиласкан, жаҳл ва тиришқоқлик билан чойшабни қийқимларга бўлишда давом этади.— Менга яхшики, тегишимади, унда мен тўғримда ҳеч нарса билишмасди. Анна Андреевна мени шу ёққа келаётганимда йўлда ўзларига қўшиб олгандилар...

Ирина Петровна ва ярадорлар бу ҳикояни жимгина тинглашиб, баъзилар чекишиниям унутади, қимматли тамаки бекорга бурқсайди.

— Мен бироз ўзимга келганимдан сўнг,— гапида давом этади қиз,— унга ёрдамлаша бошладим... Қўйқисдан гестапочилар пайдо бўлди! Анна Андреевнани ва болаларини олиб кетишиди.

— Қандай бўлганди у?— сўник овозда сўрайди Млинский.

— Қандай даҳшатли... Куппа-кундуз куни. Дарс борди. Мен шовқинни эшитиб, деразага қарасам — ма-

шина келиб тўхтади. Ундан уч киши тушишди-да, уйга босиб киришди. Биттаси русчани яхши гапиради. Унинг фамилиясини эслаб қолдим — Кляйн эди, «Кляйн» дегани немисча «кичкина» дегани, у бўлса нақ икки метр келадиган барзанги эди... У: «Анна Андреевна Млинский сиз бўласизми?» деб сўради. «Ҳа». «Тайёр бўлинг! Болаларингизни ва кампирниям отланти-ринг. Қолганлар чиқиб кетсин!! Тез-тез!— Ҳаммамизни ҳайдаб чиқаришди, мени ҳам. Эҳтимол, ўқувчи деб ўйлашгандир... Анна Андреевна: «Катюша, борақол, болаларни ҳам олисроққа обкетгин...» деб шивирлагани улгурди, холос. Бироқ бизлар узоққа кетмадик, немис-ларнинг Анна Андреевнани уйдан қандай судраб чи-қишиганини кўриб турдик. Қизалогини у кўксига босиб олган, каттаси Володя эса қочгани уриндию, ҳалиги Кляйн уни маҳкам ушлаб, Анна Андреевнанинг изидан машинага тиқди, кейин ҳаммаси жўнаб кетишиди. Сол-датлар бўлса деворларга бензин сепа бошлиши... Буни кўргач, бизлар уйга чопиб кирдик-да, бувини олиб чиқ-дик. Бироқ у жонсиз ётарди...

Қиз жим бўлиб қолади.

Млинский печкадаги оловга узоқ тикилиб туради. Кейин орқасига сурлади-да, уйдан чиқиб кетади.

Ирина Петровна стол устидан майор унутиб қол-дирган телпакни олади-да, унинг орқасидан отилиб чиқади.

Млинский йўлда кўлмакми, қуруқми қарамай, бош-яланг, шинелининг этакларини хилпиратиб кетиб бор-моқда...

Ирина Петровна унинг изидан бориб, унга яқинла-шишниям ёки чақиришни ҳам билмайди.

Млинский устида ярим вайронга бўлган рус печкаси оқариб турган култепага кўтарилади... У тўхтаб, бир-мунча вақт қимир этмай туради. Орқасида эҳтиёт би-лан босилган қадам товушини эшитиб, ўгирилади.

Ирина Петровна унинг ёнига бориб, телпагини уза-

тади. Млинский уни оладию, бироқ киймай қўлида ушлаб тураверади.

Аллақаердандир юракни сел қилувчи рус қўшиғи эшитилади...

Млинский ва Ирина Петровна кўчадан жимгина ёнма-ён боришади.

Қўшиқ яқинроқдан, баралла эшитила бошлайди...

Иккинчи қисм

Охрим Шмиль тонг олдидан фронт чизигини кесиб ўтмоқда. Март ойининг охири бўлиб, далалардаги қорлар эриб битган, фақат бетараф майдондаги ўйдимчукур жойлардагина қор оқариб туради. Шмиль тирсаклари билан танкларнинг изларида пайдо бўлган ўнқир-чўнқирлардаги юпқа музларни қирсиллатиб эзганча эмаклаб келади, гоҳ у ерда, гоҳ бу ерда танкларнинг ёниб кетган ҳайбатли қолдиқлари қорайиб туради. Осмонга шиддат билан кўтарилиб, сўнgra тушаётган ракеталарнинг ойдин нурида бу маҳлуқларнинг кўланкалари у ёқдан бу ёққа сурилаётгандай бўлади. Тиканли симлар осилган устунларнинг ва кулранг ёки яшил шинелларга бурканган тепачаларнинг кичик-кичик кўланкалари кўзга ташланиб қолади. Баъзан Охрим муз қотган ёки чала кўмилган ўликларнинг жасадлари устидан эмаклаб кетади... Ракеталарнинг бири эмаклаб бораётган Охримнинг нақ боши устидан вишиллаб ўтиб кетади.

Мазкур ҳаракат бизнинг окопдагиларга сезилиб қолади. Офицер дозордаги пулемётчилар расчётига шу йўналишни кўрсатади. Бир сидра отилган ўқлар Охримнинг тепасидан ялтираганча учиб ўтади, ўчеккасини кўлмакдаги шилтага ботирганча, ялпайиб ерни қучади. Ўқлар унинг устидан ўтиб, сал олдинроқда ерга ури-

лади ва ари ғўнғиллаганидай визиллаб товуш чиқаради.

Бу шовқиндан гитлерчиларнинг жанговар соқчилар бўлимида тўполон бўлиб кетади. Осмонга бир тўп ракеталар кўтарилади. Солдат пулемётнинг қўндоғига ёпишганча, ўт очгани тайёрланиб, рақиблар томонга тикилиб турган фельдфебелнинг буйругини маҳтал кутади. Ниҳоят фельдфебелнинг кўзи ўқ бўрони остида русларнинг окоплари тарафдан эмаклаб келаётган кимсага тушади.

— Отманглар! — бақиради фельдфебель ва телефон трубкасини кўтаради.

Ва шу зумнинг ўзида бизларнинг пулемёт жойлашган окоп миномётнинг ўтига дучор бўлади. Миналар чийиллаганча бирин-кетин тушиб, тупроқ ҳар томонга сачрайди...

Солдатлар Охримни траншеяга судраб киришади. Охрим траншеяда чўққайиб ўтирганча зўрға нафас олади. Немислар уни жимгина кузатишади.

Қоронғиликдан офицер чиқиб келади.

— Нима гап?

Солдатлар донг қотишади. Охрим аста-секин, машиққат билан ўрнидан қўзғалади. У шинель ёқасининг чокини тишлаб йиртади-да, ундан тўрт бурчакли оқ юмшоқ картон қофозни — бригаденфюрер Вольфнинг визит карточкасини олиб, офицерга узатади.

— Кетдик, — дейди офицер боши билан имлаб.

Солдатлар нигоҳлари билан уларни кузатиб қолишади-да, яна икки томоннинг окопларини ажратиб турган бетараф далага диққат билан қарай бошлишади. У ерда ҳали ҳам гоҳ у томондан, гоҳ бу томондан ракеталар отилиб туради...

Бригаденфюрер Вольф ўзининг кабинетида юмшоқ чарм ўриндиқча чўкканча, кўзларини қисиб, сигара тутуни орасидан қаршисида диккайиб турган Охрим

Шмилга қараб ўтирибди. Шмилнинг пиджаги ёқасида бронза медаль осиғлиқ.

Кабинетнинг ғира-шира тўрида штурмбанфюрер Занге қўлларини кўксида чалиштирганча, кошиндор печкага суюниб турибди.

— Шмиль,— дейди Вольф,— жасурлик учун бериладиган бу медалга сен лойиқсан. Ундан ташқари, сенга яна пул ҳам беришади.

— Миннатдорман, жаноби генерал!— таъзим қилали Шмиль.

— Пулмисан пул-да ўзиям, Шмиль,— давом этади Вольф.— Бироқ биз уни фақат қилинган ишлар учунгина бермаймиз. Сенинг тағин бироз меҳнат қилишинга тўғри келади, қолаверса, ҳали озми-кўпми қарзинг ҳам бор: асосий топшириғимизни — Млинскийни йўқотиш ишини адо этганингча йўқ.

Шмиль гуноҳкорона бошини эгади.

Занге секин қадамлар билан столнинг ёнига келади, у Охримга қарамайди, гўё унинг бор-йўқлигини ҳам сезмаётгандай.

— Бу Шмилимиз жудаям омадли йигит-да. Иблиснинг шундай чангалига тушиб, у ердан тағин тириклайн қайтиш ҳар кимнинг ҳам қўлидан келавермайди...

— Ҳаммасини айтиб беринг-чи, Шмиль! — буюради Вольф.— Гумонсираш одати штурмбанфюрерда касбий заруриятдан характернинг бир хусусиятига айланиб кетган.— Вольфнинг кейинги сўзлари Зангега қаратса айтилгани маълум.

Шмиль Вольфнинг кўзларига ялтоқлик билан тикилиб қўяди.

— Мен Млинскийнинг отрядида унга суиқасд уюштиришга улгурмасимдан ярадор бўлиб қолдим. Ярам оғир бўлганидан, мени самолётда фронтнинг нариёғидаги ички госпиталга олиб кетишди. Соғайганимдан сўнг олдинги сафларга юборишди ва имконият туғилиши биланоқ бу ёқقا ўтиб олдим...

— Шундан бери у менинг топшириқларимни бажа-
риш учун етти марта фронт чизигини кесиб ўтди,—
дейди Вольф ва Зангедан сўрайди:— Маъқулми?

— Ҳа,— қисқагина дейди Занге.— У Млинскийни
кўрса танийдими?

Вольф Охримга савол назари билан қарайди.

— Ўйлайманки, биз майор билан бир-бirimizni
шахсан танисак керак,— жавоб беради Охрим.

— Яхши,— бош силкийди Занге.— У ярайди.

Вольф жилмайиб қўяди.

— Яраганда қандай... Боравер, Шмиль. Қерак бўл-
ганингда, ёзимиз чақирамиз.

— Бўлти, жаноби генерал! Қўришгунча, жаноби
штурмбанфюрер,— Зангега таъзим қиласди Охрим.

— Майли, майли бор,— қўлини силкийди Вольф ва
Охрим кабинетдан чиқиб кетгач, дейди:— Менинг
зўр агентларимдан бири. Ҳозир уни шаҳарнинг
яширин ташкилотига мўлжаллаяпмиз. Дарвоқе, Алерт
алоқа боғлаган большевикларининг тўла ишончи-
ни қозониб олди. Энди кескин ҳаракат қилишга вақт
етди.

Тонг саҳарлаб мактабнинг деразаси тақиллади.

Елкасига рўмол ёпиниб олган аёл чақирмоқда:

— Катерина! Катерина!

Бир қиз деразани қия очади.

— Нима гап?— сўрайди у чўчиб.

— Партизанларнинг доктори сеникидами?

— Шу ерда...

Ирина Петровна уйқусираганча кўзларини ишқалаб,
деразанинг олдига келади.

— Тинчликми?

— Салом... Бир хотин қийналиб қолди... Лосенкова
Анна... Ёрдам бервординг, сира мадори етмаяпти, туғи-
ши қийин бўп кетди...

— Ҳозир.— Ирина Петровна сумкасини олади-да,
ташқарига чиқади, у ўқитувчи қиз қараб турган дераза

томон бурилиб, сўрайди:— Бирон гап бўлса, қаердан излашни биласанми?

— Биламан...

— Қани, кетдик...

...Печкадаги чўян қозонларда ва пақирда сув ша-қиллаб қайнамоқда. Печканинг устида учта қизалоқ-нинг очранг сочли бошлари кўриниб туради, чит парда билан улардан паналаб қўйилган каравотдаги аёл тал-васада. Онасининг бақирган товушини эшлишганда қизларнинг кичикроқлари ҳиқиллай бошлади, каттаси эса лабини тишлаганча ўзини босади.

Ирина Петровна билан уни чақириб келган аёл ки-ришади. Ечинаркан, Ирина Петровнанинг кўзи дарҳол қизалоқларга тушади. У сумкасидан алқиндини олиб, пешвоз чиқсан аёлга буюради:

— Сув қўйворинг!.. Анча бўлдими?

— Ярим кун бўп қолди,— дейди у чўмичдан доктор-нинг қўлига сув қуяркан.— Бутунлай ҳолдан тойди...

— Эри қаёқда?

— Ҳозир йўқ. Иблислар ҳайдаб кетишиди мужикни...

— Сочиқ! — дейди Ирина Петровна.

— Мана...— аёл олдиндан тайёрлаб қўйилган тоза қўл сочиғини узатади.

— Оқсоқол Павлушкинни бугун суд қилишармиш, тўғрими шу?— сўрайди Ирина Петровна билан келган аёл.

— Эҳтимол...

— Бечоранинг эрини, Лосенковни ҳам ўша сотган эди-да, партизанларга фалла бергани учун. Қанақасига бермаслик мумкин ахир.. Ўзимизниларга-я.

Туғаётган аёл яна бақириб юборади. Ирина Петровна сочиқни қўйиб, унинг олдига келади.

— Мана энди, азизим, тинчлансанг ҳам бўлади... Ҳаммаси жойида. Энди кўриб турганинг йўқ-ку, ахир, ха?

Аёл оғир нафас олади. Кўз ёши ва тердан юзи жиқ-ка ҳўл бўлган. Шундай бўлса-да, у Ирина Петровнага жилмайиб, бош силкиб қўяди:

— Иҳм-м...

Тонг чоғи ўрмон чеккасида бир гуруҳ отлиқлар пайдо бўлишади. Уларнинг кўз олдида қишлоқ эрталабки туманинг ғира-ширасига чулғанган.

Млинский дераза олдида шинелига ўраниб ётибди, Ерофеев эшик тагида чўзилган. У тирсагига тираниб, диққат билан қулоқ солмоқда. Ташқаридаги шовқинни эшишиб, бош томонига қўйган тугунчасидан ҳар эҳтимолга қарши пистолетини чиқаради.

— Ерофеич! — Горшковнинг овози эшитилади.— Тагин уйқусираб, меҳмонларни отиб қўймагин.

— Вой, шайтони қурмағурлар-эй! — тўнғиллайди Ерофеев.

Млинский кескин ҳаракат билан ўрнидан туриб ўтиради.

— Нима гап? — Унинг кўзларида уйқудан асар ҳам кўринмайди. Бўсағада этикларнинг дупури эшитилди.— Эшикни оч! — Млинский гимнастёрка ёқасининг тугмаларини қистирди.

Хонага шпорларини жиринглатиб, ҳамишаги қиличини осган Семиренко, унинг изидан калта пўстинли, қулоқчинини бостириб кийган бир киши кириб келишади.

Уларни кузатиб кирган Горшковга ва Ерофеевга майор:

— Қараб туринг, бизга ҳеч ким халақит бермасин! — дей буюради.

— Есть! — Горшков шундай дейди-да, Ерофеевнинг орқасидан чиқиб кетади.

— Салом энди, дайдивой! — Млинскийни қучади Семиренко.

— Салом, Васильич, тинчликми ўзи? Нега Афанасьевнинг рацияси жим бўп қолди?

— Тинчлик қаёқда дейсан,— дейди Семиренко, камарларини ечиб қўяркан.— Ана ҳозир ўзи сенга айтиб беради.— У шундай дея қинга солинган қиличи билан қулоқчинини ечиб бўлаёзган кишини кўрсатади.

— Капитан Афанасьев-ку!— танийди уни Млинский.

— Худди шундай,— жавоб беради у киши, ва хижлатомуз жилмаяди, биз илгари бу кишини Георг Райсер номи билан билар эдик.

— Шундай-куя, лекин сал бошқачароқ-да,— унга жавобан табассум қиласди Млинский, у калта пўстинини ечиб немис офицерининг формасида қолган Афанасьевнинг қўлини қисади.— Сиз немисларнинг хизматида сира капитанликдан силжимай қўйдингиз, Афанасьев, мен сизни майор унвонини олишингиз ҳамда Қизил Байроқ ордени билан қутлайман...

— Раҳмат,— ғамгин дейди Афанасьев.— Афсуски, мен ғоят хунук хабар билан келдим: Цвюнше ўлдириди.

Млинский бошини чайқаб, чуқур хўрсиниб қўяди.

— Қандай қилиб? Бахтсиз ҳодисаданми?

— Улар газетасининг хабарига қараганда — суиқасдмиш.

— Қанақа суиқасд? Ким ундей қилиши мумкин?— Млинский Семиренкога боқади.

— Бандитлар!— дейди Семиренко.— Садовая кўчасидаги, ҳозир гестапо жойлашган собиқ «Ленинградская» меҳмонхонасидагилар.

— Шундай бўлиши ҳам мумкин,— қўшилади Афанасьев.— Бунақада Захарнинг ва авлиё Павелнинг қамалиши тасодиф эмас. Мабодо Цвюншени кузатиб юришган бўлишганида, унинг алоқаларини билиб олиш мутахассис киши учун ҳеч гап эмас, Вольф бўлса...

— Яна кимларни қамашди?— сўрайди ундан Млинский.

— Профессорни қамашди, Беляевни... Захар ҳибсда ҳалок бўлди.

Млинский хўрсиниб қўяди.

— Нақадар қулфат...

— Беляев уларнинг қопқонига тасодифан тушиб қолган бўлиши ҳам мумкин. Уларнинг аптекадаги изни билишмагани ғалатироқ туюлаяпти...

— Сиз барибир Анна Густавовнани кўздан холироқ қилинг. Кишиларни аяш керак!..

— Шундай қилганмиз,— жавоб беради Афанасьев.— Бир нарсани тушунмаяпман: агар Цвюншени кузатиб юришган бўлишса, нима учун уни ҳозир — иш қилиниб қўйилганидан кейин қўлга олишди?

— Цвюншенинг ҳалок бўлиши — жумбоқ,— дейди ўйчан Млинский,— унинг алоқачиларининг қамоқقا олиниши — бу иккинчи жумбоқ. У Цвюншенинг 27-катақ ҳақида маълумотлар берди. Бу катакнинг ўзи ҳам — жумбоқ.— У харитали планшетни ёзади.— Биз ичкарига ўтишга салгина уринишимиш ҳамон қақшат-ғич зарбага дуч келдик, Юрченко ва ўн иккита жангчимиз ҳалок бўлишди...

— Бу катагингиз нақ шишанинг ўзи экан,— дейди Афанасьев харитани кўздан кечираркан.

— Худди манави бўйнидан ўта олмадик-да,— Млинский стол ёнидан туриб, хона бўйлаб юра бошлиди.

— Агар ана шу учала жумбоқнинг ҳаммасини қадимги эртакдагидай битта жодугарнинг ўзи ечган бўлса-чи?— сўрайди Семиренко.

— Эҳтимол. Биз қачон ана шу бўйиндан ўтмагуни-мизча у жумбоқларни еча олмаймиз,— жавоб беради Млинский.— Буни зудлик билан ҳал қилиш лозим.

Ерофеев бур гупиллаб турган котелоклар кўтариб киради, у тўрдаги бурчакда елкасини ўгириб ўтирган Афанасьевга ғалати қарашиб қилиб қўяди.

— Яна бир ғалатироқ иш бор,— дейди Афанасьев

секин.— Партизанларнинг бир чапани отряди томонидан Тарасевичида қўлга киритилган омборлар... ёдингиздами?

— Албатта, Алёшканиям шулар қутқаришганди,— унинг гапини маъқуллайди Млинский.

— ...шу омборлар ҳужумдан сал илгари СД нинг балансига ўтказилган эди,— давом этади Афанасьев.

— Хўш, шунда нима?

— Нимаси шуки, омборларни қўриқлаётган армия ротасини шошилинч равишда йифилган полицайларнинг взводи билан алмаштиришган эди. Нега шундай қилганди? Аҳамиятсиз бир факт-куя, лекин ғалати-да, ана шуниси кишини ташвишлантиради...— Ерофеев хонадан чиқиб кетгач, Афанасьев ўрнидан туради-да, жилмайиб, дейди:— Ерофеичларингизнинг назари бутун елкамни илма-тешик қилворди-я. Бехосдан абжагимни чиқармасайди, деб қолдим...

Млинский кулиб қўяди.

— Унинг бу мундирларни кўргани кўзи йўқ... Майор, тайёргарлигинги қилгин. Бошпанангни кўзим қиймаяпти-ю, лекин бошқа иложи бўлмаса, 27-катаакка сенинг боришингга тўғри келади...

Афанасьев деразанинг олдига боради, қишлоқнинг кўчаси бўйлаб бошларига қора рўмол ёпинган аёллар ўтиб боришмоқда...

— Днепръянг бўйида Креччатик соҳили бўйлаб онагинамнинг уйга томон кетаётганини қанийди бирорвина кўрсам...— дейди у ҳеч кимга қарамасдан.

Семиренко собиқ маҳкаманинг бўсағасида турганча, халққа қараб гапирмоқда.

— Мана, ўртоқлар, энди сизнинг ўзингиз Совет ҳокимиятини сайладингизлар...— у ёнида турган қирқ ўшлардаги кўриниши осойишта деҳқонларниридай ва ўтириш қарашли аёлнинг елкасига қўлини қўяди,— ҳозирча таомилдагидай ёпиқ ва яширин овоз бериш йўли билан

бўлмади-ю, бироқ ҳар нечук ўзимизнинг, қадрдан ҳокимиятимизни, тўғримасми?

— Тўғри!— аҳиллик билан жавоб беришади тўплангандар.

— Бугун ҳовлимиизга назар ташлаб, нимани сезаяпмиз? Кўкламни сезаяпмиз. Баҳормисан, баҳор! Ер ҳам худди суюнчигини соғинган хотинга ўхшаб деҳқонга маҳтал, шундаймасми? Келинглар, бу кўклам иложи борича кўпроқ ерни ҳайдаб, экиб ташлайлик! Уруғликка ўзимиз қарашворамиз. Биродарлар, шунинг учун ҳам экишишимиз керакки, кузакка қараб одамларимиз қайтиб келишади. Больщевиклик сўзим — албатта келишади! Биз бўлса ҳосилни ғамлаб, ўзимиз ҳам тўямиз, ҳамда шавкатли паҳлавонларимизни ҳам тўйдирализ! Гапим тўғрими?

— Тўппа-тўғри!— Семиренконинг гапини янаям аҳиллик билан қувватлашади.

— Иш дегани бундай бўепти,— мамнунлик билан муштумига йўталиб қўяди Семиренко.— Энди охирги масалага ўтамиш. Қани, уларни бу ёққа опкелгин. Бондаренко!

Маҳкамадан Павлушкинни ва учта полицайдин олиб чиқишиб, ғазаб билан гувиллаётган халқнинг рўпараси-га қўйишади.

— Хўш, буларни нима қиласми?..— сўрайди Семиренко.— Ҳамма бирдан қичқиришмасин... Ким биринчи бўлиб сўзламоқчи?

— Мен!— жим бўлиб қолган оломоннинг бир чекка-сидан босиқ овоз эшитилади.

Ҳамма қайрилиб қараб, озгин, аранг оёғида турган Анна Лосенковани кўришади. Ирина Петровна билан докторга кўмаклашган аёл унинг қўлларидан тутиб туришади. Анна чақалогини кўксига босганча, икки томонга чекиниб, унга йўл берәётган оломон оралаб олдинга юради...

Оҳистагина мусиқа янграйди. Вольф дераза олдида

турибди. Иккинчи қаватдан гестапонинг ички баланд
ғишин девори кўриниб туради.

Ҳовлида карабин кўтарган солдатлар бўлинмаси саф
тортган. Соқчилар гестапо подвалининг эшигидан авлиё
Павел билан профессор Беляевни олиб чиқишиади.
Уларни девор ёнига бир-биридан тахминан бир қадам
нарига қўйиб қўйишиади. Қатлга тайёргарлик борасида
фармойишлар берадиган офицернинг командалари юқо-
ридан унчалик эшитилмайди. Дарвозадан чап томонда
иккита усти ёпиқ юк машинаси турибди.

Вольф орқасида қадам товушини эшитиб, ўгиради.

Иккита эсэсчи унинг олдига Цвюншени олиб кели-
шиади. Погонлари юлиб ташланган китель кийган, юзи-
да калтак излари кўриниб турган, кейинги бир неча кун
ичида анча қариб қолган Цвюнше ўзини осойишта ту-
тиб, унинг бундай кўриниши бригаденфюер Вольфнинг
жаҳлини чиқаради. У Цвюншега бармоғи билан дераза-
га яқинроқ келишга имлади.

— Қаранг-чи, Цвюнше,— дейди Вольф секин.—
Плёнкани улардан қай бирига бердингиз?

Цвюнше оппоқ соқолини диккайтириб, фалакка кўз
тикиб турган авлиё Павелни, аччиқ баҳор шамолидан
сал бўлса-да паналаниш учун пиджагининг ёқасини
кўтариб олган ва қисиқ кўзларини олдинга қадаган
Беляевни кўздан кечирали...

— Ҳеч кимга,— хотиржам жавоб беради Цвюнше.

— Танангизга бир ўйлаб кўринг, ахир, сиз ҳам не-
миссиз-ку.— Агар плёнкани қаерда, қачон ва кимга
берганингизни айтсангиз, балки тирик қолишингиз ҳам
мумкин.

Цвюнше деразага боққанча, жим сукут сақлайди.
Вольф гапида давом этади:

— Гапимнинг устидан чиқиши менга унчалик мушкул
эмас, чунки, нафси замони айтганда, сиз бизга ёрдам
бердингиз... Сизнинг русларга етказганингиз «Бисмарк»
плани — аслида сохта нарса... Большевик деган ҳай-

вонни қопқонга илинтириш учун қўйилган бир хўрәк эди у.

Цвюнше гўё ҳеч нарса эшитмаётгандек турибди.

— Сиз бекорга менга ишонмаётибсиз,— гўё дилдан ачингандай дейди Вольф.— Бу аҳволда сиз қаҳрамон сифатида эмас, бир сотқин бўлиб ўласиз, Цвюнше... Уйлаб кўринг...

Цвюнше индамайди.

— Менга айтадиган гапингиз бўлмаса, унда бораверинг,— ҳовлига томон ишора қиласиди Вольф.

Цвюнше унга бир бор тикилиб қўяди-да, қайрилиб, адъютант уни кутиб турган эшикка салмоқли қадам ташлаб, юриб кетади.

Павел ва профессор Беляев интиҳони кутишмоқда.

Цвюнше уларга яқинлашиб, қатордан жой олади.

Вольф дераза орқасидаги командани эшитмайди, бироқ офицернинг қўлинни силтаганини кўради, шу зум машиналарнинг мотори гуриллайди... Ўқ овозлари эшитилмайди...

Павлушкин омборнинг девори ёнида бош кийимисиз турибди, шамол унинг соchlарини юлқилайди. У ўзидан ўн қадамча нарида милтиқларини елкасига тираб, Бондаренконинг буйруғини кутаётган жангчиларнинг нариёғида, четроқда турган аёлга тикилиб қолган. Аёлнинг ёлғиз ўзи. Бу кеча кечқурун уни бўсағадан овқатга чорлаган аёл. Унинг хотини. Аёл бармоқлари қаттиқ чимдилган панжасини оғзига босганича, қараб турибди. Қўққисдан у баланд овоз билан гўё Павлушкиннинг сассиз йўллаган саволига жавоб қилгандай, дейди:

— Нимаям дердинг, Герасим, одамларнинг ҳукмини эшитдинг, энди оллоникини кўрарсан. Алвидо...

— Ўт оч!— қичқиради Бондаренко.

Милтиқлар гумбирлайди. Зарба Павлушкинни де-

ворга қапиштиради ва у деворга урилгац, кўкламги тупроққа ағанайди. Аёл секин-аста унга яқинлашади...

Млинскийнинг отряди қишлоқдан кетиб бормоқда. Уларни қишлоқ аҳолиси ва ўнтача болакайни эргаштирган Катя кузатиб қолишади, болаларнинг кичикроқлари муаллимасини қуршаб олишган, каттароқлари эса отряд билан ёнма-ён қадам ташлаб боришмоқда.

Шмиль оккупация қилинган шаҳарнинг баҳор яшнаб ётган кўчаси бўйлаб бормоқда. Қори кетиб, очилиб қолган кўчалар янада ифлослангандай, бўёқлари кўчиб кетган уйлар — хунукдай, йўловчилар эса — ачинарли ва ғам-ғуссадан эзилгандай. Фақат «Стессеель ҳамда ўғли» қадимги ашёлар дўконининг олдиагина илгаригидай сершовқин жонланиш, бироқ энди савдо тўғридан тўғри йўлакда боради, нарсалар қўлдан-қўлга ўтиб, хуфия оширилади... Кўчанинг нариги бетида турган полицайнинг бу табиий пайдо бўлиб қолаётган ур-сурни тинчлантиришга кучсизлик қилаётгани кўриниб турибди.

Охрим бу одамларни оралаб ўтаркан, унга аллақандай латта-путталарни, консерва қутиларини, совун бўлакларинио, примусга қўйиладиган ниналарни кўрсатиб, олгани қисташади...

Охрим витринанинг ойнасидан кўчада Матвей чол мудраганча келаётган араванинг аксини кўради. Мотоциклчиларнинг доимий эскорти қуршовида бораётган Вольфнинг машинаси қаёққадир ўтиб кетади. Бир неча киши одам бўйидан сал юқоририғида варақа ёпиштириб қўйилган устун ёнида уймалашиб турибди.

Охрим устуннинг яқинига суқилиб ўтади ва варақадан комендантуранинг гаровга олингандарнинг қатл этилгани ҳақидаги эълони эканлигини билади. Қатл қилингандарнинг рўйхати руҳоний Воробьев ва профессор Беляевларнинг фамилиялари билан бошланган...

Эълоннинг устида қиясига шошилинч равишда қизил бўёқ билан ёзилган: «Ўч оламиз!» деган ёзув бор.

Охрим варақани юлиб олади-да, чопиб келган полицайнинг қўлига тутқазади:

— Қара, шундай кўз олдингда нима қилишипти!..

Устун ёнидаги одамлар гўё бу ерда ҳеч ким бўлмагандай бир зумда тарқаб, ғойиб бўлишади. Полицай қутурганча, варақани йиртиб ташлайди-да, сўкинади.

— Разиллар!.. Буларга нима қилсаям оз, барин бир оз!..

Охрим у ердан кетади-да, чорраҳанинг нариёғидаги деворда худди шундай устидан: «Ўч оламиз!» деган ёзув билан бўялган варақани кўради.

Муюлишнинг ортидаги тор кўчада Алик билан Костянинг Охримга урилиб кетишига сал қолади. Алик шошилганча пиджагининг этакларини ёпиб олади...

Тунда транспорт самолёти жуда катта баландликда фронт чизифини шарқдан ғарбга томон кесиб ўтади. Юклар қалашиб ётган салонда борт бўйлаб қўйилган ўриндиқда парашютчилар ўтиришибди. Уларнинг унвонларини ва ёшларини устларидағи қулоқчин ва комбинзонлари туфайли аниқлаб бўлмайди. Учувчи кабинасининг шундай тагида Зина ўтирибди. У бир оз асабийлашса-да, юзларида табассум.

Самолётнинг моторлари хийла тоб ташлайди. «Тайёрланилсан!» деган ёзув ярқ этиб ёнади.

Пастда партизанларнинг шартли учта гулхани алангаланиб турибди.

Тунги осмон қўйнида ўрмон тепасида парашютларнинг гумбазлари лопиллай бошлайди. Гулхан ёнида Горшков ўз жангчилари билан одамларнинг ва юкларнинг ерга тушишини кутиб туришибди. Дастребки тушган тойларнинг ёнига энди чопиб боришлири билан Зина ҳам худди қаршиларида «осмондан» пайдо бўлади. Қиз парашютнинг тасмаларини ҳам ёздирмай, ўзини Горшковнинг бўйнига отади.

— Лёня! Лёнчик! Кел, сени бир яхшилаб ўпид қўяй!..
— Зинамисан?!— Горшков ҳам қувониб, ҳам хижолат бўлиб қолади.

— Яна кимлар бор бу ерда? Иван Петрович саломатми? Менсиз бу ерда ҳеч қайсиларинг яраланиб-нетиб қолмадингларми?— уни саволга тутади Зина.

Горшковнинг ёнига Сашка Полишчук чопиб келади.

— Ўртоқ лейтенант, анави ерда биттаси чатоқроқ йиқилиб тушди... Ие! Зина-ку, манави!— танийди Сашка.— Айни пайтида келдинг. Кетдик!

Парашибилардан бири қачондир бомба ёки снаряднинг портлаши билан ердан қўпориб ташланган эски тўнканинг илдизлари устига йиқилиб тушган. У парашютдан бўшаниб, ёнбошида, лабини тишлаб, илдизлар орасида қисилиб қолган оёғига қараб ётибди. Бир неча фонарларнинг нури унга қаратилган.

Горшков унинг ёнига ўтириб, ташвишланиб бошини чайқайди.

— Қандай қилиб бу аҳволга тушиб қолдинг, йигитча?

— Мен сизга йигитча эмасман, лейтенант,— дейди тишларини қисиб, яраланган парашютчи.— Мен — подполковник Фёдоровман.

— Кечирасиз...— Горшков ўрнидан туриб, қоронғиликка томон қичқиради:— Замбил келтиринг! Тезроқ!

Зина билан Полишчук подполковникни чирмашиб ётган илдизларнинг орасидан авайлаб чиқариб олишади. Зина десантчилар пичофи билан комбинезоннинг шими ни кесиб, дейди:

— Оёғингиз синибди, ўртоқ подполковник. Сиз бўлса, мени ташлаб қайтмоқчийдингиз-а...

Сашка Полишчук патефонни қўйган, Алёша эса пластинкаларни ушлаб турибди. Утёсов ижросидаги «Мен ёш йигит бўлсан ҳам, соқол қўйиб юрибман» қўшиғи ертўлага лиқ тўлган жангчиларни шоду хуррам

қилиб юборади. Айниқса, стол атрофи тирбанд. Стол устида патефондан ташқари Зина Катта ердан ўртоқлар учун олиб келган майда-чуйдага тўла қоп ҳам бор.

— Бу сизларга Урал ишчиларидан, йигитлар,— дейди Зина Алёшанинг қўлидаги пластинкани тортиб олишга уриниб.— Лёшка, синдириб қўясан-а!

— Бериб тур, мундай бир кўрай...— ялинади Алёша.

Жангчилардан кимдир сўрайди:

— Шунча баландликдан ўзинг қанақасига синдирамай оптушшолдинг уларни?

— Яхшиси, ўзимнинг қанақасига чилпарчин бўлмаганимни сўра,— кулганча жавоб беради Зина ва қопдан цеплулоиддан қилинган ёқа тагига қўйиладиган пластинкани олиб, жангчига узатади.— Мана сенга, қизиқ-қон йигит, абадий ёқача. Юз йиллаб бўйнингдан тушмасин...

— Ташаккур!

— Мана бу бўлса,— Зина шундай дея, резинка билан ўраб боғланган бир даста хат чиқаради,— паҳлавон Бейсамбоевга.

— Шу ердаман!— Бейсамбоев жангчиларнинг елкаси оша бўйини чўзиб, хатга томон интилади. Бироқ хатлар дастасини тортиб олишади-да. кимнингдир қўли уни баланд кўтаради.

— Мунчаям кўп!

— Қизи тушмагур ҳам роса севарканми, ўзи!

— Ие, бу хатларни бутун бир овул ёзгандиров...

— Қани, бир ўйнаб бер-чи, командир!

Бейсамбоев ялинади:

— Илтимос, бергин, ўқиб кўрай-чи, кейин ўйнаб бераман.

— Морозов қани?— Зина ўзига томон талпинган жангчига қўлда тўқилган шарфни узатади.— Сизга қизалоғингиздан...

Морозов ёши анчага бориб қолганига қарамай, бурнини тортиб, шарфнинг учи билан кўзларида филтилла-

ган ёшни артади-да, ўнғайсизланиб, ўртоқларининг панасида яширинишга шошилади.

Зина қўлига энди тамакидонни олиб олади.

— Манавини ол, Сокирко.— У тамакидонни ёш бир жангчига узатади.— Ўқ-дори фабрикасининг қизлари энг жасур ёки энг келишган йигитга бериб қўйишини сўрашди. Ахир, иккала сифат ҳам сенга лоппа-лойиқ-ку, шундаймасми? Нега қизариб кетдинг? Айтмоқчи, қизларининг адреси совғанинг ичидаги... Юрченко қани?— Зина кичкина бир тугунчани кўтаради.

Ертўлага оғир сукунат чўқади.

Зина безовталаниб, жангчилар орасига кўз югуртади.

— Юрченкомиз йўқ, бўғиқ овоз билан дейди Сашка.— Ҳалок бўлди.

Зина чуқур хўрсиниб, бўхчани нари қўяди.

— Хотинидан эди...

Ертўлага Ерофеев кириб келади.

— Лёшка!— чақиради у.

— Ерофенч!— уни хурсанд бўлиб чорлайди Зина ва шошганча қопни титкилай бошлайди.

— Ҳе, менга ҳеч нарса керак эмас,— дейди Ерофеев ҳамишаги одати бўйича қовоғини уйиб.

Бироқ Зина унинг олдига қалин жун пайпоқни чиқариб қўяди.

— Марҳамат.

Совғанинг баҳридан ўтишга Ерофеевнинг кўзи қиймайди.

— Майли энди, раҳмат.

— Шу бўлмаса, оёқларинг музлаб, тумшуғингдан қурт ёғай деяпти.

— Менинг ҳеч қаерим музлаётгани йўқ,— дейди Ерофеев Зинанинг ҳазилини тушунмай.— Лёшка, командирнинг олдига бор. Бир ками энди йўртиб юриб, сени излаш эди...

Алёшка ўкинч билан патефоннинг олдидан жилиб, аста-секин эшикка томон йўналади.

— Шошмай тур! — уни чақиради Зина.— Сенга Мишутка берворганди. У ола-була дастали қўлбола пичоқни Алёшага беради.

— Ажойиб-ку!

— Бор бўлгани шу! — дейди Зина.

Шу ерда турган Полищук гўё уни патефондан бошқа ҳеч нарса қизиқтиргандаи, зарда билан пишиллаб қўяди. Зина унга айёrona илжайиб, ҳақиқий матрослар кўйлагини олади.

— Пақкос уннутворай дебман-а... Сенга менинг совғам, матрос,— дейди у ҳаяжондан лол бўлиб қолган Полищукка кўйлакни узатиб.

Ингит юз-кўзини кўйлакка босади.

— Чинаками-я!.. Худди денгизнинг иси гурхираб турибди-я, биродарлар...

Зина шу заҳоти ертўладан чиқиб кетади.

Зина ўрмон бўйлаб баҳор ҳавосидан тўйиб симирганча, нимагадир жилмайиб бормоқда.

Отряднинг штаби жойлашган қоровулхона яқинидаги ертўла олдида Зина тосда нимадир юваётган қизни кўриб қолади.

— Эй, қиз! — чақиради Зина.— Салом! Наташка навбатчилик қиласяптими?

— У ухляяпти.

— Қачон қарасанг, ухлагани ухлаган! Қанча ухлаш мумкин, ўзи? Қани тургин, ўрнингдан қўзғалгин, ишчилар синфи! — Қиз унга бир нарса дегани оғиз жуфтлашга ҳам улгурмай, Зина кескин равишда ертўланинг эшигига боради-да, уни итариб, очиб юборади.— Вой, кечирасан, сира билмабман!..

Наташа ёлғиз эмас. У Зинага чўчиб қараганча, сўрида иягигача адёлга ўраниб ўтирибди, унинг ёнида

адёлнинг ичидан Бондаренконинг сочи олинган боши чиқиб турибди.

— Зиночка, мэн ҳозир...— хижолатда минғиллайди Наташа.

— Кечирасан, дугонажон. Мана, сизга, иккалангизга ҳам бахт тилайман!— Зина адёлнинг устига бўхчани ташлайди-да, ертўладан чопиб чиқиб кетади.

Наташа бўхчани ечар экан, Бондаренко ишқ-муҳабатда ёниб турган кўзларини қиздан узмайди. Бўхчадан чақалоқларнинг кепкаси билан кўйлакчаси тушади.

— Вой, Сенечка, қарагин...— Наташа бахтиёр илжаяди.

— У қаёқдан билдийкин-а?— ҳайрон бўлиб сўрайди Бондаренко Наташанинг соchlарини силаганча.

Оғир ярадорлар учун ажратилган хонада подполковник Фёдоров таҳтачалардан ясалган нов ичидаги оёғини уқалаганча ётибди. Унинг рўпарасидаги бўш койкада майор Млинский ўтирибди. Тўсиқнинг ортида доктор асбобларининг жарангги ва аёлларнинг гаплашгани хиёл эшитилиб турибди.

Подполковник асабий чекиб, ғижиниб сўкинади:

— Қандай бемаънилик!.. Тўққиз юз марта сакраганман-а. Ўрмонгаям, сувгаям, тоғу тошларгаям!..

— Нимаям қилардинг энди?— уни юпатади Млинский.

— Чакки ишни бошлаб қўйдинг, энди мен шуни бир ёқлиқ қилишим керак. Нега сен бирданига шубҳага тушиб қолдинг? Ахир, ҳаммаси равшан-ку! Мен материалларни кўриб чиқдим: Хорн шубҳасиз қоқ марказда иш бошлайди. Ўз-ўзидан кўриниб турибди. Сен бўлса, йўқ деб, туриб оляпсан! Мана, бўладигани ҳам бўлди энди...

— Демак, кимдир сизнинг ўрнингизга борар энди.

— Ким боради?— Подполковник койканинг четига сурилиб, Млинскийга яқинроқ ўтиради-да, товушини пасайтириб, дейди:— Мен подполковник Бютцовнинг ҳужжатлари билан келдим...

— Фридрих фон Бютцовнинг-а?

— Ҳа. Тўғридан-тўғри Берлиндан назорат мақсади билан қилинган сафар... Бунинг учун кимнидир камида икки-уч ҳафта тайёрлаш лозим... Қолаверса, ундай одамни ҳозир қаердан топасан? Вой, савил-эй— Подполковник аламдан новнинг устига зарб билан мушт туширади-да, оғриқдан инграб юборади.

— Одамларингиз қаерда?

— Улар бирга келишган. Шофёrim, хизматкорим... Ҳамма ҳужжатлар ҳақиқий, белгилар ҳам ўтган яқин кунники, бу ишда ими-жиминг кетмайди, уни ўзинг ҳам яхши биласан...

— Шундай бўлса-да, бир уриниб кўрсак-чи...

— Ўзларингизча бирон нарса қиласиз деб юрманглар яна. Ишни пачава қилиб қўйиб, ҳаммаёқнинг расвосини чиқарасизлар, унинг устига менинг йигитларимнинг ҳам онаси учқўргондан келмасин...

Зина эшикни қия очади.

— Операция учун ҳамма нарса шай. Кечирасиз энди, ўртоқ майор!

Млинский ўрнидан туриб, соатига кўз югуртади.

— Мен ҳозир Марказни воқеадан хабардор қиламан...

Охрим Шмиль енгил машинада шофёрининг ёнида ўтирибди, орқадаги ўринидиқда Занге.

Солдатлар ўтирган юқ машиналари енгил машинани ўртага олганча, тонг чоғи қишлоққа кириб келмоқда... Солдатларнинг ярми СС формасида бўлиб, қолганлари пишиқ калта пўстинлар ва мўйна телпаклар кийиб олишган. Пўстинларнинг енгларида оқ бофичлар кўзга ташланади...

Машиналар кириб келган қишлоқ бизга илгариги воқеалардан таниш бўлиб қолган — Селишчи қишлоғи.

Енгил машина чеккадаги Павлушкининг уйига томон бурилади. Йўғон тирговучлари уриб туширилган

дарвоза ланг очиқ, қутурганча вовиллаб ётган итнини товушига уйдан ҳеч ким чиқмайды.

Занге билан Охрим машинадан тушишади.

Бу ернинг баландлигидан бутун қишлоқ яққол кўриниб туради. Юк машиналарининг колоннаси кўчани у четидан бу четигача тўлдириб тўхтайди.

Солдатлар командирларининг буйруқларига сўзсиз амал қилиб, машиналардан сакраб тушишади-да, дар-ҳол гуруҳларга бўлнишиб, ҳар қайси уй томонга йўл олишади... Улар эшикларни қўндоқлар билан тақилла-тиша кетишади.

Солдатлар яқинда қишлоқ советининг раиси қилиб сайдланган аёлнинг уйига бостириб киришади. Аёл елка-сига рўмолини ташлагани аранг улгуради. Аёлни ва унинг кичкинтой иккита боласини кўчага ҳайдаб чиқи-шади...

Ўқитувчи қизнинг уйига бостириб киришганида, у ухлаб ётган бўлади. Унинг устидан адёлни олиб, ирғити-шади. Қиз жон ҳолатда бақирганча, ўзини бурчакка уради, босқинчиларнинг қўллари унга томон чўзилиб, кўйлагини юлқиб ташлашади...

Ўн икки ёшлардаги учта бола босқинчиларга таш-ланишади. Улар худди бўри болаларига ўхшаб, муал-лималарини ҳимоя қилиш учун солдатлар билан олиша кетишади. Болалардан бирини деразадан итқитишади—ойна жаранглаб синиб, рама қарсиллаб бўлинади. Бош-қа калтаклаб ташланган болаларни ва ўқитувчи қизни кўчага судраб чиқишиади...

Деразадан китобларни, синф тахтасини, обойдан қир-қиб ясалган дафтарлар ва глобусни отиб юбориша-ди, глобус ерга урилиши билан қарсиллаб ёрилиб кетади...

Ирина Петровнага ҳомиладор аёлни туғдиришга қараашган хотиннинг уйини ағдар-тўнтар қилишади...

Анна Лосенкованинг уйини ҳам оккупантлар эгаллаб олишган. Унга аравачада ётган чақалоғидан бошқа ҳеч

нарсани бермай, ўзини ва ярим яланғоч қизларини уйдан қувиб чиқаришади.

Итлар жонҳолатда вовиллашмоқда. Ўқ гумбирлаб, итларнинг вовиллаши увиллаш билан алмашади. У ербу ердаги товуқлар ҳам ваҳимадан қақиллай бошлайди...

Аёллар, чоллар ва болалардан иборат одамлар тўпини кўча бўйлаб қўндоқлар билан ярим вайронга бўлиб ётган черковга томон ҳайдаб кетишади.

Қишлоқнинг узоқ чеккасида уйлар ёна бошлайди...

Ёнгинни кузатиб турган Занге Охрим томонга ўгирилиб, ундан русчалаб сўрайди:

— Қара, шу ёруғликда майор Млинскийни таний оласанми?

— Танийман,— бошини силкийди Охрим.

Уша куни Тарасевичи қишлоғида бир пайтлар ярадор Аликни яшириб қўйишгани Машаларнинг уйида «Ватан учун» отрядининг командири Новча чарм курткасини ечмасдан, совиб қолган бир стакан лавлаги чойни ушлаганча ўтирибди.

Новча стаканинни қўйиб, Костя билан Аликка қараб, дейди:

— Кўрсатган ёрдамларингиз учун катта раҳмат. Яширин ташкилот билан алоқа қилмаганимизда бизга анча қийин бўларди... Ҳақиқий азamat экансизлар!

Костя тортиниб жилмаяди-да, шундай дейди:

— Алик жудаям жасур йигит...

— Жуда соз, дўстлар,— Новча шундай деб, боядан бери Аликдан мафтункор кўзларини ола олмай ўтирган, энди чиқиб кетмоқчи бўлаётган Машага қараб, дейди:— Машенька, ўтиравергин, сендан яширадиган сиримиз ўқ. Йигитлар, энди бир жиддий иш бор, вақт ҳам зиқ, унинг устига жазо отрядлари ҳаддан ошишяпти. Улар яқинда Млинский бориб кетган қишлоққа ҳужум қилишди. Ҳаммаёқни талашиб, уйларга ўт қўйишиди, одамларни ҳайдаб, черковга қамашди...

— Нақадар даҳшат-а!— алам билан дейди Маша.

Костя тишларини маҳкам қисади.

— Ўч оламиз...

— Турган гапки, ўч оламиз,— маъқуллайди Новча.—
Бироқ одамларни қутқаришга ҳали имконияг бор.

— Иложи бормикан?— Новчага тикилади Алик.

— Ишончим комил. Агар ҳозир қишлоққа қўққисдан ҳужум уюстирилса, кишиларни қутқариш мумкин.
Бироқ кучимиз камроқ-да...

Ҳаяжондан Костянинг кўзлари чақнаб дейди:

— Млинский ёрдам беради. Шахсан Семиренконинг олдига ҳам боришим мумкин!

— Йигитлар, ҳозир расмиятчилик қилиб ўтирадиган вақт эмас,— қатъий дейди Новча.— Зудлик билан ҳарат қилиш керак!

— Ундаи бўлса, биз тўлпа-тўғри Млинскийнинг олдига борамиз!— дейди Костя.

— Бу бошқа гап,— Новча ўрнидан қўзғалади.

— Мен ҳам сизлар билан борсам майлими?— журъатсизгина сўрайди Маша.

Алик Новчага қарайди. У қувватлайди:

— Албатта. Ваколат қанча жиддий бўлса, шунаقا яхши... Майорга етказинглар, биз тонг саҳарда оёққа турамиз ва унинг ёрдамини кутамиз...

— Боришга сенинг ҳаққинг йўқ!— тишларини фижирлатиб, дейди Фёдоров. Унинг операциядан кейин ўраб ташланган ва оғир тош осиб қўйилган оёғи зирқираб оғрийди.

Шинелини кийиб, қуролини таққан Млинский сафарга шай ҳолда унинг қаршисида турибди.

— У ёқда одамлар ҳалок бўлмоқда...

— Сен ўт ўчирувчилар командасининг бошлиғи эмас, Махсус отряднинг командирисан,— қатъий дейди подполковник.— Яхшиси, 27-катақнинг ёпиқ зонасига қандай кириб олиш тўғрисида бош қотир. Мабодо шу ишни бажармасак, бизни нима қилсаям арзийди...

— Агар шу қишлоқдаги хотин-қизлар, чоллар, болалар ҳалок бўлишса, мен бунинг учун ўзимни сира кешира олмайман. Мен бу кишиларни албатта қутқаришим лозим...

— Шу урушда бошдан оёқ одамларни деб юрибмизку, майор,— дейди Фёдоров,— бўлмаса, бошқа ким учун жанг қиласяпмиз? Иккита ротангни юборгин-да, ўзинг қол. Унвоним катта сифатида сенинг боришингни ман қиласман, тамом вассалом!— Толиққан подполковник шундай деб, ўзини ёстиққа ташлайди.

Бондаренко билан Бейсамбоевнинг роталари ялаигликнинг четида саф тортишган. Қаторнинг чап томонида милтиқ кўтариб олишган Костя билан Алик ҳам туришибди. Ертўладан майор чиқиб келади. Командирлар дарҳол ўз жойларини эгаллаб, унга томон бурилишади.

— Команда беринг, Хват!— дейди қисқагина қилиб Млинский.

— Есть! Ўртоқ командирлар, ҳар ким жой-жойини эгалласин!

— Горшков!— дейди унга Млинский.— Сен шу ерда коласан.

— Хўп бўлади,— истамайгина бўйсунади Горшков. Млинский Зинага қарайди.

— Тузуқроқ гаплаша олмадик ҳам...

— Ҳали қанча гаплашамиз, Иван Петрович,— жилмаяди Зина.— Яхши қолинг!

Зина югуриб бориб, қатордан ўрнини эгаллайди.

Хват команда бера бошлаган:

— Текислан! Смирно! Ўнг-га! Шагом марш!

Алик юриб бораётуб, орқасига ўгирилади ва уларни кузатиб қолаётган Горшков билан Млинскийни кўради.

— Млинский қоп кетди!

— Эй! Гапни тўхтат!— қичқиради Хват.— Шире шаг!

Рестораннинг оркестри гумбирлаб музика чалмоқда.

Созандалар ичкарининг димлиги ва ўйиннинг авж олганидан терлаб кетишган. Ҳаммаёқни тутун босган бу жойда одамлар жазавага тушишади. Торгина ерда қисилиб ўйнаётганлар танца қилишдан кўра кўпроқ бир-бирини уриб-суринади.

Райснер ўзининг бўлим бошлиғи подполковник ўтирган стол ёнига зўрга ўтиб олади.

— Қаёққа йўқолиб қолдинг? — бақириб сўрайди подполковник, шовқиннинг баландлигидан у қичқириб гапиради.

— Асти келгим йўқ эди. Нафас олиб бўлмайди-я... Жонга тегиб кетди!!.

— Иифиштир-эй, фам-фуссангни...

— Ҳаммаси жонга тегиб кетди! Бироз шамолласами деяпман, Вальтер.

— Фронтга кетгинг келяптими?

— Юрған жойимизнинг бари фронт-ку, ўзи... Эртага бир машина «Викинг» дивизиясиниг офицерларига паша байрамига совфалар олиб кетяпти... Шунга бориб келгани рухсат қил.

— Официант! Бир жуфт конъяк келтир! Георг, сен ажойиб оғайнисан-да, сен учун мен ҳамма нарсагаям тайёрман.

— Ташаккур, оғайнни...

Эшикнинг тақиллаганига Алёша чиқади. У қия очди-да, немис офицерига кўзи тушиб, эшикни қайта ёпмоқчи бўлади. Райснер эшикка оёғини суқиб олган...

— Матвей Егорович уйдами? — сўрайди у.

Унинг русча сўзлаганини эшишиб, Алёша ҳайрон бўлиб қолади. Матвей чол тўшагида тирсагига суюниб, турди-да, Алёшага қичқиради:

— Кираверсин, Алёша!

Алёша орқасига чекинади ва Райснер уни четлатиб, ичкарига Матвей Егорович ётган хонага киради.

— Ҳа, бобой, нима бўп қолди? Нега келмадинг?

— Қарилек-да энди... Вақт-бевақт ётиб ҳам қолаве-расан. Мана, ўрмондан хабарлар олиб келди,— дейди чол Алёшани кўрсатиб.

— Сизга оғзаки етказишни топширишди,— дейди Алёша.— Фёдоровнинг ўрнига одам керак.

— Ҳм-м,— бош силкийди Райснер, Алёшанинг Ми-шуткадан олган совфасини этик қўнжига яширишини ку-затаркан.— Қани, бу ёққа ол-чи!

— Нима учун?

— Ол бу ёққа!— кескин қайтаради Райснер.— Уни олишингга Иван Петрович рухсат бердими?

— Бу менинг қуролим...

— Бу сенга ўрмонда юрганингда қурол эди, бу ерда тўппа-тўғри асфаласофлинга жўнашингга йўлланма-ning ўзи...— Боладан пичноқни тортиб олиб, Райснер жилмайиб қўяди.— Ҳозироқ орқангга қайт-да, Иван Петровичга айт: айни муддатда келишилган жойда бў-ламан. Буни эса,— у пичноқни кафтида силкитади,— ку-тилмаган тинтувдаёқ тортиб олишади-да, ишнинг пача-vasини чиқарасан. Ма, бобой, яшириб қўй.— Алёшанинг хафа бўлганини кўриб, у қўшиб қўяди:— Тағин буям паҳлавонларнинг сардорлариданмиш...

Чол пичноқни ёстири остига яшириб қўяди.

— Матвей Егорович,— гапида давом этади Райснер, агар сенинг олдингга бир киши келиб, ўтган жума куни сулини қаердан олувдинг, деб сўраса, уни қарзга олган-ман, деб жавоб бергин ҳамда шу кишига худди менга ишонгандай ишонавергин.

— Тушунарли...

— Тезроқ тузалиб олгин, ҳозир жудаям керак пай-ting!

Тонготарда роталар ўрмоннинг чеккасига етиб, Се-лишчи қишлоғининг рўпарасида ётиб олишади.

Куюқ иси келиб турган қишлоқни дурбиндан кузата-ётган Хват орқасига ўгирилади.

— Ҳалиги азаматимиз қани энди? — Унинг кўзи шу атрофда юрган Аликка тушади. — Отрядинг қаёқда ўзи? Дарҳол алоқа ўрнатинглар!

— Есть! — Алик карабинини олади-да, унга эргашган Костяга дейди: — Қўявер, ўзим.

Худди шу пайт қишлоқ томондан келаётган кишиларнинг — разведкадан қайтаётган Полишчук ва унинг ўртоқларининг қораси кўринади.

— Одамлар черковда экан, ўртоқ старший лейтенант,— дейди ҳарсиллаганча Полишчук. — Дарёнинг юқорисидаги чап томонни бутунлай куйдириб ташлашибди...

— Черковда қанча соқчи бор?

— Иккита.

— Пулемётлар-чи?

— Бор. Бронетранспортёрларда. Қейин ҳу аnavи ёндирилган саройчада, тегирмоннинг ёнида ва йўлнинг бўйида бор. Қишлоқнинг ичидаги олтига юк машинаси ва енгил машина турибди.

— Ҳм-м. — Хват бир зум ўйга толади. — Зина! Сен ўрмонда туриб, қутқарилганларни кутиб оласан.

— Бўлти.

— Бондаренкодан ўн иккитача одам олиб ол... Қани, азаматлар, ишқилиб бўш келманглар! Сизни ўзимиз ҳимоя қиласиз. Бўлинглар.

Зина, Полишчук ва Бондаренко билан кетаётганларнинг бир қисми ғира-ширада жимгина ғойиб бўлишади.

Бондаренконинг жангчилари полизлар бўйлаб черков томонга эмаклаб кетишади.

Жазо отрядининг пулемётчилар расчёти диққат билан сукунатга қулоқ тутишади.

Алик Новча ва унинг индамас, бадқовоқ бир ёрдами чиси билан отрядга қайтиб келишади.

— Новча, «Ватан учун» отрядининг командириман,— ўзини таништиради Новча.

— Капитан Хватман. Одамларингиз шайми?

— Бу нима деган гап, ўртоқ Хват? Млинскийнинг назарида бу иш унчалик муҳим эмас экан-да?..— норози оҳангда дейди Новча.

— Бу ерга жанг қилгани келдингларми, ўзи?— унинг гапини бўлади Хват.

— Жанг қилгани,— қовоғини уйиб жавоб беради Новча.— Бироқ бу ерда жазоловчиларнинг икки ротаси турибди-ку, ахир...

— Кўрқоқча қўша кўринади, деган гап бор...

— Сизда бўлса бор-йўғи олтмишта одам...

— Жудаям соз-да, сал юмшайди Хват,— Жазоловчиларнинг икки ротасини олиб келиш учун қишлоқдагига қараганда яна икки баробар юқ машинаси керак бўларди. Тушунарлимис?.. Мен сенга яна бир взводимни қўшиб бераман... Бейсамбоев, булар билан борасан!

Павлушкиннинг уйида жойлашган Занге ухламайди. Чироқ йўқ. Занге дераза олдидағи скамейкада ўтирганча, ташқарига қоронғиликка тикилиб қолган. Охрим бурчакдаги иконалар остида деворга суюниб мизғийди.

Павлушкиннинг беваси каравотдан эҳтиёт бўлиб турди-да, шовқин чиқармасдан, девор ёнидан ён бошлаб эшикка ўтмоқчи бўлади.

— Тўхта! Қаёққа кетяпсан?— уни тўхтатади Занге.

— Менми?— ҳовлиқиб қолади аёл.— Шундай, бир нафасга...

— Жойингга ўтири!

Шу пайт эшикни апил-тапил тақиллатишиб, унтер-офицер енгига оқ латта қистирган қора пўстинли бир киши билан кириб келишади.

— Гауптштурмфюрер Кляйндан келди!

— Ниҳоят-а!— Занге уларга пешвоз чиқади.

Павлушкиннинг беваси фурсатдан фойдаланиб, хонадан билдиримай чиқиб кетади...

Бондаренко бошчилигидаги жангчилар эмаклаганча,

аста-секин черковга яқинлашишмоқда. Тонг олдидан ёришаётган осмон фонида черков ва бир-бирига дучмадуч бораётган соқчиларнинг қораси аниқ кўриниб турди.

Полишчук ёнида ётган ўртоғига шипшийди:

— Ажралишлари билан!..

Солдатлар ҳар томонга кетишлари ҳамон кўланкалар лип этиб сакрашади. Икки зарба тушиши билан ҳамма ёқ жимиийди қолади.

Икки киши ўзларини кенг эшиклар томон отишади. Полишчук автоматининг оғзини илмоққа тирайди. Гўё эшикнинг ғижири бутун қишлоққа эшитилгандай бўлади... Черков эшигининг илмоқлари ниҳоят бўшаб, эшик очилади. Ичкари қоп-қоронғи подвал бўлиб, гўё ҳеч кимса йўқдай.

Бондаренко секин чақиради:

— Ўртоқлар! Тирикмисизлар, ўзи?

Олдинига ҳеч ким индамайди, фақат аллақандай бир шитирлаш эшитилади.

— Кўрқманглар! Бизларни Иван Петрович Млинский юборди.

Қоронғиликда қизнинг кўланкаси пайдо бўлади. Кўйлаги йиртилган, бироннинг рўмолини ёпиниб олган, ялангоёқ Катя Бондаренконинг ёнига келиб, унга диққат билан тикилиб, орқасига ўгирилади-да, шивирлади:

— Бизниkilар...— у Бондаренконинг кўксига ташланганча, ҳўнграб юборади.

Одамлар черков ичидан гурра отилиб чиқишади.

— Секинроқ, аёллар, секинроқ!— дейди уларга Сашка Полишчук.

Занге, Охрим, унтершарфюер ва Кляйндан келган алоқачи эшик бўсағасида туришибди. Занге дейди:

— Кляйнга қатъий буйруғимни етказинглар — ҳеч нарсага парво қилмай, охиригача олишсин!

— Хўп бўлади! — алоқачи шундай дея, ғойиб бўлади.
Занге Охримга юзланади.

— Млинский билан учрашиш бугун насиб қилмас
экан, Шмиль...

Шу пайт уйнинг ёндирилган муюлишидан аланга чи-
киб, олов ўрнидан тураётган Павлушкиннинг бевасини
ёритади. Занге парабелумини тўғрилайди ва бева тур-
гани ҳам улгурмай, йиқилиб тушади.

— Ношукур чўчқалар! — тишлари орасидан сўкина-
ди Занге.

Пулемётчи черков ёнидаги одамларни кўриб қолиб,
ўт очади.

— Кўзингга қара! — Полищук шундай деб қичқира-
ди-да, граната отиб, пулемётни бир муддатга жимишга
мажбур қиласди.

Одамлар йиқилиб-суринганча, бир-бирига ёрдамла-
шиб, ўрмонга қараб чопишади. Жангчилар ёш болалар-
ни қўлларида кўтариб олишган. Зина ва унинг ўртоқ-
лари чопаётганларга пешвоз чиқишади-да, югуришга
ярамай қолганларга қараша бошлашади... Баъзи биро-
лар эса шу йиқилганича, далада қолиб кетишади...

Хват қишлоқнинг шундай этагида пойлаб ётган жанг-
чиларни ҳужумга бошлайди.

Ҳужумга ўтганлар автоматлар ва пулемётларнинг
ўқига дуч келишади, лекин бизникилар қўйқисдан қи-
линган ҳамла билан ҳали ёниб улгурмаган уйларга етиб
олишади. Улар қисқа давом этган қўл жангидага жазо-
ловчиларни уйларни ташлаб чиқишига мажбур этишади
ва ўзлари ўрнашиб олишади.

Ҳовлига учиб кирган ўқларнинг бири Охримнинг те-
пасидаги ойнани чил-чил синдиради.

— Бу ерда аҳмоқона ўлиб кетиш ҳам ҳеч гапмас,—
тиржаяди Занге.— Жўнаб қолиш керак.

Ҳужумга ўтганлар душманнинг бор эътиборини ўз-
ларига қаратиб, шу билан қишлоқ аҳолисининг ўрмонга

кириб яширинишга имкон туғдиришади. У ерда Зина ва жангчилар яраланган ҳамда куйганларга дастлабки ёрдам кўрсатишмоқда. Зина бир боланинг оёғини боғлаб қўйиш учун Катяга бинт узатади, чақалогини кўкрагига босганча, ҳадеб ҳарсиллаётган Анна Лосенковага флягасини беради. Анна жон-жаҳди билан сувдонга ёпишади. Ичиб бўлгач, у флягани Зинага қайтаради-да, кофтасининг тугмаларини ечиб, чақалогини эмиза бошлайди.

Аланга баланд ловиллаб ёнаётган тегирмоннинг ёнида пулемётлар ўрнатилган бронетранспортёрлар панасида қишлоқдан чиқиб бораётган машиналар колоннаси кўринади.

— Қочишяпти, газандалар... Олға! — Хват уйнинг дезрасасидан кўчага отилиб чиқади. У ракета отадиган тўйпончасини чиқариб, ўқ узади.

Уни бир неча жангчилар қувиб ўтишади, уларнинг орасида Костя ҳам бор.

Новча қишлоқ узра отилган ракетага қарайди. Алик унинг ёнида. Новчанинг одамлари йўлнинг ўрмон томонидаги бир баландлик ортида ётишибди. Йўлнинг бериги ёғида Бейсамбоевнинг йигитлари буталар панасида колоннанинг яқинлашишини кутишмоқда.

Колоннанинг олдидаги бронетранспортёр пулемёт ўқи билан йўлни «пайпаслаб» боради.

Новча асабийлашганча, чўпни чайнайди.

— Ут оч! — қичқиради у.

Тасир-тасир ўқлар отилади. Бироқ жазоловчиларнинг пулемётлари Новчанинг одамларини ерга қапиштириб ташлайди, улар яхши отолмай қолишади.

— Эҳ, нега шошилишади-я? — дейди алам билан Бейсамбоев. — Яқинроққа опкелиш керак эди... Ут оч!

Жазоловчилар автомат ва пулемётларнинг тифиз ўқлари остида чекина бошлайди. Бронетранспортёрлар уларни паналарига олишган.

Машиналарнинг бири портлаб кетади. Ундан сак-

раб тушган солдатлар олдиндаги бронетранспортёрга кўмак берганча, ёриб ўтиша бошлайди.

Новча томондан отишнинг мазаси қочади.

Бу воқеа қишлоқдан қочиб чиққанлар яширинган ўрмоннинг яқинида кечади.

Полишчук автоматини олиб, ўрнидан туради.

— Ўтёқарларга бир қарашиборайлик!..

Зина қишлоқ советининг раиси қилиб сайланган аёлга дейди:

— Одамларни нарироққа опкетинглар, бизлар тезда қайтамиз!— шундай дея, қиз жангчиларнинг ортидан чопа кетади.

Улар айни пайтида етиб келишади. Новчанинг одамлари сиқувга чидаёлмай, чекина бошлаган.

— Ҳа, мунча, капалакларинг учиб кетди? Қани, олға, биродарлар!— қичқиради Полишчук.

Жангчилар чекинаётганларни оралаб, олға интилишади.

— Уятмасми, лочинвойлар!— бақиради Новча.

Унинг одамлари орқага қайтиб, жангчиларнинг изидан чопиб кетишади. Новча билан бирга отрядга келган бадқовоқ барзанги сонидан яраланган. У ёнбошида ётганча, тишини қисиб инграйди. Зина унинг ёнига югуриб келади-да, сумкасидан пакет олади. Ярани боғлагани ўнгай бўлсин, деб қиз уни нариёғига салгина сурмоқчи бўлади. Ярадор тишлигини фижирлатиб, кутилмаганда немисчалаб сўкиниб юборади. Зина ҳайрон бўлиб унга қарайди ва ўзига ғазабли, ошкора нафрат билан тикилиб турган кўзларни кўради.

— Нима гап?— кимдир уларнинг тепасида пайдо бўлади.

Зина бошини кўтариб, Новчани кўради.

— У немисчалаб нимадир деяпти, ўртоқ командир,— дейди ҳайрон бўлган Зина.

Уларнинг ёнидан партизанлардан бири чопиб ўтиб кетади.

— Сотқин! — Новча пистолетини олиб ярадорни отиб ташлайди.

— Нега ундаи қилдингиз? Нима гаплигини билиш керак эди-да... — Зина ўликнинг устига энгашади.

Новча атрофига алланглайди, яқин-орада ҳеч ким йўқ. У бир қадам ортга чекиниб, қизнинг орқасидан ўқ узади.

Жазоловчи отряднинг асосий кучлари йўлнинг ўртасида ёнаётган иккита юк машинасини ва бронетранспортёрини қолдириб, ёриб ўтишади-да, жўнаб қолишади.

Йўлнинг бўйидаги ҳозиргина жанг бўлган баландликда командирлар: Хват, Бейсамбоев, Бондаренко, Новча туришибди... Улар сўзсиз, зўр бериб чекишишмоқда. Кун ёришиб қолган. Пастликда қишлоқнинг сўнгги уйлари ёниб бўлмоқда...

— Менинг одамларим тажрибасизроқ, энди... — ўзини оқлади Новча.

— Ҳечқиси йўқ, қўявер... — уни юпатади Хват. — Нима бўлгандаям, абжақларини чиқардинг-у.

— Қочирвормаслик мумкин эди, — дейди Бейсамбоев, Бондаренко аллақаёққадир шиддатли тикилиб қолган. Ҳаммалари ўгирилишиб, қўлларида жонсиз Зинани кўтариб келаётган Полищукни кўришади... Полищук уни эҳтиётлик билан ерга қўяди ва жасаднинг ёнига чўккалайди. Атрофдаги жангчилар тўплана бошлашади. Полищук бошини кўтариб, қисқагина дейди:

— Орқасидан отилган!.. Иблислар!..

«Бюссинг» типидаги брезент билан ёпилган кузовли оғир юк машинаси ўйилиб кетган йўлдан келмоқда. Кузовнинг орқасида сафдан ташқарида хизмат этувчи иккита солдат карабин ушлаб ўтиришибди, уларнинг нариёфида тартиб билан териб қўйилган ўртача катталиктаги қутичалар кўринади.

Кабинада шофёрнинг ёнида капитан Георг Райснер бормоқда.

Машина ўрмон ичига киради. Ўрмон йўли текисроқ ва қуруқроқ. Райснернинг кўзлари олдинда. Машина-ларнинг кичик бир колоннаси уларнинг ёнидан ўтиб кетади. Йўл тағин кимсасиз бўлиб қолгач, Райснер шофёрга дейди:

— Секинроқ ҳайда, ефрейтор... Бу ерлар хавфлироқ жой.

Ҳайдовчи тезликни пасайтиради. Райснер олдинга диққату эътибор билан қарайди.

Муюлишда қаршидан немисларнинг формасини кийган уч киши ўтирган аравачали мотоцикл чиқиб қолади. Мотоцикл уларнинг ёнидан ғизиллаб ўтиб кетади-да, орқасига бурилади. Райснер пешонасидаги ойнакдан уларни қувиб келишаётганини кўради-ю, лекин унга саволомуз боққан шофёрга ҳеч нима демайди. Мотоциклчилар юк машинасини қувиб ўтиб, бир оз уларнинг олдида боради-да, кейин йўлнинг четига бурилишади. Мотоциклдаги офицер машина ҳайдовчисига ишора билан тўхташни буюради. Шофёр эса яна Райснерга савол назари билан қарайди.

— Тўхта!— дейди капитан.

Машина тўхтайди. Учта мотоциклчи автоматларини тўғрилаб, кабинага яқинлашишади.

— Бу ёққа чиқ!

Шофёр тушади, Райснер ҳам ерга сакраб тушади-да, машинанинг орқа томонига юради. Ваҳимага тушган солдатлар карабинларини маҳкам ушлаб олишган. Улар капитанларини кўришиб, сал ўзларини босишади. Райснер уларга дейди:

— Тушинглар. Карабинларингизни қўйинг, ёрдамлашвориш керак...

Солдатлар сўёсиз бўйсунишади.

Улар қуролларини қўйишилари ҳамон йўл четидаги хандақлардан ниқоб халат кийиб олишган Млинский-

нинг разведкачилари пайдо бўлишади. Улар ўзларини йўқотиб қўйган қўриқчиларни шовқинсизгина йўл чеккасига олиб боришади. Шофёрни ҳам ҳар эҳтимолга қарши операция пайтида қўйиб қўйилган пулемётнинг ёнига ҳайдаб келишган.

Разведкачиларнинг изидан йўлга чиққан Млинский Афанасьев — Райснерга харитани ва ҳужжатларни узатади.

— Сени мана шу ерда кутамиз.— Майор унга харитадан бир жойни кўрсатади.

— Бўпти...

— Ва ҳар эҳтимолга қарши одамларимизни ҳамма йўллардан жанубга томон юборамиз.

— Ишонаманки, ҳаммаси жойида бўлади,— жавоб беради Райснер.

Улар қучоқлашиб, хайрлашишади.

Райснер немис формасидаги автоматчиларга ўгирилади. Бу офицер ва иккита солдат Горшков ҳамда подполковник Фёдоровнинг парашютчилари. Райснер уларга илжайиб, немисчалаб дейди:

— Кетдикми?

— Бизлар тайёрмиз,— немисчалаб жавоб беради Горшков.

Райснер билан парашютчилардан бири кабинага, Горшков ва нариги солдат эса кузовга чиқиб олишади.

— Омадингиз келсин!— қичқиради Млинский.

— Боплаймиз!— унга жавобан дейди Горшков.

Машина дарров тезлигини ошириб, худди ҳеч нарса содир бўлмагандай, йўл яна кимсасиз бўлиб қолади...

«Бюссинг»нинг қаршисидан бир неча бронетронспортерлар ҳимоясидаги юк машиналарининг колоннаси келмоқда.

— Худди вақтида улгурибмиз...— бошини силкиб қўяди ҳайдовчи.

— Исмингиз ким?— немисчалаб сўрайди Райснер.

— Сергей.

— Бунақасига-чи?

— Бунақасига—ефрейтор Калль. Бранденбурғданман..

— Мен капитан Георг Райснерман. Сафаримизнинг охиригача русча гаплашишни ва сизнинг исмингизни ҳам бир чеккага қўйиб турамиз, Серёжа. Майлими?

— Худди шундай, жаноби капитан,— немисча жавоб беради шоффер.

Занге билан Новча Вольфнинг қаршисида қаққайиб туришибди. Суҳбат унинг кабинетида кечмоқда. Вольф жаҳлга минганча, ходимларининг теварагида, юмшоқ гиламда худди мушукка ўхшаб сассиз юриб турибди. У Новчанинг рўпарасида тўхтаб, унга тикка боқади.

— Мен штурмбанфюерернинг буйругини адо этдим...— дейди Новча.

— Кимлар билан?— унинг гапини бўлади Вольф.— Партизанларни биргина сизнинг зондеркомандангизнинг кутилмаган ҳужуми билан йўқ қилиб ташлаш мумкин эди, гауптштурмфюер Кляйн!

Кляйн — Новча миқ этмайди.

— Нима қип қўйдингизлар, ўзи?— бақириб юборади Вольф.— Бу бадном Млинскийни қўлга тушириб, отрядни яксон қилишнинг ўрнига «Бранденбург» СС дивизиясининг уч юзта сара солдати ўзаро урушиб ётишса! Шармандалик-ку!

— Русларнинг айтганидай, ҳар бир ёмоннинг бир яхши томони бор: ўша жангдан кейин Млинский «партизан» отрядининг командири гауптштурмфюер Кляйнга тўла-тўқис ишонадиган бўлади энди,— дейди Занге ва қўшиб қўяди:— Фақат қишлоқдаги қопқон ҳақида уни олдиндан хабардор қилишмаган бўлишса...

Тиканли симлардан қилинган тўсиқлар ва темирбетон дзотларининг амбразуралари қуршовидаги назорат — пропуска пунктининг ҳар икки томонида машиналар тизилиб кетган.

Қора резинали плаш кийган СДнинг шарфюреи

хужжат текширмоқда. Машина текшириш пунктига аста-секин яқинлашиб бораркан, Райснер вазиятни қўздан кечиради: бронетранспортёр, аравачаларига пулемёт ўрнатилган иккита мотоцикл ва йўл устидаги тўсиқ жесиб ўтиб кетгани имкон бермайди. Райснер ойнадан шарфюрерга ҳужжатларни узатади.

Мотоцикллар ёнидаги солдатлар КПП да нима ке чаётганини диққат билан кузатиб туришади.

— Ҳужжатларда қўриқчи солдатларингизнинг фамилиялари қўрсатилмабди,— айб топади шарфюрер.

— Уларни комендант ротаси жўнатади,— жавоб беради Райснер.— Фельдфебелдан талаб қилинг.

Шарфюрер кабинадан машинанинг орқасига ўтади, унинг қўзлари Горшковнинг нигоҳларига тушади.

— Ҳужжатларингизни қўрсатинг, фельдфебель!— У қоғозларни олиб, кузовдаги қутиларга ва машинанинг номерига бирров қарайди-да, кабина томонга қайтади.— Накладнойларга қараганда совғалар опкетяпсиз экан... Жин урсин, бошлиқларнинг иккинчи табақадагилар учун ҳиммат қўрсатганини энди қўришим.

— Нарсаларни кўрмоқчимисиз?

— Майли, қўрсак ҳам бўлаверади...

Райснер кабинадан тушиб, шарфюрер билан бирга орқага ўтади.

— Фельдфебель!— буюради у Горшковга.— Қутини обервординг!

— Хўп бўлади!— Горшков қутилардан бирини олади, лекин шарфюрер уни тўхтатади.

— Хув анави, четдагисини!

Горшков Райснерга бир қараб қўяди-да, шарфюрер қўрсатган қутини олиб, унга беради.

— Очинг!— дейди шарфюрер қўлини қутига тегизмай.

Горшков тагин Райснерга қарайди, у бошини силкийди.

— Очаверинг, фельдфебель!

Горшков қути боғлаб қўйилган қофоз лентани йиртиб, ичидағи: колбаса, галеталар, шоколад, консервалар, бир шиша ароқни кўрсатади.

Шарфюрер беихтиёр ютиниб қўяди.

— Бу ёққа беринг,— Райснер қутини Горшковдан олади-да, шарфюрерга узатади.— Эсадалик учун олинг. Биз олиб боргунимизча ҳали барибир камайиб қолади...

— Раҳмат, керакмас,— қуруққина дейди шарфюрер. Утиб кетаверинг.— У ҳужжатларни Райснерга бериб, навбатдаги машина томон юради.

Капитан Горшковга шўх илжайиб қўяди-да, унга қутини бериб, югуриб кабинага чиқади. Машина ҚПП дан ўтиб олади. Йўл бўйидаги катта оқ тахтада огоҳлантирувчи шундай текст ёзилган: «Сиз ёпиқ зонага киряпсиз. Зонада СД офицерларининг барча кўрсатмалари дарҳол ва сўзсиз бажарилиши лозим». Тагида яна аллақандай майдо ёзув бор.

Чап томондаги тепаликнинг қиррасида йўлга нисбатан поғоналаб қурилган ва чим ҳамда ниқоб тўри билан яхшилаб бостирилган шинаклар қатори кўзга ташланади.

Райснер планшетнинг цеплуюид филофига игна билан бир тешиб қўяди...

Армиялар группаси қўмондонининг штабида кенгаш кетмоқда. Ҳар хил қўшинлар турларига мансуб ўнтача генерал фон Хорннинг кабинетида узун стол атрофида ўтиришибди. Бизга таниш инженерлик бошқармасининг бошлиғи генерал Шварценберг ва бригаденфюрер Вольф ҳам шу ерда. Сочлари текис фарқланган, пенсне таққан ёшроқ генерал доклад қилмоқда:

— «Бисмарк» плани душманга маълум, шунинг учун ҳам унинг асосий омилларидан бири — тасодифийлик энди бекор бўлади...

— Бунга ишончингиз комилми?— унинг гапини бўлади фон Хорн.

Генерал ранжиш ва бироз такаббурлик билан пенснесини қимирлатиб қўяди.

— Жаноби қўмондон, биз разведкани доимий равишида ва ҳамма воситаларни ишга солиб, олиб бормоқдамиз. Тўплланган маълумотларнинг таҳлили шундай хулоса қилишга мажбур қиласди: руслар катта кучларини, айниқса, артиллериясини биз асосий зарба бермоқчи бўлаётган йўналишда йифмоқдалар.

Фон Хорн генералга ўтиришни ишора қиласди.

— Жаноблар, қатъий сирлилиги сабабли илгари сизларга маълум бўлмаган ва сизлар ҳатто тасаввур ҳам қилмаган нарса тўғрисида энди очиқ гапиришга вақт етди. Бригаденфюер, марҳамат!

Вольф ўрнидан туради.

— Жаноби қўмондон, сиз билан қилган аҳдимиз ҳамда империя хавфсизлик бошқармаси билан келишувимизга мувофиқ мен совет разведкасининг «Бисмарк» плани билан тўла-тўқис танишиб олишига ҳалал бермадим. Бу планга кўра 27-катақка таяниб, қарши ҳужум кучайтирила боради. Разведка бошқармаси бошлигининг душманимиз кучларини мана шу йўналишда тўплаётгани тўғрисидаги доклади эса бизнинг мақсадга эришганимизни тасдиқлади...

— Жаноблар! Ишнинг мағзи қисқача мана шундай.— Фон Хорн ўрнидан туриб, харита томон юради.— Генерал Ермолаев бизнинг ҳужум қилиш жойимизни ва муддатимизни билиб олгач, шак-шубҳасиз, у қўшинларимиз жамланган ерга зарба беришга уриниб кўради. 27-катақда жойлаштирилган дивизиялар кучсиз қаршилик кўрсата бориб, чекинишади. Душман марказий участкадаги мудофаамизни энди ёриб ўтдик, деб ўйлаганида, унинг қўшинлари бизнинг мустаҳкам жойлашган қудратли кучларимизга дучор бўлади... Энди эса сиз давом эттиринг, генерал Шварценберг,— таклиф қиласди фон Хорн Шварценбергга. Шварценберг ўрнидан туриб, харита томон юради.

— Мана бу «Б» зонасида, фронт чизиғидан ўтгиз километр ичкарида,— дейди у,— қулай ландшафтдан фойдаланиб, мудофаа системасини қурдик. Ишлар фақат тунда ва фақат немис инженерлик қисмлари томонидан бажарилди. Барча иншоотларнинг ери қазиб қурилганлиги ва яхшилаб ниқобланганлиги натижасида уларнинг жойлашган ерини ҳаводан туриб сираям аниқлаб бўлмайди. Бетонлаштирилган артиллерия бункерлари ва хандақларда қўйилган танклар ҳар қандай ҳужумга бардош бера олади ҳамда ҳужумни қайтара олади...

— Бир жойда ўралашиб қолган руслар,— гапни давом эттиради фон Хорн,— янги-янги кучларни шу ерга олиб келиб, қанотларини кучсизлантириб қўяди. Қизил Армиянинг Жанговар уставида: «Душман чекинган вақтда зудлик билан ва бор кучларни ишга солиб, уни таъқиб қилмоқ лозим»,— деб равшан ёзиб қўйилган, шакшубҳасиз Ермолаев худди шундай қиласди! Албатта, шу тахлитда иш бўлиб, қопқонимизга илинади. Ўшанда биз унга зарба бериб, ҳалқани ўраб оламиз!

Райснер ва унинг ўртоқларининг ёпиқ зона йўллари бўйлаб ўтаётуб кўрган нарсаларининг ҳаммаси Шварценберг ва фон Хорннинг айтганларига яхшигина мисол бўлади: кўплаб таянч пунктлари ва пухта ниқоб қилинган бетон бункерларга эга бўлган учта кучли мудофаа минтақалари, дотлар, дзотлар, танкка қарши майдонлар, сим тўсиқлар, ўралар, хандақда қўйилган ва устига уйлар шакллари қурилган танклар, зовурлар, миналар қўйилган тўсиқлар...

Кичик ўрмонлар ва чакалакзорлар орқасидаги танклар, ўзи юрар тўплар ҳамда қўшинлар аниқ кўриниб турибди. Бу ўрмонларга ўтадиган йўлларда шлагбаумлар ўрнатилиб, соқчилар қўйилган.

Райснер целлулоид остига харита қўйилган планшетга сезилмайдиган қилиб тешиклар қўйиб боради.

Машина хилват бир йўлга бурилиб, атрофида қалин

оқ қайинлар ўсиб ётган дарёning бурилиш жойига бориб тўхтайди. Машинани сув бўйига ҳайдаб, ўзлари пастга тушишади-да, орқа борт томонга ўтишади. Горшков қутилар уюмiga қараб, немислар каскасини пешонасига суриб, мутлақo русчасига бўйинни қашиб қолади.

— Вой, онагинам ўргилсан-эй!..

— Балки паққос тушириб оларсан? Кутиб турға қоламиз...— жилмаяди Райнер.— Ёки фрицларга совға қиламизми?

Горшков кузовга чиқади-да, қутини олиб... сувга отади.

— Шу жойни менга харитадан кўрсатиб қўйинг, капитан, урушдан сўнг мен оғайниларим билан бир келай,— дейди у.

Улар ишга киришади. Тезда машинани совғалар тўла қутилардан бўшатиб бўлишади.

Райнер ҳужжатларга белгилар қўяркан, Горшковга келган томонларига имлаб, сўрайди:

— Сенингча, нима бўлиши мумкин булар?

— Қопқон. Қашқирнинг жағи! Бу иблисларни суриб чиқариш учун озмунча қон тўкилмайдиганга ўхшайди...

— Мабодо биз мана шу планшетни етказишни удласак, қон тўкилишини анчагина камайтирган бўлардик...— Райнер Горшковга ва парашютчиларга ҳужжатларни беради.— Тайёрмисизлар?

— Худди шундай, жаноби капитан!— жавоб беради шофёр.

— Тайёрмиз,— маъқуллайди кузовда келган камган йигит.

Машина яна шоссега тушиб олади. Назорат пунктидан унча узоқ бўлмаган бир кичик ўрмондаги йўлнинг чеккасида санитар фургони турибди. Ҳайдовчи мотор ёнида ўралашади. Унинг қошида турган офицер қўлини кўтаради.

— Тўхтат,— дейди Райснер шофёрга ва деразадан бошини чиқарип, офицерга диққат билан тикилади. У ёши ўтганроқ, кўзойнак таққан, кителида медицина хизмати майорининг белгилари бор. Биз уни илгари офицерлар клубининг ресторанида Райснер билан бирга кўрган эдик.

— Ташаккур, капитан. Бу лаънати машина...— гап бошлайди доктор, бироқ яхшилаб қарагач, у Райснерни танийди.— Георгмисан?! Бу ерларга қайси шамол учирди?

— Шаҳарга кетяпсанми?— жавоб беришнинг ўрнига сўрайди Райснер.

— Йўқ, йўқ, КППгача борсам бўлди, телефон қилиш керак. Обориб қўяссанми?

— Ўтири.

Улар назорат пунктига етиб келишади. Кун қорайиб, зонадан чиқиб кетувчи машиналар ҳам кўринмайди. Нариги томонда эса ўндан зиёдроқ машина қаторлашган.

Тиканли симдан қилинган тўсиқларнинг орасидан секин юриб боришади, йўлнинг бу ёғини шлагбаум тўсган.

Зонага кириб келган енгил машинадаги пассажирларнинг ҳужжатларини текшириб бўлган шарфюрер «Бюссинг»га қарайди-да, машина шлагбаум ёнига келиб тўхташи билан кабинага яқинлашади.

— Марҳамат қилиб ҳужжатларнингизни олинг!— Қабинадан тушмоқчи бўлаётган докторга у дейди:— Жойингизда ўтиринг!

Райснер шарфюрерга ҳужжатларни узатади.

— Мен машина юборишларини сўраб, телефон қилишим керак,— дейди доктор эсэчига.

— Ҳужжатларнингиз!—қатъий такрорлайди шарфюрер.

— Марҳамат...— ҳужжатларни беради доктор.

Шарфюрер ҳужжатларни синчиклаб кўриб бўлгач, Райснердан сўрайди:

— Юкларни топширганингиз ҳақида қаерда белги қўйдирдингиз, жаноби капитан?— У билинар-билинмас ишора билан мотоциклчиларга имлайди.

— Қоғозда аниқ кўрсатилган: «Адольф Гитлер» дивизиясининг штабида,— осойишта жавоб беради Райснер, мотоциклчиларнинг ҳар икки томондан машинани ўраб олишаётганига қааркан. Қабинанинг орқа деворидаги дарчадан Горшков ҳам нима бўлаётганини диққат билан кузатиб туради.

Шарфюрер белгига яна бир марта қараб, дейди:

— Жаноби капитан, мен билан юришингизга тўғри келади.

Доктор Райснерга хавотир аралаш қараб қўяди.

— Нима гап ўзи, шарфюрер?— ташвишланиб сўрайди Райснер.

— Бугун эрталаб СДдагилар пропускаларнинг белгиларини ўзгартиришган. Балки, дивизия штабидагилар янглишгандир...

Райснер Горшков билан кўз уриштириб олади, Горшков сезилар-сезилмас бош силкийди.

Бункер томонга кетаётган ва капитанни орқамдан келяпти деб ўйлаган шарфюрер йўлнинг яримида тўхтаб, орқасига ўғирилади...

— Олга, Калль!— шофёрга буюради Райснер.

Шарфюрер ҳайрон бўлганча, «Бюссинг»нинг ўрнидан юлқиниб қўзғалиб, мотоциклни йиққанини, енгил машинани афдариб, тезликни оширганча, шоссе ёнидан жўнаб қолганини кузатиб туради...

Сирена увиллади...

Машинанинг ўнг эшиги ҳали ҳам очиқ. Гаранг бўлаётган доктор Райснерга қараб, қичқиради:

— Иўқ! Иўқ!.. Кўйсанг-чи, Георг!.. Мени қўйиб юбор!..

Бункер ичидан ўт очган йирик калиберли пулемётнинг ўқлари «Бюссинг» тепасидаги дараҳтларнинг шохларини юлиб ўтади.

Горшков кузовда жойлашиб олганча, КППдан йўлга югуриб чиқсан соқчиларни ота бошлайди. Парашютчи учта гранаталар боғламини отиб, иккита юк машинаси ни ёндириб юборади... Тўртинчи граната уларнинг орқасидан қувиш учун бурилаётган бронетранспортёрни тўхташга мажбур қиласди... Машина ҳаддан ташқари тезликка минади. Ўқлар визиллаб учиб ўтади. «Бюссинг» нинг ортидан қувиб келаётган икки мотоциклнинг аравачасига ўрнатилган пулемётлардан тариллатиб отишади.

Райснер дейди:

— Энди охиригача биз билан боришингга тўғри келади, доктор.

Доктор Райснерга қўрқув аралаш қарапкан, тутилиб, дейди:

— Ҳа... Ҳа... Георг... Гестаподагилар барибир ишонишмайди... Менинг тасодифан бундай... Ишонишмайди...

Райснер бош силкийди.

Йўл тепага кўтарила боргандан машинанинг мотори зўриқиб гуриллайди. Мотоциклчилардан энди яширинишлари ҳамон Сергей кескин тормозни босади... Мотоцикллар тепанинг ортидан отилиб чиқишиди. Юк машинаси билан уларнинг орасидаги масофа ўттиз-қирқ метрча бор.

Горшков автоматдан бир сидра ўқ узади, худди шу пайт кузовдан отилган гранатанинг портлаши эшитилади. Мотоцикллардан бири ловиллаб алангалаңганча, йўлда ёнаётган бензинни сачратиб, афдарилади. Иккинчиси эса шу келишида рулни буриб, зовурдан отилиб ўтади-да, то афдарилиб тушмагунча, сирғаниб, баҳорги балчиқни сачратиб кетади...

Энди «Бюссинг»нинг орқасида ҳеч ким йўқ. Экипаждан ҳеч бири шикастланмаган ва йўл очиқ.

Сергей жилмаяди.

— Қайтиб кетишиди, шекилли...

Доктор унга довдираб қараб, ўзи ҳам тушуммаган ҳолда илжайиб қўяди.

Райснер харитага тикилади.

— Яна бир ўн беш километрча ўтиб олсак эди, у ёғида ўзимизниklар кутиб олишарди...

Гўё унинг гапларига жавоб қилгандай, йирик калибрли пулемётнинг ўқлари кабинанинг ойнасини тешиб ўтади... Доктор синиб тушган олдинги ойнага нимадир бўлиб муккасидан тушади, Сергей бўлса, рулни қўйиб, талвасада елкасига ёпишади...

Олд томондаги ўрмондан ўйлга иккита бронетранспортёр ўрмалаб чиқади, уларнинг ортида бир неча мотоцикллар кўринади.

Сергей соғ қўли билан рулни ўнглаб олгунча, Райснер машинани ушлаб турмоқчи бўлади. Сергей машинани кескин буриб, зовурга ҳайдайди ва тасодиф туфайлигина ағдарилишдан сақланиб, шоссега чиқади.

Бронетранспортёрлар ўт очишда давом этишади. Ўқлар брезентни йиртиб, бортга шатирлаб урилиб, темир парчалари ва ёғочлар ҳар томонга учади...

Мотоциклчиларга дуч келишган жойдан сал нарироқда машиналар йўлни кесиб туришади. Машиналардан ит етаклаган солдатлар сакраб тушишади...

Сергей машинани далага буради, даланинг охирида нажотбахш баҳорги ўрмон қорайиб кўринади. Ботқоғи чиқиб ётган қўриқ жойда машина оғир сирғаниб боради, бронетранспортёрлар машинани ўқقا тутганча, йўлни кесиб чиқа бошлайди. Уларнинг орқасидан худди бўриларнинг тўдасига ўхшаб, бир неча мотоцикл эргашади...

«Бюссинг» биринчи бўлиб чакалакзорга етиб, тўхтайди. Кузовдаги парашютчи бортдан ошиб тушади-да, буталар тагида ётиб олади... Яраланган Сергей ҳам кабинадан аранг тушиб, унинг ёнига чўккалайди. Парашютчи Сергеяга қарамасдан, унга автоматни узатади. Горшков улардан йигирма метрча наридаги тепаликка ётади. У бўғиқ овоз билан капитанга қичқиради:

— Тезроқ бора қолинг!.. Биз паналаб турамиз!..

Капитан хиёл ўйланиб туради-да, тезлик билан ўрмон томонга узоқлаша бошлайди...

Бронетранспортёрлар яқинлашиб келади. Улардаги пулемётлар бетиним тариллаганча, Горшковни, Сергейни ва парашютчани бош кўтаргани қўймай, ўнг ва чап томонда мотоциклчилар уларни қуршаб келади...

«Бюссинг» лов этганча ёниб кетади...

Парашютчи ўрнидан туриб, иккита граната иргитади: ва бронетранспортёрлардан бири қотиб қолади, лекин наригисидан отилган ўқ парашютчининг кўксини тешиб ўтади. У букчайганча, ерга ағанайди; унинг чангак бўлаётган қўли ёнида ётган гранатага чўзилади...

Сергей автоматдан ўқ узишда давом этаркан, орқага қарайди: капитан ўрмонга бориб қолган. Сергей гранатага қўлини узатиб, қонга тўлган оғзидан бўлиниб чиқаётган товуш билан Горшковга қичқиради:

— Чекин! Капитанни панага ол!..

Горшков яқинлашиб келаётган мотоциклга қараб яна бир бор ўқ узади-да, энгашганича, ўрмонга югуради...

У ўрмон чеккасига етганида, гранатанинг портлаганини эшигади. У орқасига ўгирилиб, Сергейнинг парча-парча бўлган жасади устига тушаётган тупроқ уюмларини кўради...

Вольф кабинетидаги парда билан тўсиб қўйилган ён эшикка боради-да, Охрим Шмилни ичкарига киритади.

— Бу ёққа чиқ. Охрим,— Вольф стол ёнида турган Аликни унга кўрсатиб, сўрайди:— Мана, шумиди?

— Ҳа, ўхшаб туриби,— дейди Охрим.— Мен уни қишлоқда, Зангенинг ёнида кўрган эдим. У Новчанинг отрядидан алоқачи бўлиб келганди.

— Мен сизларнинг танишиб олишларингизни ва келажакда яқиндан ҳамкорлик қилишларингизни истайман. Шмиль, бу Алерт бўлади, яширин ташкилот тармоғини ўша очиб берди...

Телефон жиринглаб, унинг гапини бўлади. Вольф трубкани кўтаради. У телефонда гаплашаркан, Охрим билан Алик сўзсиз бир-бирини кузатишади.

— Хўш... Нима-а?!.. Нечта? Нечтаси зонадан чиқиб кетди?.. Хўш... Капитан Георг Райснер-а?.. Фельдфебель Блюм ҳамми? Қўлга туширилсан!!! Тириклайича! Нима қилиб бўлсаям, қўлга олинг, штандартенфюрер, акс ҳолда кунингизни кўрасиз! Мен ҳозироқ йўлга тушяпман! Тамом!— У трубкани қўяркан, тўнғиллайди:— Млинскийнинг нима учун Селишчига келмагани энди маълум бўлди...— У хаёлидан кўтарилган Охрим билан Аликни кўриб, кескин дейди:— Боринглар! Сўнг чақираман! Боринг!

Шом пайтидаги ғира-ширада ёмғир майдалаб шивалайди. Улар чакалакзор ўсиб ётган ботқоқлик бўйлаб боришлоқда. Иккаласи ҳам азбаройи ҳориб толишган. Олдинига Афанасьев йўл бошлайди, сўнгра Горшков у билан алмашади. Орқада, чапда ва ўнг томонда итларнинг ҳуриши эшитилади. Улар ҳам базур келишмоқда. Итлар қоринларигача балчиққа беланганча, судралишиб, инфос лойни ютиб вовиллашади...

Офицерлар ҳориган солдатларни қисташади:

— Олға!.. Олға!..

Гоҳо уларнинг битта-яримтаси олдинга сапчиркан, шу зум ботқоқлик узра ўқлар тариллаб, солдат тағин ўзини балчиққа ташлайди.

Афанасьев Горшковнинг изидан етиб, унга автоматини беради-да, харита ва ёзувлар солинган планшетни олиб, олға юради. Горшков капитанни паналаб, оз-моз жилмай туради. Улар ана шу тахлитда бир-бирини душман ўқидан паналаганча, планшетни қўлма-қўл узатиб, ботқоқликни кечиб боришади...

Яна бир олдинга интилган солдатни автоматдан отилган ўқлар ер тишлатади... Офицерларнинг командалари эшитилади:

— Диққат! Тириклайн қўлга олинсин!.. Буйруқ шундай — тириклайн ушлаш керак!

Шунинг учун ҳам немислар чеккага қараб отишиб, булар иккаласини барибир ҳеч қаёққа кетолмайди деб хисоблашади...

Ботқоқликнинг охиригача ҳали узоқ. Бизникларнинг мадори қуриган, автоматда ҳам саноқли ўқлар қолган.

Афанасьев билан Горшков тобора секинлашишар, улар ботқоқликнинг кўлмагига тобора сингиб боришиди...

Яна Афанасьев йўлдошини паналаб боради...

Чапда, икки юз метрча масофада ботқоқликдаги қуриган дараҳтлар орқасидан кутилмагандан бир гурӯҳ эсесчилар пайдо бўлишади.

Афанасьев уларга қарата охирги ўқларни узади. Эсесчиларнинг иккитаси ағанаб тушади, учинчиси эса карабиндан отиб қолади. Афанасьев «оҳ» деганча, йиқилиб, аста-секин балчиққа бота бошлади.

Горшков қичқириқни эшишиб, орқасига қайтади. У әнганиб, Афанасьевни кўтариб олади ва отмасдан, секин яқинлашиб келаётган солдатларга эътибор бермай, капитанни ботқоқликда чиқиб турган бир неча дўнгликдан иборат оролчага олиб чиқади. Автомат тушиб қолган, гарчи унда ўқ қолмаганини Горшков билса-да, барибир уни топиш ниятида теваракни излаб кўради. Нафас олиб ётган Афанасьевнинг юзини артади. Афанасьев кўзини очиб, Горшковни кўради-да, ўрнидан турмоқчи бўлади. Шу билан у бутунлай мадорини йўқотади. Горшков уни ийқилиб тушмасин учун ушлаб олади...

— Боргин,— дейди зўрға нафас олиб Афанасьев,— боргин... Буюраман! Планшетни эҳтиёт қил, мен буларни тутиб тураман... Озгина қолди... Бор... Жанубга қараб...

Горшков уни қўйиб юборади. Капитан чайқалиб тураркан, пистолетининг филофини ечади...

Горшков орқасига қарамасдан узоқлашиб боради...

Ҳамма ёқ жимжит, ҳатто итлар ҳам акилламай, ға-
қат яқинлашиб келаётган солдатлар этикларининг
чалпиллашларигина эшитилади.

Ўқ овозларини эшитиб, Горшков бир дақиқага тўх-
таб қолади. У бўйнига осиб олган планшетини тўғрилаб,
қирғоқча дадил яқинлашади. Қоронгилик уни ўз бағри-
га олади...

Матвей чолнинг араваси рестораннинг ёнида туриб-
ди. Кўчани диққат билан кузатиб турган чол яқинла-
шиб келаётган Охримни кўради. Секингина жиловни
силтайди. От ўрнидан жилади. Чолнинг қочиб қолмоқ-
чилигини кўрган Охрим югуриб, тошкўчани кесиб ўтади.

— Нима сенинг араванг ҳаммага ҳам хизмат қила-
вермайдими, Матвей Егорович? — юриб кетаётган арава-
га ўтиаркан, сўрайди Охрим.

Матвей чол ҳеч нарса демайди.

— Фақат немисларни оламан, деб ёзиб қўйсанг бў-
ларкан.

Матвей чол унга қарамай, отларга қамчи босади.

— Нима керак ўзи, сенга? — сўрайди у.

— Ўтган жума куни сулини қаердан сотиб олганинг-
ни билмоқчиман.

Матвей чол орқасига ўгирилиб, Охримга ҳайрон бў-
либ қарайди.

— Мен уни қарзга олганман...

— Бу бошқа гап,— жилмаяди Охрим.— Вақтимиз
зиқ, Матвей Егорович. Жудаям шошилинч.— У чолга
халтачани узатади.— Буни зудлик билан ўрмонга элтиб
бериш керак.

— Қанақасига зудлик билан?

— Ҳозирнинг ўзидаёқ.— У чолга тамаки ўраш учун
буқланган газетани беради.— Бунда шаҳардан чиқиб ке-
тишга пропуска бор. Қўп нарсанинг тақдиди сенинг қў-
лингда, Матвей Егорович. Млинскийнинг ҳаёти хавф ос-
тида.

— Иван Петровичнинг дегин-а? Худонинг ўзи сақла-
син-э...

— Шошилгин, Матвей амаки. Фақат эҳтиёт бўл...—
Охрим шундай деб, аравадан сакраб тушади-да, жин-
кўччанинг муюлишида кўздан ғойиб бўлади.

Матвей чол отга қамчи уради-да, аравани шаҳар кў-
чалари бўйлаб тарақлатиб кетади.

Горшков тонг олдида қуруқликка чиқиб олади. У ер-
да чўзилади-да, кўзларини юмади... Кимнингдир елка-
сидан силкитганидан у уйғониб кетади.

— Турғин! Тура қолсанг-чи!

У кўзларини очади ва нақ тумшуғининг олдидағи
каттакон кирза этикни, кейин кулранг шинелнинг этаги-
ни ва Ерофеевнинг юзини кўради. Горшков жилмайиб
кўяди-да, ўрнидан тура бошлайди. Унинг ёнида Млинс-
кий пайдо бўлади.

— Мана,— Горшков майорга планшетни узатади.

Млинский планшетни оларкан, сўрайди:

— Бошқалар қани? Афанасьев қани?

— Афанасьевми?— дарров илғамайди Горшков.— У
ёқда,— қўли билан ботқоқликни кўрсатиб, дарахт ости-
га ерга чўзилади-да, уйқуга кетади.

У Млинский жангчиларининг жазоловчиларни бот-
қоқликдан қандай қувиб чиқаришганини, Ерофеев уни
ёнига афдариб, тагига шинелини тўшаганини билмайди.
У уйқуда... Ботқоқлик тепасини туман қоплаб олган. Ал-
лақаерда ит увиллайди... Жангчилар Афанасьев ётган
оролча ёнида туришибди. Қапитаннинг ёнида бир неча
гильзалар ялтираб кўринади. Унинг чаккасидағи кички-
нагина ярадан шилдираਬ оққан қон қотиб қолган. Чан-
гак бўлиб қолган қўли пистолетни маҳкам тутганча ёта-
ди. Атрофдаги ботқоқликда њеч нарсани қораси кўрин-
майди, фақат ҳали ҳам аллақаердадир ит увиллайди.

Млинский пистолетни олиб, унинг затворини тортиб
кўради, у бўм-бўш.

— Охирги ўқ билан...— секин дейди майор.

Наташа рақамларни тез-тез қалаштирганча, шифровка қабул қиласди. Осойишта овоз бу рақамларни сўзларга айлантиради: «Махсус вазифаларни бажарувчи отряднинг командири майор Млинскийга...»

Млинский ўрмондаги сўқмоқдан аста-секин кетиб бормоқда. Унинг оёқлари остида ўтган йилги япроқлар шилдираб эзилади, япроқлар орасидан у ер-бу ерда ноzik кўкатлар бош кўтарган. Майорга гўё ҳар бир дарахтнинг орқасида кимдир тургандай ва унинг кўзларига тикилаётгандай туюлади. Майор уларни ҳаётда қай ҳолатда эсда сақлаб қолган бўлса, ҳозир ҳам худди шундай намоён бўлади: елкасида оғир сумкаси, ҳоргин боқиб, жилмайиб турган Зина... немис мундирни устидан Кизил Армиячилар шинели кийган Афанасьев... Жубабининг этагини қайириб, белкурак ушлаган авлиё Павел... Захар... тортинчоқлик билан жилмайиб турган Юрченко... профессор Беляев...

Нарироқда фира-ширада мичман Вакуленчук... капитан Серегин... отряднинг жангчилари... Фёдоровнинг пашашотчилари... кўринишади...

Млинский бурилиб, орқасига қараб юради. Ўрмон кимсасиз бўлиб, Млинскийнинг ўзи ёлғиз...

У ўрмондан чиқиб келади ва эрталабки қуёш нурида ёришиб кетган далада Наташа билан Ирина Петровна кўриб, уларга жилмайиб қўяди.

— Шошилинч хабар, ўртоқ майор.— Наташа унга радиограммани беради.

— «Фронтнинг штаби номидан сизни ва отряднинг шахсий составини муваффақият билан самимий табриклийман ҳамда миннатдорчилик изҳор қиласман. Сизларнинг душман орқасида кўрсатаётган қаҳрамонона жасоратингиз билан фахрланамиз...»— ўқиди у. Унинг кўзлари олдида текст айқаш-уйқаш бўлиб кетади.— Наташа, манавини ўқигин, менинг кўзларим...

— «...Эртага Москва вақти билан ўн иккию ноль-нолда,— баланд овоз билан ўқийди Наташа,— сиз Кремль коменданти генерал-лейтенант Спиридовонга учрашмогингиз лозим...»

— Иван Петрович!— чақиради уни қоровулхонадан таниш овоз. Майор ўгирилиб, Хватни ва тез юрганидан ҳаприқиб, унинг ёнига шошаётган Матвей чолни кўради.

— Мени нимагадир Москвага чақиришяпти... Кремлга,— дейди паришон жилмайиб Млинский...

Кенг кабинет кўклам қўёшининг нурларидан чарофон. Деворнинг ярмигача ёғоч панель қоқилган, юқорисига эса ялтираган мато тортилган. Хонанинг кўрининши жиддий ва одмигина. Кўк мовут қопланган улкан ёзув столи устида чарм папка ва бир даста телеграммалар ётибди. Уларнинг ёнида ВЧ аппарати. Столнинг бўшида тўқима суюнчиқли катта дафал кресло. Унинг тепасида деворда Лениннинг портрети осиғлиқ.

Эшикдан кираверишдан то столгача пол устига юпқа мато қопланган қизил поёндоз тўшалган. Ўнг томондаги деворда фронтлардаги жанговар аҳвол белгиланиб қўйилган улкан харита осилган, чап бурчакда соат...

Устига фронтнинг оператив харитаси ёзилган узун стол ёнида фронт қўмандони генерал — полковник Ермолаев ва мудофаа ҳалқ комиссариати разведка Бош бошқармасининг бошлиғи генерал-лейтенант Кондаковлар туришибди.

Яхши кайфиятли Сталин кабинетда шошилмасдан у ёқдан бу ёққа юрмоқда.

— Биз душман мудофаасининг сифатини, ўт очиш тартибини ҳамда фон Хорн армиялар группаси резервларининг жойланишини аниқлашга муваффақ бўлдик... — доклад қиласи Ермолаев.— Ҳозирги кунда биз майор Млинскийнинг отряди ёрдамида...

— Яхши,— унинг гапини бўлади Сталин. У ёзув сто-

ли ёнида тўхтаб, билинтирмай, чақирув кнопкасини бо-
сади. Эшикда пайдо бўлган секретарга Сталин дейди:

— Ўртоқ Млинскийни чақиринг.

— Хўп бўлади, ўртоқ Сталин.

Млинский кабинетга кириб келади. У фронтчасига
кийинган, гимнастёркаси устидан елкаси оша камар боғ-
лаган, кўксидаги «Қизил Байроқ» ва сири кўчган
«Ҳурмат Белгиси» орденларининг қаторида янги гина
«Қизил Байроқ» ордени ажралиб туради. Млинский
янги этикларининг пошнасини тақиллатиб, ўзини таниш-
тиради:

— Ўртоқ Сталин! Махсус вазифаларни бажарувчи
отряднинг командири майор Млинский чақирувингизга
биноан келди.

Сталин трубкасини кулданга қўйиб, тез юриб, май-
орнинг ёнига келади.

— Салом, ўртоқ полковник!

Млинский тортиниб, дейди:

— Ўртоқ Сталин! Мен ҳозирча майорман...

— Майор эдингиз, энди полковник бўлдингиз.— Ста-
лин шундай дея, айёrona жилмайиб, Ермолаевга қарай-
ди.— Гапим тўғрими, ўртоқ Ермолаев, менга ишонмаяп-
тилар...

Ермолаев билан Кондаков кулиб қўйишади.

— Раҳмат,— дейди соддагина Млинский.

Сталин ундан узоқлашиб, Млинскийнинг келишган
қоматига мамнун разм солади.

— Ўртоқ Млинский,— кутилмаганда сўрайди Ста-
лин,— айтинг-чи, қани ўзингиз кимсиз?

— Мен русман,— ҳаяжонланиб жавоб беради Млин-
ский.

— Нима, биз ундалигидан шубҳаланганмилик?—
тағин жилмаяди Сталин.

Млинский ўзини ўнглаб олиб, давом этади:

— Урушгача олдин ўқитувчи бўлиб ишладим, сўнgra
партия ишига ўтдим, уруш бошланишидан сал аввал че-

кистлар қаторига қўшилдим. Энди эса фронтнинг орқа-
сидан туриб, фашистларнинг кунини кўрсатаяпмиз.

— Немисларнинг кайфияти қалай?

— Сурбетликлари хийла камайиб, қўрқоқроқ бўлиб
қолишиди, бироқ шундаям туришиб олишишапти.

Сталин шарақлаб кулади-да, Млинскийнинг шундай
рўпарасига келади.

— Демак, сурбетликлари камайди, денг-а? Бунисини
жуда тўғри англапсиз... Қўрқоқлик — бу солдат учун
ёмон йўлдош. Қўрқоқликнинг сўнгги ваҳимага айланади.

Генерал Кондаков дейди:

— Ўртоқ Сталин, биз полковник Млинскийдан не-
мисларнинг «қасос қуроли»ни яратиш бўйича иш
олиб бораётгани ҳақидаги дастлабки далилларни ол-
ганмиз.

Сталин аста юриб, столга яқинлашади-да, трубкаси-
ни олиб, унга тамаки тўлдиради ва чекишга шошилмай,
дейди:

— Герман фашизмiga ўхшаган ниҳоятда маккор
душманни енгмоқ учун нафақат унинг стратегик ният-
ларини билмоқ лозим, балки унинг имкониятларини ҳам
билиш керак. Сўнг Кондаковнинг олдига келиб, давом
этади:— Биз немисларнинг «қасос қуроли»ни яратиш
бўйича олиб бораётган ишларининг қай аҳволда экан-
лигини зудлик билан олишимиз керак!

— Ўртоқ Сталин,— дейди Кондаков,— биз Германия
территориясидаги, Польша ва Чехословакиядаги развед-
камизни кучайтириш бўйичаchorалар кўряпмиз. Агенту-
рамизни душманнинг янаем ичкарисига ўтказиб юбо-
ришда эндиликда полковник Млинскийнинг отрядидан
база сифатида фойдаланмоқчимиз...

— Млинскийнинг имкониятларини нега чекламоқ
керак?— унинг гапини бўлади Сталин.— Сиз унинг от-
рядини тўғридан-тўғри Генштабга бўйсунадиган қилиб,
мана шу масалани ҳал қилишга жалб этинг.

— Бизнинг фронт олдидағи вазифани адo этганимиз-

дан кейинми?— сўрайди Ермолаев.— Мени кечирасиз ўртоқ Сталин, мен сизга айтган эдим...

— Албатта,— рози бўлади Сталин ва Млинскийга мурожаат қиласди:— ўртоқ Млинский, генерал Ермолаевга ғалабамиз учун ниҳоятда муҳим бўлган вазифани бажаришда унинг фронтига ёрдам беринг. Сўнгра бутунлай «қасос қуроли» билан шугулланинг.— У генералларга жилмайиб қараб қўяди-да, стол ёнига қайтаркан, қўшиб қўяди:— ўйлайманки, агар унинг отрядини зарур кадрлар билан таъминласак, топшириқни боллаб бажаради.

— Биз яқин кун ичида унга строевой ва сиёсий бўйим бўйича ўринбосарларни жўнатамиз,— дейди Ермолаев.

— Жуда соз.

Млинский дадиллашади:

— Менинг бир илтимосим бор, ўртоқ Сталин.

— Қулоғим сизда,— қовоғини уяди Сталин.

— Мен отрядимга комиссарим Ҳасан Алиевни қайтиришларини сўрайман.

— Озарбайжонми?

— Худди шундай!

— Мен Бокудаги бир Алиевни танир эдим... Яхши ишчи... Сизнинг комиссарингизни қаёққа олиб кетишган?

— У яралангандан эди, энди эса медкомиссиядан ўтолмай сарсон...

— Врачлар ҳам нари-берига кўнаверадиганлардан эмас,— қўлларини ёзади Сталин.— Мабодо бу шунчалик зарур бўлса, биз уларни бир амаллаб кўндирамиз.

— Раҳмат, ўртоқ Сталин,— енгил нафас олади Млинский.

«Эмка» Қизил Армиянинг Бош госпитали ёнида Яузадан кўтарилади, госпиталнинг сарғиши девори қошида ярадорлар баҳор офтобига тобланиб ўтиришибди.

Млинский кимнидир излагандай, улар томонга аланглайди. Сўнгра машина бироз жойгача трамвайнинг изидан боради ва завод эшигининг қаршисидаги бекатда лиқ тўла трамвайнинг бўшашини кутишади, ундан тушаётган ишчилар асосан ўсмирлар ва хотин-қизлардан иборат.

Кекса қизил армиячи шофёр уф тортиб қўяди.

— Ёшгина болакайлар-а... Менинг ўғилчам ҳам шу...

Район болалар уйи эканини кўрсатувчи лавҳа осилган уч қаватли ғишт иморат ёнида «Эмка» тўхтайди.

Ҳовлида болалар футбол ўйнаб юришибди. Улар дарвоза олдида қўлида оғир халтacha ушлаб турган полковникни кўришади... Улар ўйинни тўхтатишиб, аста-секин яқинлашишади ва Млинскийни ўраб, унга жиддий тикилиб қолишади. Болаларнинг ҳаммаси бирдай бўз кийишган, соchlари тақирлаб олинган бошлари ва қулоқлари диккайиб туради... Болаларнинг нигоҳлари кишини ҳайратга солади: синчков, чақчайган ва шу билан бир пайтда шубҳали, ғамгин, лекин у кўзларда теран бир умид яширин...

Қўлига копток ушлаган, боши каттагина, тўққиз яшар бола дейди:

— Ўртоқ майор... э, кечирасиз... ўртоқ полковник.... Вания амаки, кимниг ёнига келдингиз?

— Мишуткамисан?— Млинский уни базўр танийди. Полковник халтани қўйиб, ўтиради-да, болани бағрига босади.— Сенинг ёнингга келдим, сени кўргани...

Мишутка ўзини йифидан зўрға тутиб туради...

— Менинг ёнимга келганингизни билгандим... Ўзингизни шундай дейишингизни кутгандим.

— Кап-катта йигит бўй қопсан, таниш ҳам қийин...— Млинский боладан яшириб, кўзини артиб қўяди. У кулимсирайди.— Сени соғиниб кетдим.

— Ростданми? Мен ҳам соғиндим. Шундай ҳам соғиндимки!.. Зина хола кеп кетгандилар, хабарингиз борми?

- Биламан, Миша.
- У яна тезда келишга ваъда берганди... Млинский болага халтани узатиб, дейди.
- Сенга у-бу олиб келгандим... Бир озғин бола унинг енгидан тортқилайди.
- Амаки, уруш тез орада тугайдими?
- Ҳа, тез кунда, ўғлим, тез кунда тугаб қолади.

Қизил Армия лейтенанти формасидаги, юлдузчали фуражка кийган Занге ўрмонда отда келмоқда. Үнга партизанлар қиёфасидаги Алик ва учта шахсий соқчи ҳамроҳ бўлган. Ҳаммалари тиш-тироғигача қуролла-нишган.

— Тўхта!— чангальзор орқасидан товуш келади.— Қимсизлар?

— «Ватан учун!» отрядиданмиз,— жавоб беради Занге,— Млинскийнинг чақириғига биноан келяпмиз.

Сўқмоқда Сашка Полищук пайдо бўлади.

Алик үнга яқинроқ боради.

— Мени танияпсизми, Полищук?

— Танияпман.

Партизан отрядлари командирларининг кенгаши очиқ ўрмонда, осмонга теккудай баланд қарағайларнинг остида ўтмоқда. Бир неча қатор қўйилган скамейкаларда йигирматача киши ўтирибди, уларнинг олдидағи тарашланмаган тахталардан тузатилиб, устига сурп ёпилган стол — мажлис президиумида: Семиренко, Млинский, Алиев ва яна бир қора қуюқ мўйловли партизан жой олишган.

— ...Озод қилгандан кейин эса,— сўзини якунлайди Семиренко,— биз имкони борича отрядларни сақлаб қоламиз, улар билан вайрон бўлган хўжалигимизни уюш-қоқлик билан тиклай бошлайиз...

Семиренко гапдан тўхтайди ва барча орқасига қайрилиб, кириб келган Зангега қарашади. Занге ўзини

йўқотиб қўйғандай, жойида тўхтаб қолади ва дарров ўзини ўнглаб олиб, қўлини фурожкасига тираб, доклад қиласди:

— «Ватан учун!» отряди командирининг ўринбосари лейтенант Григорьевман.

— Ўтириңг, лейтенант,— дейди унга Млинский.— Бироз кечикиб қолдингиз...

— Кечирим сўрайман,— дейди Занге.

— Ҳечқиси йўқ.

Занге охирги қатордаги скамейканинг четига ўтиради.

Семиренко гапини давом эттиради:

— Ўйлайманки, алоҳида партизан қисмлари янги ишчи ҳамда колхозчилар коллективларининг асосий негизини ташкил этадилар. Аммо лекин, булар келажакнинг гаплари, эҳтимол, яқин ўртада бўлар... Бизнинг буғунги кундаги вазифаларимиз тўғрисида яқиндагина Москвадан қайтиб келган полковник Млинский гапириб беради...— У яна нимадир демоқчи бўлади-ю, бироқ Млинский билан кўз уриштириб олгач, индамай қўя қолади.

Млинский ўрнидан туради.

— Ўртоқлар! Бугунги кунда на фақат ўзимизнинг орамиздаги, балки фронт қўмондонлиги билан ҳам бўладиган ҳаракатларимиз ҳар қачонгига қараганда яна-ям аниқроқ ва уйғуноқ бўлиши лозим...

Занге диққат билан тинглайди.

— Кўшинларимизнинг катта ҳужуми арафасида партизанлар доимий тайёрлик ҳолатида бўлишлари керак. Дастребаки сигнал берилиши биланоқ биз бор кучимизни олдиндан кўрсатилган обьектларга қарши ташлаймиз. Мана шу тайёрликнинг қай аҳволдалигини билиш ҳамда жойларда аниқ вазифаларни белгилаш учун биз ҳамма отрядларга бориб чиқамиз.— Млинский тўпланган командирларга бирров қараб қўяди, Зангега ҳам кўз ташлаб ўтади.— Шунинг учун бизнинг келишимизгача би-

ринчи навбатда ҳал қилиш лозим бўлган аризалар ва масалалар бўлса, тайёрлаб қўярсизлар: ўқ-дорилар, қўпорувчи мутахассислар, қурол, дори-дармонлар ва бошқа нарсалар билан таъминлаш масалалари бўлиши мумкин...

Заставага қайтиб келган Полишчук сигаретини Алик-никидан тугатаркан, сўрайди:

— Нега оғайнинг кўринмай қолди?

— Костя шаҳарда юрибди. Ў яширин ташкилотда. Ушанда бизларнинг ёнимизда бўлган қиз, Маша уйига қайтиб келмади...

— Маша ўзимизда, ҳалок бўлган Зинанинг ўрнига ёврачга ёрдам бериб юрибди...

— Тушунарли... Мабодо кўриб қолсангиз, Алик салом деди, деб қўйинг...

— Аликдан-а? Айтиб қўяман.

Мажлис тамом бўлади. Млинский командирлардан бир чеккада тортиниб турган Зангенинг ёнига келади.

— Ўртоқ Григорьев, Новча нега келмади? Бирон нарса бўп қолмадими?

— Йўқ, ўртоқ полковник. Командирнинг салгина ма-заси қочиб қолганди, ундан кейин, биз мажлиснинг бундай даражада ўтишини билмаган эдик.

— Майли, ҳечқиси йўқ. Эртага ўзимиз борамиз. Фақат, норози бўлмасанглар.

— Йўғ-эй, қўйсангиз-чи!..

Улар бир оз вақт бир-бирига тикилишганча, жим туришади, сўнг Занге честь берниб, сўрайди:

— Кетишга рухсат этинг, ўртоқ полковник?

— Қолинг, бирга обед қиласмиз!

— Таклифингиз учун раҳмат, лекин мен сизнинг боришингиз ҳақида огоҳлантириб қўйиш учун шошиляпман.

— Бўпти, сизни йўлдан қўймоқчи эмасман.

Занге кескин бурилиб, орқасига қарамай, жўнаб қолади.

Млинский кўзларини қисиб, унинг изидан қараб турди.

Жимжит баҳор оқшомида қоровулхона олдидаги ғўлада ўтирган гимнастёркасига яп-янги Ленин ордени тақилган лейтенант Горшков гитарада қандайдир маъюс куйни чалмоқда.

Самоварнинг ўтнин пуфлаётган Ерофеев тўнгиллайди:

— Нега энди, одамнинг юрагини мунча эзасан?.. Не бўлди, ўзи?..

Горшков унга қараб, «Машаю мен самоварнинг қошидамиз» куйини чалиб юборади.

— Вой, маҳмадана-ей,— дейди Ерофеев.

Очиқ дераза ёнида Млинский, Хват ва Алиев ўтиришибди. Горшковнинг қўшиқлари, унинг Ерофеевга: «Сенинг кўнглингни топиш қийин ўзи, қария...»— деганлари қоровулхонадагиларга яхши эшитилиб туради.

Алиев Млинскийдан сўрайди:

— Нега сен бирга боришимизни истамайсан?

— Бунинг ҳеч бир зарурияти йўқ, Ҳасан,— жавоб беради Млинский.

— Шуям кун бўлдими — у ёқда ётишдан бошқани билмаган бўлсам, бу ерда эса қотиб ўтиравериш эканда?..

— Хафа бўлма,— уни тўхтатади Млинский.— Уруши тушмагур ҳали ҳаммамизгаям етиб ортади. Мен билан Горшков, Полищук бирга боришади...

— Ва мен,— дейди самовар кўтариб кирган Ерофеев.

— Бунақа юришларга энди сен қариб қолдинг, Ерофеич,— унга эътиroz қилади Хват.

Ерофеев осойишта дейди:

— Қари от ҳеч қачон эгатни бузганми,— шундай дея чиқиб кетади.

— Умуман гапида жон бор,— кутилмаганда рози бўлади Млинский.

Кеча сутдай ойдин бўлиб, шохлардаги япроқлар ялтиллаб, дараҳтларнинг ердаги соялари қорайиб кўринади. Соқчилар келаётган кишининг Ирина Петровна эканлигини таниб, кўтарилган миљтиқларини туширишади. Қайсиdir ертўладан украинча қўшиқлар эшитилиди, жангчилар хор бўлиб куйлашади...

Млинский кичкинагина кўзгуга қараб, соқолини олаётганида, қиз қоровулхонага кириб келади. Чаккасига совун суртилган, қўлида устара тутган Млинский Ирина Петровнага паришон боқади. Қиз кўйлаги устидан шинель ёпиниб олган. Иккаласи ҳам ҳижолатда.

— Рухсат қилинг, ўртоқ полковник?— сўрайди қиз ва ўзининг расмиятчилик қилганидан жаҳли чиқади.— Бемаврид келдим, шекилли...

— Марҳамат, кираверинг.— Млинский сочиқ билан чеккасидаги совунни артиб, ўрнидан туради.— Қейинроқ ўзим ҳам хайрлашгани олдингизга кирмоқчи бўлиб турувдим...

— Иван Петрович,— дейди қиз, лекин шу пайт қоровулхонага Ерофеев кириб қолгач, у индамайди, Ерофеев иккита автоматни деворга суюб қўяди-да, одати бўйича, тўнғиллаб, дейди:

— Мана, тозалаб ҳам қўйдим,— ўзини тўхтатолмай, қўшиб қўяди:— Тезроқ қирина қолсангиз бўларди, бўлмаса яна йигирма марталаб сув қайнатиш осонми...

— Майли.— Млинский унга бош ирғайди.— Боравер, Ерофеич.

Ерофеев шинелини олиб, чиқиб кетади.

Млинский чаккасини силайди.

— Ростдан ҳам, тугатиб қўяй. Кўринишгаям хунук: бир ёқ теп-текису...

— Олаверинг,— дейди Ирина Петровна ва ташқаридан тўсиқ билан ёпиб қўйилган дераза олдига ўтади, у орқасига қарамай, секин дейди:— Мен сизни севаман, Иван Петрович.

Млинскийнинг чаккасини кесиб олишига сал қолади... У устарани қўйиб, соқоли олинмаган чаккасидаги совунни яна артиб ташлайди.

— Яххиси, сиз ҳеч нарса деманг, мен ҳозир чиқиб кетаман.— дейди Ирина Петровна ва бурилиб, эшикка юради.

— Шошмай тур,— дейди Млинский.

Қиз эшик ёнида тўхтаб, жимгина Иван Петровичга боқади.

— Тўхтаб тур, Ирина...— У қизнинг ёнига бориб, кўзларига тикилиб, дейди:— Келишимни кутгин...

— Мен сизни кутаман, Иван Петрович. Албатта, кутаман...

Отлар қалин ўсиб ётган чакалакзор орасидан аранг ўтиб боришмоқда. Кетаётганлар тўрт киши. Олдинда — Горшков боради, унинг изидан — Млинский, кейин — Ерофеев, охирида — Сашка Полишчук.

Кутилмаган чақириқ уларни тизгинни тортишга мажбур қиласди.

— Тўхта! Келаётган — ким?

— Полковник Млинский!

Буталар ортидан Новчанинг отрядига мансуб икки киши чиқади. Уларнинг орқасидан — Алик.

— Салом, бизлар сизни кутаётгандик, ўртоқ полковник,— илжайиб дейди Алик.

«Ватан учун!» отрядининг штаби ўрмончининг уйида жойлашган. Новча Млинскийни уйнинг ёнида кутиб олади.

Алик уларни таништиради:

— Отряд командири Новча.. Полковник Млинский.

Улар олдин честь қилишиб, бир-бирларининг қўлларини қисиб қўйишаркан, ўзаро кўз уриштириб олишади.

Новча енгил нафас олиб, қувониб илжаяди.

— Учрашганимиздан ғоят мамнунман, ўртоқ полковник. Ҳар ҳолда йўлдан келяпсизлар, шунинг учун олдин овқатланиб олиб, сўнгра ишга киришишни таклиф қиласман. Алоқачингиз билан старшинангизни алоҳида ўтиргизишиади. Майлими?

— Мен розиман,— жавоб беради Млинский ва Полищукка имо билан бўйсуниши буюради.

Кенг хонадаги ясатилган стол теварагида бир неча киши ўтиришибди. Млинский, Новча ва Горшков кириб келишганида, улар ўринларидан туришади. Манзара ғоят бошқача: стол усти озиқ-овқатларга тўла, бир шиша Москва ароғи ва қўйқароқ самогон тўлдирилган графин турибди, стол атрофидаги партизан командирлари эса турли қуроллар осиб олишган, биттаси ҳатто пулемётнинг лентасини кўкрагига қўндаланг қилиб ташлаб олган.

— Лейтенант Григорьев билан таниш бўлсангиз керак, ўртоқ полковник,— дейди Новча.

Занге очиқчасига илжайиб, Млинскийнинг қўлини қисиб қўяди.

Новча пулемёт лентаси тақиб олган барзангини таниширади:

— Биринчи ротанинг командири Колосов,— сўнг бошқаларни,— иккинчи ротанинг командири Рукосуев, отряд комиссари Амелин ва ўртоқ Шмиль.

— Охрим?— танийди уни Млинский.— Салом...

— Сизни яна соғ-саломат ва бешикаст кўриб турганимдан хурсандман, ўртоқ полковник,— дейди Охрим.

— Қандай қилиб, бу ердасиз?

— Бунинг тарихи узун,— жилмаяди Охрим.— Умуман, партизанлик ҳаракати штабининг топшириғи бўйича.

— Балли,— бош иргайди Млинский ва бошқаларга мурожаат қилади:— Нима, ҳалиям қаққайиб турибмиз, ўртоқ командирлар, ўтиришингизни сўрайман...

Унга столнинг марказидан, Занге билан Новчанинг ўртасидан жой кўрсатишади. Млинскийдан кейин ҳамма билан сўрашиб чиққан Горшковни пулемёт ленталари таққан Колосов билан Амелиннинг ўртасига ўтқазишади. Ҳамма жой-жойига ўтириб, Рукосуев стаканларга ароқ тўлдириб бўлганидан кейин Новча ўрнидан туради.

— Биринчи қадаҳни кўпдан бери кутган меҳмонимиз, машҳур ўртоқ Млинский учун кўтаришларингизни сўрайман. Сизнинг саломатлигингиз учун, ўртоқ полковник!

Млинский қўли етган кишилар билан стаканини уришириб, уни столга қўяди. Новча ҳайрон бўлиб, сўрайди:

— Ўзингизнинг саломатлигингиз учун кўтаришга қаршимисиз?

— Мен ичмайман,— қисқа жавоб беради Млинский.

— Бизларни хафа қилияпсиз, ўртоқ полковник,— дейди Новча.

Занге қўшиб қўяди:

— Бу русчасига бўлмади.

Млинский унга қараб кулимсирайди-да, жавоб беради:

— Хафа бўлманг, ўртоқлар, мен ичмайман ўзи.

— Сиз ғалаба учун ҳам олмайсизми?— сўрайди ундан Колосов.

— Русларда шундай мақол бор: ишингни қилу, қандингни ур. Қачонки душманни тор-мор этиб бўлсак, ўшанда ғалаба учун олсак ярашади. Ҳозир эса вақтимиз зиқроқ.— Млинский жиддий тус олиб, давом этади:— Мен сизлар билан гоят муҳим аҳамиятга эга бўлган баъзи масалаларни чинакамига ҳушёр пайтда

гаплашиб олмоқчийдим.— У шундай деб, планшетдан харитани чиқаради.

— Бу бошқа гап,— дейди Новча ва қўлини бир силтаб, идишларни стол четига суриб қўяди.

Ҳамманинг ичида биргина Горшков, ҳеч нарсага парво қилмай, овқатни туширади... Қолганлар зўр диққат билан Млинскийни тинглашади.

Харитани ҳаммага кўринадиган қилиб ёяркан, Млинский Охрим билан кўз уриштириб олади. Улар гўё алланияма ҳақида бир-бирини огоҳлантиришмоқчи, бироқ сукут сақлашга мажбур.

— Мен бўлғуси ҳужум майдонида ҳаракат қилувчи ҳар бир отряд учун аниқ вазифа қўйиш тўғрисида буйруқ олганман,— дейди Млинский.— Сизга, ўртоқлар, ҳужум арафасида қўпорувчи группаларнинг зарбаси билан жанубга кетадиган йўлни бекитиш топширилган.— У харитадан йўлни кўрсатади.— Ҳозир биз сизнинг имкониятларингизни ва кўприкларни ҳамда темир йўл изларини портлатишга тайёрлик даражасини муҳокама қиласмиз...

— Кечирасиз, ўртоқ полковник,— сўрайди Занге,— биз жанубга кетадиган йўлни бекитишими? Керакми? Бу шунчалик зарурми...

— Албатта,— унинг гапини бўлади Млинский,— иложи борича ҳар иккала йўналишдаги ҳаракатниям тўхтатиш керак ўзи, бироқ сизларнинг асосий вазифагиз — қўшинлар солинган эшелонларни жанубга ўтказ-маслик. Сизлар бу стратегик магистралга бошқаларга қараганда яқинроқсизлар. Портловчи моддаларни ва қўпорувчи-мутахассисларни менинг отрядидан оласизлар...

— Ҳар бир солдат ўзининг ҳаракатини тушуниб етмоғи керак, деб айтган эди Суворов,— дейди Занге.— Биз асосий воқеалар фронтнинг марказий участкасида бўлса керак, деб ўйлагандик. Демак, бизнинг отрядимизга иккинчи даражали топшириқ беришган...

— Сизни ишонтириб айтаманки,— жавоб беради Млинский,— сизларга топширилган ишга фронт штабида алоҳида аҳамият берилмоқда. Менимча, асосий воқеалар худди мана шу жануб томонда бўлиб ўтади, чунки марказда душман биз учун қопқон ҳозирлаб қўйган...

Новча билан Занге бир-бирига қараб қўйишади.

Уйчага сохта партизан кириб, Зангенинг чиқиб кетишини сўрайди.

Адъютант майор Крюгер қўмондоннинг кабинетига бевақт кириб келади: фон Хорн кителини ечиб, кўйлагининг енгини шимариб турибди. Унинг ёнида шприц ушлаган врач.

— Нима гап, Крюгер?— зарда билан сўрайди фон Хорн.

— Узр, жаноби қўмондон, бригаденфюрер Вольф зудлик билан қабул қилишингизни сўраяпти.

— Кўриб турибсиз-ку, Крюгер...

— Мен унга айтдим, бироқ бригаденфюрер жудаям зарур бир гап бор, деяпти.

Фон Хорн врачга тезроқ укол қилишга ишора беради ва буришган териси остига игна санчилганида, оғриқдан афтини буриштириб, дейди:

— Майли, кирсин. Разведка бошқармасининг бошлигини ҳам бу ёққа чақиринг.

— Хўп бўлади, жаноби қўмондон!

Крюгер эшикдан чиқиши билан Вольф кириб келади.

— Хайль Гитлер!

— Хайль,— бўшашибгина жавоб беради фон Хорн, кўйлагининг енгини тушираркан.

Врач ускуналарини шоша-пиша йиғади-да, лип этиб чиқиб кетади.

— Қопқонимиз иш берди, жаноби қўмондон!— тантана билан дейди Вольф.

— Нима бўлди? — қарэйди унга фон Хорн.

— Полковник Млинский бизнинг қўлимизда.

— Полковник, дейсизми?

— Худди шундай. У яқиндан бери полковник. Ҳозир эса — Кляйннинг отрядида ўтирибди.

— Табриклайман, сиз унга тузоқ ташлаб юргунингизча полковник бўлиб ҳам улгурибди. Марҳамат, Қемие, — у эшикда пайдо бўлган пенсне таққан ёш генерални таклиф қиласди ва яна Вольфга мурожаат этади: — Биздаям айтишга арзирли янгиликлар бор... Мана, бир кўриб қўйинг-чи. — У Кемпенинг қўлидаги папкани олиб, очади.

Булар техника, одамлар ва ёнилғи юкланган эшелонларнинг, сафардаги ҳарбий бўлинмаларнинг, танклар ва автоколонналарнинг суратлари, ҳаво разведкасининг юқоридан олган фотосуратлари.

— Разведканинг маълумотига кўра, — давом этади фон Хорн, — руслар қўшинларини кўчириб, бизнинг фронтнинг жанубий қанотида тўплаб, биқинимиздан зарба беришга тайёргарлик кўрмоқдалар.

— Энг сўнгги маълумотларга қараганда эса, — Вольфга такаббурлик билан назар ташлаб, қўшиб қўяди Қемпе, — улар қайта группалаштиришни якунламоқдалар, ҳужумни шу кунми-эртами кутавериш мумкин.

— Бу нима деган гап, Вольф? — сўрайди ундан фон Хорн. — Агар бу маълумотлар ҳақиқат бўлса, унда, демак, «Бисмарк» плани ҳақиқати ёлғон хабаримиз чипакка чиқибди-да, СДнинг «Б» зонасидан биттаям совет разведкачиси омон чиқмади, деган гапи фирт ёлғон экан-да!. Энг ёмони эса, менинг ҳеч бирига ишонгим келмаяпти...

Вольф илжайиб қўяди.

— Жаноби қўмондон, тақдирнинг ўзи Млинскийни бизга нақ пайтида етказди. Зангенинг ҳозиргина берган хабарига қараганда, Млинский Кляйннинг отрядига

бизнинг резервларимизни жанубга ташлашимизга ха-
лақит бериш тўғрисидаги буйруқ олиб келибди.

— Жанубга? Шунга ишончингиз комилми, Вольф?

— Ундан ташқари,— дейди Вольф, ўзининг кўп нар-
садан хабари борлиги билан Қемпенинг олдидан мак-
таниб қўйиш учун,— Млинский Кляйн билан ўзаро
суҳбати чоғида асосий воқеалар худди жанубда содир
бўлса керак, депти.

— Вольф!— Фон Хорн кителининг сўнгги тугмасини
илдиаркан, дейди:— Бу ниҳоят муҳим гап! Ҳозир ило-
жи борича янглишмаслик кераклигига фаҳмингиз етяп-
тими?..— У фотосуратлар солинган папкани олдига
тортади.— Бунақангти омадга ишонгинг ҳам келмайди...

— Кўриб турибсизки, уринишларимиз бекор кетмаб-
ди,— дейди илжайиб Вольф. Кляйннинг отрядига
Млинскийнинг шахсан ўзининг келиши ҳар қандай гу-
монсирашни йўққа чиқаради. Жаноби қўмондон, рус-
лар асосий зарбани жанубда тайёрлашмоқда...

— Шошмай туринг. Ҳаммасини яхшилаб ўйлаб чи-
қиш керак.— Фон Хорн Қемпега қарайди:— Қани, сиз-
нинг маълумотларингизни яна бир бор кўриб чиқайлик-
чи, Қемпе... Хўп, майли, биз уларнинг қаердан ҳужум
қилмоқчилигини билиб олдик, ҳам дейлик, бироқ бу
ҳужумнинг қачон бўлиши номаълум...

Хонага Новча отрядининг жангчиси кириб, Млинс-
кийга қараб, дейди:

— Ўртоқ полковник! Лейтенант Григорьев олдинги
заставаларнинг лагеримизга жазоловчи қисмлари яқин-
лашиб келаётгани ҳақидаги хабарни сизга айтиб қў-
йишни буюради.

Новча дик этиб ўрнидан туради.

— Фармойиш беришга рухсат этинг, ўртоқ полков-
ник.— Млинский бош иргагач, давом этади:— Колосов
ва Рукосуев! Роталарингизни дарҳол оёққа турғизинг-
да, мудофаа чизифига олиб чиқинг.

Млинский дейди:

- Менимча, сизлар ҳозир жанг бошламасликларингиз керак. Фронт штаби томонидан қўйилган вазифани бажаришга киришинг. Йўлни ўраб олиш тўғрисида сигнал берилишига оз вақт қолди, бор-йўғи бир-икки кун...
- Биз фақат эҳтиёт чораларинигина кўриб қўяшимиз,— унга жавоб беради Новча.

Фон Хорннинг кабинетида ўтирган Вольф телефон трубласини қўяди.

— Русларнинг ҳужум бошлагунича, ихтиёrimизда ҳали икки кун бор,— дейди у қўмондонга.

Фон Хорн миқ этмайди.

— Жаноби қўмондон.— дейди эҳтиётлик билан Қемпе,— қўшинларимизнинг жанубга кўчирилишини янайм орқага суравериш бўлмас...

Фон Хорн ориқ қўлини фотосуратлар солинган папкага қўйиб, секин дейди:

— З-танк армиясини «Б» зонасидан олиб чиқиб, жанубий участкага йўллаштириб юраман... Уларни эшелонларга ортиш бугун соат ўн олтидан кечиктирилмай бошлиансин...

Занге рация ёнида. У кириб келган Кляйнни кўриб, наушникларни қулоғидан олади-да, сурайди:

— Полковнингингиз қалайлар?

— Бир оз асабийлашяптию, бироқ, ҳозирча ҳеч нарсадан хабари йўқ, шекилли...

— У ёқдагилар эса,— дейди Занге рацияга имо қилиб,— уни нима қилишни ҳал қилолмай ҳайрон.

— Вольф эман япроғи қистирилган темир крест олни имконини қўлдан бой бермас-ов,— тиржаяди. Кляйн.

Стол ёнида ўтирган фон Хорн қўлларини орқасига чалиштирганча, хонада у ёқдан бу ёққа юрган Вольфни жимгина кузатади.

— Млинскийни зудлик билан бу ерга келтириб, сўроқ қилишимиз керак, жаноби қўмондон. Шундай имкониятни қўлга киритиб...

Телефон жиринглайди. Фон Хорн трубкани кўтарида.

— Эшитаман... Хўш. Ташаккур, генерал. Дарҳол навбатдагисини юклашни бошланг...— У телефон трубкасини қўйиб, юмшоққина дейди:— Вольф, Млинскийнинг одамлари бизнинг қўлимизда бўлишди-ку. Ҳатто руҳоний чолдан ҳам бир оғиз нарса эшитолмадингиз. Млинскийнинг ҳам худди шундай қилмаслигига ким кафиллик беради? Унинг тажрибали разведкачи ва жасур солдат эканлигини эсингиздан чиқарманг.

Вольф «миқ» этмайди, фон Хорн гапида давом этади:

— Сиздаги шунча вақтдан бери жонимизни халқумимизга келтириб юрган кишига нисбатан жўш урган нафрятни мен яхши тушунаман, бироқ ҳозир қўйиб туринг ўша иблисдан тарқаганни! Ҳозир бизнинг ғалабамизнинг тақдиди ҳал бўлмоқда!— У ўрнидан туриб, кабинетнинг тўрига юради.— Штурмбанфюрер Зангенинг отрядини фош қилиб қўясиз... Млинскийнинг йўқолиб қолгани маълум бўлса, резервларимизни кўчириш ишини чиппакка чиқиришади... Шунда, нимани ютган бўламиз? Ишончим комилки, у биздан қочиб қутуломайди... Энди эса Зангенинг бор диққат-эътиборини йўлга қаратиш лозим. Қолган қисқа муддатда фақат унинг отрядигина хавфсизликни таъминлай олади. Танк армиясининг дастлабки эшелони ўн беш минут аввал йўлга чиқди...

«Ватан учун!» отрядининг лагери. Ялангликда «партизан»ларнинг ротаси чаққонлик билан сафга тизилади.

Дозорчилар эгарга сакраб, отларини учирганча, ўрмонга кириб, ғойиб бўлишади. Отряднинг штаби жойлашган уйча атрофида автоматчилар отрядлари жуфт-жуфт бўлиб, у ёқдан бу ёқа ўтиб туришади. Ерофеев от устидан нарсалари солинган халтани ва ёпингиични олиб, елкасига ўнгаради. Полишчук отининг олдига келади. Унга Ерофеев шундай деб мурожаат қиласди:

— Сашка, менинг кетар вақтим бўлди, қарашвор.

Полишчук унинг елкасидаги оғир халтани тўғрилаб қўяркан, дейди:

— Омон бўл, Ерофеич!

Ялангликда рота командирининг овози жаранглайди:

— Рота, сафлан, смирино!

Полишчук қари солдатнинг орқасидан қичқириб қолади:

— Ерофеич, кўзингга қараб юргин!

— Сен ҳам оғзингни очиб ўтираверма, Сашка.— Ерофеев шундай деб, уйча томон юради.

Штабнинг деразасидан ҳовлида нима бўлаётганини диққат билан кузатиб турган Млинский уйча томонга келаётган Кляйнни кўриб, дераза олдидан нари кетади.

Штабга Кляйн ва Занге-Григорьев кириб келишади. Кляйн Млинскийга қараб, дейди:

— Тревога ёлғон бўлиб чиқди, ўртоқ полковник, бироқ шамол бўлмаса, дарахтнинг учи қимирламайди. Шунинг учун лейтенант Григорьев отряд билан йўл томонга кетади, мен эса одамларим билан сизни «Россия» отрядининг заставасигача кузатиб қўяман. Эҳтиёт бўлганини тангри ўзи асрайди.

Занге қўлинни фуражкасига тираб, Кляйн-Новчага доклад қиласди:

— Ўртоқ командир, ҳаммаси жойида, йўлга тушишга рухсат этинг!

— Бораверинг.

Занге эшик томонга кескин бурилиб, у ерда турғаň Млинскийга қараб, дейди:

— Кўришгунча хайр, ўртоқ полковник. Тез орада кўришармиз, деб умид қиласман.

Млинский жавоб беради:

— Омадингизни берсин. Старшина Полишчук сизни йўлга кузатиб боради.

Занге қўлини фуражкасининг козирёгига тираб, кўзларини қисади ва Млинскийга заҳархандали қараб, «Раҳмат» деб қўяди. Шундай деб ҳовлига чиқиб кетади. У саф тортган отряднинг қошига бориб, команда беради:

— Чапга, шагом марш!

Отряд Зангенинг командасига бўйсуниб, лагердан чиқа бошлайди.

Кляйн Млинскийга дейди:

— Менга чиқишимиз олдидан сўнгги фармойишлар беришга рухсат этинг, ўртоқ полковник.

— Марҳамат, бемалол.

Кляйн чиқиб кетади.

Уй ичиди Млинский ва разведкачилар ўзлари қолишигач, Охрим Шмиль Млинскийга дейди:

— Иван Петрович, ҳозиргина рация орқали сизни қўлга олишиб, Вольфга етказиш ҳақида буйруқ олишибди.

Стол ёнида ўтирган Горшков ўрнидан сакраб туриб, қуролини олади. Млинский унга қараб, жиддий гапиради:

— Лёня, шошма! Демак, муз ўрнидан кўчди.

Шу пайт штабга автомат кўтарган Амелин кириб келади-да, Горшковга карта ўйнашни таклиф қиласми.

Горшков Амелинга жавоб бермай, хиргойи бошлайди:

— «Эҳ сен Галя! Дилбаргина Галя!..»

— Ўйнаймизми, ахир? ...— қайтариб сўрайди Амелин.

— Қани, суз,— эринибгина дейди Горшков.

Бригаденфюрер Вольф рация ёнида шифровкачиға ўзи ўқиб туради:

«— Штурмбанфюрер Зангега. Шошилинч. Отрядни дарҳол Млинский кўрсатган йўл томонга олиб боринг. Полковникни ва унинг одамларини гўё уларнинг хавф-сизлигини таъминлаётгандай қилиб, ишончли соқчилар қаровида... ҳеч кимга билдиrmай...»

Занге Кляйнга шифровкани ўқийди:

— ...«ҳеч кимга» таъкидлаб кўрсатилган... «отряд базасига етказилсин. Фавқулодда воқеа содир бўлса ёки қочишга уринмоқчи бўлишса, йўқ қилинсин. Вольф».

Кляйн диккайиб, пошналарини тақиллатади.

— Менга полковник Млинскийни элтиб қўйишга рух-кат этинг.

— Боринг, гауптштурмфюрер! Охрим Шмилни олиб кетинг, Вольф уни Млинскийга қарши қайраб қўйган...

Бондаренко, Хват ва темир йўлни дурбиндан кузатётган Алиев ўрмон этагида ётишибди. Отряд жангчилари ўрмоннинг чети бўйлаб эгаллаган позицияларини ниқоблаб олишган.

Бурилишда устига брезент ёпилган танклар юклangan очиқ платформалар составини судраган паровоз кўринади. Составнинг бошидаги платформага шпаллар ортилган, охиргисига эса зенит пулемётлари ўрнатилган.

Алиев дурбинни тушириб, дейди:

— Иккинчи эшелоннинг ўтиши...

Хват соатига қараб қўяди.

— Ўн саккизу ўтизда...— У блокнотига қайд қилиди.

Дурбинга қараб ётган Бондаренкога алам қилиб кетади:

— Эҳ, бир бопласайдик!.. Шундай бурнинг остида-я!

— Демак, бошлиқлар каттароқ мақсадни кўзлашган,— дейди унга Алиев жилмайганча.— Эшелонларга тегмасликни буюришган.

Хват блокнотига узундан узоқ рақамлар устунини ёзиб бўлгач, дейди:

— Новча саркардаларининг келадиган вақтиям бўп қолди.

Ёнгоқзорнинг ортидаги кузатув пунктида ётган Бейсамбоев, Лукъянов ва сержант Николай йўлни диққат билан кузатишмоқда. Занге бошчилигидаги отряднинг келаётгани кўринади.

Бейсамбоев Лукъяновга қарайди, иккаласи ҳам түришиб, ўрмон ичига кириб кетишади. Кузатув пунктида — сержант Николай.

Бейсамбоев Лукъяновга йўлларни ўраб олиш ҳақида кўрсатма беришни топширади.

— Есть!— жавоб беради Лукъянов ва ялангликда ётган қизил армиячилар тарафга кетади.

Бейсамбоев дала телефонининг дастасини кўтариб, Млинский отрядининг штабини чақиради-да, доклад қиласди:

— Новчанинг отряди лагердан чиқди.

Комиссар Алиев сакраб туриб, олинган телефоно-граммани ўқийди-да, Ирина Петровнанинг қошида турган Хватнинг олдига боради. Хват ундан сўрайди:

— Янгилик борми?

— Ҳа, бор. Новчанинг отряди ўрмондан чиқибди.

Хват ўрнидан туриб, қатъий дейди:

— Ундей бўлса, энди полковникнинг буйруғини бажаришни бошлаймиз, одамларни тўплаш керак.

Алиев. Бўпти, Виктор Сергеевич.

Ирина Петровна Хватга қараб, дейди:

— Иван Петровичдан ҳеч хабар йўқми?

— Ҳозирча йўқ. Ҳориган кўринасиз, дам олсангиз бўларди, доктор. Тунда жанг бўлиши мумкин.

«Ватан учун!» отрядининг штабидаги хонада Млинский у ёқдан бу ёққа юрганича, вужудга келган вазияти ўйлаб, бош қотиради. Амелин билан карта суроётган Горшков хиргойи қилади: «Эҳ, сен Галя! Дилбаргина Галя!..»

Лагерь бўйлаб штаб томонга Алик ва Кляйн-Новча келишмоқда. Асабий Кляйн Аликка сўнгги кўрсатмалар беради.

Млинский уларни деразадан кўриб, ўз разведкачилари томонга бурилади ва уларга қўли билан ишора қилиб қўяди. Шмиль Ерофеев билан кўз уриштириб олади. Горшков карта ўйнашда давом этаркан, хиргойисини тўхтатмасдан наригилар билан кўз уриштиради.

Млинский дераза олдидан хонанинг тўрига ўтади. Шмиль ўрнидан туради. Қолганлар ўринларидан жилишмайди. Штабга Алик билан Кляйн киришади.

Горшков, «Эҳ, сен Галя, дилбаргина Галя!» дея хиргойи қилишда давом этади.

Кляйн Млинскийнинг юзига тикилиб, дейди:

— Ўртоқ полковник, йўлга тушишимиз мумкин.

Худди шу пайт Горшков пистолетини чиқариб, у.билин Амелиннинг калласига тушираркан, сўкинади:

— Нима, тирриқлик қиласан, газанда?

Шмиль Аликнинг бўйнига кафти билан солади. У қўлларини ёйганча, полга гурсиллаб ағанайди.

Ерофеев пистолетини Кляйнга тўғрилайди.

— Қўлингни кўтар!

Саросимага тушган Кляйн қўлларини кўтаради. Млинский уни қуролсизлантиради. Кляйн қўлларини туширмоқчи бўлади-ю, бироқ Ерофеев пистолети билан унинг кўкрагига нуқийди ва «Қўлларингни!» дея ўда-

райтайди. Кляйн қўлларини боши устига баланд кўтапркан, сўрайди:

— Бу нима гап, ўртоқ полковник?

Ерофеев. Жим!

Млинский пистолети билан фуражкасини тўғрилаб, сўнгра уни Кляйнга тўғрилайди-да, қатъий овоз билан дейди:

— Ҳозир сиз бўсафага чиқасиз. Новча, ҳамда ўзингизнинг одамларингизга бизларни сиз ва Шмиль кузатиб қўяжагингизни айтасиз.

— Мабодо бош тортсам, нима қилмоқчисиз?

— Нақ абжағингни чиқараман, қанжиқ! — унга қараб бақиради Ерофеев.

Кляйннинг афти башараси бужмайиб кетади. Уни қалтироқ тутади, лекин тезда ўзини ўнглаб олади ва Шмилинг кузатувида эшикка чиқади.

Млинскийни кузатиш учун ажратилган бўлинманинг «партизан»лари бўсафасига чиққан Кляйн билан унинг орқасидаги Охрим Шмилни кўришиб, дарров шу томонга бурилишади. Кляйн бўғиқ овоз билан қичқиради:

— Отставить! Полковник билан бизлар икковимиз — мен ва Шмиль борамиз, холос.

Кляйн сафлаган взвод тарқайди. Солдатларнинг баъзилари гап отиб қўйишади. Айримлари аниқ эшитилади:

— Нима, у бизни танимай қолдими. Командалариям ўзгариб, полковникнинг олдида лаганбардорлик қиляпти.

Кляйн билан Шмиль штабга қайтиб киришади. Млинский дераза олдига боради. Кляйн унга яқинроқ ўтириб, гап бошлайди:

— Хўш, энди-чи, бу ёғи нима бўлади? Ўйлайманки, сиз ўз-ўзингизни ўлдирмассиз, полковник? Менинг одамларим ҳаш-паш дегунча бу уччанинг кулини кўкка соvuради. Яхиси, бу томошани бўлди қилинг. Шундай

қилсангиз, менинг чин солдатлик сўзим — ҳаётингизни асраб қолишга кафиллик бераман.

Млинский унга жиддий тикилади.

— Мен эса сизга ҳеч нарсага кафиллик бермайман, гауптштурмфюрер Кляйн! Ўрнингиздан туринг! Бу сенга чурвақалар билан уришиш эмас, ҳайвон!

Алик ўрнидан туриб, Шмилнинг қорнига қаттиқ тепиб, уни четга итариб юборади. Млинский унга ташланиди-ю, бироқ Алик деразадан сакрашга улгуради.

Млинский билан Горшков Аликка қараб ўқ узади.

Ерофеев автоматнинг қўндоғи билан уриб, Кляйнни йиқитади ва боғлаб ташлайди.

Шмиль штабдан югуриб чиқади. Млинский унинг кетидан қичқиради:

— Охрим, рацияга боринг! Биз паналаб турамиз!..— У Горшковга қараб, команда беради: — Лёня, қани бўла қол!— Узи эса зўр бериб автоматнинг тепкисини босади.

Ўзига келган Амелин бир амаллаб штабдан чиқиб кетишга муваффақ бўлади. Шмиль рация жойлашган алоқа узелига бориб олади.

Алик билан Рукосуев штабнинг деразаларига қараб автоматдан қисқа-қисқа ўқлар уза бошлайди. Алик бирдан қичқириб юборади:

— Тезроқ, рацияга чопинг, рацияга!

Улар иккаласи Горшков билан Ерофеевнинг ўқларидан қарағайларнинг орқасига ўтиб, паналаганча, Шмилнинг изидан кетишади.

Қизишиб кетган Шмиль алоқа узели хонасига югуриб киради-да, рацияга ҳамда унинг олдида ўтирган радиостларга қараб тариллатиб ўқ узади. Чопиб кирган Алик ва Рукосуев Шмилни ўлдиришади.

Штаб яқинидаги қозиқларда отлар боғланган. Уларни кўрган Млинский Горшковга дейди:

— Отларнинг ёнига бориб ол, биз Ерофеич иккала-
миз сени паналаб турамиз.

Полда боғлиқ ётган Кляйн унга жаҳл билан қараб
қўяди.

Ерофеев Млинскийга бир неча граната узатади.

Горшков эҳтиёт бўлиб, эшикни очади. Бироқ, авто-
мат ўқлари эшикни илма-тешик қилиб юборади. Горш-
ков эшикни куч билан итариб, ёпади-да, деразадан ҳу-
жумга ўтган сохта партизанларга қараб ота бошлайди.
Млинский уларга граната ирғитади. Унга Ерофеев яна
бир шода граната беради:

— Манавини ол, Иван Петрович,— сенинг ҳиссанг,—
у Горшковга қарайди.— Қани, Горшок, бир кўргин-чи.
Биз ҳам — сенинг орқангдан.

Горшков эшик олдига эмаклаб боради-да, яна уни
очишга уринади. Сохта партизанлар тағиғ ўқ ёғдири-
шади. Млинский бир зумдаёқ вазиятни чамалайди.

— Лёня, орқага! Эшикни тўс!

Горшков билан Ерофеев дарров скамейка ва стол-
ни суриб, уларни эшикка тирашади.

Қозиклар ёнида ваҳимага тушган отлар ўзларини
ҳар ёққа уришади.

Сохта партизанлар гоҳ ётиб, гоҳ сакраб туришгани-
ча, отишни тиндиримасдан, штабга яқинлаша бошлайди.
Млинский, Горшков ва Ерофеев бирга деразалардан
туриб ўқ узишади. Млинский танкка қарши гранатани
ирғитади. Граната гумбурлаб портлайди. Унинг изидан
Горшков билан Ерофеев ҳам немисларга қаратса грана-
талар отишади.

Алик отиб юрганча, Рукосуевнинг олдига келади.

— Мени паналаб тургин, отларнинг ёнига бориб
олай. Зангега хабар қилиш керак.

— Тезроқ бўла қол,— дейди унга Рукосуев ва Коло-
сов ҳамда бир гуруҳ немис солдатлари билан бирга
уйча томонга ўқ отганча, Аликни паналашади.

Алик даҳаҳт ортига яширийнча, орқаға — бўлар төмона га эмаклайди-да, отларнинг бирини бўшатиб, эгарга сакрайди. Штабдагилар Аликка қараб ўқ узишади. От устидаги Алик ўзини ҳар томонга ташлаганича, ўқдан паналаб, ўрмонга кириб, ғойиб бўлади.

Млинский билан Горшков дераза олдидағи ўринларини алмаштирадилар. Яқинлашиб келаётган душманларни кўрган Млинский Горшковга қичқиради:

— Қани, Лёня, тепага чиқиб олгин-чи!

— Есть! — унга жавоб беради Горшков ва қўл пулемёти ҳамда гранаталарни олиб, томга чиқади.

Дараҳт орқасига яшириниб турган Рукосуев бақиради:

— Ҳей, қани, таслим бўлинглар-чи, бўлмаса тириклий ёқиб юборамиз!

Ерофеев деразадан немисларга граната отаркан, қўрслик билан жавоб қиласди:

— Қани, этакларингни тут-чи!..

Бир неча бостириб келаётган солдатлар жонсиз, йиқилиб тушишади. Ярадор бўлганлари орқага қараб эмаклашади, ҳали оёғида турганлари эса жон-жаҳди билан ҳужумга ўтишади.

Млинский бир деразадан бошқасининг олдига чопганча, отиб туради. Ерофеев ҳам тез-тез жойини ўзгартириб, уни қўллайди. Томдаги Горшков пулемётни тиндирамай тариллатади. Сохта партизанларнинг ҳужуми бир неча дақиқага сусайиб қолади. Бироқ улар қайта тўпланишиб олишгач, Рукосуевнинг раҳбарлиги остида янада жаҳд билан ҳужум бошлишади.

Рукосуев штабнинг томига қараб ёндирувчи ўқлар отади. Томда худди Горшковнинг ёнида аланга кўтарилади. Чердак ёна бошлайди. Тутун... куюк иси... Нафас олиш қийинлашади... Ўқлар деворни, эшикни илма-тешик қиласди... Дайди бир ўқ Кляйни тинчитади. Млинский билан Ерофеев гранаталар ирғитишади...

Горшков тутундан бўғилганча, томдан отишни давом эттиради...

Отда чопиб келаётган Аликнинг олдига сержант Мгеладзе югуриб чиқади.

— Тўхта! Тўхта, деяпман! Отиб ташлайман!

Алик қичқириққа эътибор бермай, отга қамчи уриб, янада тезроқ чопади. Мгеладзе билан Виктор отларга миниб, унинг изидаи қувишади.

— Тўхта!— Мгеладзе шундай деб қичқиради-да, автоматнинг тепкисини босади. Эгардан учиб кетган Алик отнинг ёнига йиқилади. У тезлик билан бир чеккага сурилиб, автоматни кўтариб, қизил армиячиларга қараб ўқ узади. Виктор отдан иргиб, Аликка ташланади ва у билан олишиб кетади. Старшина Лукъянов ва сержант Николай унга ёрдамга етиб келишади.

Лукъянов Аликнинг қўлларини маҳкам қайириб ташлайди.

— Қаёққа шошиляпсан, газанда? Полковник қани?

Алик ошкора нафрат билан жавоб беради:

— Полковник Млинскийингизни гум қилдик! Тамом!

Сохта партизанлар штабни доира қилиб ўраб олишган. Млинский билан Ерофеев ўқларини тежаброқ отишда ва граната иргитишда давом этишмоқда.

— Маҳкам бўл, солдат! — қичқиради Млинский.

Ерофеев унга жавобан:

— Отдайман, Иван Петрович! — дея қичқиради.

Чердак ўт ичида... Горшков қўл пулемётдан тарилатиб отиб туради.

Амелин билан Рукосуев штаб деразаларини мўлжалга олиб отишади.

Ҳалок бўлган Горшков пулемётдан қўлини узиб, томдан йиқилади.

Бир ўқ Млинскийнинг қўлини тешиб ўтади. У тишини тишига босиб, оғриққа чидаганча, гранаталар отади...

Совет солдатлари автоматлардан ўқ узиб, «ура» деб қичқиришганича, қўққисдан ўрмондан отилиб чиқишиади. Старшина Лукъянов бир сира отиш билан Рукосуевни ер тишлатади. Викторнинг мўлжалга олиб отган ўқидан дараҳтлар панасидаги Амелин ерга ағанайди. Сохта партизанлар худди оёғидан чалгандай, гурсиллаб йиқилишади. Лукъянов билан Викторнинг изидан бошқа Қизил Армиячилар чопиб келишади.

Яланглик узра русча «ура» овозлари янграйди.

Бейсамбоев бошчилигидаги совет солдатлари душманларни енгиб, штабга томон интилишади. Уларнинг олдида Лукъянов, Мгеладзе ва Виктор кўринади. Улар ўт ичидаги уй ёнига келиб, эшикни уриб синдиришади ва тутундан бўғила бошлаган Млинский билан Ерофеевни судраб чиқишиади.

Улар уй олдидағи ўтлоқда ёйилган плаш-палаткалар устига халос қилинган ўртоқларни ётқизишиади. Бейсамбоев ва Лукъянов Млинскийнинг қўлтиғидан олишган, Виктор билан Мгеладзе эса Ерофеевни ушлаб туришади. Бейсамбоев Млинскийнинг юзига диққат билан тикилиб, уни чақиради:

— Ўртоқ полковник, ўртоқ командир!

Млинский ёш сизиган кўзларини аранг очиб, аста, тутилиб, сўрайди:

— Бейсамбоев, бу сенмисан?

— Мен, менман, ўртоқ командир!

— Алиевнинг ишлари қалай?

Бейсанбоев унга жавоб беради:

— Рациядан хабар қилишиб — составлар йўлда.

Млинский билинار-билинмас жилмайиб, дейди:

— Демак, иш бошланди...

Темир йўл яқинидаги нишабликдаги яланглик эрталабки туман билан қопланган. Ундан қурол ушлаган Зангенинг одамлари чиқиб келишади. Улар бўлиниб-бў-

линиб ҳалқасимон бўлиб келишмоқда. Хват, Алиев, ва Бондаренконинг ротаси уларни кузатиб ётишибди. Зангенинг одамлари аста-секин яқинлашишади...

Занге ҳам бир оёғида тик турганича, уларни кузатади. Олдиндаги қатор отряднинг позициясига етиши билан, у пистолетини филофидан чиқариб, уни силкитганча, ўрнидан туради. Унинг пана жойларда бекиниб ётган солдатлари етиб келганларга қўшилиб олдинга ташланишади...

...Ялангликда Зангенинг сохта партизанлари отряди билан жанг бормоқда. Гранаталар гумбирлаб портлайди, пулемётларнинг «ду-ду-ду»си билан автоматларнинг тариллаши қулоқни қоматга келтиради. Душманнинг асосий зарба кучи ўрмондан темир йўлга чиқадиган жойни қўриқлаб ётган Бондаренконинг ротасига қаратилган. Бу ердагилар ҳатто қўйл жангига ҳам киришишган.

Бондаренко ўқи тугаган автоматни ташлаб, пистолетдан ўқ узади.

Ундан сал нарида Хват немисларни ўққа тутади.

Жанг ниҳоясига етади. Сохта партизанлар отряди тор-мор этилади. Полишчук Хватнинг олдига келиб, доклад қиласди:

— Ўртоқ майор, ўлган ва асир олинганиларнинг орасида Занге йўқ. Қочиб қолган кўринади.

Портлашдан ағанаб тушган қарағайнинг ўрнидаги ўрада ўтирган радиист қиз рациянинг наушникларини Алиевга узатади:

— Млинский, ўртоқ майор!

— Вой, садағанг кетай! — жилмаяди Алиев.

Ўқлар визиллаб, ўра четидаги қумни сачратиб юборади. Алиев наушникни маҳкам ушлаб, қум оқиб тушаётган деворга суюнади:

— Иван Петрович! — қичқиради у микрофонга.— Эшитяпман! Сени кутамиз, азиз!..— У шундай деб, шу ернинг ўзида бир жангчининг ярасини боғлаётган Ирина Петровнага қараб қулиб қўяди...

Генерал Кемпе фон Хорннинг кабинетига кириб келади. Вольф, Шварценберг ва устида кофедан бўшаган косачалар турган патнисни йифиштираётган Крюгер ҳам шу ерда.

— Жаноби қўмондон! — бўсарадан турибоқ гап бошлиайди Кемпе.— З-танк армиясининг қисмлари тўла-тўқис жанубга ўтказиб бўлинди.

— Яшанг, Кемпе,— ҳоргин жавоб беради фон Хорн.

Вольф стол олдига келади.

— Жаноби қўмондон, танк армиясини қўчириш пайтида йўлда ҳеч қандай ҳодиса содир бўлмаганини қайд этиб қўйишингизни сўрайман. Демак, полковник Млинскийнинг партизанлари штурмбанфюрер Занге томонидан ҳаракатсизлантириб қўйилган.

— Сизни табриклайман, Вольф,— дейди фон Хорн. У креслонинг суюнчиғига ўзини ташлаб, секин дейди:— Энди мени ҳоли қолдиришларингизни сўрайман, жаноблар. Руслар ҳужумининг бошланишига саноқли соатлар қолди...

Ёмғир шивалаб турибди. Шаҳарчанинг четидаги фронт штабига брезент билан ёпилган иккита «Виллис» ва автоматчи соқчилар қуршовидаги «Додж» келиб тўхтайди.

Машиналарнинг ҳаммаси балчиққа беланганд. Машинадан тушиб, штабга қараб юрган генераллар Ермо-

лаев, Елисеев, Садовников ва Свиридовларнинг этиклари ва ҳатто шинелларининг этаклари ҳам лой.

Ермолаевни бўсағадан фронт штабининг бошлиғи қарши олади.

— Сизни Ставка ВЧдан шошилинч чақиряпти, ўртоқ қўмондон,— дейди у.

Ермолаев тўппа-тўғри ўз кабинетидаги аппарат ёнинга ўтади.

— Генерал Ермолаев эшитади!.. Худди шундай, ўртоқ Сталин! Шахсан ўзим текширдим... Миннатдорман, ўртоқ Сталин!— У телефон дастасини оҳиста қўяркан, генералларга дейди:— Шундай қилиб, Ставка бошлагани буйруқ беряпти. Сизларни бу орзиқиб кутилган дақиқа билан қутлайман, ўртоқлар!

Оғир тўпларнинг стволлари аста-секин кўтарилади.
Қудратли гумбурлаш еру кўкни ларзага солади.

Оғир артиллерия ҳужумни бошлайди.

«Катюша» гвардия миномётлари душманга қараб уст-устига олов пуркайди.

Оғир юкли бомбардимончи самолётлар пастлаб учеб ўтишади.

Танклар бутазорлар ва майда-чуйда дараҳтларни синдирганча, ботқоқлик бўйлаб йўлга тушади, уларнинг орқасидан пиёдалар эргашади.

Совет қўшинларининг қудратли ҳужуми бошланаиди...

Млинский Алиевга қўлинни силкийди. У машинканинг дастасини товлаши билан — гумбурлаган портлаш паровозни изидан ағдариб юборади. Унинг орқасидан вагонлар уст-устига қалашиб, ағанай бошлайди...

Тор-мор этилган немис қисмлари чеки нганча, шаҳар қўчаларини тўлдириб ўтиб боради.

Уларнинг рўпарасидан енгил машина базўр олдинга ўтиб келмоқда. Унда Занге ўтирибди.

Штаб биноси ёнидаги майдонда солдатлар машиналарга канцелярия материалларини юклашади. Занге уларнинг ёнидан ўтиб кетади.

Машина гестапо жойлашган собиқ меҳмонхона олдида тўхтайди. Занге машинадан тушади. Унинг афти ангори худди Ринда кўприги ёнида партизанлардан қочган пайтидагидай сомон бўлиб кетган. У зинада солдатлар пастга олиб тушаётган сейф билан девор орасидан қисилиб ўтиб, юқорига чиқиб кетади.

Вольфнинг қабулхонасида ҳамма нарса худди илгаригидай ҳолатда. Одамлар қабулни кутишади, адъютант эса телефонда назокат билан осойишта жавоб беради:

— Кечирасиз, жаноби комендант, лекин бригаден-фюрер Вольф йўқлар. Афсуски, билмайман.— У Зангени кўриб, трубкани қўяди ва унинг йўлини тўсади.— Кечирасизу, бироқ...

— Тошингни термайсанми! — Занге унга бобиллаб, адъютантни четлатади-да, кабинетга киради.

Жимжит ва фира-шира хонада Вольф музика тингламоқда. У Зангега қошлари остидан қараб қўяди.

— Вольф, мен аранг қутулдим...— дейди Занге, кабинетнинг ўртасида тўхтаб.— Бу ёқقا келарканман, миямга бир нарса сира тинчлик бермади: қанақасига бундай бўп қолди? Нега бизлар қочаяпмиз?

— Руслар ҳужумга ўтишди. Нима бундан ҳалиям хабаринг йўқми?

— Ахир, уларнинг ҳужум қилишидан бохабар эдикку. Кутаётувдик ҳам...

— Биз уларни жанубдан кутгандик,— Вольф музикани ўчиради,— улар эса марказдан солишли, мустаҳкамланган зонамизни ботқоқликдан айланиб ўтишди... Бизнинг резервларимиз жанубда қолиб кетди. Йўлни

партизанлар ва Млинскийнинг отряди портлатиб ташлади. У бизларни худди ёш боладай чув туширди, сен эса, Занге, уни қўлдан чиқарвординг...

— Мен қўлимдан келганини қилдим.— Ҳорғин дейди Занге,— бир кишининг қўлидан нима келса, баричи қилдим...

— Мени рейхсфюерер Гиммлер чақиряпти,— дейди ўрнидан туаркан Вольф.— Сен ҳам мен билан бирга учасан. Мўъжизавор қутулиб қолганингизга минг бор пушаймон бўйласлигингни худодан тиласанг ҳам бўлаверади...

Полковник Млинскийнинг отряди ўрмондаги хилват йўллардан юриб, давлат чегарасига чиқади. Тасодиф билан бутун қолган чегара устунига немисча: «Берлингача — 653 км» деган ёзуви тунука парчаси қоқилган.

Отряд байроқни ёзиб, ялангликда саф тортади. Кўксисда янгигина Ленин ордени ва бошқа нишонлари тақилган Млинский қатор бўйлаб секин қадам ташлаб, жангчиларнинг юзларига разм солади. Ундан сал орқароқда комиссар Алиев келади.

Ерофеев, Полишчук, Бондаренко, Бейсамбоев, Ирина Петровна, Хват, Сокирко, Мгеладзе сафда туришибди...

Шу ерда қолаётганилар: Қизил Юлдуз орденига қараб қўяётган Матвей чол, «Жасурлиги учун» медали таққан Алёша, Маша ва елкасига шинель ташлаб, ўзининг Семёнидан кўзини узмаётган Наташалар сафдан нарироқда алоҳида гуруҳ бўлиб туришибди. Отрядни кузатаётган обком секретари Семиренко ҳам уларнинг қаторида.

Млинский уларнинг ёнида тўхтаб, маъюс жилмайиб, дейди:

— Мана энди... Хайрлашадиган вақт ҳам етди... Наташа, сенга худди отасига ўхшаган содиқ ва жасур ўғил тилайман. Қиз бўлиб қолса, Мишуткага келин қиласман... Совчиликка ўзим келаман. Майли, бўлмаса... ёш қуишиб кетяпти... Эсингдами, мичман Вакуленчукнинг: «Жудаям жасур йигитсан-да, Наташа!» дейишлари?

— Эсимда... Ҳаммаси эсимда... Кўришгунча хайр, Иван Петрович...

Млинский лабини тишлаб, ўзини базур тутиб турган Матвей чолга жимгина тикилади. Ниҳоят, чол гап бошлидай:

— Гарчи, сен худога ишонмасанг ҳам, Иван Петрович, у сени ўз паноҳида асрасин...

— Балки, биз билан кетарсан, Матвей Егорович? Уйлаб кўрмадингми? — сўрайди ундан Млинский.

— Меҳмонга бориб юргани менинг вақтим бормиди, уйда ишлар тиқилиб ётибдию... Сен боравергин, биздан кўнглинг жам бўлсин, бу ёғини ҳам худди фронтдагидай боллаймиз, тўғрими, Алёшка?

— Мен келгунча кутгин, чол, тағин... — дейди уни бағрига босаркан Млинский.

— Ҳаракат қиласман...

Семиренко қиличини ечиб, уни ўпади-да, Млинскийга узатади.

— Мана... Олиб олгин. Унинг менга энди зарурияти йўқ...

— Сенга нима бўлди, Николай Васильевич?

— Мабодо, Григорий Иванович Котовский уни кимга топшираётганимни кўрганида, албатта, мени маъқуллаган бўларди. Олавер. Ишончли қўлларга топшираётганим учун ҳам кўнглим тўқ. Олгин, буни қурол дейдилар, мен энди урушиб бўлдим. Бизга — чол иккимизга энди бир устахона билан яхши бир дурадгорлик болтаси бўлса, бас...

— Буни совға деса бўлади! Раҳмат, кўз қорачи-

ғидай асрайман. Келгин, бир ўпид қўяй сени, биродарим...

Улар қучоқлашиб, уч бора ўпишишади.

Млинскийдан кейин Алиев ҳамма билан хайрлашиб чиқади...

— Омадингизни берсин, комиссар,— тилак билдиради Семиренко.

Млинский қаторнинг ўртасига чиқади.

— Ўртоқлар!— У тақиб одатланмаганидан қиличи ни тўғрилаб қўяди.— Олий Баш қўмондонлик Ставкаси бизнинг олдимиизга алоҳида муҳим вазифани қўйди. Уни биз билан чегарадош давлатларнинг териториясида бажарамиз. Биз поляклар, чехлар ва словакларнинг олдига оға-инилар каби кетмоқдамиз. Биз уларни фашизм асоратидан ҳалос қилиш учун кетяпмиз. Эсингизда бўлсин: сизлар мунтазам Қизил Армиянинг жанг иларисиз! Бу юксак номни ору номус билан ардоқланг! Биз кетарканмиз, ҳақ иш учун ҳалок бўлган ўртоқлари мизнинг номларини дилларимизда олиб кетамиз!.. Фашизмга ўлим! Халқларга озодлик! Мана шу бизнинг байроғимиз!..

Млинский билан Алиев отряд қаршисида туришади. Млинский Бондаренкога қараб, жилмайиб, дейди:

— Майли, Бондаренко, сафдан чиқа қол...

Жангчилар дўстона, шўх кулиб қўйишади.

Бондаренко билан Наташа ўзларини бир-бирининг қучоғига отишиб, қотиб қолишади...

Млинский Ирина Петровна билан кўз уриштириб қўяди, қиз унга табассум қиласди.

— Отряд, смирно!— шўхчан команда беради Млинский.— Напра-во! Қўшиқ билан шагом марш!

Отряд қадам ташлайди ва саф узра ашула бошловчининг янгроқ овози жаранглайди. Жангчилар Семиренко билан Матвей чолнинг ёнидан ўта бошлашади. Чол ҳам Семиренкога ўхшаб, гўё сўнгги парадни қабул қилаётгандай, қўлини фурражкасининг козирёғига тираб туради.

Млинский орқасига ўгирилади: Бондаренко Наташа-ни зўрга ўзидан нари итариб, отрядни қувиб, югуриб кетади. Чегара устуни ёнида сержант Ерофеев сафдан чиқади ва шўх илжайиб, мўйловини бурайди-да, чўнта-гидан бўр олади. «Берлингача — 653 км» деган ёзувли тунука парчага қия қилиб: «Ҳечқиси йўқ, етиб оламиз!» деб ёзиб қўяди.

Отряд солдатларнинг ўқтам қўшигини янгратиб, чегарадан ўтиб кетади.

Душман ортидаги фронт

Хроника кадрлари: Лондон Фау ракета снарядлари билан бомбардимон қилинмоқда. Вайрона кварталлар, ярадор ва ўлдирилган аёллар, болалар, ваҳшиёна бомбардимонлар натижасида қурбонлар билан тўлиб-тошган госпиталлар... Шаҳардаги ва портдаги ёнғинлар алангаси... Ҳарбий мундирдаги кишилар занглаган ракета парчаларини кўздан кечирмоқдалар...

Ҳарбий учувчилар Ла-Манш бўғози устидан учиб ўтаётган ракеталарни уриб туширишга уринадилар. Таҳликали тунлар. Аёллар, кексалар ва болалар бомбапаналарда снарядларнинг тобора кучайиб бораётган ваҳимали овозига титраб-қақшаб қулоқ соладилар.

Диктор овози.

«Жаноб Черчиллдан маршал Сталинга шахсан ва мутлақо маҳфий мактуб. Немислар Польшадаги Дебица эксперименталь станциясида учувчи ракеталарни синовдан ўтказгани хусусида ишончли маълумотлэр мавжуд. Дебица сизнинг музafferона ҳужум билан олға босаётган қўшинларингиз йўлида жойлашган... Шу сабабли ҳам, маршал Сталин, агар қўшинларингиз бу районни қўлга киритгандан сўнг Дебицадаги мазкур аппаратура ва мосламаларни сақлаб қолиш ҳақида тегишли кўрсатмалар берсангиз, тоят миннатдор бўлур эдим. 1944 йил, 13 июль».

Экранда — хроника кадрлари: 1944 йил ёзидаги иш-чан ва шиддатли Москва қиёфаси.

Диктор овози.

«Бош министр Иосиф Виссарионович Сталиндан бош министр жаноб Уинстон Черчиллга шахсан ва мутлақо маҳфий. Биз 13 июлдаги мактубда баён этилган Дебицадаги эксперименталь станцияга тааллуқли илтиносингизни, бу станция қўлимиизга ўтгандан сўнг бажариш ниятидамиз...»

Булутли оқшом. Майда ёмғир шивалаб турибди. Полковник Млинскийнинг отряди колонна бўйлаб чўзилган. Солдатларнинг ҳўл каскалари ва қуроллар хира ялтирайди. Колонна ўртасида устига похол ёпилган бир неча отара ва бормоқда. Солдатлар ва отлар лойда тойғана-тойғана қадам ташлайдилар. Аравалардан бирининг ёнида медицина хизмати капитани Ирина Петровна Бистрова одим отиб бораётир.

От минган Млинский колоннани қувиб ўтади. Ирина Петровнага етиб олгац, от жиловини Ерофеевга тутқазиб, эгардан тушади-да, қизлар билан саломлашади:

— Салом, қизлар!

— Салом, ўртоқ полковник? — сариқсоҳ, шаддод радист қиз Катя Ярцевадан бошқа ҳамма унга жавоб қайтаради. Катяning эса ўз саломи бор:

— Саломатлик тилаймиз, Иван Петрович! — унинг мовий кўзлари қув, дадил чақнайди. — Бизга тез-тез қиё боқиб турсангиз бўларди. Сизни кўрсак, ҳаммавақт бошимиз кўкка етади.

— Раҳмат, Катя,— деб жилмаяди Млинский.— Лекин рацияни мана бундай қаровсиз қолдириш ярамайди.

— У шу ерда, ўртоқ полковник... Анави аравада.

— Олға силжиш вақтида рациядан бир қадам ҳам нари жилинмасин, сержант,— дейди Млинский ва Ирина Петровнага яқинлашади.— Жанг қилмай ўтишнинг

иложи йўққа ўхшайди. Поляк дўстларимизга ҳам ёрдам беришга тўғри келади. Етиб боришинглар билан дарҳол дала медпунктини ишга сол.

— Чарчаган кўринасан, Иван...

— Ҳечқиси йўқ.

Улар олдинга ўтиб кетишади. Ерофеев эса отдан тушмай Катя Ярцевага танбех беради:

— Нега бунча тилингни бир қарич қиласан? Сурбет кўзларингни менга чақчайтирма, фойдаси йўқ, ҳа!

Катя итоаткорона бош эгиб бўшашган оҳангда ширвирлади:

— Кечир, Ерофеич, негадир буни ўйламабман.

— Ана шунаقا-да.

— Наҳотки энди фойдаси бўлмаса?— дея афсусланиб сўрайди Катя.

— Тур-э, шайтон эмгурнинг қизи!— Ерофеич астойдил аччиқланганча отга қамчи босиб, кўтарилган дўстона кулги орасида кўздан йўқолади.

Колониининг рўпарасидан уч отлиқ олдинма-кейин от қўйиб келаётир: олдинда старшина Полищук, ўн олти ёшлилар чамасидаги қиз ва конфедератка кийиб, елкасига немис автомати осган ёшгина йигитча.

— Үртоқ полковник!— дея доклад қилади Полищук.— Поляк партизанларининг алоқачилари.

— Ванда Милевская!— қиз отдан енгил сакраб тушиб, полковникка ўзини таништиради.— «Варшава» отрядидан.

— Станислав Дановский,— дея полковникка яқинлашади йигит.— «Костюшко» отрядиданман. Шваблар Сана дарёсининг нариги бетида, Сталевая Волядан жануброқда отрядимизга ҳужум қилмоқда...

— Ерофеич! Хватни зудлик билан айтиб юбор!

Млинский планшетидан харита олади. Полищук плашч-палаткани унинг тепасига тутади.

— Мана бу ерда,— дея харитадан кўрсатади Станислав.

— Тушунарли. Бирор соат дош бериб туринглар, биз етиб борамиз.

— Есть.

— «Варшава» отряди,— дея ахборот беради Ванда,— «йўлак»нинг чап қанотини тўсиб турибди. Қайиқлар ва бошқа барча сузиш анжомлари Пшедобо қишлоғи ёнида тайёрлаб қўйилган.

— Демак, Польша бўйин эгмаган экан-да,— деб кулимсирайди Млинский.

— Бўйин эгган эмас, эгмайди ҳам, полковник!— дейди Станислав қизғин оҳангда.

— Сизнинг ва бизнинг ғалабамиз учун, ўртоқлар!— дея жавоб қайтаради Млинский.

Ёмғир тинган. Аҳён-аҳён булутлар орасидан ой мўралаб қолади, шунда дарёдаги қайиқлар лип этиб кўзга чалинади. Эшкакларнинг шалоплаши ва бўғиқ товушда берилаётган буйруқлар эшитилади. Чекка-чеккаларда баъзан ракеталар учиб қолади ва шу заҳоти тун бағрига таҳлика солиб, пулемётлар тариллайди.

Аравалар, тачанкалар, отлар ва енгил тўплар дарёдан солдә олиб ўтилмоқда. Қирроққа етгач, солдатлар ерга сакраб тушиб, ўқ-дори яшикларини солдан туширадилар, оғир аравалар ва тўпларни тортишга отларга ёрдамлашадилар.

Рота командири Бейсамбоев ва старшина Коваленко Ирина Петровнани сувдан қўлларида кўтариб ўтадилар. Бошқа солдатлар эса Катя Ярцева ва қолган қизларни кўтариб олганлар. Ҳазил-хуэул билан қирроққа чиққач ҳам қизларни дарров қўйиб юбора қолмайдилар.

Одамларни соҳилга тушириб бўлгач, қайиқ ва соллар тагин оптига қайтади.

— Старший лейтенант!— деб буюради Млинский

Бондаренкога.— Ротангиз билан кечувнинг ўнг қанотини тўсинг! Эски окоплар эгаллансин!

Шу куни кечаси шоссе бўйлаб немисларнинг танк колоннаси ўрмалаб келарди.

Олдинда СС офицерлари ва соқчилари тушган усти очиқ машина. Ҳайдовчининг ёнида — штурмбанфюрер Занге.

Фельдполиция тўқаси тақсан регулировкачи бўйнига осиб олган ялтироқ таёқчаси билан муюлишни кўрсатади ва машина шосседан дала йўлига бурилади. Унинг оргидан олдинма-кейин олтита танк тизилиб кела бошлайди.

Дарёнинг фарбий қирғофида полковник Млинский кечувдан ўтаётганларни кузатиб турибди. Тонг ёришиб қолган. Бинокль дарчасидан қайнұлларнинг четидан ушлаганча бир қўли билан қуролларини боши узра кўтариб олиб сузуб бораётган солдатлар кўринади. Олдинда — старшина Полишчук. Шамол ва сувнинг оқими қайиқларни кечувдан суриб кетаётир, дарё эса кенг.

— Бунақанги фаройиб ҳаммомдан сўнг юз граммдан отиб олинса қани эди,— дейди Ерофеев.

— Одамнинг ҳавасини келтирмасанг-чи, Ерофеич,— дея кулимсирайди майор Хват.— Иштонларни қуритиб олишга улгурсак ҳам катта гап...

Дўнгликда, Млинскийнинг ёнида Ерофеев ва Хватдан ташқари поляк партизан отрядининг командири Милевский билан Ванда ҳам туришибди. Млинский биноклни кўзидан олади.

— Эҳ, азаматлар! Ўртоқ Милевский, ўйлайманки, яrim соатлардан кейин одамларимизни ортга қайтаришга киришишингиз мумкин.

— Есть!

— Партизанларга бизнинг чин миннатдорчилигимизни етказиб қўйсангиз.

— Дзенъкую, ўртоқ полковник. Биз халқларимиз озодлиги учун сизлар билан биргаликда жанг қилишин шараф деб биламиз.

Охирги қайиқлар ҳам қирғоққа келиб тақалади.

Отряд комиссари Алиев дўнгликка чиқиб келиб, Млинскийга доклад қиласди:

— Охирги эшелон ҳам кечувдан ўтиб бўлди, ўртоқ полковник. Талофат йўқ.

— Жуда соз! Белгилангандан кўра, бир соат олдин кечиб ўтдик. Дарёни кечиб ўтиш ташаббуси кимдан чиққан эди, Ҳасан?

— Старшина Полишчукдан.

— Эҳ, денгиз арслони... Ташаккурнома эълон қилинсин!

Худди шу пайт биринчи снаряд портлайди. У мўлжалга етмасдан туриб ёрилади. Иккинчи ва учинчиси эса анча яқингинага тушиб портлайди.

— Танклар!— дея бақиради кимдир. Ва гўё акс садо каби юзлаб овозлар бу ҳайқириқни такрорлай бошлайди:— Танклар!.. Танклар!..

Млинский қоп-қорайиб турган ўрмон ичидан тонг қоронғисида гира-шира кўзга чалинаётган немис танклари чиқиб келаётганини, йўл-йўлакай ўқ узганча кечув томон ўрмалай бошлаганини кўради. Кечувдан нарида эса жангчилар отряднинг асосий қисми олға силжиётган жарлик бўйлаб мудофаага ҳозирлик кўрмоқдалар.

Снарядлардан бири медпунктнинг ёнгинасига тушиб ёрилади.

Старшина Полишчук ярадорлар ортилган аравага қўшилган ҳуркиб осмонга сапчиётган от жиловига жон-жаҳди билан тармашади.

— Гранаталар ва танкка қарши қуроллар билан жангга!— деб буюради Млинский.

Снаряд парчаси поляк партизанларининг командири Милевскийни ярадор қиласди.

— Ота! — деда унга отилади.

Полищук ва Бейсамбоев Милевскийни кўтариб, медпункт чодиринга олиб кирадилар. Милевский жароҳатини чанглаб, маҳкам қисилган тишлари орасидан қизинга шивирлади:

— Ванда, қизалогим... Буйруғимни жангчиларга етказ: туриб беришсин! Бор, жоним, бора қол...

Млинский медпунктга қараб югуради. Ерофеев ундан бир қадам ҳам орқада қолмай боради.

Танкка қарши қурол кўтарганча поляк партизанлари эгаллаган позициялар сари югуриб бораётган бир неча солдат уларни қувиб ўтади.

Қўлида танкка қарши гранаталар шодаси кўтарган Полищукнинг гавдаси лип этиб кўринади.

Бейсамбоев медпункт чодирни ёнида автомат дискига хотиржамлик билан ўқ жойламоқда.

Млинский шиддат билан чодирга кирадиу осто нада қотиб қолади.

Бири шифтга осилган, қолган иккитасини юзига оқ дока тутган солдатлар кўтариб турган керосин лампалар чодирни ва қонга беланган чойшаб солинган столни хира ёритиб турибди. Ирина Петровна Милевскийни операция қилмоқда. Ҳаракатлари аниқ, хотиржам. Кекса бир ҳамшира унга ассисентлик қилаёттир. Ирина Петровна ниқоб тутилган юзини бир лаҳза ўгириб, яна шу заҳоти Милевский тепасига энгашади.

— Босим! — деган қисқа товуши эшитилади.— Яна!.. Коагулятор...

Шундоққина ташқарида снаряд портлаб, зарбидан чодир ларзага келади, брезент узра тупроқ шувиллайди, аммо бирор киши бош кўтариб ҳам қарамайди.

Шоша-пиша қазилган окопларда поляк партизанлари билан бирга танкка қарши отадиган қуролларининг ўзун стволларини тўғрилаб, совет зирхтешарлари мудофаа ўрнини эгалладилар.

Сержант Қосих бостириб келаётган танкка қуролни түғрилайди. Танк пулемётларидан ёғилган ўқ ёмғири окоп атрофларида чийиллаб, тупроқдан «фаввора»лар ясади, сержантни кўз очиргани қўймайди.

— Ҳечқиси йўқ... Ҳозир...

Иккинчи окопдан танкка қарши қурол гумбурлайди — танклардан бири дабдала бўлган занжири билан турган жойида айлана бошлайди...

— Офарин! — деб қичқиради поляк.

Қосих ниҳоят кўзини тупроқ-тўёндан тозалаб олади.

— Энди бизнинг галимиз. Хўш... — у гумбурлатиб ўқ узади, бироқ танк шиддат билан бостириб кела бошлайди.

Аммо, бирдан унинг башняси ортидан дастлаб кўз илғар-илғамас тутун кўтарилади, сўнг у қорайиб қуюқлаша бошлайди, алнга пайдо бўлиб, танк таққа тўхтайди. Люқдан ўрмалаб чиқсан танкчиларга қараб партизанлар милтиқлардан ўт очадилар...

— Тушунарлим? — дея жилмаяди Қосих поляк қўшнисига юзланиб.

Лекин қолган тўртта танк бало-қазодек ўрмалаб келаверади. Уларнинг зирҳ қалқони ортига биқиниб олган эсэсчилар окопларга тобора яқинлашиб қоладилар. Танклардан бири Сана дарёси ёқалаб медпункт томон бостириб кела бошлайди.

...Милевскийни чодирдан олиб чиқиб, оҳиста аравага ётқизишади. У Вандага қараб заифгина жилмаяди...

Ҳали эгнидаги қонга беланган халатини ечмаган Ирина Петровна унинг ортидан ташқари чиқиб, ҳангманг бўлиб қотиб қолади. Чодир жойлашган жарлик ёнбошидан танклар кўринмас, бироқ моторларнинг гуриллаши ва занжирларнинг шалдираши ниҳоятда яқингина жойдан эшитилмоқда.

Млинский орқасига қайрилиб, жарлик ёқалаб ўзи томон чиқиб келаётган Ирина Петровнани кўради. Ирина

Петровна етиб келиб, ерга тиз чўкади, гуноҳкорона жилмайиб қўяди.

— Кечир... Оёқларим худди тахтадек... Даҳшат...

— Кўйсанг-чи, Ирина, менимча, у ёқда чодирда бундан бешбаттар даҳшатлироқ эди,— дейди Млинский ва қисқа сидра ўқ узиб, илова қиласди:— Медпунктни йиғиштириб, йўлга отлан...

Жар ёқалаб чиқиб келган Ерофеев рўпарадан бостириб келаётган танк қаршисига отилиб чиққан матросча кўйлакли кишини аниқ кўради. Биринчи граната мўлжалга етиб бормай портлади — пўлат аждаҳога ҳеч қандай шикаст етмайди... Иккинчи гранатани старшина Полушчук танк шундоққина ёнига келиб қолганда ирғитади. Портлаш тўлқини старшинани жарга улоқтириб юборади. Матрос базур оёққа қалқийди, бироқ, мувознатини йўқотиб, жардан учиб дарёга қулайди. Унинг ортидан эса бошқарувни йўқотган танк ҳам изма-из қулади.

Тонг буткул ёришгач, атрофни қалин, қуюқ, сутдек оқ туман қоплаб олади.

Полковник Млинскийнинг отряди сийрак ўрмон сари илгарилаб бормоқда. Дараҳтларнинг азамат таналари аро оҳиста туман сузиб юрибди. Ўн-ўн беш қадам масофагина аранг кўринади.

Отряд жимгина юриб бораётуб, фақат этикларнинг дупурлаши, отларнинг кишинаши, фидираклар ғижирлаши ва аҳён-аҳён қурол ёки сапёр белкурагининг жаранглаб кетгани эшитилади.

Ирина Петровна ярадорлар бораётган арвада, уларнинг оёқ томонида ғужанак бўлганча қаттиқ ухлаб ётарди. Араванинг бетўхтов силкинишлари ҳам уни уйғотолмайди.

Муюлишда Млинскийни кутиб турган Алиев у билан бирга одимлай бошлайди.

— Мана, поляк тупроғидаги бириинчи тўқиниши, Иван Петрович...

— Лаънати танклар. Улар қаёқдан пайдо бўлиб қолди?

— Ё разведка адашган ёки немислар уларни бу ёқ-қа кейин ташлашган...

— Худди шундай: ёки... Ёки бизни сезиб қолишган, ёки улар бу ерда алланимани жуда қаттиқ қўриқлашмоқда... Старшина Полищчук ҳалок бўлди.

— Эҳ, аттанг! Қандай қилиб?

Полковникнинг орқасида келаётган Ерофеев деди:

— У граната билан танкнинг нақ башарасига қараб солди-да. Кейин... портлаш уни дарёга... Дарёнинг эса на оқимини кўриб бўлади, на бошқа бир балони... Денгизчи эди, жонини ҳам сув худосига топширди...

Боягина шиддатли жанглар бўлиб ўтган майдон узра ёниб тугаёзган танкларнинг бурқсиган тутуни аралаш қалин туман тушмоқда.

Дарёда мажақланган солларнинг парча-пурчалари сузиб юрибди.

Буни кузатиб турган Занге улар туман ичра кўздан ўйқолга, дарё лабига тушиб келади.

— Қани у? — деб сўради Занге обершарфюердан.

— Бу ёққа марҳамат қилинг, штурмбанфюрер. Эҳтиёт бўлинг — оёқ остида илдизлар...

Қўмлоқ соҳилда белигача сувга ботиб старшина Полищчук ётарди. Конга беланган матрос кўйлаги тилка-пора бўлган, бир қўли ғайри-табиий қийшайиб ётибди.

Занге ярадорнинг тепасига энгашиб, юзига диққат билан тикилди.

— Бўлиши мумкин эмас.

Полищчук хиёл қимирлайди, инграб кўзини очади.

— Полищчук,— дея чақиради Занге.— Мени танияпсанми? — Занге фуражкасини бошидан олади.— Энди-чи, энди танияпсанми? Сен — Полищчуксан, тўғрими?

Денгизчи машақат билан ўрнидан туради-да, Зангенинг юзига тупуради ва жонсиз жисми шилқ этиб сувга тушади.

Берлин. Оқшом. СС рейхсфюрери Гиммлернинг кабинетида пардалар тушириб қўйилган. Стол устидаги чироқ шуъласи Гиммлернинг пенснесида лип-лип акс этади.

— Фюрер «қасос қуроли» ишлаб чиқаришни кўпайтиришга буйруқ берди, Вольф...

Гиммлернинг рўпарасида ўтирган СС группенфюре-ри Вольф диққат билан тинглайди.

— Янги еости заводлари ва полигонлари қуриш учун сиз концентрацион лагерлардан қанча ишчи кучи керак бўлса, барчасини олишингиз мумкин. Иш шундай асосда ташкил этилмоғи лозимки, токи ҳеч ким у ерда нима қилинаётганини хаёлига ҳам келтира олмасин. Бизнинг объектларимизнинг ҳамма тирқишли душман агентураси учун тамоман бекитилиб ташланиши лозим. Руслар «қасос қуроли»нинг сирини қўлга киритиш учун жон-жаҳди билан уринаётгани ҳақида маълумотлар бор. Бунга асло йўл қўйиб бўлмайди, Вольф.

Селектор зуммеридан вишиллаган товуш эши билади.

— Эши таман,— дейди Гиммлер.

— «Ланкастер» типидаги бомбардимончиларнинг олти эскадрильяси Ла-Манш устида. Йўналиш — жанубифарб.

Гиммлер жимгина бош иргаб, ўрнидан туради. Стол устидаги чироқни ўчириб, дераза олдига яқинлашади-да, пардаларни очиб юборади. Қалин деворлар ортидан ҳаво тревогасининг сиреналари элас-элас қулоққа чалинади.

— Урушдан сўнг...— дея бўғиқ овозда сўз бошлайди Гиммлер,— ахир, у қачондир тугайди-ку... янги қуролга эга бўлган давлатгина дунёга ўз ҳукмини ўтказа олади. Биз бу масалада англосаксларни камида ўн йил ортда қолдириб кетдик. Тўғри, мен руслар бизни ортда қолди-

риб кетмасалар, деб хавотирдаман. Биз миллион-миллион маблағларни сарф қилдик, минглаб зўр олимлар, конструкторлар, инженерларни, юз минглаб ишчиларни ишлашга мажбур этдик, заводлар, лабораториялар, синов полигонлари барпо этдик... Нима деб ўйлайсан, инглизлар ёки американклар бизнинг ана шу барча тажрибаларимиз, мутахассисларимиз, ҳисоблар, лойиҳа ва лабораторияларимиз учун қанча тўлашган бўларди, а?

Вольф оқилона сукут сақлайди.

— Бунинг баҳоси йўқ, Вольф,— дея ўз саволига ўзи жавоб беради Гиммлер.— Баҳоси йўқ...

Оккупация қилинган Краков кўчаларида одам сийрак. Гоҳ-гоҳ ҳарбий машина ўтиб қолади, кўпrik устида фашист патрулларининг гурсиллаган қадам товушлари эшлитилиб, тағин жимлик чўқади. Эски қирол қасри «Вавель» дарвозаси устида гитлерчиларнинг байроғи осилиб турибди.

Сукунатни мотоциклларнинг ногаҳоний ўкириги бузади.

Мотоциклчилар қуршовида кўчалардан «Хоръх» машинаси шиддат билан елиб боради. Қалъа дарвозаси олдидаги соқчилар милиқларини шоша-пиша елкага оладилар.

«Хоръх» тўхтайди. Машина олдига югуриб борган оберштурмфюрер орқа эшикни очади.

...Қора ялтироқ стол устида яшил каҳрабодан ишланган кўҳна сиёҳдон билан бирга бир неча телефон аппаратлари. Тилла суви югуртирилган, суюнчиғи баланд кресло бўш. Оғир пўлат сейф баҳайбат гавдаси билан қасрнинг нозик жиҳозларидаги мутаносибликни бузиб турибди.

Генерал-полковник Хорн дераза олдида ташқарига тикилмоқда. Машинадан тушган Вольфнинг подъездга қараб юрганини кўргач, фон Хорн пардаларни тушириб,

столга яқинлашади. Генералнинг адъютанти подпольковник Крюгер кабинетга киради.

— Группенфюрер Вольф, зоти олийлари...

Фон Хорн бош иргайди:

— Таклиф этинг.

Аммо Вольф кабинетга кириб бўлган.

— Хайль Гитлер! — дея қўлини кўтаради у.

— Хайль, — дея қандайдир ҳорғин оҳангда жавоб беради фон Хорн. — Марҳамат, ўтиринг, Вольф. Крюгер, бизга бирор нарса олиб келинг...

— Эшитаман. — Крюгер ўз ортидан эшикни зичлаб ёпади.

Вольф, генерал-полковник то жойини эгаллагунча кутиб туради ва шундан кейингина креслога чўкади.

— Сизни яна қайта кўрганимдан хурсандман, жаноб генерал-полковник. — Кўринишингиз чакки эмас, чин сўзим...

— Ташаккур, — дейди фон Хорн қуруққина қилиб. — Хизмат?

— Мен бирга ишлаган пайтларимизни тез-тез эслаб тураман. Яқиндагина... Белоруссияда...

— Ҳа-ҳа... Совет партизанларига қарши кураш — беминнат иш эмас, тўғри эмасми? Турған-битгани кўнгилсизликлар... Буни қаранг-а, Берлиндаги бир неча ойлик хизматингиз давомида унвонингизни шунчалик кўтарибдилар. Нима дердим, табриклайман...

Вольф ҳеч қандай жавоб қайтармайди.

Крюгер бир шиша француз конъяги, иккита рюмка, қаҳвадон ва бежирим финжонлар қўйилган патнис кўтариб жимгина кириб келади. Патнисни стол четига қўйиб, бир оз кутиб туради, бироқ фон Хорн ва Вольфдан садо чиқмагач, подполковник яна боягидек сассиз юриб чиқиб кетади.

— Мен Krakovга фавқулодда вазият муносабати билан келдим, жаноб генерал-полковник, — дейди Вольф. — Сталевая Воля жанубидаги қўшинларимиз ортида ке-

ча бўлган жаңг ҳақида сизга албатта маълумот бериш-
гандир...

— Партизанлар билан бўлган шу тўқнашув туфайли
Берлиндагилар шунчалик шошиб қолишдими?

— Бизнинг қўлимизда бу жангда пояқ партизанла-
ридан ташқари Армия мунтазам қўшинларининг бутун
бир бирлашмаси ёки ҳарбий қисми иштирок этган, де-
ган, маълумотлар бор.

— Одамларингизнинг кўзига кўринмадимикан, груп-
пенфюрер?

— Афсуски, йўқ. Жангдан сўнг «Величка» маҳсус
зонасининг бошлиғи штурмбанфюрер Занге дарёдан то-
пилган ярадорни таниди, бу одам полковник Млинский-
нинг отрядидан экан.

— Млинскийнинг? Ўҳӯ... Агар хотирам алдамаса, бу
Белоруссияда бизни қонимизга ташна қилган ўша пол-
ковник эмасми?

— Мен эски ҳисоб-китобларни очди қилгани келган
эмасман... Масала бундан кўра жиддийроқ. Империя
аҳамиятига молик маҳфий обьектлар хавф остида!—
Вольф ўзи билан олиб келган портфелидан қандайдир
қоғозларни олиб, стол устига ёzádi.— Мана бу сизнинг
биргаликда тўла ҳаракат қилишингиз зарурлиги ҳақи-
даги буйруқ...

Генерал-полковник қоғозларга тезгина кўз юргути-
риб чиқади.

— Авиаразведка бўлинмалари... Полиция қисмла-
ри... Буларни мен сизга хоҳласангиз бугуноқ ажратиб
беришим мумкин,— дейди фон Хорн.— Аммо бомбарди-
мончи авиацияни... танк батальони ва пиёдалар полки...
Уларни фронтдан, шундоқ ҳам русларнинг тўхтовсиз
сиқуви остида аранг дош бериб туришган жойдан олиб
бу ёққа ташлашни буюрадиларми?

— Мен олий қўмондонлик буйруқларини муҳокама
қилмоқчи эмасман, жаноб генерал-полковник,— Вольф
ўрнидан туради.

Фон Хорн қаршисида сурбетларча тикилиб турған Вольфга бир қараб қўйгач, авторучкасининг қалпоғини олиб, қофозларга имзо чекади.

— Ташаккур,— дейди эсесчи қисқа қилиб, қофозларни протфелига жойларкан.— Ҳа, дарвоҳе... Сизнинг собиқ ўринбосарингиз генерал Шварценбург бугун өрталаб гестапо томонидан қамоққа олинган... 20 июлдаги фюрерга қарши суиқасдда иштирок этгани учун.— Сўнг, фон Хорнга назар ташлаб, давом этади.— Умид қиласманки, бу воҳеа туфайли сизнинг ишингизда кўнгилсизликлар рўй бермаса керак, жаноб қўмондон? Хайль Гитлер!

Вольф, кескин ортига бурилиб, кабинетдан чиқади.

Фон Хорн бир муддат қимир этмай ўтиради. Сўнг шошилмай, яшикдан бир неча хат солинган конвертларни олиб, ўрнидан туради. Рюмкага конъяк тўлдиради. Қадаҳни бўшатгач, сейфни очиб, қандайдир ҳужжатларни олади, гуриллаб ёнаётган камин ёнига яқинлашади. Креслога ўтириб, қофоз бойламларини кўздан кечирали ва уларни каминга ташлайди. Аланганинг қизғиши тили қофозларни шоша-пиша ютоқиб ямлай бошлиди...

Кремль. Сталиннинг кабинети. Сталин трубкасини тутатганча кабинет бўйлаб оҳиста одимлаётир. Стол атрофида бир неча ҳарбийлар, Фанлар академиясининг президенти, олимлар, мудофаа саноати ҳамда ўрта машинасозлик ҳалқ комиссарлари ўтиришибди. Харита олдиди — Бош штаб бошлиги Антонов.

Диктор овози.

«Жаноб Черчиллдан маршал Сталинга мутлақо маҳфий ва шахсий мактуб. 22 июлдаги Дебицага тааллуқли телеграмманинг учун сизга миннатдорлик билдираман. Бу масалага шахсан ўзингиз эътибор бераётганингиздан ғоят хурсандман...»

Сталин қўлидаги телеграмма қоғозини бир четга қўйиб дейди:

— Черчилль биздан Дебица районидаги немисларнинг синов полигони хусусида маълумот беришимизни сўраяпти.

— Бу станциянинг аниқ номи — Дембица, ўртоқ Сталин,— дейди Бош разведка бошқармасининг бошлиги.

— Унинг координатлари жаноб Черчилль бизга юборган координатларга мос келадими?

— Мос келади, ўртоқ Сталин.

— Яхши. Ўртоқ Антонов, давом этинг.

Антонов харитадан Дембица жойлашган манзилни кўрсатади.

— Бизнинг маълумотларимизга қараганда, инглизлар май ойидаёқ Польшада чала портлаган ракетанинг бир қисмини топиб, уни ўз томонларига олиб кетишга муваффақ бўлганлар.

Сталин мийигида кулимсирайди:

— Қари тулки... Черчилль... Бизга эса чурқ этгани йўқ эди. Давом этинг.

— Ҳали «Багратион» операцияси тугамасданоқ Дембица районидаги «Близна» ракета полигони йўналишида полковник Млинский отряди ҳаракат бошлаган эди. Ундан ва бошқа манбалардан олинган маълумотларга кўра, немислар Фау ракеталарининг икки хилини ишлаб чиқмоқдалар. Лондонни биринчи марта ялпи бомбардимон қилиш 16 июнда Фау-1 ракеталари билан амалга оширилган. Фау-2 — бу бутунлай янги типдаги, ҳаракат радиуси катта бўлган баллистик ракета.

— Айнан шу хил ракеталар Дембица районидаги «Близна» полигонида синовдан ўтазилмоқда,— дея изоҳ беради разведбошқарма бошлиги.

— Давом этинг,— Стalin яна Антоновга мурожаат қилади.

— Сўнгги вақтларда немислар Фау-1 ракеталари ни «Хенкель — 111» бомбардимончи самолётларидан

учиришга мۇлжалланған тажрибаларни амалга оширмоқдалар...

Сталин харита устига энгалиб, Болтиқбўйи районидаги фронт чизигини кўздан кечиради.

-- Ўртоқ Воронов, бизнинг шаҳарларимизни, айниқса, Ленинградни ракета ҳужумидан ҳимоя қилиш учун қандай чоралар кўрилган?

Артиллерия бош маршали Воронов ўрнидан туради.

— Ракеталар ҳужумига қарши Ленинград Ҳаво ҳужумидан мудофаа армиясига яйги конструкциядаги самолётлар ва радиолокацион техника билан таъминланган тўртта қирувчи авиация полки ва юздан ортиқ зенинтили артиллерия батареяси ажратилган...

Сталин трубкасининг учи билан фронт чизигидан Краковга қараб белги тортади.

— Ўртоқ Антонов, полковник Млинскийнинг отрядига иложи борича тезроқ Дембица станцияси районига чиқиб олиб, ракета полигони ва омборларини яксон қилиш, ўз ракеталаримиз билан таққослаб кўриш учун улардан бир-икки нусхасини қўлга киритишга мумкин қадар уриниб кўриш вазифасини топширинг... Шаҳарларимизнинг муваффақиятли мудофаасини ташкил этиш учун зарур бўладиган асбоблар ва конструктив мосламаларга алоҳида эътибор қилиш лозим... Млинскийни кучайтиринг. Унинг ҳузурига мутахассислардан юборинг, фронт ортида «қасос қуроли» бўйича ишлаётган разведка қисмини ҳам унинг ихтиёрига беринг...

Ойдин тун. Ўрмон адогидаги кенг ялангликда гулхан ёнмоқда. Ҳозиргина ерга қўнган самолётнинг парраклари айланиб турибди.

Самолётни полковник Млинский ва майорлар — Алиев ҳамда Хват кутиб оладилар. Улардан сал орқада — Млинскийнинг чопари сержант Ерофеев ва собиқ матрос, эндиликда разведкачи старшина Лукъянов.

— Ўртоқ полковник,— дея Млинскийга мурожаат қи-
лади учувчи.— Москвадан шошилинч пакет! Мадад куч-
лари ҳам...

Трапдан биринчи бўлиб ёши ўтиңқираган, кўзойнак-
ли, эгнидаги ҳарбий кийим ҳалпиллаб турган озғин ки-
ши тушиб келади.

— Бу мадад кучлари фрицларнинг юрагини ёриб
юборар дейман,— дея кулади Ерофеев.

— Инженер-майор Шумский Виктор Иванович,—
дея у Млинский билан саломлашади.

— Салом.

Унинг ортидан хийлагина оғир чамадон кўтарган
Ғўлабир одам самолётдан тушади. Чамадонини ерга қў-
йиб, қисқагина доклад қиласди:

— «Тонг» разведгруппасининг командири, капитан
Озеров.

— Биз сизни Белоруссиядаёқ кутган эдик,— дейди
Млинский капитан билан саломлашаркан.

— Ишлар билан тутилиб қолдим, ўртоқ полковник,—
дейди капитан, тафсилотларини изоҳлаб ўтирамай.

— Старший лейтенант Иванов хизматни давом этти-
риш учун ҳузурингизга келди!— дея полковника муро-
жаат қиласди баланд бўйли, сариқсоҷ йигит. Забардаст
қомати устидаги шинелини ёриб юборгудек.

— Иванмисан Иван экан-да,— деб жилмаяди Еро-
феев.

Ярадор ҳамда касал қизил аскарлар ва поляк парти-
занларини самолётга чиқариш бошланади. Бу ишлар-
нинг ҳаммасига отряд врачи Ирина Петровна Бистрова
раҳбарлик қилмоқда.

— Ирина, ўзинглар эплаштирасизларми?— деб сў-
райди Млинский унга яқинлашиб.

— Эплаймиз, Иван Петрович, раҳмат. Гарчи баъзи
жангчиларимизни куч билан базўр қўзғатаётган бўлсак
ҳам...

— Шинелсиз юрмагин — кечаси салқин-а...

— Хўп бўлади,— дея кулимсирайди Ирина Петровна.

Уларнинг ёнидан ярадор Милевскийни замбилда кўтариб ўтадилар. Замбилинг ёнида Ванда бораётир.

— Ташвиш қилма, Татуся,— дейди у.— Ҳаммаси яхши бўлиб кетади...

Млинский партизаннинг тепасига энгашади:

— Оқ йўл, ўртоқ Милевский.

— Раҳмат. Қизимга кўз-қулоқ бўлиб турсангиз.

— Маъқул. Тезроқ соғайиб қайтинг.

Қарағай шоҳ-шаббаларидан пухталик билан ёпилган чайланинг ичи хийлагина кенг. Стол вазифасини ўтовчи ўқ-дори қутилари устида керосин чироқ милтиллайди. Алиев чироқнинг пилигини кўтариш билан машғул.

Млинский харитани ёзаётган Хватга назар ташлаб, хўрсиниб кўяди.

— Ҳа, ана жумбоқ. Икки кунлик муҳлат ичиди Дембица станцияси районига чиқиш керак... Ким у?— деб сўрайди у чайла атрофида аллақандай шарпани сезиб.

— Мен!— деган Ерофеевнинг овози эшитилади, сўнг бўсағада ўзи пайдо бўлади.

— Одамларни жойлаштирдингларми?

— Худди шундай. Жойлаштирдик, едирдик-ичирдик, бурун-мурунларини артиб-суртиб, ухлагани ётқизиб қўйдик.

— Ҳўш, бизни ҳам боқасанми?

— Лоақал чой берсанг бўларди,— дейди Алиев.

— Қайсиdir овсар самоварнинг ичини ҳўл тараşaга тўлдириб ташлабди. Тутун бурқсийди, вишиллайди-ю, ҳеч ёнай демайди.

— Ҳм-ҳа,— дея йўталади Алиев, Хватга тикилганча кулгисини базўр тийиб.

— Қарағай тараша ташлаш керак эди,— дея кулади Млинский.

- Йўқ экан,— дея қўлларини ёнига ёзади Хват.
- Бутун бошли ўрмондан тўртта тараша тополмаган эмиш...— дея ёзғира бошлайди Ерофеев.
- Ерофеев, барака топгур, сал нарироқ боргин,— дейди Млинский,— кейин кўз-қулоқ бўлиб тур, ҳеч ким яқин келмасин.
- Есть!
- Кечувдаги жангдан сўнг немислар довдираб қолиши шекилли,— дейди Хват, харита устига энгашган кўйи.— Бизнинг йўлимизда эса ҳали бир неча саёз дарёлар ва иккита темир йўл бор... Немислар билан тўқнашмасдан ўтолмасак керак.
- Асло,— дея эътиroz билдиради Млинский.— Бутун СДни қутуртириб қўямиз-а! Кейин улар ўла қолса бизни Дембица полигонларига яқинлаштирмас. Поляк ўртоқлардан илтимос қилиш керак, бир оз четроқда шовқин солиб чалфитишсин... Уларнинг алоқачилари ҳали кетишгани йўқми?
- Кутишяпти,— дейди Хват.
- Шумскийни зудлик билан Krakovga, Карасев-Деннерт ҳузурига юбориш керак.

Краковда, ибодатхона олдидаги майдонда ҳарбийлар ва гражданлардан иборат катта оломон ғужфон ўйнайди. Костюм ва шляпа кийган Шумский оломон ичida, ёнида — Ванда ҳам кўринади. Йўлак ёқасида эса солдатлар турнақатор саф тортишган.

Музика тантанавор марш ижро этади. Генерал-полковник фон Хорн, группенфюрер Вольф ва бир неча генераллар турган минбар олдидан яқинда сафарбар этилган солдат бўлинмалари пруссча қадам ташлаб ўтадилар. Солдатлар орасида — ўсмирлар ҳам, кексалар ҳам кўзга чалинади. Уларнинг ортидан танклар ва бронетранспортёрлар колоннаси ўрмалай бошлайди.

Ҳарбий ҳаво кучлари — лютваффе капитани билан

ёнма-ён турған бир қўзли танкчи офицер истеҳзоли кулади.

— Ҳа, ишларимиз чатоқ... Улар аслида руслар билан уришишга эмас, товуқхоналарни тулкидан қўриқлашга ярайдилар, холос.

— Уруш кўришсин, сўнг биздан қолишмай жанг қиласидиган бўлишади,— дея эътиroz билдиради капитан, шляпали кишини диққат билан кузатар экан.

— Эҳтимол, эҳтимол,— дея шоша-пиша рози бўлади танкчи ва четга қараб кетади.

Оғир танклар ва бронетранспортёрлар занжирларини шалдиратиб майдондан ўта бошлагандаги ларнинг кайфияти кўтарилади ва офицерлар ҳамоҳанг шиддат билан парад қатнашчиларини қутлай бошлайдилар. Фон Хорн ҳам кулимсираб қўяди.

...Капитан ўзини кузатаётганини сезган Шумский аста бурилади-да, оломон орасини ёриб, кўчага чиқа бошлайди. Анча орқада Ванда изма-из эргашади.

Шумский Кичик Бозор майдончаси олдидағи тайёр кийимлар дўкони витринаси қаршисида бир лаҳза тўхтаб қолади. Витрина ойнасида кўчани кесиб ўтаётган лютваффе капитанининг қомати акс этади. Шумский шу заҳоти бурчакка қайрилади. Капитан ундан орқада қолмайди, бироқ яқинлашмайди ҳам. Капитанининг ортидан эса Ванда ҳамон изма-из келмоқда.

Учовлон тор кўчалардан юриб, Вавель тепалигига элтадиган хиёбонга чиқадилар.

...Висланинг баланд қирғофида Шумский тўхтаб, қўлларини чўнтағига суққан кўйи капитанни кута бошлайди. Атроф кимсасиз.

Капитан оҳиста яқинлашади, шаҳарга разм солиб, ўйчан оҳангда немисчалаб сўзлайди:

— Krakov — чиройли шаҳар...

— Ҳа. Аммо Варшава яхши,— деб жавоб беради Шумский.

- Кўп тентиратдингиз-да.
- У ерда ҳар хил нусхалар кўп эди.
- Майли, бўлар энди, қўлингизни чўнтағингиздан олинг, кўришайлик,— дея жилмаяди капитан.— Карасев. Ҳужжатларим бўйича — капитан Деннерт.
- Шумский. Ҳужжатда ҳам шундоқ.— У Карасевнинг қўлини сиқаркан, чоғроқ пакет тутқазади.— Млинскийдан. Шошилинч.
- Қалай жойлашдингиз?
- Ёмон эмас. Автоустахонага механик бўлиб.
- Эртага соат ўнда ибодатхонада... Ҳа, дарвоҷе, пан Шумский, шимнинг чўнтағига қурол олиб юриш анчагина ноқулай.
- Э, менинг бу еримда ҳеч нарса йўқ.— Шумский ўтирилиб, полякчалаб чақиради.— Ванда! Бу ёққа кел, қизалоқ!
- Ванда уларнинг олдига яқинлашиб, жиддий оҳангда дейди:
- Салом.— Карасевга қўл узатишдан аввал у кичкина пистолетни қўйнига яширади. Карасев бу ҳаракатни ҳайратомуз нигоҳ билан кузатиб турганини сезиб, қўшиб қўяди:— Сиз ҳам қизиқ экансиз — ҳеч изидаи қолмай келяпсиз!.. Бунақада сизни отиб қўйишим ҳам мумкин эди.
- Ҳа-я,— дея қулимсирайди Карасев,— Мен бўлса, сизни ландавур, деб ўйлабман, Шумский.

Краков. Гестапо. Вольфнинг кабинетида — Занге.

— Млинскийнинг Польшада, қўшинларимизнинг foят орқа томонида пайдо бўлиб қолгани шундан далолат берадики,— дейди Вольф,— демак, бугуй бўлмаса, эртага сен меҳмонларни ўз объектларнингда кутиб олишга тайёр туришинг керак... Ароқ ичасанми?— Вольф шкафдан шиша олади.

— Ташаккур.

Иккинчи қадаҳни бўшатгач, Занге ташвишманд қиёфада сўрайди:

— Мени шу нарса ўйлантирияпти: Млинскийга айнан нималар маълум?

— Энг аниқ эҳтимол — Дембица районида «Близна» синов полигони мавжудлиги. Портлаш, аланга... Ҳушёр кузатувчилардан буни яшириш қийин. Аммо бошқа обьектлар маълум бўлмаса керак. Биз Млинскийга муносаб учрашув тайёрлаймиз... «Хайделагер» обьектидаги ишлар вақтинча тўхтатилсан. «Величка» обьектида назорат кучайтирилсан. Млинский ракеталар сари интиляётган экан — майли, уларни олади...— Вольф илжайиб қўяди.

Шумский ибодатхонага кириб келади. Унинг ортидан зинапояларни бир-бир босиб Ванда кўтарилимоқда. Ташқаридаги ёрқин қўёш ёғдусидан сўнг ибодатхонанинг ичи фира-шира кўринади. Бир неча шам милтираб турибди. Ибодатхонада одам кўп, асосан чол-кампирлар. Олдинда, нақ меҳробнинг пойида юзини тўр билан ёпган ёшгина аёл ўтирибди, у гоҳ ибодат қиласди, гоҳ алланарсаларни ўйлаб хаёлга толади...

Шумский ибодатгўйлар орасидан ўтиб, йўғон устун ва девор ўртасидаги торгина, камбар бир жойда турган гражданча кийимдаги Деннертни ниҳоят излаб топади. У хиёл олдинга ўтиб тўхтайди. Ванда эса — сал нарида.

— Баъзи бир нарсаларни аниқлашга муваффақ бўлинди, дейди Деннерт секингина.— Бизни «Величка» маҳсус зонаси қизиқтириши керак.

— Нима учун «Величка»? Бу ахир, Краковдан йиғирма километр наридаги туз конларида жойлашган концлагер-ку. Унинг «Близна» полигонига қандай алоқаси бор?

— Полигон районидаги об-ҳаво маълумотини биз-

нинг метеостанцияда «Величка» маҳсус зонасидан сўрашади.

— Қачон ва қаерда кўришамиз?

Икковлон гўё ибодат қилаётган каби лабларини оҳиста қимирлатадилар.

— Ҳамма керак гапларни анави қора тўр ёпинган аёл етказади. Қўрдингизми? Биринчи қаторда... Уни ҳаммавақт «Монополь» меҳмонхонасининг ресторанидан топишингиз мумкин.

Шу пайт аёл юзидан тўрни кўтаради ва Шумскийга қараб жилмаяди.

— Унинг исми Гелена,— дея давом этади Деннерт.

— Ҳаддан ташқари чиройли экан.

— Сиз ҳали бу нарса унинг жуда катта бойлиги эканига ишонч ҳосил қиласиз... Кейин яна... Млинскийя етказинг: бугун шаҳарда тўсатдан жуда кўп учувчилар пайдо бўлиб қолди, ваҳоланки, кейинги пайтда бирорта ҳам авиабирлашма ёки авиақисм Краковга ташлашмаган эди.

— Улар қаёқдан пайдо бўлишган экан?

— Аниқлайман.

— Тамомми?

— Ҳозирча тамом.

Шумский ортига қайрилиб, эшикка қараб юради.

Бир минутдан кейин Ванда ҳам ибодатхонани тарк этади.

Тун. Полигонни ўраб олган тиканли симдан сал наридаги сайҳонлик. Минораларда қоровуллар эндиғина алмашиб бўлган. Прожекторнинг нури ярқ этиб сўнади. Чакалаклар панасида ниқоб халатлари кийиб бекиниб ётган Озеров, Иванов ва Бондаренко дараҳтлар ортида постни топширган наряддинг қоронғилик қўйнига сингиб кетишини жимгина кузатиб турадилар.

Старший лейтенант Бондаренко имо қилади: олға!

Сайҳонлик ёқалаб уч сапёр тиканли сим томон эмак-лаб кетади.

Прожектор нури яна ер узра сирғала бошлайди, аммо сапёрлар пастак дўнгликлар каби тош қотганлар.

Прожектор сўнади. Қоронфиликда тиканли симга қисқа ва шиддатли нур дастаси ярқ этиб тушади.

Сапёрлар одатий ишларини зудлик билан амалга оширадилар: минақидиргичлар билан мина бор-йўқлилигини текшириб кўрадилар; улардан бири тиканли симни икки қўллаб ушлаб олган — иккincinnси уни қирқиши билан учларини четга қараб улоқтиради. Юқоридаги симтўрларни чалқанча тушиб ётганча қирқадилар.

Пулемётларининг учини минораларга қаратиб тўғрилаб қўйган иккита таъминот группаси сапёрларни қўриқлаб турибди.

Қаторлар орасида мина бор-йўқлигини текшириб чиққач, сапёрлар тўсиқнинг иккинчи қавати орасидан ҳам тезгина йўлак очадилар. Тикалли симнига нариги томонида йўл тоза эканига ишонч ҳосил қилгач, қўлчироқ билан сигнал берадилар: йўл очиқ.

Старший лейтенант Бондаренко асосий разведкачилар группасига ишора қилиб, ортидан юришини буоради. Зум ўтмай улар полигонга кириб борадилар. Бараклар атрофидаги яна тиканли симлар кўринади. Бу тўсиқни ҳам бартараф этгач, йўл бўйлаб олға силжишади.

Синов полигони бункерида эсаunterштурмфюерер Рот перископ орқали кузатув ўтказмоқда. Стол ортида оёқларини узатиб юборганча стул суюнчиғига суюниб олган Зангे мудрайди.

Перископ кўзгусидан ракеталар ўрнатилган майдон ва унга кириладиган барча йўллар яққол кўриниб турибди. Атрофда қоровуллардан бўлак ҳеч ким йўқ...

Ногаҳон разведкачилар кўз ўнгидаги қандайдир кумушранг жисмлар ўрнатилгани ҳатто қоронфиликда ҳам аниқ сезилиб турган қенг майдон намоён бўлади.

Разведкачилар атрофга алапглаб олишгач, бирор шубҳали нарсани пайқамай, эмаклаганча ғалати объектлар томон яқинлашадилар. Иванов фотоаппаратни тинмай чиқиллатиб суратга олади.

Бирдан қаердадир — шундоқ яқиннингинада сирена чин-қириғи янграйди. Разведкачилар ерга қапишиб оладилар. Қоронғилик қўйнидан команда товушлари, этиклар дупури, итларнинг вовуллаши эшитилади...

Прожекторларнинг нурлари осмонга сапчиди.
Бондаренко қўл силкийди: орқага!

...Бункерда Рот ҳамон перископ орқали кузатувни давом этказмоқда.

Занге телефонда доклад қилаётир:

— Группенфюгер! Биз Млинскийнинг разведкачилари га полигондан чиқиб кетишларига йўл қўйиб бердик... Ҳа-ҳа, унинг нега пайдо бўлиб қолгани энди ошкора бўлди. Бу ўша — мен билган Млинский бўлса, бирор нарсага ёпишдими, тамом, ниятига эришмагунча қўймайди.

Керосин чироқлар ғор шифтини аллақачон қорайтириб юборган. Ўқ-дори қутилари устига харита ва схемалар ёзилган, унинг атрофида Млинский, Хват, Алиев, Бондаренко, Иванов ва Озеров тўпланишган.

— Мана бу ерда, шу баракда, — дея ахборот бермоқда Бондаренко,— асиirlар бор, юзга яқин киши... Бу ердан майдончагача эса бетон йўл бор. Манавилар эса майдончадаги ўн беш-йигирма метр узунликдаги сиғарага ўхшаш нарсалар...

— Ракеталарми? — деб сўрайди Млинский қоп-қора суратга тикилиб.

— Бу инфрақизил нурларда бирор нарсани аниқ ажратиб бўлармиди... — дейди Алиев.

— Албатта ракеталар-да, — дейди Иванов ишонч билан.

— Мен ҳам шундай деб ўйлайман,— дея тасдиқлайди Озеров.

— Темир йўл шохобчаси қаёққа боради? — деб сўрайди полковник.

— Жанубга, Дембица станциясига.

— Сизларни пайқаб қолишмадими?

— Йўқ, ўртоқ полковник. Кўтаришган тревога аниқ ҳаво тревогаси эди.

— Ҳа, бунақанг ажалнинг уруғини у ердан олиб чиқиши...— дейди Алиев суратларни шубҳаланиб кўздан кечираркан.

Ертўлага оҳиста юриб сержант Ерофеев кириб келади.

— Рухсат этинг, ўртоқ полковник? Сизга меҳмонлар келишди.

У бир қадам орқага чекиниб, деҳқон аёллар каби рўмол ўраб олган қизга йўл беради.

— Салом, Ванда, — дейди полковник ва қўшиб қўяди. — Сизлар бўйсизлар, ўртоқлар.

Алиев, Ванда ва Хватдан бошқа ҳамма чиқиб кетади. Ванда кофтасининг остидан кичкина конверт олади.

— Раҳмат, қизим,— Млинский хатни қўлига олиб, соатга назар ташлайди. — Йўлда чарчагандирсан?.. Овқатланиб, дамингни ол, эртага учрашамиз.

Ванда чиқиб кетади. Млинский кўзойнагини тақиб, конвертни очади

— Карасев ва Шумскийдан. Мана, нималарни хабар қилишибди: «Ишончи манбалардан олинган маълумотларга кўра, немислар «қасос қуроли» яратиш бўйича «Величка» обьектида иш олиб бормоқдалар. Дембица районидаги «Близна» полигони эвакуация қилиниши лозим. «Величка» маҳсус зонасининг коменданти — штурмбанфюрер Занге. Маҳсус зонага «Величка» туз конлари, «Близна» полигони ва «Хайделагер» полигони

киради. Қраковга келган учувчилар «Хайделагер» дан экан.

— Зангэ... Эски таниш,— дея қулимсирайди Хват.

— Лейтенант Григорьев...— дейди Алиев.

— Маълумотларни ҳам Москвада, ҳам Берлинда, Фрибе орқали текшириб кўриш керак,— дейди полковник.— Агар улар тасдиқлансанса, Карасев-Денерт ва Шумскийни «Величка» конига бутунлай сафарбар этамиз.

— Бу «Хайделагер» дегани нимаси тағин? — деб сўрайди Алиев.— Полигон нима бўлади? У эвакуация қилинганими, йўқми? Ҳаммаёқ жумбоқ...

— Нега энди бу бизни ташвишлантириши керак? — деб сўрайди Хват.— Агар полигонда ракеталар бўлса — разведка борлигини кўрсатяпти — демак, полигон ҳали эвакуация қилинмаган ёки чала-ярим эвакуация қилинган. У ҳолда ракеталарни қўлга киритишга шошилиш лозим бўлади. Шундайми, Иван Петрович?

— Шундайликка-шундайку-я...

Рейхсканцеляриядаги узун ярқироқ стол атрофида Борман, Геринг, Геббелс, Гиммлер, фельдмаршал Кейтель, империя қурол-аслача министрлигининг техника хизмати бошлиғи Зауэр, қурол-аслача рейхсминистри Шпеер ва генерал-полковник фон Хорн ўтиришибди. Ҳамма жимгина кутмоқда. Оғир, таҳликали сукунат. Геббелс ўғринча соатига назар ташлайди. Соат стрелкалари ўн бирни кўрсатади.

Ниҳоят, зирҳ қопланган кенг эшиклар аста очилиб, оёқларини судраб босганча кабинетга Гитлер секин кириб келади. Нигоҳи шубҳали, тикандек қаттиқ. Файри-табиий бир тарзда тирсакдан букилган чап қўли сезилар-сезилмас титрайди.

Ҳамма ўриидан туриб фюрерни қутлайди. Бунга жавобан у қўлинни елкаси оша ҳорфингина қимирлатиб қўя қолади. Сўнг секин бориб стол ортига оғир чўкади.

Фельдмаршал Кейтель моноклини тақиб, папкасини оча бошлайди, бироқ Гитлер уни тўхтатиб қўяди:

— Тўхтанг. Сиз бу йил русларни Днепрдан шарққа улоқтириб ташлашга ваъда берган эдингиз, ўзингиз эса Висланинг ортига чекиниб ўтирибсиз. Бу ҳақда эшитавериб жонимга тегди, Кейтель. Геринг, сиз «Лондон ер юзидан супуриб ташланади», деган эдингиз. Қурол-аслаҳа рейхсминистри Шпеер, сиз ҳали май ойидаёқ менга Фау — I ракеталари ишлаб чиқаришни беш мингга, Фау — 2 ни ой сайн тўққиз юзтага етказишни ваъда қилган эдингиз. Сиз металлга муҳтож бўлмаслигингиз учун биз ҳарбий кемалар ишлаб чиқаришни камайтиридик; қўлингизга юз минглаб қулларни бериб қўйибмиз... Эҳтимол, бу камдир? Гиммлер, унга қуллардан яна беринг. Гиммлер, сизнинг Қаммлер ва Вольфларингиз нима билан машғул ўзи? Ким кимни алдаяпти? Сиз «Заводлардаги саботажларга абадий чек қўйилди», деб мени ишонтирган эдингиз. Унда нега ҳар юз ракетадан элликтаси ҳаводаёқ портлаб кетяпти?.. Нега индамай-сизлар?!. — Бир оз жимлиқдан сўнг давом этади. — Русларнинг тинка-мадори қуриган. Уларнинг бошқа резервлари йўқ. Уларнинг коммуникациялари чўзилиб кетган... Фон Хорн, сиз уларни Вислада тўхтатиб қолишингиз шарт! Шпеер, армиямизни «қасос қуроли» билан қуроллантириш учун сизнинг имкониятингизда ҳали етарлича вақт бор! Геринг, Гиммлерга яна юзта... йўқ, икки юзта люфтваффенинг энг яхши учувчиларидан беринг! Улар ракета ташийдиган самолётларни бошқариб бориб, янги, қудрати чексиз бомбаларни Россия, Англия, ва Американинг саноат марказларига ташласинлар! Биз бутун дунёни ларзага тушмоққа мажбур этамиз! Бутун дунёни!

Ҳоргин ва эринчоқ оҳангда гап бошлаган Гитлер тобора тутақа бошлайди, тобора қизиша боради. Қўзларида мутассибларча ёвуз ўт йилтирайди, у ирғишлиганча худди илгарилари омма олдида нутқ сўзлаган

пайтларида бўлгани каби муштумини ҳавода тўлғашга тушади. Фақат ғайритабий тарзда тирсагидан букилган чап қўлигини ҳамон ночор осилганча сезилар-сезилмас титрайди...

«Минг йиллик рейх»нинг зах тортиб кетган, кулранг бинолари узра кулранг тонг отмоқда. Бомбардимон излари яққол сезилиб турибди. Кўчалардан қўшинларнинг колонналари ўтиб бораётир. Ёши қайтган солдатларнинг юзлари ҳорғин ва хўмрайган, ўсмирлар каска тасмалари маҳкам сириб турган ингичка иякларини кўтарганча гердайиб қадам ташламоқдалар.

Йўлакларда ўткинчилар, асосан аёллар онда-сонда учрайди. Баъзилар қўлларини фашистча саломга кўтариб қўядилар.

Чорраҳаларда эса баланд каска ва намдан ялтираган резина плашч кийган соқчилар тошдек қотиб турдилар.

Айроқчи ёши ўттизлардан ошган, яхши кийинган бир кишини синчиклаб кузатмоқда. Ўттиз яшар гражданча кийинган эркак киши Берлин кўчаларида дарров шубҳа уйғотади. Бунинг устига, у қўшинларга қиёҳ ҳам боқаётгани йўқ, аксинча, ишчан, жиддий қиёфада йўлкадан одимлаб бораётир. Фридрихштрассе кўчасидаги доктор Курт Фрибega қарашли шахсий тиш даволаш клиникасини англатувчи камтарона лавҳа осилган 10-үй атрофига у бир лаҳза тўхтаб қолади, сўнг подъездга кириб кетади.

У иккинчи қаватга кўтарилгунча кўчадан солдат этикларининг бир меъёрдаги гурсиллаши эшитилиб туради.

Оқ оралаган соchlарига крахмалланган сочбоғ тақ-қан кекса ҳамшира аёл эшикни очиб, уни ичкарига тақлиф қилади:

— Доктор сизни кутяпти, жаноб инженер, марҳамат.

— Увв,— дейди меҳмон жунжикиб ва тиш даволаш кабинетига киради. Пенсне тақсан йўғон гавдали кекса киши унга креслодан жой кўрсатади.

— Марҳамат, жаноб Кюнль. Сиз муолажани ўтказиб юбордингиз.— Фрибе кичкинагина рентген суратини кўздан кечиради.— Жиддий асоратлар содир бўлиши мумкин. Мен маргимуш қўйиб қўяман. Бироқ уни эртага олиб ташлаш керак.

Кюнль хўрсиниб қўлларини ёзади:

— Мен бугун командировкага кетишим керак...

— Ўзингиз биласиз, йигитча, лекин бу тиш сизники.

— Бир неча кунга, холос. Краковга...

— Фаҳат оғзингизга эҳтиёт бўлинг, поляклар олдида. Фрейлейн Анна! Илтимос, маргимуш ҳозирласангиз!

Ўрмон четидаги лагерда Млинский булоқ тепасига энганиб, юз-қўзларини ҳузур қилганча муздек сувга ювмоқда. Ёнгинасида турган Ирина Петровна унинг ювининшини жимгина кузатади, кейин сочиқ тутади.

У юз-қўлларини артиб, Иринанинг соchlарига бармоқларини миннатдорлик билан оҳиста тегизади.

— Мен сени жуда кам кўрадиган бўлиб қолдим.

— Ҳечқиси йўқ, майли... Биламан, сен ҳамиша ёнимдасан, менга шунинг ўзи кифоя.

Андиша билан чеккароқقا чиқиб турган Ерофеев-нинг кўзи узоқда келаётган Хват ва Стась Дановскийга тушади.

— Полковникни кўрмадингми, Ерофеич? — деб сўрайди Хват.

Қоронфиликдан Млинскийнинг овози эшитилади:

— Ким у?

— Ўртоқ полковник! — дея жавоб қайтаради Хват. — Поляклардан алоқачи келди!

— Хўш, нима гап? — Млинский уларнинг олдига яқинлашади.

— Мен шошилинч маълумот билан келдим, — дейди Стась. — Радкевичдан. У шуни етказиб қўйишни сўради: Краковдан қирқ километр шарқроқда жойлашган «Вилена» овчилик хўжалигига овчилар қиёфасида гестапочиларнинг жуда катта группаси келиб тушган. Бу сизларга ниҳоятда яқин жой...

— Хўп, раҳмат, Стась, — дейди Млинский, сўнг Хватга юзланиб: — Разведкадан маълумотлар келдими? — деб сўрайди.

— Иўқ, ўртоқ полковник, — дея жавоб беради Хват. Млинский, Хват ва Стась поляклар ҳузурига отланадилар. Ерофеев эса булоқ бўйидаги кулранг тошустида ёлғиз ўзи ўтирган Ирина Петровна томон юради. Хўрсиниб, аста ёнинга ўтиради:

— Яна айтмадингми? Бўпти, бўлмаса, ўзим айтаман...

— Иўқ, Ерофеич, иўқ! Ундай қила кўрма! — дейди Ирина ҳаяжонланиб.

— Ойни этак билан ёпиб бўлмайди, доктор. Эгнингдаги шинелинг сифмай қолибди-ю, у бўлса ҳеч балони кўрмайди. Нима бало, ё бойқушга ўхшаб кўздан қолганмикан?

— Ерофеич, худо хайрингни берсин, жим бўл. Ахир, мени зудлик билан фронт орқасига жўнатиб юборишади-я...

— Э, энди сендан қанақа жангчи чиқарди? — деб қўл силтайди Ерофеев.

Ирина Петровна кутилмагандага юзларини сочиқ билан ёпиб йиғлаб юборади.

— Ана холос! Йиғига бало борми? Хотин киши барibir хотинлигига борар экан-да. Бўлди, битта-яримта кўриб қолади... — У чўнтагидан сухари олиб, Ирина Петровнанинг тиззасига қўяди.— Ол...

— Керакмас...

— Е, деяпман!.. Үзингни ўйламассанг ҳам лоақал

чақалоқни ўйласанг-чи! Балки солдат туғилар... Демак, бақувват бўлиб туғилиши керак-да! Е!

— Айтмайсан-а, Ерофеич? Ростингни айт...

— Майли. Сабр қилиб турайлик-чи. Балки ўзи се-зин қолар.

— Раҳмат, Ерофеич.— Ирина Петровна сержантнинг чаккасидан ўпид қўяди-да, бир хўрсинганча сухарини чайнай бошлайди.

«Монополь» меҳмонхонасиning олдида бир неча штаб машиналари турибди. Соқчилар кириб-чиқаётган офицерларга гул тутаётган жулдор кийимли қизалоқларни машиналардан нари ҳайдайди. Бу қизчалар орасида Ванда ҳам бор.

Меҳмонхона ресторани кимсасиз. Тушликдан кейинги пайт. Ҷоғроқ саҳнада хонанда аёл қандайдир немисча қўшиқни машқ қилаётир. Бу — Гелена.

Нариги бурчакда бир неча офицерлар ўтиришибди. Улар, чамаси, яқинда госпиталдан чиқишган бўлса керак — айримлари қўлтиқтаёқда, ўртоқларини фронтга кузатишлипти.

Дераза ойнасидан меҳмонхона қаршисида тўхтаган извош ва ундан сакраб тушган Шумский кўриниб туради. У Вандадан бир даста гул сотиб олиб, ресторанга киради. Стол ортига ўтириши билан таомномани очади ва гулдаста ичидан чиқсан қофозни ёзиб, кўз югуртиради: «Берлиндан Краковга инженер Қюнль жўнаб кетди. Брауннинг қўлида ишлайди. Ракета портлатгичлар бўйича йирик мутахассис. Ёши ўттиз иккода. Қўрқоқроқ. «Монополь» меҳмонхонасидан жой банд қилиб кўйилган».

Гелена қўшиғини тугатиб, саҳнадан Шумскийга кулиб боқади. У ўринидан туриб саҳнага яқинлашади-да, тавозе билан таъзим қилганча қўшиқчига гулдаста узатади:

— Ташаккур, пан...— Гелена гулдастани бепарво-

Гина олиб, пианино устига қўяди-да, машқинӣ давом эттиради.

Шумский столи ёнига қайтади.

Синов полигони бункерида унтерштурмфюрер Рот телефонда маълумотларни қабул қилиб, харитага турли қайдлар тушираётган Зангега етказмоқда.

— Фузилер батальони поляк маҳбусларининг ишчи командаси сифатида ҳаракат районига чиқмоқда.

— Жуда соз...

Рот телефон трубкасини қўйиб, шу заҳоти иккинчи-сига қўл чўзади. Трубкага қулоқ солгач, Зангега хабар қиласди:

— Учинчи батальон санитар машиналарда бошлангич маррага чиқди, штурмбанфюрер!

— Ҳозирча ҳаммаси яхши бормоқда...

Занге қўлидаги қаламни столга ташлаб, перископ слдига яқинлашади, филофни очиб, окулярга тикилади. Перископдан ракеталар ўрнатилган майдонча кафтдаги-дек яққол кўриниб туради. Занге перископ дастасини туширади.

— Сизда ҳаммаси тайёрми?

— Ҳа,— дея хийла беписанд жавоб беради Рот. — Тепкисини боссак... — сўзининг ниҳоясини имо билан якунлайди.

Алиев девор тагидаги сўрида елкасига шинелинни ташлаганча кружкадаги чойга кафтларини иситиб ўтирибди. Чеҳраси ҳорғии, дамба-дам хуруж қилиб келаетган йўталини базўр босиб қолади.

Млинский жидий, камгап қиёфада стол устидаги харитага энгашган.

Лейтенант Ковалёв киради.

— Рұксат этинг, ўртоқ полковник? Разведгруппа-дан сўнгги маълумотлар олинди.

— Қани? Ванда ҳали қайтмадими?

— Йўқ.

— Қелиши билан олдимга юбор... Ҳаммаёқ осойиштаги... — дейди Млинский маълумотларни кўздан кечи-раркан, киноя билан.

— Нимага тшвиш қиляпсан, Иван Петрович? — деб сўрайди Алиев.

— Ҳамма нарса худди гўристондагидек осойишта... Ярадорлар ортилган аравалар, қурувчи отрядлар, «Виленна»даги овчилар. А? Ҳеч қандай шубҳали нарса йўқ, шунчаки идиллия, ҳозиргача бирор марта ҳам бизни безовта қилишмади... Бу қадар хотиржамлик бежиз эмасдир... Сен яна шамоллаб қолдингми? Бу ўрмон сенга захлик қиляпти, Ҳасан.

— Ҳечқиси йўқ, яқинда Бокуга қайтгач, қуёшда исиниб ётаман.

— Юр, тоза ҳавога чиқайлик, — Млинский соатига назар ташлайди.— Бизнинг бу ўрмонда, полигон ёнгинасида қимир этмай ўтиришимиздан кимлардир манфаатдор, Ҳасан. Нима қилиб бўлса ҳам, «Хайделагеръ» қандай обьект эканини аниқламоқ керак. Шунча учувчи у ерда қаёқдан пайдо бўлган экан?

Ўрмон устидан разведкачи самолёт вағиллаб ўта бошлайди. Шу заҳоти лагердаги барча тирик жон тош қотади.

Фор оғзида ўтирган Ерофеев ичкаридан чиққан Млинский ва Алиевни кўриб қаддини ростлайди. Рўпарадаги радиист қизнинг чодиридан балалайканинг бир маромда тинғиллагани эшитилади.

— Э, жонга тегди-да,— деб хўрсинади Ерофеев.

— Самолётми? — деб сўрайди Алиев — Тепамизда чарх ургани урган, абллаҳ.

— Куни билан ғўнғиллагани-ғўнғиллаган. Мана бу ҳам... — Ерофеев чодир томонга ишора қиласди. — Катьканинг бошини қотиргани-қотирган, тузукроқ бирор нарса чалса ҳам гўрга эди.

Млинский чодирга кириб келади. Шу заҳотиёқ Иванов балалайкасини кўтарганча чодирдан отилиб чиқади. Катя Ярцева соchlарини хижолатомуз тузатиб, наушникни қидира бошлайди.

— Мен ҳозир, ўртоқ полковник, яна ўн секунд.— У наушникларни тақиб, қўлига қалам олади.— Есть!— Равон дастхат билан шифровка рақамларини ёзиб олишга тушади...

Самолёт шовқуни тинади.

Хват , Алиев, Озеров ва Иванов фордан сал берида, қуюқ дараҳт соясига тўшалган плашч-палатка устида ўтиришибди.

Ерофеев уларга яқинлашиб, Ивановнинг ёнида ётган балалайкани қўлига олади, тинғиллатиб созлагач, оҳиста чала бошлайди. Завқ билан, астойдил берилиб чалади. Ерофеевнинг куйига маҳлиё бўлиб қолган офицерлар Радкевич ва Ванда лейтенант Ковалёв ҳамроҳлигига форга кириб кетганини ҳам пайқамайдилар.

Ерофеев куйни тугатиб, балалайкани бир четга қўяди.

— Э, яша Ерофеич!— дейди Озеров.— Ўрган Вания.

— Бунчалик талантинг бор экан, нега яшириб юрувдинг!— деб сўрайди Алиев.

— Конспирация мақсадлари учун,— дея кулимсирайди Ерофеев.

— Балки сен мутлақо Ерофеич эмасдирсан,— деб кулади Хват,— Сен тагин Ойстрах бўлмагин?

— Унисини-ку билмадим, аммо фрицларнинг даҳшати экани аниқ¹.

— Ўртоқ офицерлар!— дея Хват фордан чиқиб келган полковник ва Радкевични кўриб ўрнидан сапчиб туради.

¹ Бу ерда сўз ўйини: «Ойстрах»— машҳур созандашнинг фамилияси; «страх»—«даҳшат» демакдир. (Тарж.)

— Ўтираверинглар, ўртоқлар, ўтираверинглар — Млинский ҳам плашч-палатка устига тиз чўкади.— Ерофеич, яна чал-чи, яхши чалар экансан. Фақат, анави ерга бориб чал, кейин кўз-кулоқ бўлиб тур, бизга ҳеч халақит бермасин...

— Есть!

— Москвадан мана бу хабар олини,— дея маълум қиласди Млинский.— Мавжуд маълумотларга кўра, душман «Хайнкель»—111 бомбардимончи самолётларидан Москва, Ленинград, Куйбишев ва Урал ортида жойлашган муҳим саноат объектларига ракета зарбаси беришда фойдаланиш учун тайёрланаётган экан...

— Оббо, лаънатилар-эй, тумшуқ чўзган жойларини қаранг!— дейди Ерофеев.

— Бомбардимончи самолётларнинг экипажлари ва ракеталарни мўлжалга йўллайдиган кушанд-учувчиларни тайёрлаш ишлари чўлнинг аллақаеридаги лагерда амалга оширилмоқда...

— Ана бу маълумотларнинг аниқлигини қаранг-а! — дея бош чайқайди Хват.— Чўлнинг қаерида?

— Қандай қилиб бўлмасин, душманинг бу режасини барбод этмоқ лозим. Имзо: Антонов... Мана шундай — қандай қилиб бўлмасин...

— Ишлари чатоқ,— дея бош чайқайди Алиев.— Кушанд-учувчиларни тайёрлашаётган бўлса...

— Фанатикларни топишади,— дейди Радкевич.

— Мулоҳаза ва иккиланиб ўтиришга бошқа вақтимиз, йўқ,— дейди Млинский.— Тонг отиши билан полигонга ҳужум қиласмиз.— У харитани ёзади.— Миначилар взводини Радкевич отрядига берамиз. Полякларнинг вазифаси «Хайделагер» обьектидаги ангар¹ ва омборларни яксон қилишдан иборат. Оддинга ташланадиган группалар «Близна» полигонидаги ракеталардан барча қимматли асбоб-ускуналарни олиб, самолёт-

¹ Ангар — самолёт ва дирижабеллар турадиган бино.

ни қабул этгунимизча ва унга асбоблар билан ярадорларни ортиб бўлгунимизча бизни душмандан тўсиб туришлари керак... Сен, Виктор Петрович,—дэя Хватга ўғирилади у,— бугун кечасиёқ Бейсембоевнинг ротаси билан бирга бутун хўжаликни олиб Чехословакияга жўнайсан... Бу — бўйруқ. Чегарада Ян Жижка номли чех партизанлар отряди билан учрашасан. Улар сенга ёрдам берадилар. Маршрут келишиб қўйилган. Биз орқангдан борамиз. Саволлар борми?

Алиев кутилмаганда сўраб қолади:

— «Чўл» немисча нима дейилади?

— Степпе,— деб жавоб беради Радкевич.

— Худди русчадагидек экан-да. Мен боядан бери бир нарсани ўйлајпман: Германияда чўл йўқ-ку, бу кушандалар лагерини қаердан қидириш керак экан?

— Топамиз, Ҳасан.

— «Саҳро»чи?

— Оде,— деди Радкевич.

— Вюст,— дэя қўшимча қилди Млинский.— Шошма-шошма... Э, яша, Ҳасан, ақлингга балли! Ке, бир ўпай!..

— Ҳа-ҳа, нима бўлди?

— Мана, қара!— Млинский чўнтағидан картон қороз олади.— Буни Ванда Краковдан олиб келди.

— Хўш,— дейди Алиев ва ўқий бошлайди:— «Хайделагер» обьекти Дембицанинг шимоли-шарқида жойлашган бўлиб, ер ости ангарлари ва ёнилғи омборларига эга йирик аэрородромdir. Қюнълъ Краковга келди...»

— Сен мана бунга қара,— деб харитадан кўрсатди Млинский.— «Хайделагер». «Хайде — немисча «яйлов», «яланглик» дегани, буни «саҳро» деб ҳам таржима қилиш мумкин. «Хайделагер» — «саҳро лагери». Бу ўша бизга керак нарсанинг худди ўзи, Ҳасан! Мана, улар мутаассиб кушандаларни қаерда тайёрлашади! Хўш, Радкевич, вазифа янада мураккаблашмоқда. Ўйлайманки, бир взвод миначи сенга камлик қилар...

Óқшом. «Монополь» меҳмонхонаси ниғ ресторани да одам гавжум: офицерлар, генерал-губернаторлик амалдорлари, аёллар. Шовқин-сурон, тамаки тутуни. Деразалардаги пардалар маҳкам ёпиб қўйилган.

Чофроқ саҳнада испанча костюмдаги раққослар жуфтити хабанеро ижро этаётир.

Официант қўлидаги патнисини боши узра баланд кўтарганча зич қўйилган столлар оралигидан эпчиллик билан ўтиб турибди.

Карасев ва Галена дераза олдида ўтиришибди. Гелена кўкси анчайин бепардалил билан очилган кўйлак кийган, енгил туфлидаги оёқларини оҳиста қимирлатганча, сигарета чекади. Уларнинг ёнгинасига иккита танкчи офицер келиб тўхтайди.— Иккаласи ҳам фронтдан яқинда қайтганга ўхшайди, иккаласининг ҳам кўкрагида рицарлик крестлари.

— Рұксат этинг, капитан? — дейди улардан бири Карасевга мурожаат қилиб.

— Узр сўрайман, жаноблар! — Карасев ўрнидан турди.— Бу жойлар хавфсизлик хизмати томонидан банд этиб қўйилган...

— Кетдик, Генрих,— дейди биринчи офицер жиркануб,— бу ерда ҳамма нарсани фронт ортидаги каламушлар банд этиб қўйишган...

Офицерлар нари кетадилар.

— Қюнль меҳмонхонадан чиқмадими? — деб сўрайди Қарасев секин.

— Йўқ-йўқ. Мен бутун оқшом анави тентак Зохбах билан холлда гап сотиб ўтирдим. Кейин Шумский келди....

Саҳнадаги раққос жуфти ўрнига арра кўтарган қизил бурунли масхарабоз чиқиб, қўлидаги асбобда сентименталь вальс чалган бўлади. Шу пайт залга Қюнль кириб келади. Одам тўла залга назар ташлагач, бўш

жойга кўзи тушиб, Геленанинг столига журъатсизлик билан яқинлашади.

— Хайрли кеч,— дея соchlари силлиқ таралган бошини оҳиста эгади.— Кечирасизлар, мен сизларга халақит бермайманми?

— Йўқ. Худо ҳақи.— дейди Гелена.

— Ташаккур. Зигфрид Кюнль. Инженер,— дея ўзини таништиради у.

— Эрнест Деннерт,— Каrasев ўрнидан туриб, пошналарини бир-бирига уриб шиқиллатади.— Фрейлейн Гелена.

Кюнль стол ортига ўтиб ўтиради.

— Берлиндан келганингизга анча бўлдими?— деб сўрайди Карасев.

— Бугунгина келдим. Қаёқдан билдингиз?

— Қадрдон шевани эшитганимдан кейин...

— Демак, сиз берлинлик экансиз-да?— деб жилмаяди Кюнль.— Ҳамشاҳаримни учратганимдан хурсандман. Фрейлейн Гелена-чи?..

— Гелена шу ерда, Краковда туғилган. Отаси — немис, онаси — поляк,— дейди Карасев.

— Ҳа-а, демак, сизнинг бемисл гўзаллигингиз сири бу ёқда экан-да,— дея кулимсирайди Кюнль, Геленадан кўз узмай.

— Минннатдорман. Эшитдингми, Эрнест? Сендан ҳеч қачон бундай сўзларни эшитиб бўлмайди...

— Мендан нима яхши сўз эшитардинг? Қўпол бир солдат бўлсан,— дея хўрсинади Карасев.— Сиз Краковда илгари ҳам бўлганмидингиз?

— Йўқ. Ҳеч кимни танимайман ҳам. Сиз билан танишганимдан шунинг учун ҳам хурсандман.

— Шинамгина шаҳарча. Лекин энди, афсуски, ундей эмас: фронт ғоят яқинлашиб қолган...

Кюнль жавоб маъносида бош ирғабгина қўя қолади.

Масхарабоз, ниҳоят, аррасини кўтариб, саҳнадан

йўқолади. Онда-сонда янграган қарсаклар тўсатдан кучли олқишига айланади. Кюнлни таажжубда қолдириб, Гелена саҳнага чиқади.

Кюнль кўзларини хонандадан узмай қўшиқ тинглади. Гўё инженернинг нигоҳини сезгандек, қиз жавобан жилмайиб қўяди.

Карасев стол устида ётган хона калитига диққат билан тикилиб ўтиради...

Форда Млинский ва Ерофеевдан бошқа ҳеч ким йўқ. Сержант қош-қовоғини уйганича жимгина нарсаларни иғишиштиromoқда.

Млинский гимнастёрка устидан пахталик кийим, камарини тақади. Қопга сифмаётган этигини зўр бериб тиқишираётган Ерофеевга кулимсираб қарайди.

— Нега бунча бўрига ўхшаб пишқирасан? Сифмаётган бўлса, отиб юбор-қўй-да.

— Э, қуриб кетмайдими этикларингиз,— дейди Ерофеев астойдил ачиниб, оғзи бўғилмаган қопни базўр ташларкан.— Этикмиш-а... Сиз одамларни пайқамайдиган бўлиб кетдингиз-у...

— Бу нима деганинг?

— Нима, ўзингиз кўрмаётибсизми? Докторимизнинг қорни бурнига тегай деб турибди-ку, сиз бўлсанғиз уни ўрмонма-ўрмон, тоғма-тоғ судраганингиз-судраган...

— Нима? Нима деяпсан?

— Айтаяпманки, сиз катта ишлар билан бўлиб, атрофдаги ҳеч нарсани кўрмай қоляпсиз! Э, яна нима деб тушшунтирай энди: Ирина ҳомиладор, яқинда бола кўради...

— Ерофеич... — Млинский довдираб, илжайганича сўридан пастга тушади.— Ерофеич... Эҳ, мен қари тентак... Нега бўлмаса индамадинглар? Нега ўзи бир оғиз чурқ этмади?

— Аёлнинг ҳам ўзига яраша ғурури бор-ку! У сизнинг кимингиз бўлади? Буни ўйлаб кўрдингизми?

Агар хотиним десангиз, рисоладагидек расмийлаштириш лозим... Худо кўрсатмасин, сизга бирор нарса бўлгудек бўлса, у чақалоқ билан чирқиллаб қолаверади. Қим бўлиб? На бева, на... Уни Катта ерга жўнатиб юбориш керак.

— Тўғри, айтасан, Ерофеич, ҳамма гапинг тўғри!— дейди Млинский.— Раҳмат...

Оқшом қоронғилигига лагерь жонланиб қолади: одамлар саф торта бошлайдилар, бўғиқ оҳангда берилаётган буйруқ товушлари эшишилади, арава фидиракларининг ғижирлаши, этик ва от туёқларининг дупури, қурролларнинг жаранги, паст овоз билан сўкинишлар қулоққа чалинади...

Санчасть чодирларини йиғишираёттир. Ярадорларни араваларга ортишган. Ирина Петровна, хотиржам ва ишчан қиёфада аравадан ўтиб, ярадорлардан ҳол-аҳвол сўрайди, жароҳатларига боғланган докаларни тузатиб қўяди.

Анча нарида, дарахтлар орасида саф тортган жангчилар олдида Алиев нутқ сўзлайди. Унинг сўзлари санчастьга узуқ-юлуқ етиб келади:

— Ўртоқлар... Ватанимиз мустақиллиги учун... Европа халқларининг озодлиги... Фашист газандаларини ўз уясида яксон этмоқ...

Млинский дарахт танаси орқасида Ирина Петровна ни узоқ кузатиб туради, сўнг уни оҳиста чақиради:

— Ирина!

Доктор титраб кетади, қайрилиб қарапкан, шинелининг тумаларини шоша-пиша қадайди.

— Иван Петрович! Вания! Қадрдоним... Бу қанақаси бўлди? Биз кетяпмиз, сен қоласанми?

— Ирина...

— Истамайман, эшитяпсанми, сени йўқотиб қўйишдан қўрқаман.

— Ирина, Ирина...— Млинский уни бағрига босиб,

қизғин шивирлайди.—Мен ҳаммасини биламан, мен баҳтиёрман, эшитдингми?.. Фақат илгарироқ айтиш керак эди, сен ҳам, бола ҳам аллақачон бехатар жойда бўлардинглар...

— Ерофеич айтдими? Гуллаб қўйибди-да.

— Сен фақат ўзингни эҳтиёт қилсанг бас, биз тезда кўришамиз... Кейин тўйимиз ҳам бўлади. Бўлади! Барча балою оғатларга, ўлимларга қасдма-қасд биз баҳтли бўламиз, эшитяпсанми?..

Санчать аравалари жойидан жилади, қиз боланинг товуши келади:

— Ирина Петровна! Ўртоқ капитан!

— Мен ҳеч қаёққа кетмайман! Сенсиз ҳеч қаёққа кетмайман!— дейди Ирина Петровна.

Млинский хўрсиниб, уни маҳкам қучади.

Ресторан залидаги рақс бурчагида одам шу қадар тифизки, жуфтлар бир-бирларига ёпишгудек бўлиб рақс тушмоқдалар.

Гелена Қюнль билан ҳиром этмоқда. Сархуш инженер қизнинг бармоқларини сиққанча қулоғига алланималар шивирлайди. Қиз эса кулимсираб бош чайқайди.

Қюнль хонасининг калити Карасев-Деннерт ёлғиз ўзи ичиб ўтирган стол устида ётибди.

Қюнль ва Гелена ёноқларини ёноқларига меҳр билан суйкаб рақс тушадилар. Инженер яна қизнинг қулоғига шивирлай бошлайди..Аммо бу сафар у инкор маъносида бош чайқайди.

— Йўқ, Зигфрид, бунинг иложи йўқ...— Қизнинг ярим очиқ, чорловчи лаблари шу қадар мафтункор!— Иложи йўқ,— дейди у ва йигитнинг бағрига янада маҳкамроқ ёпишади.

Музика тингандан кейин ҳам, улар бир-бирларининг оғушларидан ажралолмай бир муддат қимир этмай турдилар. Ниҳоят, столлари олдига қайтадилар.

Геленанинг қўлини хуштавозе билан ўпиб, жойига ўт-қазгач, Қюнль, тўсатдан хўмрайиб олган Карасевнинг рўпарасига ўтади.

— Фрейлейн Гелена ажойиб рақс тушар эканлар...

— Ҳа, мен кайф бўлиб қолдим шекилли.. Яхшиси, мен кетдим. Орқамдан бориб юрма! Тамом! Ҳаммасига лаънат!— Карасев ўрнидан туради, стол устига пул ташлайди.— Ҳаммасига лаънат!— Хиёл гандираклаган, бироқ қаддини тик тутишга уринган ҳолда эшикка қараб юради.

Гелена ҳошиялари жимжимадор рўмолчаси билан қўзларини артиб, унсизгина йиглайди.

— Кўйинг, тинчланинг,— Қюнль унинг қўлини эр-калас сиқиб қўяди.— Афсус, мен тифайли шундай бўлди.

— Э,— дея рўмолчасини силкийди Гелена,— ҳаммаси жонимга тегди!

— У тез-тез шу аҳволга тушиб турадими?

— Ҳар оқшом. Фронтдан қайтгандан буён шундай бўлиб қолди.

— Ҳа, ғоят ачинарли ҳол.

Гелена рўмолчасини кумушранг сумкачасига солиб, оҳиста хўрсинади, бир оздан сўнг, хомушгина жилмаяди:

— Мана, энди мен озодман...

Қюнль, Геленани олдинга ўтқазиб, ортидан ўзи қоп-қоронги хонага киради. Эшикни қулфлаб, чироқни ёқади.

Эшик қаршисидаги креслода ўтирган Карасев ўрнидан туради. У буткул ҳушёр. Пардалари тушириб қўйилган дераза олдида Шумский турибди.

— Бу қанақаси?— деб сўрайди инженер каландимоғлилар билан.

— Секинроқ, жаноб инженер,— дея огоҳлантиради Карасев.

Аммо Қюнль товушини баландлатади:

— Мен талаб қиласанки...

Карасев бир зарб билан инженерни ерга қулатади:

— Мен сизни огоҳлантирган эдим-ку, астароқ, деб!

Кюнль полда узала тушганича Карасевга, дераза олдида, Шумскийнинг ёнида хотиржам турган Геленага қўрқув билан аланглайди.

Карасев чурқ этмай Кюнлни ёқасидан олиб ваннахонага судраб киради. Эсхонаси чиқиб кетган инженерни газ колонкасига қараб улоқтиради, қўлларини қувурдан айлантириб бурайди ва шу заҳоти кишаннинг шиқирлагани эшитилади.

— Сизга нима керак? — дея қўрқа-писа хириллайди Кюнль.

— Ҳозир биласиз. Фақат ўзингизни яхши тутсангиз бас — ҳаммаси жойида бўлади.— Карасев унинг чўнтакларини титиб, ҳамён ва ҳужжатларини олади.— Қуролингиз борми?

— Йўқ...

Карасев душ жўмрагини бурайди.— сув шовиллайди. У бир лаҳзага ваннахонадан чиқиб, ҳужжатларни Шумскийга беради-да, қайтиб киради.

— Гапимга диққат билан қулоқ солинг. Зигфрид. Биз истаган нарсамизга қандай қилиб бўлмасин баридар эришишимизни сиз яхши англаб олмоғингиз керак. Шу сабабли ҳам саволларга тўғри ва найрангиз жавоб берганингиз маъқул. Гапимга тушундингизми?

— Ҳа...

Шумский киради.

— Мана бу динстаусвайсдаги¹ фотосуратни алмаштириш керак.

— Хавфли. Бу срда белгилар ҳам кўрсатилган,— деб елка қисади Карасев.

— «Кўзлари мовий, юзи чўзинчоқ...» Менимча, тўғри келади.

¹ Динстаусвайс — хизмат гувоҳномаси . (Нем.)

Қарасев эшикни очиқ қолдириб чиқади.

— Сиз Вернер фон Брауннинг ракета марказида ишлайсизми? — деб сўрайди Шумский Кюнлдан.

— Нима десам экан...

— Имкони борича — аниқроқ.

— Мен «Сименс» фирмасининг конструкторлик буросида ишлайман, биз Брауннинг буюртмаларини бажарамиз ва бинобарин, ҳам унинг, ҳам маҳсус вакил — груп-пенфюрер Вольфнинг олдида жавобгармиз... Сизлар мени нима қилмоқчисиз?

— Бу жуда кўп шароитларга, жумладан, жавобларингизнинг қанчалик тўғри чиқишига ҳам боғлиқ. Сиз Krakovга нима учун келдингиз?

— Командировкага. «Величка» маҳсус зонасидаги муассасага.

— Командировкадан мақсад? Батафсилоқ, Кюнль.

— Мен ракеталарнинг старт олгандан кейин ҳавода нима сабабдан портлаб кетаётганини аниқлашим керак. Бу нарса ракеталарни йиғиш чоғидаги саботаж туфайли, деган тахмин бор...

— Шундай саботаж бўлиши мумкинми?

— Принципда — мумкин. Белгиланган меъёрлар хиёл бузилса, ракеталар парвоз пайтидаги вибрацияда...

Бўсағада Гелена пайдо бўлиб, огоҳлантирувчи ишора қиласди.

Шумский Кюнлга қатъий тикилди, аммо у бусиз ҳам Гелена остонаяда кўринган дамдаёқ тош қотган эди, секин хўрсиниб, девор томонга ўгирилади.

Йўлакда, Кюнль хонасининг эшиги олдида эса, навбатчи эсесчи тўхтайди. Ичкарига қулоқ солади. Хонадан сувнинг шовиллаши эшитилар-эшитилмас қулоқча чалинади.

Краков. Гестапо. Стол ортида ўтирган Вольф Дембичанинг катта масштабли харитаси олдида турган Зангенинг ахроботини тингламоқда.

— Млинский полигонга ёш бола рождество тешиккул-часига ёпишиб олгандек ёпишиб олди. Ўйлайманки, бугун бўлмаса эртага у ракеталарни қўлга киритишга уриниб кўрса керак...

— Ҳамма нарсанг тайёрми?

— Яна бир неча соат кифоя — қопқон тайёр бўлади... Млинский ракеталарни буткул эгалладим, деб ҳисобланган палла махсус қурилма портлайди, умумий ҳужумга сигнал ана шундан бошланади.

— Яхши,— Вольф стол ортидан чиқиб, харитага яқинлашади.— Фақат тўла қуршовга олишни чўзиб ўтирганлар. Чўзманглар, Занге. Бақт бизнинг зараримизга юряпти. «Величка» объектида соқчилик кучайтирилганми?

— Худди шундай, группенфюрер. Сичқон ҳам киролмайди...

Махсус зона дарвозасига кираверишда соқчилар Шумскийнинг ҳужжатларини қайта-қайта синчиклаб текширадилар. Сўнг ҳужжатларни қайтариб бериб, дарвазани очадилар. Машина ичкари кириши билан улардан бири Назорат пункти хонасидан кимгадир телефон қиласиди...

Машина омборлар ҳамда ёнбошига қизил крест тасвири туширилган бир неча вагонлар турган темир йўл излари ёнидан ўтиб, икки қаватли чофроқ бино қаршисида тўхтайди.

Баланд бўйли, малла шарфюрер машина эшигини очиб, Шумскийни қутлайди:

— Хайль Гитлер!

Шумский бунга жавобан эътиборсизгина қўл силкиб, бинога киради.

Малла шарфюрер уни кабинетга кузатиб киргач, ўзи эшик олдида тўхтайди.

— Келишингиз ҳақида бизни Берлиндан огоҳлантиришган эди, бироқ штурмбанфюрер Занге ҳозир объектда йўқ, бир оз кутишингизга тўғри келади...

Шумский плаш ва шляпасини илиб, стол томон юради.

— Менинг вақтим ниҳоятда зиқ, шарфюрер, кутиб ўтиришга фурсатим йўқ. Бундан ташқари, иш ҳам гоят муҳим. Ҳужжатларни шу ерга олиб келиб беринг-да, менга ҳеч ким халақит бермаслигини таъминланг!

Шарфюрер хиёл иккиланиб туради-да, эшикни очиқ қолдириб, ташқари чиқади.

Шумский йўғон панжара тутилган деразага яқинлашади. Ҳовлининг ичкарисида чўзинчоқ, баланд қутилар кўриниб туради, солдатлар уларни эҳтиёткорлик билан қизил санитар крестли пассажир вагонларга юкламоқдалар.

Иккита катта картон папка кўтарган шарфюрер СС формаси кийган бурни узун, озгин, оқ-сариқ аёл билан бирга кабинетга қайтиб киради. Шумский стол ортига ўтириб, қўлқопини ечмай биринчи папкани очади ва ҳануз хонада турган малла эсесчи ва унинг шеригига саволомуз қарайди.

— А —I группа ҳужжатларининг сақланиш инструкциясига мувофиқ унтершарфюрер Фогель ҳамма вақт уларнинг ёнида бўлиши шарт,— дейди малла эсесчи.

— Ҳар бир объектнинг ўз тартиблари бор,— деб кулади Шумский ва аёлга ўгирилади.— Чексам майлим, унтершарфюрер?

— Марҳамат,— дейди у қуруққина қилиб ва Шумский қаршиисига ўтиради.

Йўл муюлишида Млинский отряди иккига бўлинади...

Солдатлар шовқин чиқармасликка тиришиб илгари-ламоқдалар. Отларнинг туёқларига чипта ўралган.

Партизанлар алоҳида колонна бўлиб боришаётли.

Муюлишда Млинский, Алиев, Озеров, Иванов ва поляк партизанларининг командири Радкевич туришибди. Сал четроқда Стась ва Ерофеев эгарлоғлиқ отларнинг жиловидан тутиб туришибди.

— Соатларни текшириб олайлик.— Млинский ва Алиев циферблатлари ялтираган соатларини бир-бирига яқинлаштирадилар.— Тўппа-тўғри. Демак, биз сендан ярим соат кейин бошлаймиз.

— Омадингни берсин,— дейди Алиев.

— Сени шайтоннинг ҳузурига йўллааб ўтирмайман — ўзинг нақ оғзиға қараб кетяпсан, Ҳасан. Яна бир марта илтимос қиласман, эҳтиёт бўлгин. Манави номаълум санитар аравалар СС «овчилари» билан қаёққа гумдон бўлаётгани менга мутлақо ёқмаяпти...

— Мен жуда-жуда эҳтиёт бўламан,— деб кулади Алиев.

— Биринчи алоқа сеанси — бешда, кейин эса — ҳар чорак соатда.

— Есть!

— Хўп, бўлмаса...— Млинский Алиевни қучади.

Ўрмон четидаги ракеталар ўрнатилган майдонча ҳамда соқчи яққол кўриниб турган сайҳонликда, дараҳтлар панасида разведкачилар билан бирга Алиев, Озеров, Лукъянов ва сержант Косих ётишибди.

— Соқчининг алмashiшига чорак соат қолди,— деб шивирлайди Косих.

Озеров қора чамадонни ўзига яқинроқ тортади.

Ҳужум группаси солдатлари тиканли тўсиқдаги ўтиш жойлари томон эмаклаб кетадилар...

Бу вақтда бункерда Занге перископ қаршисидаги ўз ўрнини унтерштурмфюрер Ротга бўшатиб беради.

— Кофе ичасизми?— дейди инженер-майор термосни кўтариб.— Ростакам кофе.

— Миннатдорман, мен ухламоқчи эдим.— Занге аста чўзилади.— Улар энди бугун келмайди шекилли...

— Мен негадир соқчини кўрмаяпман,— дейди Рот ташвишланиб.

— Нима?

Занге ёш офицерни итариб юборади-да, перископга ташланиб окулярга ёпишади. Перископдан милтигини тўғрилаётган соқчи кўринади.

— Мана-ку у! Нима бало, кўздан қолганмисиз?..

Ракета майдончасида соқчининг каскаси ва ёпинчиқ-плашини кийиб, милтигини тақиб олган Лукъянов турибди. Ўлдирилган соқчи пастак бетон тахта орқасида ётибди, лейтенант Озеров эса ракеталардан бири остига ўз чамадони билан жойлашиб олиб, унинг тузилишини диққат билан кўздан кечирмоқда. Металл конструкцияларни пайпаслаб, симларни топади-да, асбоб-ускуналар батартиб жойлаштирилган чамадонни очади.

Занге перископни буриб, ҳар бир қурилмани бирмабир кузата бошлайди. Биринчиси ёнида ҳеч қандай шубҳали нарса сезмагач, иккинчисига ўтади...

Озеров симга датчик игнасини эҳтиёткорлик билан суқиб, тестер ёрдамида текшириб кўради. Асбобнинг ялтираб турган шкаласидаги стрелка жойидан қимириламайди.

Озеров симдан датчикни олиб, тестерни жойига солади ва чамадондан кичкина омбири чиқаради.

...Шундагина Занге қурилмалардан бири остида аллақандай шубҳали нарсани сезиб қолади. Перископни буриб қарайди ва ёнбоши ердан энди хиёл кўтарилигандан аниқ-таниқ кўради.

— Аҳ, лаънати! Тревога! Тревога берниг, майор!
Майор нультга қараб ўтирилади...

...Озеров симни қирқиб, учларини икки томонга ёzáди...

...Майор шоша-пиша мўъжаз мурватларни олдинма-

кейин босади. Занге перископдан кузатиб туради: қурилмалар бус-бутун. Майорга ўгирилади:

— Нима қиляпсиз?

— Уланмаяпти...

— Аҳ, ярамас! Ясад кетишибди...— Занге дарғазаб, лекин воқеалар ривожидан умуман мамнун.— Зудлик билан мени Вольфга уланг, Рот! Улар ниҳоят келишди. Тревога сигнали беринг, майор!

Полигон узра иккита яшил ракета осмонга кўтарилади, сиреналар чинқиради, прожекторлар ёғдуси ҳавода кесиша бошлайди. Миноралардаги кучли прожекторлар ракета майдончасини кундузгидек ёритиб юборади, пулемётлар тариллади.

Ва шу заҳоти полигоннинг турли бурчакларидан қоронғилик бағрини тилиб автомат ўқлари янграйди.

Сержант Қосих бошлигидаги разведкачилар минораларга граната улоқтирадилар. Озеров эса ракета корпусидаги люкни хотиржамлик билан оча бошлайди.

Лукъянов югуриб келаётган немисларга қараб ўт очади.

Прожекторлар ёғдуси қоронғилик қўйнида гоҳ немис солдатларининг гавдаларини, гоҳ бизнинг автоматчиликаримизни, гоҳ тиканли сим ортидаги маҳбусларнинг бўздек оқарган юзларини ёритади...

Баракларнинг соқчиларини яксон қилгач, Алиев бошлиқ жангчилар маҳбусларни озод этадилар.

— Ўртоқлар!— деб қичқиради Алиев.— Сизлар озодсиз! Фашизмга ўлим!

Ола-була увадаларга ўранган шарпасимон одамлар уни қуршаб олишади.

— Бизга қурол беринг, ўртоқ!— деган русча хитоб янграйди.

— Қурол беринг, ўртоқ!— деган чехча сўз эшитилади.

— Қурол!— дея қичқиришади поляк маҳбуслар.

— Биз сиз билан бирга жанг қиласыз, дүстлар! — деган французча хитоб янграйди.

Жангчилар маҳбусларга ўлжа олинган автоматлардан улашадилар.

Полигон яқинидаги ўрмон ичидан қисқа-қисқа командалар қулоққа чалинади.

Кизил крест тасвири туширилган, немис солдатлари билан тұла брезент чодирли санитар машиналарининг моторлари гувиллайды.

Бронетранспортёрлар йўлга тушади.

Эсесчилар мотоциклларини ўт олдирадилар.

Занге перископ олдида жангнинг боришини кузатмоқда. У Алиевнинг одамлари ракеталар ёнида ўралашыб юрганини кўриб, телефон трубкасини олади.

— Соат тўрту ўттиз минутда «Близна» полигонига руслар ҳужум қилдилар. Шарқий участка соқчилари уларни ўтказиб юборган. Фузилер батальони ва егер полки тревога билан оёққа турғизилди...

Вольф ўз кабинетида стол ортида ўтирибди. Телефонда гаплашаркан, қандайdir қофозларга имзо чекади ва рўпарасида турган Крюгерга — генерал-полковник фон Хорннинг собиқ адъютанти, ҳозир эсесчи формаси кийиб олган офицерга қараб-қараб қўяди.

— Жуда соз, Занге. Млинскийга ҳамма кучларини полигонга ташлаши учун бир оз имконият бер. Етарлича ичкари кириб бўлганидан сўнг ҳужумга ўт. Ҳар йигирма минутда доклад қилиб тур.

Ракеталар ўрнатилган майдончадан ёниб тугаётган миноралар кўриниб турибди, гранаталарнинг портлаши ва автоматларнинг тариллаши эшитилади. Баъзан дайди ўқлар бу ёққа ҳам келиб қолади, бетон деворларга тегиб ҳуштак чалади, ракета қурилмаларининг нўлат филофларига қапчиб урилади. Ракеталарнинг люклари очил-

ган. Уларнинг бири ёнида Озеров тестер ёрдамида алланарсаларни текширмоқда. Яқинлашиб келаётган майор Алиевни кўриб, майдончадан ерга сакраб тушади.

— Ўртоқ майор! Бакларда ёқилғи йўқ.

— Ундай бўлса, яхши.

— Яхшиликка яхшику-я, лекин унчалик яхши эмас-да. Улардаги барча қимматли қисмлар аллақачон олиб қўйилган.

— Э, ҳали шундай дегин...

— Умуман, ҳеч гапнинг тайини йўқ экан.

— Демак, бу ерда бизни пойлашаётган экан-да, а, капитан?

— Тўппа-тўғри. Чинакам қопқон бу. Ҳали ҳам кеч эмас, бу ердан кетиш керак, ўртоқ майор...

Алиев соатига қаради.

— Йўқ, капитан. Бу ердан кетмаймиз. Улар бизни бу ерда кутишаётган экан, демак, бошқа жойда кутишмайди. Сокирко! Полковник билан боғлан! Зудлик билан!

«Хайделагер» ўқув маркази. Млинскийнинг жангчилари ва Радкевичнинг партизанлари қалъя деворлари ва миноралари бўлган уч қаватли кўҳна поляк қасрига ҳужум қилимоқдалар.

Дарвоза олдида бир неча штаб машиналари бурқсиб ёнаётир. Дарвозалар эса портлашда дабдала бўлиб кетган: бир тавақаси жарга қулаган, иккинчиси михга илиниб, жойида қийшайиб ётиди.

Жангчилар жаргача ёриб кирадилар, аммо автомат ва пулемётлардан ёғдирилиб турилган ўқ ёмғири нари силжишга имкон бермайди.

Ўрмон ёқасида — хизмат бинолари: кирхона, нонвойхона, гараж. Бир неча енгил машиналар турган гараждан қаср ва ёнаётган кўпrik яқъол кўринади. Млинский рациядан радиограмма қабул қилаётган Катя Ярцева томон энгашади.

— Алиевдан,— дейди Катя.—«Близна» полигонига

қопқон қўйилган экан. Ракеталарда портлагичлардан бошқа ҳеч нарса йўқ... Немислар, чамаси, бизни отряднинг барча кучлари деб гумон қилиб, қуршаб олаётир. Жангга киришга қарор қилдим...»

Млинский тишларини маҳкам қисади. Катядан наушник ва микрофонни тортиб олиб, қичқиради:

— Ҳасан, Ҳасан, эшитяпсанми? Лоақал бирор соат туриб бергин! Шундан кейин чекин! Эшитяпсанми? Фақат бир соат! Кейин чекин!.. Тамом!— У микрофон ва наушникларни Катя Ярцевага қайтариб беради.— Самолётларни чақир!

Млинский бир муддат қасрга жимгина тикилиб туради, сўнг автоматини олиб, хандақ ёқалаб ётган жангчилар ёнига қараб югуради. Ерофеев унинг ортидан чопади.

Атрофда ўқлар чийиллайди, чанг-тўзон кўтарилади.

Млинский югуриб бориб Иванов ва Радкевич билан ёйма-ён ётади.

— Нега тўхтаб қолдинглар?

— Ут...

— Олға!— Млинский шундай дея биринчилардан бўлиб ҳужумга ташланади.

Бир неча жангчилар арқон учини тугиб, қалъа деворларига улоқтирадилар ва арқонга осилганча деворга тирмасиб чиқа бошлайдилар. Девор тепасига чиққач, ҳовлига сакраб тушадилар. Қўл жангидаги соқчи солдатларни тор-мор этиб, ён томондаги эшиклардан саройга бостириб кирадилар.

Ошхонада авж олган жанг емакхонада...

йўлакларда...

спорт залида...

ётоқ бўлмаларида... шиддат билан давом этади.

Учувчиларининг баъзилари мундирларини чала-ярим кийишга улгурган, айримлари ярим яланғоч ҳолда пала-партиш ўқ узганча жон талвасасида олишадилар.

Занге бункерда перископ орқали кузатишда давом

этаётир. У совет жангчиларининг миномёт ва артиллерия ёмғири остида старт майдончасига бостириб кирганликларини, яқиндагина юз берган портлашдан ракеталарнинг бири қулаганини кўриб туради... Сўнг телефон орқали хабар беради:

— Млинскийнинг отрядини яксон қилиш операцияси бошланди, группенфю rer!..

Вольф стол ортида ўтириби.

— Жуда соз, Занге,— дейди у телефона.

Шу пайт иккинчи телефон ҳам жириングлайди. Адъютант Крюгер трубкани Вольфга узатади. У янги хабарни хўмрайиб эшигади, сўнгра совуққина қилиб дейди:

— Мен барча чоралар кўрилишини ва ҳужум қайтарилишини талаб этаман. Тезда ўзим олдингизга етиб бораман... Алло! Алло!..— У трубкани Крюгерга итқитиб, Занге билан гапни давом эттиради, бироқ энди унинг товуши кескин оҳангда янграйди:— Табриклайман. «Хайделагер» объектига ҳужум қилинибди. Ҳозиргина у билан алоқа узилган.— Адътантга қараб шоша-пиша буюради:— Мени фон Хорн билан ула!.. Ҳа, мен эшиятман, Занге! Мен сенга Млинский ҳамма кучларини олиб кирмагунча бошламасликни буюрган эдим-ку! Тамом! Млинский эмас, ўзинг қопқонга тушиб ўтирибсан!— Вольф трубкани итқитиб, Крюгернинг қўлидан бошқасини олади.— Генерал, ўзингизмисиз? Операция бошланди... Ташаккур. Мен яна бир полк беришингизни сўрайман... Тушунсангиз-чи, ахир бу давлат аҳамиятига эга иш!..

Млинский отрядининг жангчилари қаср йўлакларида. Иванов, Мгеладзе, уларнинг изидан Млинский ва Ерофеев жанг билан зиналардан кўтарилиб боришади, баланд эшикларни синдириб, тўсатдан рицарона услубдаги кенг залга чиқиб қолишади. Бу зал кушанда-учувчилар машқ қилдириладиган синфхона сифатида жиҳозланган бўлиб, табиий ҳажмдаги Фау—I ракета-самолётларининг тренажёrlари туриби. Ҳар бирининг рўпарасида Мос-

ква, Ленинград, Куйбишев, Челябинск, Свердловск, Горький шаҳарларининг асосий нуқталари акс этган улкан макетлари. Деворларда — бомбардимончи самолётлардан ташланадиган рекаталарни қандай бошқариш кераклигини кўрсатувчи чизма ва плакатлар.

Бу қирғин қуролининг мудҳиш намойиши қархисида барча бир зум қотиб қолади.

— Бу нима бало ўзи? — деб сўрайди Ерофеев.— Бомбами, самолётми?

— Унисиям, бунисиям, Ерофеич. Торпедога ўхшаган нарса бу, фақат қаноти бор,— дея тушунтиради вақтни бой бермай, тренажёр-ракетадан бошқариш асбобларини бураб олаётган Иванов.

— Кабинанинг нима кераги бор?

— Махсус буюртмага асосан. Бу ерга одам ўтқазилади, у бомбани мўлжалга йўллади...

— Ўзи-чи?

— Ўзи ҳалок бўлади,— деб тасдиқлайди Млинский.— Разборкани тезлатинг, старший лейтенант.

Млинский Ерофеев билан йўлакка чиқади. Рўпарадан солдатлар сурғич билан муҳрланган темир қутиларни кўтариб ўтадилар.

— Асбобларга эҳтиёт бўлинглар,— дея Млинский уларни огоҳлантиради.

Лейтенант Ковалёв ва бир неча сержантлар темир эшиги портлатилган хонада сейфларни титиб, қофозларга кўз югуртиргач, уларни юк халталарига sola бошлайдилар.

— Махфий ҳужжатлар, ўртоқ полковник! — дея ахборот беради Ковалёв.

Зинапояда Млинский ва Ерофеевга Радкевич дуч келади. Унинг боши оқ дока билан ўралган.

— Ўртоқ полковник! Гарнizonнинг қолган-қутганлари

ва кушанда-учувчилар сарой ертўласига жойлашиб олиб-дилар.

— Хўш...

— Таслим бўлишни таклиф этдик — рад қилишди. Улар билан ҳисоб-китобни тугатишга рухсат этинг?.. Варшава учун...

Млинский бош иргайди.

Ерофеев сиртига иккита ноль рақами ёзилган эшик олдига яқинлашди.

— Бу ноли нимаси экан? Ҳойнаҳоӣ, бу ҳам махфий қисмдир...

У этиги билан эшикни бир тепиб очади ва шу заҳоти ичкаридан... отилган ўқ полковникнинг боши устидан учиб ўтиб, деворга тегади...

Ерофеев ҳожатхонага отилиб киради, ўқ узган одами тагига босиб олади, қўлидан тўппончасини уриб тушириб, ёқасидан тутганчаш... бир генерални судраб чиқади. Генерал кўк мундир кийган, башараси қўрқув ва аламдан қийшайган...

— Ҳа, касофат! Гўнгга ботиб ўтирибсанми, қис-да!

— Сиз кимсиз? — деб сўрайди Млинский немисчалаб.

— Солдатингизга буюринг, ёқамни қўйиб юборсин,— деб жавоб қайтарди генерал. — Мен ўқув маркази бошлиғи генерал-лейтенант Форстман.

Млинский ва унинг ортидан Ковалёв ҳамда Ерофеев генерални олиб қаср ҳовлисига чиқадилар.

Ўлжа олинган мотоциклни тариллатиб алоқачи солдат келиб қолади.

— Ўртоқ полковник! Старший лейтенант Бондаренко шуни маълум қилишни сўради: аэродромда дотлардан қаттиқ ўқ очилаётган эмиш. Мадад кучлар ва бирор тўп-мўп юборишингизни сўраяпти.

— Тўп-мўп... — Млинский атрофига аланглайди. — Ковалёв!

— Мен!

— Комендант взводини, гранатомётчиларни, чопар-

ларни олиб, зудлик билан Бондаренконинг ёнига етиб боринг! Аэродром йигирма минутдан сўнг қўлга киритилиши лозим!

— Есть!

«Хайделагер» объектиning аэродромига олиб борувчи шоссе бўйлаб юксак тезлика бронетранспортёрлар колоннаси елиб бормоқда. Йўлнинг четида танклар илгариламоқда.

Мотоциклчилар эскорти ҳамроҳлигида Вольфнинг машинаси уларни қувиб ўтади...

Аэродромда эса одамлар қўнишга тайёрланаётган «ЛИ-2» самолётига қувонч билан қўл силкимоқдалар.

— Қандоқ зўр иш қилдинг-а, ўртоқ полковник? Қандоқ зўр иш!— дейди Ерофеев ҳаяжонланиб.

Млинский кулимсираб, соатга қарайди:

— Шошмай тур ҳали. Тантана қилишга эрта...

Самолёт фидираклари қўниш майдончасига тегиб, ўрмон сари визиллаб кетади.

Уни кузатиб келган қирувчи самолётлар ўрмон узра чарх уришда давом этадилар.

Самолёт эшиги очилиб, трапнинг туширилишини кутуб ўтирумай бир офицер пастга сакрайди. Оғзи қулогига етиб жилмайганча Млинскийга доклад қиласди:

— Ўртоқ полковник!— 4- Украина фронти қўмондонининг буйруғига биноан медикаментлар ва ўқ-дори юклари олиб келдик. Қайтишда эса ярадорларни ва ўлжаларни ола кетамиз.

— Ташаккур, капитан, хуш келибсиз, — Млинский офицернинг қўлини сиқиб, генерал томонга ишора қиласди. — Буни ҳам ола кетасиз.

— Есть!

— Ковалёв, ҳужжатларни ва ярадорларни ортинг! Иванов, ҳаммаси тайёрми?

— Худди шундай, ўртоқ полковник!

Иванов ва сержант Косих самолёт олдига асбобускуналар, ҳужжатлар солинган қути ва қоплар ортилган аравачани олиб келадилар.

— Ўртоқ полковник, — дея Катя Ярцева Млинскийни чақиради, — Алиев билан алоқа тикланди!

— Катя, шундай деб хабар қил: биз ишни тугатяпмиз ва ярим соатдан сўнг чекинишга ўтамиз. Биз томонга қараб ёриб ўтишга ҳаракат қиласкерсин...

— Есть! Ўртоқ полковник, аппарат олдида капитан Озеров. Майор яраланибди...

Шу пайт қўққисдан мина ва снарядлар аэродромга гумбурлаб ёғила бошлайди.

Араваларга қўшилган отлар ҳуркиб, осмонга сапчиди... Ҳозиргина самолётдан тушган офицер қора қонига беланиб, бетон устига йиқилади. Нақ устига тушган снаряддан диспетчерлик хизмати уйчасининг ойналари шарақлаб тўкилади-да, ёниб кетади...

— Ана, бизга ҳам етиб келишди, — дейди Ерофеев.

Самолёт бешикаст эди, парраклари айланиб туарди. Фақат сирти ва фюзеляжнинг баъзи жойларини осколка тешиб ўтган эди.

— Ярадорлар самолётга олинсин! Тез! — деб буюради Млинский.

— Иван Петрович! — Ерофеев аэродромнинг этак томонига ишора қиласди: у ерда немис бронетраспортёрлари кўзга ташланиб қолган эди.

— Кўряпман... Катя! Озеров нима деб жавоб беряпти?

— Ҳозир. Рацияга бир нарса бўлди. Сими тегиб қолганми дейман...

— Дарҳол тузат!

Қирувчи самолётлар, ўрмалаганча мўр-малаҳдай бостириб келаётган бронетраспортёрлар устидан замбарак ва пулемётлардан ўқ ёғдириб ўтишади.

Жангчилар ўқ ёмғири остида ишни давом эттириб, самолётга ўлжалар ва ярадорларни юклайдилар.

Юклар ортиб бўлинади Самолёт парраклари гувил-
лайди. Аммо эшик очиқ эди...

— Ўртоқ полковник! — гимнастёркаси қонга беланган
солдат — Бондаренконинг алоқачиси яна пайдо бўла-
ди. — Лейтенант хабар қилишни буюрди: эсесчилар биз-
ни қанотлардан айланиб ўтмоқчи экан.

— Раҳмат, солдат. Ярадор экансан — самолётгача
ўзинг бора оласанми ёки ёрдам керакми?

— Ўртоқ полковник, самолётга аввал сиз чиқсангиз,
мен ҳам ўзим юриб борардим...

— Гап-сўзга чек қўйилсин! Самолётга қараб марш!

Ярадор орқасига ўгирилади, пана жойдан бетон йўл-
кага чиқади-да, бирдан қўлларини силкиб, учувчига
бақира кетади:

— Қани, дарров қорангни ўчириб қол-чи! Токи омон
экансан, жўна!

Қиравчи самолётлар яна аэродром узра чарх уриб,
бронетранспортёларни ўрмонга яширинишга мажбур
қиласидилар.

«ЛИ-2» секин сирғалиб бориб, тобора тез-
лаша бошлайди ва ниҳоят, ердан қўтарилиб учиб
кетади...

Аэродром бўйлаб «Ура!» садолари янграйди.

Ярадор солдат қалқиб кетиб, йиқилади. Ерофеев ва
Млинский унинг тепасига югуриб келишади.

— Кечиринг, ўртоқ полковник, — дейди солдат секин-
гина. — Фақат мен ярадор эмасман. Мен энди ўлик-
ман... — шундай деб у Ерофеевнинг қўлига шилқ этиб ту-
шади.

— Кечир, солдат. — Млинский фуражкасини боши-
дан олади.

Радкевич югуриб келади.

— Самолётлар жўнаб кетишли. Бизнинг ҳам кетади-
ган вақтимиз бўлди, Иван Петрович...

Қиравчи самолётлар ўқ-дори запаслари тугаган бўл-

са керак, аэродром тепасидан хайрлашган каби қанот силкиб, яна ҷарх уриб ўтадилар.

Млинский планшетини ёзади.

— Полигон томонга, Алиевга қараб чекинамиз.

— Саройнинг ертўлалари, ёқилғи омборлари ва ангарлар миналаштирилди, — дея доклад қиласди Радкевич. — Портлатишга рухсат этасизми?

— Сал яқинроқ келишсиз,— дейди полковник.— Уларга бир яхши совға қиласи...

Қиравчи самолётлар учиб кетгач, немислар ҳужумни қайтадан янгилайдилар. Бронетранспортёрлар энди икки йўналишда — аэродром этагидан ва бетон йўлдан бостириб кела бошлидилар. Уларнинг ортидан эса эсесчилар занжир каби сафга тизилиб келишади.

Партизанлар ва жангчилар дараҳтларнинг ортига, вайрон бўлган иморатлар панасига бекиниб, отряд асосий кучларининг чекинишига имкон яратганча ўқ узиб борадилар.

Қудратли портлашлардан ўрмон тепасида кучли алана гўтирилади, дараҳтларнинг танаси, деворларнинг бўлаклари кўкка совурилади...

Полигон районида ҳам отишма тинган эмас. Аҳён-аҳён гранаталарнинг портлаши эшитилиб қолади.

Майда бута ва қамиш босган ботқоқликдан Алиевнинг тинка-мадори қуриган одамлари ва улар озод қилган маҳбуслар, тиззалири, бел ва бўғизларигача ёпишқақ балчиққа ботганча базўр ўтиб бормоқдалар. Улар ярадорларни қўлларига кўтариб олганлар, энг олдинда, плашч-палаткада — комиссар...

Аръергардда эса Бондаренконинг жангчилари ёпирилиб келаётган эсесчиларни гранаталар билан, автоматлардан қисқа-қисқа ўқ узиб, баъзан қўл жангига ўтиб қўндоқ ва пичоқларни ишга солганча тўхтатиб туришибди.

Немисларнинг танк ва бронетранспортёрлари ботқоқ-ка кириб келишади. Уларнинг айримлари зирҳтешарлар отган ўқдан шикастланиб ёнмоқда.

Бироқ Алиев отрядининг ортида ҳам ҳимоячилар тобора камайиб бораёттир.

Олдиндаги жангчилар матонат билан ботқоқ кечиб борадилар. Ниҳоят, улар даралардан буралиб тушаётган тоғ дарёси соҳилига чиқиб, сув кечганча оқ тошлар бўйлаб тезроқ қоялар панасига етиб олиш учун илдам кетадилар..

Осмонда разведкачи самолёт пайдо бўлганда, улар тўхтайдилар. Самолёт нақ партизанлар боши узра чарх уриб айлангач, полигон томон учиб кетади.

— Кеч,— дейди Озеров.— Қузғулар эпди ета олмайди...

Пойида дарё буралиб оқаётган халоскор қоялар яқин қолган...

1944 йил кузидаги фронт хроникаси. Йўл айрилиши. Совет қўшинлари секин-аста, аммо тўхтовсиз олға силжимоқдалар.

Гарбий фронтдаги позицион уруш. Иттифоқчиларнинг ҳужумлари кучайиб қолган. Окопларда Америка солдатлари кўринади.

Германияда барча кучларнинг ялни сафарбарлиги...

Татр тоғи этакларида жойлашган поляк хутори. Тоғ ёнбағридаги қуюқ кузги ўрмон оғушига бурканган бир неча уй ва бостирамалар.

Шивалаб ёғаётган ёмғир ерга тўкилаётган сариқ япроқларни, бостирамаларнинг қамиш томларини, жангчилар, собиқ маҳбуслар ва поляк партизанларининг ҳорғии юз-кўзлари, плащч-палаткаларини, каскаларини оҳиста савалайди... Партизанлар ярадорларни уйга олиб кириб ётқизишгач, ҳовлига чиқиб ютоқиб тамаки ўрайдилар, бир-бирларига узатиб чека бошлайдилар.

Ярадорлар ётган уйда Катя Ярцева ва бири ёш, бири кексароқ икки поляк аёли уларга парвона. Хонада болалар ҳам бор, улар қон ва жароҳатларга қўрқув билан тикиладилар.

Дераза рахида ўтирган капитан Озеров рация тузатмоқда.

Гулдор чит парда тутилган тор ҳужрадаги энсиз каратвотда эса майор Алиев ётибди.

У бошини буриб, ёнида ўтирган Млинскийнинг, аллақандай гиёҳни қайнатаётган Ерофеевнинг елкаси оша очиқ деразадан узоқ-узоқларга — тог бағридаги намхуш сарғиши ўрмонга, кулранг қояларга, пастак булатлар оғушидаги чўққиларга, ялангликда чайқалиб турган танҳо четан дарахтнинг оловранг-қонталаш меваларига тикилади...

— Мен... бари бир омадли эканман... — Алиев хиёл жим бўлиб давом этади: — Тоғда туғилган эдим, тоғда жон беряпман... Қандай яхши...

— Бас қил, Ҳасан.

— Нима? — дея кулимсирайди Алиев. — Ўлишми?.. Қанчалик хурсанд бўлардим-а... Сен ҳадеб ич-этингни еяверма, Иван. Улар бизни яксон қилиб ташладик, деб ўйлашади. Хотиржам бўлиб қолишади. Сен эса қайтадан зарба берасан. Мутлақо кутилмаган жойда... Ўшандан мен учун ҳам қасос оласан.

Ерофеев қўлидаги кружкаси билан Алиевнинг боши устида энгашди, у сержантнинг қўлини секин нари суриб қўйди.

— Керак эмас... Овора бўлма.

— Ич, комиссар. Бу Матвей бободан қолган гиёҳ. Аъзойи баданингни қиздиради — енгил тортасан.

— Матвей бобоники дейсанми? Ҳа, майли...

Ерофеев Алиевнинг бошини кўтариб, доривор қайнатмани ичираётганда ҳужрага Катя Ярцева кириб қолади. У койканинг бир чеккасига ўтириб, Алиевнинг жониз каби ётган қўлини кафтига олади, томир ури-

шини хийла фурсат пайқаёлмайди. Млинский унга умидвор тикилиб туради, бироқ Катя хўрсиниб, ночор елка қисади.

— Раҳмат,— дейди Алиев кўзларини очмай ва оҳис-та жилмаяди.— Чиндан ҳам енгил тортдим... А, доктор? Эсингдами, Ирина?..

Катя Ярцева Млинскийга қўрқа-писа қарайди, аммо у «Жим бўл!» дегандек ишора қиласади. Алиев давом этади:

— Кўпrikдаги жангда, айтган эдингки... Тўйингизда бир яйраб ўйнамоқчи эдим... Бокуда мениклилар олдига киргин... Унутма...— У кўзларини очиб туришга ҳаракат қиласади.— Ерофеич... четаннинг тагига... Ҳув ана...— Бошини ёстиққа ташлаб, жим бўлиб қолади.

Совуқ ёғду қор босган чўққиларни аста ёритади. Бел-курак бўғиқ гурсиллайди.

Чим бўлакларини бир четга тахлаб, Ерофеев четан тагидаги тошлоқ ердан гўр ковлади.

Ҳужра тимқоронги, фақат ойнадан кулранг ёғду сизиб киради.

Файритабий тарзда чўзилиб кетган комиссарнинг шинель ёпиб қўйилган жасади койкада.

Табуреткада полковник бошини қўйи солган кўйи ерга тикилган. Бош яланг. Тирсаклари билан тиззасига таянганча айрилиқ дардига чидаёлмай, ўпкаси тўлиб, кўз ёшларини тия олмай ўтирибди.

Кимдир ойнани тақиллатиб, секингина чақиради:

— Уртоқ полковник!

— Ҳозир... — Млинский юзини кафти билан артиб, фуражкасини кияди-да, ташқари чиқади.

Ерофеев тиз чўкканча сўнгги чим бўлакларини комиссарнинг қабри узра қўяётгандага тонг бутунлай ёришиб қолган, Млинский фуражкасини қўлига олиб унинг ёнида турибди, тонг шамоли соchlарини тўзғитмоқда...

Сал наридан икки қатор бўлиб сафга тизилган отряд ўтиб бормоқда. Жангчилар ҳам, комиссарнинг сафдошлиари ҳам, собиқ маҳбуслар ҳам, поляк партизанлари ҳам — ҳамма бош яланг. Деярли барчанинг елкасида ярадорлар солинган замбил дастаси, кифтида эса автомат ёки миљтиқ...

— Бу жойни эслаб қолинг, ўртоқлар! — дейди полковник ўтиб бораётганларга хитобан. — Эслаб қолинг, сўнг болаларингизга, неварабарларингизга коммунистлар уларнинг озодлиги ва бахти учун қандай қурбон бўлганликларини сўйлаб беринг... Қаҳрамонларга абадий шоншарафлар бўлсин! Фашизмга ўлим!.. Бу жойни эслаб қолинг, ўртоқлар!..

Отряд тоққа қараб йўл олади.

Энг орқада Млинскийнинг ортидан разведкачилар ва Ерофеев боришади. Тоғлардан туман сузиб келмоқда.

Тор тоғ сўқмоғининг бурилишларидан бирида Млинский тўхтаб, ортига қайрилиб қарайди.

Пастда хутор уйлари ва бостирмаларнинг томлари, ялангликдаги танҳо четан дарахт ва занжир каби саф тортиб далани кесиб ўтаётган немис солдатларининг кулранг либосдаги қиёфалари элас-элас кўзга чалинади.

Иккинчи қисм

Шимолий денгиз соҳили. Ўрмон билан қопланган қум тепалар. Ялангликларда, яшил ниқоб тўрлари остида Фау — 2 ракета комплексининг боеголовкалари осмонга тумшуқ чўзганча қақайиб турибди. Ракета расчётларининг солдат ва офицерлари саф тортиб ўтмоқда.

Күёш денгиз бағрига оҳиста ботиб бораёттир.

Жанговар позициялардан анча олисда — ер остида жойлашган ҳашаматли команда пунктида чарм кресло-да ястанганча рейхсмаршал Геринг ўтирибди.

Ракета бўлинмаларининг командири генерал Метц, ракеталарни ишлаб чиқариш ва эксплуатация қилиш

бўйича рейхскомиссар группенфюрер Каммлер, группенфюрер Вольф, генерал Дорнбергер, Фау — 2 конструктори фон Браун ва бошқалар ҳам шу ерда.

Геринг микрофонни олиб, дабдаба билан сўз бошлайди:

— Рейхнинг шавкатли солдатлари, офицер ва генераллари! Орзиқиб кутилган тантанали фурсат етиб келди...

Репродукторлар Герингнинг нутқини ракета позициялари бўйлаб жаранглатиб тарқатадилар. Қоронғи қўйнида ракеталар мудҳиш ва совуқ ялтираб кўринади, сафтортган солдатларнинг афт-ангори ҳам мудҳиш ва совуқ...

— Биз душманларимиз — сурбет англосакслар бошига даф этиб бўлмас қудратли зарба ёғдириб, уларни тиз чўктирамиз, — дея давом этади Геринг. — Сизларни ана шу қувончли кун билан табриклайман! Худо ёр бўлсин! Хайль Гитлер! — у сўзини тугатгач, нутқи атрофдагиларга қандай таъсир қилганини текширмоқчидек, теварагига разм солади, сўнг микрофонни Метцга узатади.

— Диққат! — дея қичқиради Метц микрофонга.— Расчётлар, командамни эшит; беш минутлик тайёргарлик эълон қиласман!...

Солдатлар шоша-пиша ракеталар устидан ниқоб тўрларини оладилар. Булутлар орасидан ой мўралайди, унинг ёғдусида Фау — 2 нинг қудратли корпуслари кумушранг товланади.

Команда пунктида Геринг катта бокалдан ишимадир ичмоқда. Фон Браун ва Дорнбергер ҳаяжонда.

Репродуктордан овоз. Ҳамма расчётларда беш минутлик тайёргарлик қабул қилинди!

— Уч минутлик тайёргарлик эълон қиласман! — дея буюради Метц.

— Уч минутлик тайёргарлик қабул қилинди! — деган овоз эшитилади яна репродуктордан.

— Ҳамма расчётлар пана жойларга ўтсин! — деб буюради Метц.

— Барча расчётлар дотларга жойлашиб бўлди,— деган жавоб келади репродуктордан.

Метц соат циферблатига, сўнг Герингга қарайди. Геринг виқор билан бош иргайди.

— Бошланг! — деб қичқиради Метц микрофонга.

Шу ондаёқ еру кўкни ларзага солиб, қудратли портлаш гумбурлайди. Позициялар устидан аланга — «устунлари» осмонга ўрлайди, борлиқ тутун ва чанг-тўзонга кўмилади.

Ракеталар бир титраб, жойидан қўзғалади ва худди кометалар сингари орқасида ўтли дум қолдириб, осмон сари сапчийди...

Геринг фон Браунга иккала қўлини чўзади:

— Табриклайман сизни, Браун! Бу қойилмақом иш!

— Бу ҳаётимдаги энг қувончли кун,— дея оғзининг таноби қочиб илжаяди Фон Браун.

— Хайль Гитлер! — Геринг қадаҳ кўтаради. — Мўъжиза қуролимиз учун! Фалаба учун!..

Репродуктордан овоз. Жаноб рейхсмаршал! Генерал-майор Шмидт доклад қилмоқда. Қирғоқдаги, сувдаги ва ҳаводаги кузатув пунктларимизнинг маълумотларига, кўра, старт олган ўттизта Фау—2 ракетасидан Лондонгача ўн олтитаси етиб борган. Саккизтаси ҳавода портлаб кетган. Тўрттаси денгизга қулаб тушган. Иккитаси учиш қурилмаларидан кўтарилмаган...

Геринг фон Браунга кескин ўгирилиб қарайди.

— Бу нима деган гап? Саботажми, англашилмовчиликми? Вольф! Зудлик билан буни аниқланг...

1944 йил кузининг хроника кадрлари:

Совет қўшинларининг Руминия, Югославия, Болгариядаги ҳужумлари. Озод қилинган шаҳар ва қишлоқларнинг аҳолиси совет танкчиларини қувонч билан кутуб олмоқда...

Карпат тоғларидаги оғир жанглар...

Польшадаги ҳужумга тайёргарлик. Пиёда аскарлар ва танк колонналари лойга ботган мاشаққатли йўллардан фронт томон илгарила бормоқдалар...

Болтиқбўйидаги жанглар. Қуршовда қолган немис тўдалари жон-жаҳдлари билан қутуриб қаршилик кўрсатмоқда...

Карелия ва Кола ярим оролининг шимолидаги кескин жанглар...

Финляндиянинг урушдан чиқиши...

Москвага музокара учун венгер делегациясининг келиши...

Иттифоқчилар қўшинларининг Италия, Франция ва Бельгияда олға силжишлари...

Барча кадрлар чоғроқ томоша зали экранида на мойиш қилинмоқда. Залда Сталин, Сиёсий бюро аъзолари Антонов ва бир неча ҳарбийлар (улар орасида Бош разведка бошқармасининг бошлиғи ҳам бор) ўтиришибди. Сталин чуқур креслога ўрнашган куйи экранга диққат билан тикилган...

Диктор овози. Фашистлар Германиясининг 1944 йил кузидаги умумий стратегия ҳолати урушнинг якуни ҳақида шубҳа уйғотмайди, бироқ гитлерчилар ҳар бир қарич ер, ҳар бир аҳоли пунктига ёпишиб олиб, жон-жаҳдлари билан қаршилик кўрсатмоқдалар...

Экранда яна ўлжа олинган хроника кадрлари ўта бошлайди:

Гитлер лютваффе корчалонларини қабул қилмоқда...

Ер ости заводларининг конвойерларидан янги самолётлар чиқиб келаёттири...

Лондоннинг Фау — 2 ракеталари билан бомбардимон қилиниши...

Гитлернинг ялпи сафарбарлик ҳақидаги буйруғи...

Геббелъс фольксштурм қўшинлари — чоллар ва ўсмирлар олдида нутқ сўзламоқда...

Диктор овози. Улар инсониятга қарши қара-

тилган ёвуз жиноятларининг изини яширмоқ учун урушни барча воситалар билан чўзишга, нима қилиб бўлсада, вақтдан ютишга уринмоқдалар...

Хроника кадрлари — Майданекдаги ўлим лагери.

Диктор овози. Поляк-совет фавқулодда комиссияси: Майданек лагеридаги крематория печларининг ўзидағина олти юз мингдан ортиқ, Кремповецк ўрмонидаги гулханларда ўттиз мингдан ортиқ, иккита эски печда — саксон мингдан ортиқ киши куйдирилганини аниқлади; лагернинг ўзида, крематория ёнида тўрт юз мингга яқин одам куйдирилган...

Чироқ ёнганда, залдагилар кўрган ва эшитгандаридан эзилиб, ҳамон сўзсиз ўтиришади. Сталин секин ўрнидан туради ва ҳеч кимга қарамай залдан чиқиб кетади...

Сталин стакандаги чойни қошиқча билан аралаштирганча бояги томоша залидаги кишилар ўтирган узун стол бўйлаб сассиз қадам ташлайди.

— Жиноятларни яшириш учун урушни чўзишаётган эканми? — дейди у худди ўзига ўзи гапираётгандек. Сўнг бош чайқайди.— Иўқ, ўртоқлар. Гитлер бутун урушда ютиб чиқиш учун вақтдан ютмоқчи. У иттифоқчилар орасидаги ихтилофларга кўз тикяпти, аммо ҳаммадан ҳам кўпроқ янги қуролдан умид қиляпти. Ҳарбий илм ҳам диалектиканинг ўша қонунлари асосида ривожланади ва демак, эртами-кечми, ҳарбий соҳага тўплangan билимлар янгича сифат касб этиши лозим. Ўйлайманки, биз ана шундай сакраш арафасидамиз...

Олий Бош Қўмондон ҳузуридаги кишилар тарқалишади. Stalin совиб қолган чойдан бир хўплаб, столи ёнига қайтади. Бош Разведка бошқармаси бошлиғига кескин ўтирилиб қарайди:

— Доклад қилинг, полковник Млинскийга нима бўлди?

— Фашистлар жанговар ракеталарни «Близна» полигонидан эвакуация қилишга улгурдилар, ўртоқ Сталин, — дей ўрнидан туради у. — Отряд анчагина талофат кўрган. Отряд комиссари халок бўлган. — Генерал хиёл жимиб қолади.

— Хўш, давом этинг.

— Бошқармада шундай фикр бор: полковник Млинский... чарчаб қолмадимилик? Уч йилдан ошиқ муддат душман ортида, оғир шароитда...

Сталин трубасини чекканча индамай туради. Разведбошқарма бошлиғи сўзида давом этади:

— Балки, полковник Млинский алмаштирилса, бирор наф чиқар. Ҳам иш фойдаси, ҳам унинг манфаати учун...

— Ҳозир ким чарчамаган дейсиз? — дейди Stalin үйчан оҳангда. — Млинский ҳозир қаерда?

— Отрядининг бир қисми чехословак ва совет партизанлари кўмагида Конли тоғларида доимий база тайёрламоқда. Полковник Млинскийнинг ўзи тахминан мана бу ерда. — Польша, Чехословакия ва Германия чегараларининг кесишган жойида, отряднинг жангдан кейин омон қолган кучлари билан янги база йўналишида илгарилаб бормоқда.

— Демак, ракетани қўлга киритишга эришилмабдида, — дейди Stalin.

— Унинг отрядига жуда оғир вазифа юклатилган эди, ўртоқ Stalin, — дейди Antonov. — Умуман олганда, топшириқ муваффақиятли бажариляпти...

— Сизнинг бошқа фикрингиз борми? — Stalin яна Разведбошқарма бошлиғига юзланади.

— Ҳақиқатан ҳам жуда катта иш бажарилган. Кушандга-учувчилар тайёрлайдиган база яксон қилинган. Млинский асир олган генерал Форст ракеталарнинг қўлланилиши ҳақида қимматли маълумотлар берди, бу

уларга қарши кураш вақти ва воситаларини анчагина чеклаш имконини беради.

— Мана шундан бошлаш керак эди. Давом этинг.

— Млинскийдан олинган ва бошқа манбалардан тасдиқланган маълумотларга кўра, Фау — 2 ракеталари ишлаб чиқаришни гитлерчилар асосан Нордхаузен яқинидаги «Дора» концлагерида амалга ошироқдалар. «Величка» туз конидаги ракета заводи ҳам шу ерга эвакуация қилинмоқда. Фау — 2 баллистик ракета. Максималь учиш узуонлиги — уч юз йигирма километр. Тезлиги — соатига беш минг километр.

— Бундай қуролдан ҳимояланиш амалий жиҳатдан ҳозирча мумкин эмас,— дейди Антонов.

Сталин унинг фикрига қўшилгандай бош иргайди-да, сўнг Развердбошқарма бошлиғига қараб дейди:

— Полковник Млинский душман ортида иш олиб бориши соҳасида катта тажрибага эга, у ўз ҳаракатларини партизан отрядларининг ҳаракати билан моҳирона уйғунлаштира олади, бизнинг фронт ташқарисидаги кўпгина разведкачиларимиз ҳамда антифашистик подполье кучлари билан чамбарчас боғланган одам. Уни ҳозир алмаштириш — ишга жуда катта заرار етказиш демакдир. Қандай қилиб менинг олдимга бундай ўйланмаган, хом таклиф билан келдингиз?

Разведбошқарма бошлиғи бошини қўйи солади.

— Ўртоқ Антонов,— дейди Сталин,— полковник Млинскийга шахсан менинг номимдан етказингки...

Қоялар орасида яширинган чоғроқ майдончада қор босган бир неча чодирлар турибди. Тик қояда совуқдан жунжикиб турган икки жангчи қўлларига антенна кўтариб олишган. Антеннанинг иккинчи уни кичкина чодирга қараб кетган.

Чодир ичига Катя Ярцева совуқдан қалтираб, бўй-

сунмай қолган бармоқларини базўр қимирлатиб, радиограмма рақамларини ёзib оляпти. Млинский Катя ёзиб тўлдирган қофозларни олиб кўздан кечиради. Соқоллари ўсган, ранг-рўйи бир ҳолат...

Ерофеев қор тўлдирилган котелокни заиф олов милтиллаб ёнаётган қўлбола қорачироқ устида тутиб турибди.

Бондаренко сухари кавшамоқда...

Кадр ортидан овоз. «Полковник Млинскийга. Махсус топшириқ отрядининг барча жангчилари ва командирларига.»

Бош-кўзини ўраб ётган Шумский шинелини итқитиб ташлаб, ўрнидан туради. Бондаренко сухари куртиллашибдан тўхтайди...

Кадр ортидан овоз. «Сизнинг мақсадга эришиш йўлидаги жасорат ва матонатингиз Қизил Армиянинг ҳар бир жангчиси учун ибрат намунаси бўлиб хизмат қиласди...»

Катта чодир ичида ётган бир ярадор ўрнидан қўзғалиб, Ванданинг қўлини четга суради...

Кадр ортидан овоз. «Сизнинг қурбонларингиз беҳуда кетгани йўқ...»

Шишиб кетган қўлига бинт ўраётган иккинчи ярадор тўхтаб, жим қолади, нафасини ютиб қулоқ сола бошлайди...

Кадр ортидан овоз. «Қароргоҳ номидан ташаккур ҳамда сизларнинг бундан кейин ҳам худди шундай ирода, жасорат ва маҳорат кўрсата олишинги зига ишонч билдираман. Сизларга куч-қувват, саломатлик ва муваффақиятлар тилайман. Сталин».

Изгирин шамол қор учқунларини юз-кўзга игнадек санчади. Тор сўқмоқ бўйлаб занжир каби чўзилган отряд илгарилаб бормоқда.

Гаяция эса ишлашда давом этаётир.

Кадр ортидан овоз. «Марказ — Млинскийга.

«Дора» лагери объектларига ёриб кириб, ракеталар ишлаб чиқаришни барбод қилиш ёки лоақал кечиктириш мақсадида шошилинч чоралар кўринг...»

Жангчилар сапёр куракчалари билан навбатма-навбат қор уюмларини кураб йўл очиб бормоқдалар. Ярадорлар солинган замбилларни муз ёриқларидан судраб олиб ўтишаркан, улар тишларини тишларига босганча, оғриқ азобини енгид чурқ этмай ётадилар.

Кадр ортидан овоз. «Ракеталар ва уларни ишлаб чиқариш технологиясининг чертёжларини мумкин қадар тезроқ қўлга киритиш лозим...»

Қор тўхтаб, совуқ ёмғир қуя бошлайди.

Кадр ортидан овоз. «Ракеталар ва уларга ёқилдининг қандай ташиб келтирилиши ҳамда сақланиш тартиби ҳақида маълумот тўпланг. Ракеталарга портловчи моддалар тайёрлаб берадиган муассасаларни, теваракатрофдаги жойлар билан биргаликда аниқланг...»

Ёмғир тинди, бироқ отряд йўл олган дарага шу қадар қуюқ туман тушганки, оёқ остини ҳам кўриб бўлмайди.

Кадр ортидан овоз. «Шунингдек, уран ядросининг бўлинишига асосланган қурол ишлаб чиқаришга мўлжалланган омборлар ҳақида изчил маълумот тўплаш борасидаги ишларни ҳам давом эттиринг...»

Ниҳоят, отряд дарадан чиқиб олади. Туман тарқаб, ҳатто қуёш мўралай бошлади. Олислардан отишма садоси эшитилиб туради...

Кадр ортидан овоз. «Партизанлар ва антифашистларга кўпроқ таяниб иш тутинг. Агар Сизга алоҳида одамлар ёки бўлинмалар зарур бўлса, хабар қилинг.

Қуёш тоғлар ортига ботиб, ўрмонга қоронғилик чўқади.

Кадр ортидан овоз. «Сизнинг Польшадан Чехославакияга ўтиб олишингизга подполковник Караваев отряди ёрдам беради...»

Соқоли олинган, бардам, тетик полковник Млинский

майор Хват ва сержант Ерофеев ҳамроҳлигига лагерни айланиб чиқади.

Лагерь ўрмон билан қопланган тоғ ёнбағрига жойлашган бўлиб, пухта ниқобланган. У бир томондан тик қоялар билан, иккинчи томондан — тубида тоғ дарёси ялтираб оқаётган чуқур жарлик билан чегараланган. Отлар, аравалар, артиллерия ва сафар ошхоналари, шахсий состав ертўлаларининг барчаси қарағай ва арчаларнинг қуюқ шоҳ-шаббалари, ниқоб тўрлари ва бостирмалари билан бекитиб, устидан чим ётқизилган.

Илиқ, ёруғ кун. Одамлар олис ва мاشаққатли жангдан сўнг дам олишмоқда, кийим-кечакларини ювишмоқда, қурол яроғларини тозалашмоқда.

Катта ертўла ёнида ярадорлар қуёшда исиниб ўтиришибди. Уларнинг баъзилари полковникин кўриб, ўринларидан туришга уринадилар, аммо у қўлини кўтариб дейди:

— Дам олаверинглар, ўртоқлар. Кайфият қалай?

— Кайфият жанговар, ўртоқ полковник...

— Худди курортдагидек...

Млинский ва Хват ертўлага тушиб кетишади, Ерофеев эса тамаки халтачасини очади. Шу заҳоти бир неча қўл унга қараб чўзилади.

— Қани, сержант, тамакингдан ол-чи. Манави ярамас моҳни тортавериб кўкраклар тешилиб кетди-ку.

— Бошлиқлар орасида нима гаплар? Гитлернинг бошини тезроқ мажақлар эканмизми?

— Эшитдингми, Ерофеич, яқин-ўртада Европанинг киндиги бор эмиш, ростми шу?

— Мана, келиб турибмиз-ку, ахир.

— Киндикни-ку билмайман, кўрганим йўқ,— деб кулади Ерофеев.— Аммо, йигитлар, гапнинг очиғини айтганда, биз Ернинг шундоқ жойидан чиқиб келдикки, айтгани одам хотинларнинг олдида уялади.

Ярадорлар хаҳолаб юборадилар, ҳамшира ҳам кулимсираб, муштини дўлайтирганча пўписа қиласди:

— Хаҳ, Ерофеич, Катя Ярцева йўқ бўлса, жонинг кириб, тилинг ботир бўлиб қолади-я...

Катта ертўладаги сўриларда ярадорлар тиқилиб ётишибди. Ирина Петровна торгина йўлакдан полковникни бошлаб бораётир.

— Ўртоқ полковник,— дея чақиради ярадорлардан бири. — Кечирасиз... мен докторимиз устидан арз қилмоқчи эдим... У мени Катта ерга жўнатиб юбормоқчи. Кейин мен урушнинг охиригача ҳам қайтиб келолмаймак-ку! Ҳолбуки, мен биринчи кундан бошлаб отряддаман. Мен рози эмасман, ҳеч қаёққа бормайман!

— Бўпти, Василёнок, хотиржам ётавер. Арзингни инобатга оламан...

— Раҳмат. Бу бўлса — Катта ерга жўнатаман, дейди-я...

— Ўртоқлар, сўнгги янгиликни эшилдингизми? — дея гапга аралашади Ҳват,— Млинский ва Ирина Петровна га докторнинг юпқа тўсиқ билан ажратилган бурчагига ўтиб кетишлари учун имкон яратиб.— Қўшинларимиз Югославия пойтахти Белградни озод қилишибди!

— Ура-а!

— Мана бу гап ҳар қандай доридан ҳам яхши, ўртоқ майор!

Тўсиқ орқасига ўтишлари биланоқ Ирина Петровна Млинскийнинг бағрига отилади.

— Мен кимга арз қилай, ахир,— Иван? Мен ҳам кетишини истамайман...

Бу масала ҳал этилган, Ирина. Отрядга аллақачон янги хирург тайинланган. Майор Инаури.

— Буни сен айтмасанг бўларди. Аёлми?

— Билмайман,— деб кулади Млинский.

— Ҳеч қаёққа кетмайман! — У хиёл четланиб, жиддий оҳангда дейди.— Вания, кетгим келмаяпти...

Отряд лагери... Штаб ертўласида...

— Ян Жижка номидаги чехословак партизанлар от-

рядининг командири капитан Гонуляк,— дея Млинский-га ўзини танишитиради новча офицер.

— Совет партизан отрядининг командири, танк қўшинлари старший лейтенанти Нечипоренко!— Чарм камзулига Қизил юлдуз тақиб олган, попоқ кийган иккинчи офицер пошналарини абжирлик билан шарақлатиб, ёғоч филофдаги маузерини тузатиб қўяди...

— Хўш, салом. Конли тоғ хўжайинлари!— Млинский Гонуляк ва Нечипоренкони бағрига босади.— Меҳмондўстлигингиз учун раҳмат...

— Яхши одамлардан доимо хурсандмиз,— деб жилмаяди Гонуляк.

— Ниҳоят кўришдик-а...— Нечипоренко туйқусдан четга ўгирилиб, кўзларини кафти билан артади.

— Хўш, бўлмаса, келинглар, ўртоқлар, аҳволни кўриб чиқайлик.— Млинский стол ортига ўтириб, планшетни ёзади.

— Сизнинг аввалдан берилган топшириғингизни баҳара бориб биз бу ерда тоғу тошларни титиб, баъзи бир нарсаларни аниқлашга эришдик,— дея биринчи бўлиб гап бошлайди Нечипоренко.— Фридштадт шаҳрида ер ости заводи бор. Танк ишлаб чиқаради. Тропау шаҳрида, Фау ракеталари учун корпус ва бошқа қисмлар ишлаб чиқарадиган ер ости заводи жойлашган...

— Жуда соз,— Млинский маълумотларни планшетига қайд этади.

— Бизда ҳам баъзи маълумотлар бор,— дейди Гонуляк.— Корцен шаҳрида — бу Чехословакия чегарасидан унча узоқ эмас — ракеталарнинг двигателлари тайёрланади. У ерда бизнинг танишларимиз бор...

— Бошланиши чакки эмас...— дейди Млинский ва ўгирилиб қарамай:— Ҳасан...— дейди-ю шу заҳоти ҳушёр тортиб, жим қолади.

Бир лаҳза ҳеч ким чурқ этмайди. Ниҳоят, Млинский хўрсиниб сўзини давом эттиради:

— Виктор Сергеевич, бу объектларга кириш йўлла-

рини қидириб кўриш лозим. Острава ва Прагага ташланган разведкачилар билан мустаҳкам алоқа ўрнатиш керак. Берлинда ҳам маҳкамроқ ўрнашиб олиш керак, сиз нима деб ўйлайсиз?

— Мен ўйлайманки,— дея кутилмагандага Ерофеев полковникнинг елкаси оша буғи чиқиб турган катта қозонни столга қўяди,— аввало қўён гўшти билан қоринни маҳкамлаб олиш керак, кейин эса Берлин масаласини ҳал этиш лозим...

Вольф ўз кабинетида қандайдир ҳужжатларни ўқиб ўтирибди. Оҳиста музыка янграйди. Крюгер сассиз юриб киради.

— Krakov уланди, группенфюерер.

— Занге?.. Xайль Гитлер! Эвакуация қандай боряпти?.. Ҳаммаси яксон қилинсин, ҳаммаси... Нима, маҳсулотнинг охирги партияси учун эшитган танбеҳларинг сенга камлик қиляптими?

«Величка» маҳсус зонасида бўлган барча кишилар ҳақидаги материалларни менга юбор... Гувоҳномаларнинг нусхаларини ҳам.— Вольф трубкани қўйиб, кўзларини ҳоргин сийпайди.— Крюгер, менга «Величка» маҳсус зонаси ва «Дора» лагерини текширган барча комиссия аъзоларининг шахсий делоларини топиб олиб киринг.

— Эшитаман.

— Кейин пластинкани ҳам алмаштиринг. Нима, кар бўлиб қолганмисиз?

Пластинка боядан бери шинплаб ётарди. Крюгер ойна олдига яқинлашиб, пардани суради ва проигривателдаги пластинкани алмаштиради. Вагнернинг «Тангейзер»га ёзилган увертюраси тобора кучлироқ янграй бошлийди...

Берлин метросининг вагонларида одам тирбанд. Ҳоргин ва тунд тумонат ичида, маҳсус тўсиқ ортида ёқасига «Ост» деган ёзув чатилган, эски пальто кийган бир неча

украин аёллари бормоқда. Бироқ уларнинг чеҳраси немисларнидан кўра қувноқроқ кўринади.

Эшикнинг нақ оғзида — инженер Кюнль. У бениҳоя асабий қиёфада йўловчиларнинг акси кўриниб турган ойнага бирор кимса кузатмаётганмикан, деган ҳадик билан тикилган. Поезд секинлаша бошлайди. Кюнль шляпасини тўғрилаб, қаншаригача бостириб олади.

Тумонат одам Кюнлни метродан кўчага суринб чиқади. Бу ерда у газета дўкони олдида вермаҳт майори формасида турган Каравесни пайқайди. Кюнль билан нигоҳи тўқнашгач, Каравес ортига қайрилиб, кўча бўйлаб шошилмай йўлга тушади. Нариги томонга ўтиб, яна қайрилиб қарайди: Кюнлнинг ортидан ҳеч ким кузатиб келмаётганга ўхшайди.

Каравес трамвай бекатига яқинлашади. Кюнль тўхтайди. Бу ерда бола етаклаган кекса бир аёлу улардан бошқа ҳеч ким йўқ.

Трамвай келади. Кюнлни олдинга ўтказиб, Каравес трамвай жойидан қўзғалганда сакраб зинапояга чиқади.

Каравес ва Кюнль трамвайнинг кимсасиз майдончасида туришибди. Иккаласи ҳам шиддат билан ортга чекинаётган рельсга тикилиб боришмоқда.

— Безовта қилганим учун кечиринг, аммо бир неча кечиктириб бўлмайдиган саволлар чиқиб қолди: Лъежа заводларидан ташқари яна қандай заводлар суюқ кислород ишлаб чиқаради? Эслаб қолдингизми? Бу унча қийин эмас. Иккинчи: «Дора»га кўпроқ қайси лагерлардан ишчи кучи юборилади?

— Бу ниҳоятда қийин иш, бироқ мен уриниб кўраман,— дея базўр жавоб беради Кюнль.

— Оқ йўл...

Куз. Берлин атрофидаги кўл ёқаснга жойлашган чоғроқ кафе кимсасиз. Сал нарига Каравеснинг машинаси келиб тўхтайди.

Никелланган пештахта ортида мудраб ўтирган семиз аёл бир зум кўзларини очиб, Карасевга лоқайдгина қараб қўяди.

Карасев бориб дераза олдига ўтиради. Ён томонидаги хизмат бўлмасидан Гелена чиқиб келади.

— Пиво ва автомат учун чақа берсангиз.

Гелена пешбандининг чўнтакларини титиб, столга чақа ташлайди ва пештахта томон йўл олади.

Карасев телефонга чиқиб кетади.

Жойига қайтиб ўтиргач, яқинига келган Геленадан сўрайди:

— Сизнинг ҳеч тишингиз оғриганми, фрейлейн Гелена?

— Йўқ, худога шукур. Мана, ўттиз иккитасининг ҳаммаси бут-бутун...

— Бу роят қайпули ҳол, лекин, барибир сизнинг тиш докторига боришингизга тўғри келади. Фридрихштрассе 10. Доктор Фрибенинг хусусий клиникаси.— Сўнг секин қўшиб қўяди.— Сўзма-сўз етказинг. Млинский ҳузурига Москвадан инженер-подполковник фон Бютцов келади. Уни Нордхаузендаги «Дора» маҳсус лагеридағи обьектлар қурилишига жойлаштириш керак. Эслаб қолдингми? Бу унчалик қийин эмас...

Ўрмон четидаги ялангликда аравалар турибди. Ирина Петровна жунжикиб шинелига ўралади. Унинг ёнида турган Млинский жим. Ерофеев йўталиб қўяди.

— Кечикяпти-ку,— дейди уларнинг олдига яқинлашган Хват, осмонга ташвишланиб тикиларкан.

Ниҳоят, моторларнинг бир меъёрдаги гуруллаши эшистилади. Жангчилар яланглик бўйлаб юргурганча аввалдан тайёрлаб қўйилган шох-шаббаларга ўт қўйишади. Гулханлар қўниш майдончасини аниқ кўрсатиб туради.

Самолёт фидираклари яланглик четига келиб теккач, ортидан чанг-тўзон ва кузги хазонларни тўзғитганча елиб кетади...

Самолётдан биринчи бўлиб чарм палтосининг камарини маҳкам боғлаб олган Семиренко тушиб келади. Млинский бу кутилмаган аҳволдан ҳатто довдираб қолади.

— Хўш, салом, Иван Петрович,— Семиренко Млинскийни бағрига босиб, уч марта ўпади.— Кутмаганинг?

— Иёқ... Бу ерда учратарман, деб сира ҳам ўйламаган эдим...

— Мен эса, мана, келдим. Салом, шифокор,— дея Ирина Петровнанинг кифтидан қучади Семиренко, сўнг Хват билан кўришади.— Омонмисан, подполковник.

— Майор, ўртоқ секретарь.— дейди Хват хижолат бўлиб.

— Подполковник, мен сендан кўра яхшироқ била-ман-ку. Қейин, энди биродар, мен обком секретари эмасман, юқорироқдан олавер...

— Йўғ-э?— дейди Млинский.

— Ҳа, ана шунақа... Салом, Ерофеич! Тирикмисан?

— Мени нима жин уради?

— Сени яна кўрганимдан хурсандман.

— Мен ҳам...

Бу орада самолётдан баланд бўйли подполковник ва энсиз медицина погони таққан буғдойранг капитан тушиб келишади.

— Подполковник Канин Фёдор Фёдорович,— деб таништиради Семиренко.— Сиёсий қисм бўйича сенинг янги ўринбосаринг... Майор Инаури Зураб. Отряднингга медсанрота командири қилиб тайинланган... Сени эса, гўзалим,— дея Ирина Петровнанинг кифтидан қучади Семиренко,— ўзим билач олиб кетаман. Бўлар энди шунча жанг қилганинг... Яна бир неча мутахассисларни ҳам олиб келдим.— Семиренко Озеров ва Шумскийнинг назорати остида самолётдан қандайдир яшикларни тушираётган кишиларга ишора қиласди.

Погонсиз офицерча шинель ва қулоқчин кийган ба-

ланд бўйли, хушқомат одам трапдан охирги бўлиб тушади. Шаҳдам қадамлар билан Млинскийга яқинлашиб, пошналарини шарақлатиб жуфтлаширади-да, немисчалаб доклад қиласди:

— Инженер-подполковник Фридрих фон Бютцов. Сизнинг ихтиёргизга келдим.

Ерофеев Хватнинг биқинига туртади.

— Э, бу... ахир, анави эски таниш-ку! Ҳаҳ, онангни... Ҳукуматнинг текинтомоғини еб, биққидай семириб кетганини қара, таниб бўлмайди-я!

Млинский Бютцога қўл узатади.

— Фашизмга қарши курашда ўз ўрнигизни аниқ белгилаб олганингиздан хурсандман.

— Учрашувимиздан мен ҳам хурсандман, жаноб полковник. Мен сиз билан қишида бўлган ўша суҳбатларимизни жуда кўп ўйладим...

— Туф-э, расво! — деб дарғазаб бўлиб туради Ерофеев.— Балки ҳали ўпишса ҳам керак?

— Секинроқ, қария! — деб уни туртади Хват.

— «Секинроқ»? Улар бизнинг асиrlаримизни нима қилганларини кўргандирсан! Бу итваччани қара энди, худди парадда юргандек...

— Ерофеев! — деб чақиради уни Млинский.— Меҳмонларни олиб бориб яхшилаб жойлашириб, қоринларини тўйғазишнинг ҳаракатини қилгин... Ҳа?

— Эшитаман,— деб ғўлдирайди Ерофеев ва янги келганларга қараб бош ирғайди:— Кетдик.

Семиренко уларнинг ортидан кулиб қолади:

— Чол вайсаяптими?

— Самоварга ўхшаб қайнаб кетади,— деб кулимсирайди Млинский

— Тирик немиснинг турқини кўришга ҳеч ўрганолмади-да,— дейди Хват.

— Ўрганиш керак,— дейди Семиренко жиддий ва Қанинга ўгирилади.— Бу энди сенинг ишлнг, замполит.— Халқимизнинг фашист босқинчиларига қарши нафрати

кўр-кўрона бўлмаслиги лозим. Олий Бosh Қўмондон ни-
ма дегани эсингиздами: гитлерлар келиб-кетаверади,
аммо Германия халқи қолаверади...

Лукъянов эгарлоғлиқ отларни етаклаб келади.

— Ҳали ҳам эсингдан чиқармадингми?— деб сўрайди
Млинскийдан Семиренко илжайиб.

У кулиб юборади-да, иргиб эгарга минади.

Қия тепалик ёнбағрида, худди амфитеатрдагидек,
кузги ўт-ўланлар устида Махсус топшириқ отряди ва
партизан бирлашмаларининг командирлари ўтиришиб-
ди. Президиум столи ортида — Семиренко, Млинский,
Канин ва чехословак партизан ҳаракатининг вакили.

— Ҳа, гитлерчилар келиб-кетаверади, аммо Герма-
ния халқи қолаверади,— дейди Семиренко.— Буни эсда
тутиш ва партизанлар ҳамда жангчиларга тушунтиromoқ
керак, ўртоқлар... Ҳозир, урушининг сўнгги босқичида,
тинчлик арафасида уруш ва фашизмнинг қайта тик-
ланишига зифирдек бўлса-да, мутлақо имкон қолдирмас-
лик учун Европадаги барча антифашист кучларни ҳар
қачонгидан ҳам кўра маҳкамроқ жисплаштиromoқ керак!
Партиямиз Марказий Комитети номидан, Партизанлик
ҳаракати Марказий штаби номидан сизларга. Қизил
Армия командирлари ва партизан биродарларга бутун
инсониятнинг ёвуз душмани — фашизмга қарши кураш-
да янгидан-янги муваффақиятлар тилашга рухсат бер-
гайсиз! Яшасин бутун дунё меҳнаткашларининг халқ-
аро бирдамлиги! Яшасин ғалаба! Ура!

Ҳамма ўриндан туриб, уни олқишлиайди. Баҳамжи-
ҳат янграган қудратли «ура» садолари яланглик узра
янграб, тоғу дараларда акс садо бериб қайтади...

Отряд штаби жойлашган уйчада одам кўп, ғала-ғо-
вур.

Тўрдаги энг ҳурматли жойда Млинский ва Ирина
Петровна, уларнинг ёнида Семиренко ўтирибди. Млинс-
кийнинг ёнидаги жой бўш, столда—устига бир бурда

нон ва бир бўлак чўчқа мойи қўйилган қалайи кружка. Бу Алиевнинг ўрни... Ўндан нарпда подполковник Канин, подполковник Хват, чехословак партизанлари штабининг вакили, Озеров, Шумский, Катя Ярцева ўтиришибди... Янги доктор, майор Инаури ва Москвадан келган икки офицер ҳам шу ерда. Кўпчиликнинг кўксидаги мукофотлар ярқирайди.

Семиренко ўрнидан туради.

— Ўртоқлар! Биринчи қадаҳни ҳозир шу даврада йўқ кишилар учун—ўртоқларимиз учун ичишни таклиф қиласман.

Ҳамма ўрнидан туради. Барчанинг нигоҳи стол устидаги нон бурдаси ёпилга қурбонга қадалган.

Гонуляк чўқиширишга интилганда Нечипоренко индамай уни тўхтатиб қолади.

Хват орденини олиб, кружкага солади.

— Иккинчи алёрга рухсат этинг?

— Шошма,— деб уни тўхтатади Семиренко,— мукофотларингни ювишга ҳали улгурасан. Бугун, билсанг, жанговор дўстлар хайрлашмоқда. Фақат жанговар дўстларгина эмас...

— Николай Васильевич, рухсат эт, ўзим айта қолай, — дея Млинский ўрнидан туради.— Жанговар дўстларим! Биласизлар, ҳаётимиз ғоят машаққатли, балки ҳозир мавриди ҳам эмасдир, лекин менинг баҳтим келди, дўстларим!.. Энди менинг яна оиласи бор — Ирина, Москвада эса Мишутка... Тез орада биз янада кўпайишиб қоламиз... ўғилми, қизми... Уруш — ўз оти билан уруш, ўртоқлар, шулинг учун, ўзинглар биласизлар, бизнинг тўйимиз бўлмаган эди. Шу сабабдан бугун барчангизни мен... яъни, биз азиз меҳмонларимиз деб ҳисоблаймиз.

— Горько!— дейди Семиренко.

— Горько! Горько!— дея уни қўллаб-қувватлай бошлилашади.

Ирина Петровна ўрнидан туради ва хижолатомуз жилмайиб, Млинскийни ўпади.

Ерофеев уларнинг олдига келади.

— Икковингларни ҳам бирдек яхши кўраман... Сени бир ўпсам майлими, қизим! Майлими, ўртоқ полковник?

— Э, майли, эзма чол.

— Йўғ-э, жуда ҳам унчалик чол эмасмиз ҳали.— Ерофеев мўйловини бураб, Ирина Петровна ва Млинскийни ўпади. Кейин камаридан лимонка гранатасини ечиб олиб, Ирина Петровнага узатади.— Мана, мендан чақалоққа эсадалик...— У гранатани қўлига олиб силкитади, ичидা нимадир шиқиллайди.— Бўш бу, ичидা нў хот бор, холос. Болакай ўйнаб юрар.

— Раҳмат, Ерофеич,— дейди Ирина Петровна.— Ҳаммаси учун сенга раҳмат!

Ванда Ирина Петровнанинг ёнига оҳиста яқинлашиб, юзини ёнофига боссади.

— Мени унугтиб юборманг...

— Ўртоқлар!— дейди Ерофеев баланд товуш билан.

— Попларни-ку биз ўзимиз бекор қилганмиз, ЗАГСгача бу ердан узоқ. Демак, ўртоқ секретарь, ҳаммаси қонуний бўлиши учун, оқ фотиҳа беришингга тўғри келади,— дея Семиренкога ўгирилади у,— бошқа иложи йўқ...

— Хўп, майли... дейди,— Симиренко жиддий.— Гап ахир қоғозда эмас-ку, сизнинг тўйингиз эса барча инсоний қоидаларга мувофиқ бўлаётир... Хўш, демак, сизларнинг узоқ ва баҳтли ҳаётингизга оқ йўл тилайман... Горько!

— Горько! Горько!— дея илиб кетишди атрофдан.

Ерофеев аллақайси бурчакдан балалайка кўтариб чиқади.

— Тўй тўйдек бўлсин-да, ўйин-кулгиси билан!

Столларни четга суришади.

Шу заҳоти балалайканинг шўх садолари остида Қатя Ярцева ўртага йўрғалаб чиқади, кифтларини учир-

Ғанча Семиренкога мақом қила кетади. У ўрнидан турди.

Завқ-шавқ билан, астойдил берилиб рақсга тушишади...

Ўйчан Ирина Петровна ва Млинскийдан бошқа ҳеч ким қолмаган. Эшик ортида соқчининг қадам товушию олис-олислардан Ерофеевнинг тиним билмас балалайкасининг овозигина қулоққа чалинади.

Млинский ва Ирина Петровна узоқ вақт унсиз ўтирадилар. Фақат аҳён-аҳёнда меҳр билан бир-бирларини оҳиста қучадилар...

Самолётда Ирина Петровна ярадорларни кўздан ке-чирмоқда.

— Бардам бўл, казак. Самолётда биринчи учишингми?

— Ҳа...

— Менинг ҳам...

Иккинчи учувчи ва Семиренкони кузатиб борадиган офицер унга кўмаклашадилар. Семиренко иллюминатор олдида ўтирибди. Ирина Петровна бир лаҳза ёнига ўтирганда, докторга кулимсираб боқади.

— Нега бунча кўзларинг ғамга тўла? Уруш охирлаб боряпти-ку, ахир, ҳадемай дийдор кўришасизлар...

— Ҳа-ҳа, албатта...

Штурман салонга киради.

— Фронт линияси устидан учиб ўтипмиз, ўртоқлар, ҳушёр бўлинглар.— У самолётнинг дум томонига ўтиб, ўқчининг елкасига қоқади-да, қичқиради.— Вася, икласига ҳам қара!

Ирина Петровна ярадорнинг инграган товушини эшитиб, унга қаъаб юради. Шу пайт самолёт қаттиқ силкиниб тушади. У иллюминатордан назар солади: немис қирувчиси қора шарпадек сузиб ўтади. Сўнг қанотида оловли ўқ изларини чақнатиб, иккинчи қузғун ҳам лип этиб кўринади.

Ирина Петровна қора крестли қиравчи самолёт қандай аланга олганини ва ортидан қоп-қора тутин бурқситганча пастга тош каби шўнғиб кетганини яққол кўриб туради. Ва шу лаҳза улар бораётган транспорт самолёти бутун танаси билан титраб-қалтирайди, салон қопламалари кўчиб тушади, ярадорларнинг қичқириқ ва фарёдлари янграйди.

Самолёт кескин суръатда пастлай бошлайди. Моторлардан бири бурқсаб ёнади...

Самолётни ҳали ўриб олинмаган зиғирпоя майдонига қўндиришга эришадилар.

Учувчилар, Семиренко, ёш лейтенант ва Ирина Петровна тутундан бўйилганча ярадорларни эшик олдига сургаб-судраб келишади, пастда эса югуриб келаётган солдатлар уларни самолётдан тушириб олишади. Семиренко Ирина Петровнага қараб қичқиради:

— Бор, эшитяпсанми, дамингни ол! Мен сенга буюраман!

У эса бунга жавобан фақат бош чайқайди.

Немис қиравчиси ер билан битта бўлиб ётган транспорт самолёти устида қузғундек чарх уаркан, уни узоқ ўққа тутиб ўтади. Семиренко бирдан бўшашиб йиқилган Ирина Петровнани самолётдан кўтариб олиб тушади-да, дарахтлар панасига элтади.

Ирина Петровна энди немис қиравчи самолёти қора тутун бурқсатиб қандай қулаганини, транспорт самолёти қандай портлаганини кўрмайди. У энди ҳеч нарсани кўрмайди...

Семиренко унинг бошини тиззасига олиб, соchlарини силаганча йиғлайди, қурумдан қорайган юзларига кўё ёшлари оқиб тушади...

Тонг отиб қолган. Млинский ниқоб тўри билан ёпилган чодирга яқинлашади. Соқчи честь беради.

— Рухсат этинг? — деб сўрайди немисчалаб Млинский, чодир пардасини очиб.

— Ҳа-ҳа, марҳамат. — Подполковник Бютцов хром этик ва галифе шимда, оппоқ, топ-тоза кўйлаги устидан энли тасмалар тортилган, қўлида чарм нессессер, очиқ чамадон тепасида туради. — Авф этасиз...

Бютцов нессессерни бир четга қўйиб, кителини кияди. Энди у немис армияси инженерлик қўшинларининг барча орден ва нишонлари тўла тақилган подполковниги либосида. Млинский унинг бу қадар ўзгарганидан ҳатто кўзларига ишонмай беихтиёр бош чайқаб қўяди: қаршисида барваста ва андек сурбет прусс офицери турарди.

— Мен тайёрман, жаңоб полковник.

— Ҳаяжонланяпсизми?

— Ҳа, албатта... Мен қишдаги биринчи учрашувилизни бот-бот эслаб тураман. Ўшанда сиздан, агар мен ҳаммасини айтиб берсам, ҳаётим сақлаб қолинадими, деб сўраган эдим. Аммо гап бунда эмасди. Агар мен ўзим хизмат қилаётган ишнинг тўғрилигига батамом ишонганимда эди, бирор оғиз ҳам сўз айтмаган бўлардим.

— Энди сиз Германиянинг келажаги учун ишлайсиз.

— Ҳа, мен Германияга ишонаман, ҳозир фашизмнинг мудҳиш ёлғони билан заҳарлаб ташланган халқимга ҳам ишонаман. Энди мен ҳар бир немиснинг бурчи — фашистларга Германияни ўз ортларидан жаҳаннамга судраб кетишга йўл қўймаслик учун курашдан иборат эканини яхши биламан. Жуда кўп офицерлар шундай деб ўйладилар. Ўтган куни мен Москвада фельдмаршал Паулюс билан кўришдим... Афсуски, вақт ниҳоятда оз эди... Индинга мен ўз қисмимда бўлишим керак.

— Муваффақият тилайман, Бютцов. Илтимос, ишқилиб, омон қолишга ҳаракат қилинг. Сизга ўхшаган кишилар урушдан кейин Германияга бениҳоя керак бўладилар.

Млинский чодирдан чиқади, қуёш тоғларнинг қорли чўққиларини олтинранг шуълага чулғамоқда.

Шумский унинг ёнига яқинлашади. Эгнида плашч-патака, тагидан немис формаси кўриниб туради.

— Тайёрман, ўртоқ полковник.

— Маъқул,— Млинский соатига қарайди.— Сизларни чегарғача Гонуляк олиб бориб қўяди, ундан нарёғида Карасев кутиб олади. Унинг разведгруппаси сизларнинг ичкари кириб олишингизни ва мен билан алоқа боғлашингизни таъминлайди. Сизга нақ ажалнинг оғзига кириб, яна тирик қайтиб чиқишингизга тўғри келади.

— Ҳаракат қиласман, ўртоқ полковник.

— Сиз энди иккинчи разведгруппа командиризиз. Ҳар қадамингизни ўйлаб босинг: Бютцовнинг вермахтга қайтиши учун Марказ жуда катта меҳнат сарфлаган.

Гонуляк, Хват, Канин ва олис йўлга отланган бир неча партизан, яланглик четида кутиб туришибди. Млинский, Шумский, Бютцов ва уларнинг ортидан катта чарм чамадон кўтарган сержант Косих ўша томонга қараб юрадилар.

— Эҳ, йўл олдидан бир ичсак эди,— деб ҳазиллашади Хват.

— Мана,— дея орқадан етиб келган Ерофеев сувдонни узатади.— Ҳув анави қоя тагида булоқ бор экан. Суви шунақангি ширин, муздекки, нақ тишни зирқиратиб юборади...

Хват сувдан бир қултум ичиб, сувдонни Млинскийга узатади. У татиб кўриб, маъқуллагандек бош иргаб, идишни Ерофеевга қайтаради. Ерофеев бир лаҳза иккиманиб тургач, уни Бютцовга беради.

— Ма, сен ҳам йўл олдидан ичиб ол...

— Данке шён...

Подполковник шошилмай, майда қултумлар билан сув ичаркан, Хват ёлғондан қовоғини уйнаб, Ерофеев томон энгашади.

— Заҳарланган эмасми?

— Мен сувдоннинг ярмини бўшатдим, мана, ҳозирча тирикман,— деб жаврайди Ерофеев.— Бари бир сенга ҳеч қанақа заҳар таъсир қилмайди.

Группа Бютцов билан бирга жўнайди. Муюлишга етганда Шумский Млинскийга хайрлашиб қўл силкийди.

Ерофеевнинг кўзи бирдан қоқила-сурина, йиқилгудек бўлиб югуриб келаётган Катя Ярцевага тушади. У қизнинг қаршиисига чиқаркан, ногоҳ юраги зирқираб кетади.

— Фалокат, Ерофеич, фалокат...— дея йифидан ғип бўғилган товуш билан шивирлайди Катя.— Ирина Петровна...

Млинский гўё кимдир туртиб юборгандек, шартта у томонига ўтирилади. Кўзларида қўрқинчли бир дард, илтижо ва умид қотиб қолган...

Веймарнинг сокин кўчалари. Батартиб деворлар ва яшил тўсиқлар ортида биринчи қор қоплаган виллалар кўзга ташланади.

Кулранг «Хоръх» машинасининг орқа ўринидигида подполковник Бютцов ўтирибди. Олдинда — шофёрнинг гавдаси кўринади. Олд ойна устидаги кўзгуда унинг юзи акс этади. Бу — Шумский. Бютцов уларни тўсиб ойнани тушириб дейди:

— Нах линкс... чапга...

Машина ойнасидан ташқарига қараб, у аста кулим-сирайди: яшил боғчалари билан жимжит кўчанинг иккичетига саф чеккан қасрлар ҳамон жой-жойида. Муюлишдаги соқчи ҳам подполковникни таниб, қўлини фурражкасига теккизиб, жилмаяди.

— Тўхта!— дейди подполковник.

Машина ҳафсала билан кузалган буталар ўраб олган майсазор ортидаги уч қаватли қаср олдига келиб тўхтайди.

Подполковник, шофёрнинг андак ҳаяллаб бўлса-да,

машинадан тушиб, унга эшик очишини кутиб ўтиради. Уйнинг қоронги деразаларига бир назар ташлагач, у зинапоялардан енгил юргурганча юқори кўтарилади ва очик эшикни итариб, ичкари киради.

Шумский машина юхонасидан чамадонни олиб, унинг изидан юради.

Кенг лаҳлиз жимжит, кимсасиз. Бютцов қабинетга қарайдию дарҳол отасини, аниқроғи, унинг баланд крес-ло суюнчиғи ортидан хиёл кўриниб турган оқ сочли катта бошни танийди.

— Ота!

Чол титраб кетади. Кўлидаги китоб гиламга тушади. Угирилиб, ўғлини кўргач, кекса фон Бютцов секин ўрнидан тура бошлайди.

— Фридрих... ўғлим... Хайрият, бизни бир кўришга вақт топа олибсан, ўғлим...

Подполковник унга ўрнидан туришга кўмаклашади. Улар қучоқлашиб кўришадилар. Остонада эса қари хизматкор аёл турибди. Унинг ингичка ияги қалтирайди, кўзларида ёш йилтирайди. Подполковник эгилиб, унинг териси салқиб ётган бўйнидан ўпади.

— Салом, фрау Эльза...

— Қайтиб келишингизни билар эдим,— дейди Эльза кўз ўшларини артиб.

Бютцов хизматкор аёлнинг елкаси оша йўлакда бамайлихотир кутиб турган Шумскийга кўзи тушади.

— Сизга кичкина бир илтимосим бор, Эльза. Шофёрга машинани қўядиган жой кўрсатиб, қорнини тўйдирсангиз. Фақат билиб қўйинг: у рус.

— Нима-а?— Қари хизматкорнинг кўзлари бир зумда дум-думалоқ бўлиб кетади.

— Қўрқманг, тишлаб олмайди.

Эльза иягини кибр билан баланд кўтариб, эшикни ёпганча чиқиб кетади.

...Кечқурун меҳмонхонада, камин олдида ўтириб ко-

фе ичишмоқда. Креслода — тиzzасига қалин жун рўмол ташлаган кекса фон Бютцов, унинг қаршисида подполковникнинг хотини Инга — чиройли ёш аёл, уларнинг ўғиллари — отаси келганлиги муносабати билан «Гитлерюгенд» формасини кийиб, белидаги камар ҳалқасига ханжар тақиб ясаниб олган ўн икки яшар бола — Иоганн.

Подполковник олови ўчай деб қолган каминга бир жуфт брикет ташлайди. Бир рюмка ликёр ичиб, кресло суяңчиғига ястанади. Уй сокин ва осойишта, фронт чизиги қизил ҳошиялар билан белгилаб қўйилган девордаги Европа харитасидан бўлак ҳеч нарса урушни эслатмайди. Эльза ичкари кириб, нигоҳи подполковникнинг нигоҳи билан тўқнашгач, сўрайди:

— Кечирасиз, ҳалиги... рус уйда тунаб қоладими?

— Бўш хоналар борми? — деб сўрайди подполковник.

— Бор,— дейди кекса Бютцов.— Боғбон ва шофёрнинг хонаси, ертўлада эса ўтёқарнинг ҳам хонаси бўш. Уйда энди бўш хоналар жуда ҳам кўп.

— Майли, ертўлада ёта қолсин,— дейди Инга.

— Дада, сен кўп русларни ўлдирдингми? — деб сўрайди Иогани.

Қалқиб кетаёзган подполковник, ўғлига гарангсиб қарайди. Кекса Бютцов унинг мушкулини осон қиласди:

— Сен уруш ҳақида ниҳоятда жўн тасаввур юритсан, Иоганн.

— Бугун кечаси — дейди Иоганн тантанавор оҳангда ханжар дастасини сиқиб,— мен бир русни ўлдираман.

— О, худойим! — дея хўрсинади Инга.

Кекса Бютцов ўрнидан туради, сигаретасини бамайлихотир ўчиради.

— Қави, вундеркинд, кетдик, ухлаймиз. Мен сенга уруш ҳақида баъзи нарсаларни айтиб бераман.. Хайрли тун, ўғлим. Хайрли тун, Инга.— Ўғли ва келинини

ўпиб, чол Иогани билан сўзлашганча уни меҳмонхонадан олиб чиқиб кетади:— Ўрушда ҳамманинг ўз вазифаси бўлади, сенинг вазифанг эса — яхши ўқиши...

Иогани оostonада тўхтаб, орқасига ўгирилади-да; пошиналарини шарақлатиб, қўлини кўтаради:

— Хайль Гитлер!

— Хайрли тун,— дейди подполковник.

Ниҳоят, улар ёлғиз қолишади.

— Сени ўлгудек соғиндим,— дейди подполковник забардаст кафти билан хотинининг нозик қўлини си-лар экан.

— Нега шунча вақт хат ёзмай қўйдинг? Келаётганинг ҳақида огоҳлантирумадинг ҳам.

— Иложи бўлмади. Мени тўсатдан Берлинга чақириб қолишди. Ўйлайманки, янги лавозимга тайинлашса керак.

— Оҳ, худойим! Наҳотки фронтга юборишса?

— Қайдам.

— Баъзан шу қадар қўрқаманки, ҳатто яшагим ҳам келмай қолади,— дейди Инга.

Подполковник уйдаги сукунатга қулоқ соларкан, индамайди, сўнг тунчироққа қўл чўзиб, ўчиради.

Шумский бедор. Қўлларини боши остидан ўтказган кўйи панжара тутилган дарча орқали ёришиб келаётган тонгни кузатиб ётибди.

Кулранг «Хоръҳ» яқиндагина Карасев-Деннерт машинасини қўйган жойда — Берлин атрофидаги бир шашарча яқинидаги кафенинг ёнгинасида туради.

Кафе деразасидан икки марта Геленанинг чеҳраси лип этиб кўринади.

Бютцов кафедан чиқиб келади. Шумский сапчиб машинадан тушиб, унга эшик очади. Бютцов рулга ўзи ўтиради.

— Ҳаммаси жойида,— дейди у.— Соат ўнда мен СС қўшиллари қурилиш бошқармасида бўлишим керак.

Оддий фанер шкафлар, устига тартиб билан қофоз тўшалган столчалар, парда тутилган деразалар. Дераза раҳида ҳатто ёронгул кўзга чалинади. Пардалар ортида — темир панжара. Бу — концлагерь бошлигининг кабинети.

Тўрдаги столда немис офицери ўтирибди, ёзув машинкаси ортида эса асирлардан танлаб олинган, башараси ёғ суртилгандек ялтираган котиб.

Подполковник Бютцов эшик оғзида кутиб туради.

Офицер котибга қараб русчалаб буюради:

— Қани, буни текшир-чи, Николаев,— Сўнг Бютцовдан немисчалаб сўрайди:— Нима найранг қилди бу?

— Потсдамерзее ёқасидаги шосседа қандайдир одамлар машинани ўққа тутишди. Шофёр ўзини анча шубҳали тутди. Менимча, у атай тезликни пасайтирди...

— Кўл ёқасидами? Тўғри, ўша атрофда лагердан қочган поляклар яшириниб ётишибди. Ҳа-а, подполковник, уни бу ерга олиб келиб ғоят оқилона иш қилгансиз.

— Бу ёққа кел,— деб чақиради котиб Шумскийни.— Манави ерда тур. Қўлингни тушир. Менга қара, Жавоб бер. Шапкангни ол, абллаҳ! Фамилиянг?

— Лунин.

— Отинг?

— Иван.

— Нима, ҳар бир гапни тилингдан суғуриб олиш керакми?

— Фёдорович...

— Мен кетишим мумкинми?— деб сўрайди подполковник офицердан.

— Албатта,— дейди у.— Марҳамат қилиб, манави ерга қўл қўйсангиз.

Фон Бютцов қўл қўйиб, Шумскийга кўз қири билан қарайди-да, кабинетдан чиқиб кетади.

— Хўш, бунинг карточкасини топдингми?— деб сўрайди офицер котибдан.

- Йўқ, жаноб лейтенант!
— Аҳ-моқ!— Дарров топ! Ҳозирча янгисини очиб тур. Кейин олтинчи ревирга ташла.
— Эшитаман.

Котиб Шумскийни миноралардаги пројекторлар ёғдуси ёритиб турган майдондан олдиға солиб ҳайдаб боради. Баракларнинг жангоҳ тирқишидек кичкина дарчалари қоп-қоронғи, уларда ҳаёт асари сезилмайди. Қадам товуши ва итларнинг ҳуришигина эшитилиб туради.

— Ҳе, фирт олифта аҳмоқ экансан,— деб иршаяди котиб.— Озодликка чиқиб, яна орқага қайтиб юрибсан-а... Олтинчи ревир нималигини биласанми? У ердан фақаг битта йўл бор — печкага.

- Сиз бунга йўл қўймайсиз, Каминский.
— Нима?!— Котиб жойида таққа тўхтайди.— Менинг фамилиямни қаёқдан биласан?

- Кетдик, кетдик.
— Фамилиямни қаёқдан биласан, абраҳ!
— Анави ёқдан.
— Қўрқитмоқчимисан?
— Ватан хонилари ва сотқинлари устидан Харьковда бўлган судни... дарвоҷе, бу сизнинг она шаҳрингиз-ку... бутун тафсилотлари билан айтиб беришим мумкин...

- Сенга нима керак?
— Менинг олтинчи ревирдан соғ-омон қутулишим ва кейинчалик лозим бўлса, тегишли жойда Одесса полуэкипажининг баталери ва майда безори Роман Каминский битта яхши иш қилгани ҳақида гувоҳлик беришим кўпроқ сизга керак.

- Сен кимсан ўзи?
— Ўйлаб кўринг.

- Салом, подполковник.— Паст бўйли, соchlари эрта тўкилиб, тепакал бўлиб қолган, афт-башараси ял-

тиллаган жаноб столидан туриб, «Дора» махсус лагерига келган Бютцовнинг истиқболига пешвоз чиқади.— Оилангиз қалай?... Умид қиласманки, ҳаммалари соғ'саломатдирлар, кекса фон Бютцов эса ҳамон аввалгидек соғлом скептицизмга тўла бўлса керак. Чолларнинг ҳур фикрини бениҳоя ҳурмат қиласман. Отангиз ажойиб архитектор эди...

— Ташаккур. Худога шукур, оиласизда ҳаммаси илгаригидек.

— Жуда соз. Энди ишга ўтсак. Фюрернинг фармо-йишига кўра, «Дора» махсус лагерида янги обьектлар барпо этиш ҳажми кўпайтирилади, шу сабабли биз иш-билармон инженерларга ғоят муҳтоjмиз. Менинг қўлимда сиз ҳақингизда жуда юксак баҳолар бор, ишончли тавсияномалар ҳам мавжуд. Аммо ишимизнинг ўзига хос жиҳатлари кишиларга алоҳида эътибор беришни талаб этади... Марҳамат.—У подполковникка стул кўрсатиб, ҳужжатлар солинган папкасини очади.— Қирқ учинчи йил декабригача сиз инженерлик қўшинлари генерал-инспектори штабида хизмат қилгансиз... Декабрнинг охирида эса бир муддат ғойиб бўлиб қолгансиз...

— Мен партизанлар поездга ҳужум қилганда оғир контузия бўлиб, беҳуш ҳолда госпиталга ётқизилган эдим.

— Ҳа-ҳа, ҳужжат ва нарсаларингиз кейин... чамадондан тёпилган. Сиз госпиталда анча узоқ ётгансиз шекилли?

— Мартгача.

— Бу госпиталдаги касаллик тарихидан олинган кўчирмага ҳам мос келади. Афсуски, 118-номерли армия госпитали июнь ойида бутун состави билан Белоруссияда қуршовга тушиб қолган, шу сабабли ҳозир архив маълумотларини сўратиб олиш имкони йўқ.

— Агар менга ишонмасангиз...— Бютцов ўрнидан туради.

— Э-э. қўйинг-э, дарров ёш болага ўхшаб аразла-
манг. Хаҳ, сиз интеллигентларга қолган кун қурсин. Жиз-
закиликни қўйинг, подполковник. «Дора»да сизга шу
қадар кагта ҳақ-хуқуқлар бериладики, лоақал номига
бўлса-да, текшириш ўтказмасак бўлмайди.

Млинский тоғ тепасида турибди. Ҳўл қор ёғаётир.
Тоғ этагида кичкинагина немис шаҳарчаси — Корцен
ястаниб ётибди. Полковникнинг чеҳрасида қатъият
ифодаси, худди тошдан йўнилгандек, бирор мускули
қилт этмайди.

Хиёл чеккароқда Канин ва Хват, партизан отряди-
нинг командирлари Гонуляк ва Нечипоренко туришиб-
ди. Ерофеев, Бейсамбоев, Озеров ҳам шу ерда.

Уларнинг ёнидан эса пастга — шаҳарчага қараб пар-
тизан отрядлари, қизил аскар роталари ўтиб бормоқда.

Млинский планшетини очади.

— Операция роса олтию ўттизда бошланади. Бу
вақтда, Гонуляк, сизнинг Корцендаги одамларингиз
комендатура ва завод идорасини ўраб олишлари керак.
Сизнинг отрядингиз эса, Нечипоренко, йўлларни беки-
тиб, назорат қилиб туради. Энг охирида яшил ракета
сигнали берилиши билан чекинасизлар.

— Тушунарли.

— Қапитан Бейсамбоев Озеровнинг миначиларини
мудофаа қиласиди.

— Есъ.

Шаҳарга икки томондан бостириб киришади. Бонда-
ренконинг жангчилари ва Гонулякнинг партизанлари
комендатура биносига гранаталар билан ҳужум қила-
дилар. Бейсамбоевнинг группаси миначиларни душман-
дан тўсганча завод деворлари сари бостириб келаве-
ради.

Дарвозалар гранаталар билан портлатилади... Соқ-
чи батальоннинг казармаларига ёпирилиб киришади.
Қўл жанги бошланиб кетади, найза ва қўндоқлар ишга
тушади...

Мгеладзе қарши ҳужумга ўтган эсэсчиларни пулемётдан ўққа тутарди. Млинский индамай бориб, уни четга суради-да, «Дегтярев» қўндоғига кифтини тирайди...

Жангчилар заводга, цехларга...

ракеталарнинг кумушранг корпуслари қад ростлаб турган тайёр маҳсулот омборига...

темир йўл станциясига ёриб кирадилар.

Қаршилик ҳаракати группасининг махфий аъзолари бўлган ишчилар Озеровнинг миначиларини цехлар бўйлаб бошлаб кетадилар.

Дастгоҳлар остига, тайёр маҳсулотлар солинган яшиклар тагига, электростанция турбиналари остига, ракеталарнинг корпуслари жойлаштирилган омборларга зудлик билан портловчи моддалар қўйилади...

Млинский завод дарвозаси олдидағи аллақандай бетон парчаси устида ўтирган кўйи тиши билан бинт учини тортиб ярадор қўлини боғламоқда. Хват ва Озеров унга яқинлашишади.

— Портлатишга ҳамма нарса тайёр, ўртоқ полковник.

— Одамларни шаҳардан олиб чиқинг.

— Есть!

— Қани, капитан,— дея Млинский Озеровга ўгирилади,— менга хўжалигингни кўрсат-чи.

Улар кўзни чалғитиш учун қандайдир мебеллар ясашга мослаштирилган цехга кирадилар. Сўнг бетон подваллардан пастга-ракеталар корпуси ишлаб чиқариладиган конвейер линиялари жойлашган ер ости заводига тушнаб кетишади...

Шаҳар чеккасида, тош бостирмада Озеровнинг миначилари портлатгич асбобларини ўрнатиб, симларни тортишмоқда. Анча олисда ўқ товуши янграб, осмонда яшил ракета пайдо бўлади.

— Кетишди,— дейди Ерофеев.

— Портлатишга рухсат этинг, ўртоқ полковник?—
деб сўрайди сапёр-старшина.

— Мен ўзим...

Сапёр старшина честь бериб, четланади. Млинский портлатгич ускунасининг дастасини кескин бурайди — шу заҳоти құдратли портлаш янграйди. Завод устидан аланга күтарилади, атрофга темир-терсак парчалари сочилади, қоп-қора тутун бурқсий бошлайди.

Млинский яна дастани бурайди — бу сафар электростанциянинг кули кўкка совурилади.

Млинский тишларини ғижирлатиб, бош чайқайди.

— Йўқ... ўтмайди... йўқ... — У Озеровга қараб оғир хўрсинади.— Давом этинг, капитан...

Отряд ва партизанларнинг мардона, жасур ҳаракатлари натижасида Корцен ишғол қилиниб, завод, электростанция ва душман горизони яксон этилади. Шаҳарчанинг чөфроқ майдонига ҳарбий обьектларда ишлаган тутқунлар — руслар, украинлар, белоруслар, чехлар, словаклар, поляклар йифиладилар...

Отряд комиссари подполковник Қанин уларга мурожаат қиласди:

— Қадрли ватандошлар! Фашистлар қулликка маҳкум этган азиз биродарлар! Гитлерчи қузғунларнинг ёвуз бошлиқлари, ўз ҳалокатларининг муқаррар эканини сезиб турганларига қарамай, Корценда янги ажал қуороли ишлаб чиқаришга киришган эдилар. Биз бунга чек қўйдик. Фашист империясининг саноқли кунлари қолди. Қаҳрамон Қизил Армия барча фронтларда ғалабага эришмоқда. Душманнинг қутуриб кўрсатайтган қаршилигини енгиб, у фашистлар Германиясининг уяси — Берлинга тобора яқиналашиб бормоқда. Антигитлерчи битимдаги иттилоқчилар ҳам муваффақиятли операциялар ўтказмоқдалар.

Мана шундай шароитда ҳар бирингизнинг, шунингдек, ҳар бир виждонли немиснинг бурчи халқлар боши-

га сон-саноқсиз бало ва кулфатлар солған фашизм истибодидан уларни тезроқ озод этишга кўмаклашишдан иборат.

Биз сизларни Европа халқларини сариқ вабо оғатидан тамоман халос этиш учун фаол қурашга чақирамиз. Партизан отрядлари, яширин группалар сафига қўшилинг! Душманга туну кун тинимсиз зарба беринг! Буюк ғалабамиз соатлари яқин!— дея Қанин ўз сўзини гулдурос олқишилар остида тамомлади.

Маҳбуслар отряд аъзолари ва партизанларнинг жасоратига қойил қолишиб, Қизил Армиянинг зафарларидан қувониб, ўзларини отрядга қабул қилишни сўрайдилар.

Вольф кабинетига кириб келади. Чарм пальтосини ечмай, фурражкасини бошидан олиб, қўлқопларини ечади-да, стёлига қараб йўл олади. Крюгер эшик олдида тўхтайди:

— Эшишинчча, Қорцендаги заводлар қаттиқ шикастланган эмиш...

— Иш расво!— дейди Вольф.— Ҳаммаёқ вайрона. Менга кофе олиб келинг... Krakovdan ҳужжатлар келдими?

— Улар столингиз устида, группенфюер,— деб жавоб беради Крюгер, радиолани қўяр экан.

Вольф керакли папкани топиб, очади. Бир-бир вақтлаб, сўнгги вақтларда «Величка» зонасида бўлган қишилар гувоҳномасининг фотонусхаларини кўздан кечира боштайди. Вольф стол тортмасини очиб, Қюнленинг шахсий делосини олади. Суратларни синчиклаб текшириб ўтиришнинг ҳожати йўқ эди... Вольф столга турсиллатиб мушт туширади:

— Қюнлни топиб келинг! Зудлик билан!

— Инженер Қюнль ҳозир Пенемюнданда, командировкада,— дейди Крюгер.

— Дарҳол етказиб келинсин! Ўзингиз боринг! Ет-

казиб келинг уни, Крюгер! Шошманг! Мана бу суратни катталашириб, кўпайтиришга буюринг!— Вольф папкадан Шумскийнинг сурати ёпиширилган гувоҳнома нусхасини юлқиб олади.— Империя бўйлаб қидирув эълон қилинг!. Латта! Увада, исқирилт латта экан бу Занге! Мен ҳали унга полигонни ҳам, қопқонни ҳам, Корцендаги заводларни ҳам кўрсатиб қўяман!

Бютцов ва қурилиш бошқармасидан келган жаноб оберштурмфюрер ҳамроҳлигига Конштайн тоғидаги штолъяларни¹ кўздан кечиришишмоқда. Лоқайд, мудроқ юзли армия инженер-капитани уларнинг ортидан эргашиб юриди.

Бу ерда маҳбуслар ишламоқда: мисранг ва киркалар билан тошларни кесиб, замбилғалтакларда ташишяпти. Бу ишларнинг барчаси жиноий маҳбуслардан қўйилган назоратчилар ва эсэсчилар кузатувида амалга оширилаётир. Соқчиларнинг қўлида — сўйил.

— Хуцди Рим ғорларининг ўзи-ку,— деб минғиллайди Бютцов.— Ҳаммаси алмисоқдан қолган...

Сал нарида назоратчилар ҳолдан тойиб, замбилғалтагини ташлаб юборган маҳбусни калтаклашмоқда.

— Бу ҳайвонлар фақат калтак остидагина ишлайди,— дейди эсэсчи.

— Шу восита ва шу ишчилар билан белгиланган муддатга улгуриш... Мени роса балога гирифторм қилдингиз-ку! Ихтисосли ишчилар керак.

— Мен уларни қаердан оламан, жаноб инженер?

— Модомики, одам топиб беролмас экансиз, у ҳолда, мен ўзим уларни лагерлардан, турмалардан, қурилиш батальонларидан танлаб оламан.

— Сизга барча ҳуқуқлар берилади, подполковник,

¹ Штолъя—тоғларда қия қазиладиган чуқур, кончилик ишларига оид (*Тарж.*)

фақат, илтимос, қурилишни муддатида битказсангиз — бас.

Кюнль Вольфнинг кабинети ўртасида, қўлларини ёнига туширганча қотиб турибди, даҳшат ва қўрқув тўла кўзлари ҳеч нарсани кўрмайди. Афтидан, групен-фюрер ўзига қараб бақираётган сўзларни анчадан бери англайди.

— Сен кимсан?! Кимсан!! Агар сен Зигфрид Кюнль бўлсанг, унда мана бу ким?! — Вольф Кюнль гувоҳномасининг нусхасини стол устига итқитади. — Бу сурат қандай қилиб сенинг гувоҳномангга тушиб қолди, абраҳ? Сенинг ўрнингга «Величка» зонасига борган ким эди? Жавоб бер, разил! Қаерда у одам? У билан қаерда танишгансан? Қачон? Қачон сотқинлик қилгансан?

Нихоят, Вольф Кюнль унинг сўзларини эшитмаётганини, ҳали замон хушини йўқотиб ағдарилиб тушажагини пайқайди. У радиола олдига бориб, пластинка қўяди. Глюкнинг хуш оҳанглари кабинетни тўлдиради.

— Утири, — дейди Вольф.

Кюнль, оёғи чўрт узилган каби, стулга чўқади.

— Бу одамнинг оти нима? — деб сўрайди Вольф энди хотиржамроқ оҳангда, Шумскийнинг суратини кўрсатиб.

— Билмайман...

— У билан қаерда танишгансан?

— «Монополь» меҳмонхонасида... Краковда...

— Крюгер!

Крюгер гўё эшик ортида тургандек, шу заҳоти кириб келади.

— Ёзиб олинг! — деб буюради Вольф.

Бютцов ва семиз майор саф тортган маҳбуслар олдиндан ўтиб боришишмоқда. Майорнинг қўлида рўйхат. Асиirlарга деярли назар ҳам ташламай, у ҳар бирини нуқиб кўрсатади:

— Слесарь... фрезерчи... инженер... ўқитувчи...

— Керак эмас, —дейди Бютцовнинг ортида турган эсесчи ва маҳбусни сафдан итариб чиқаришади.

Бютцовнинг кўзи Шумскийга тушади. Унинг йўл-йўл қўйлаги ёқасида жиноий маҳбус эканини англатувчи қора учбурчак.

— Пайвандчи... токарь... архитектор...

— Фамилиянг?— деб сўрайди Бютцов Шумскийдан.

— Мильх, Эдгар. Номерим қирқ бир минг икки юз ўттиз тўрт.— Шумский ола-була қалпоғини бошидан олади, аммо юзида қилт этган ўзгариш содир бўлмайди. Бютцов томонига тиқилган алланарсани қулт этиб ютиб, нари кетади.

— Электрик, — дея Шумскийнинг кўкрагига бармогини нуқади семиз майор.

Тонг қоронғисида Млинскийнинг жангчилари жазо отряди билан тўқнашишга мажбур бўладилар.

Млинский қоя остидаги пана жойда қўлларини кружкадаги чойга иситганча жангнинг боришини кузатиб турибди. Ёнида — Хват, сиёсий ишлар бўйича ўринбосари Канин, Ерофеев ва бизга нотаниш соchlари қордек бир киши. Унинг елкасига ташланган солдат шинели остидан немис офицери мундирининг ёқаси кўриниб турибди.

Сал нарида — телефончилар ва Катя Ярцева рацияси билан жойлашган.

Оқ ниқоб халатлари кийган, қор ва пулемётнинг ўқ ёғмири остида жон-жаҳди билан ўрмалаб келаётган жазо отряди солдатларининг гавдалари яққол кўзга ташланади.

— Улар Корцен учун биз билан ҳисоб-китоб қилишмоқчи, —дейди оқ соч киши.

— Трапаудаги ер ости заводи учун ҳам, Тухелдаги омборлар учун ҳам... —дея кулимсирайди Хват. — Ҳали кўп ҳисоб-китоб қилишларига тўғри келади...

Портлаш гумбурлаб, уларнинг устига тупроқ ва қор тўёзони ёпирилади.

Млинский тупроқ тушиб кетган кружкадаги чойнинг қолганини сепиб ташлайди.

— Хват, Бейсамбоевга маълум қил, бу лаънати ми-номётларнинг овозини ўчирсин!

— Есть!

— Энг муҳими — уларни алдаб дарага яқинроқ келтириш, — дейди полковник оқ соч кишига.

Катя Ярцева блокнотидан ҳозиргина қабул қилинган радиограмма ёзилган варақни йиртиб узатади:

— Фрибедан телеграмма.

Млинский қоғозга кўз югуртириб, Канинга беради.

— Шумский ва Бютцов — белгиланган жойда.

— Эпчил йигитлар-да, — дейди Ерофеев.

— Ҳа,— дея бош чайқайди Хват.— Мен Шумскийдек эпломмаган бўлардим. Ахир, у «Величка»даги маҳбуслар ўша заводларда қандай шароитда ишлаётганини кўрган эди. Кўра-била туриб, ихтиёрий суратда жўнади.

— Иродаси пўлатдан әкан. Мана, майор Воробьев,— дея Млинский оқ соч киши томонга ишора қиласди. — Буни кўрган киши икки йилдан бери қиличининг дами устида юрибди, дея оладими?

— Э, қиличининг дами... — дея кулади Воробьев.

— Шумскийга, «Дора»га портловчи модда ва детонааторларни етказиб бериш керак, — дейди полковник унга.

— Портловчи моддаларни немислардан топиш мумкин,— деб жавоб беради у.— Мен нима қаерда эканини энди уларнинг интендантларидан кўра яхшироқ билалман. Фақат мана шу уран қуролининг лаънати қисмларини бир гўрга яшириб ташлашибди...

— Топамиз,— дейди Млинский ишонч билан.— Портловчи модда етказиш операцияси foят хавфли. Элтадиган ишончли одамлар, чинакам накладной қоғозлари керак...

— Буларнинг барчасини Қарасев иккаламиз немисча

пухталик билан бажо қиласиз,— дейди майор Воробьев.

— Ишонамаң.

Миномётлардан ёғилаётган ўқ ёмғири хийла сусаяди.

— Яша, Бейсамбоев!— дейди полковник.

— Мен Бондаренконинг олдига кетдим, Иван Петрович,— деб ўрнидан туради Канин.— Уларга қийинроқ бўляпти.

— Бора қол,— деб бош ирғайди Млинский.— Айтгинки, яна бир оз дош беришсин. Ҳадемай, биз тўрт томондан душманга шунақангиз зарба берамизки, иккинчи ортимииздан итдек қувиб юрмайдиган бўлишади.

«Дора» маҳсус лагери штолъяларида ускуналар шошилинч равишда монтаж қилинмоқда.

Қора жомакор ва каска кийиб, билагига немис ҳамда рус тилларида «Электриклар бригадири» деб ёзилган боғич тақиб олган Шумский девор бўйлаб кабель ётқизаётган ишчиларни кузатиб турибди. Маҳбуслардан бири унинг олдига яқинлашади.

— Сен бригадир, бу ерда салқинлаб турибсан, бизнинг ревирда эса уч кундирки электр йўқ. Бунинг сенга даҳли йўқ-да, а?

Шумский дастгоҳ ортидаги маҳбус уларни кузатиб турганини сезиб, олдидаги асирга бақириб беради:

— Мен ҳозир пешонангга шунақангиз чироқлар осиб қўяманки, ҳеч қанақа электрнинг ҳожати бўлмай қолади!

Унинг елкаси оша малла шарфюрернинг хаҳолаб кулгани эшитилади.

— Яша, Мильх! Боқса одам бўласан.— У Шумскийни сигарета билан сийлайди. Шумский нари жилганда, малла шарфюрер бирдан хўмраяди.— Ҳей, шошма?! Мен сени илгари бирор жойда кўрган бўлишим мумкин?

— Ҳар нарса бўлиши мумкин, шарфюрер,— деб елка қисади Шумский.

Гўрдек қоп-қорниги штолниядаги уч қават сўрида скелетга айланган одамлар ғимирсийди. Деворлардан чакка томади. Оҳ-воҳ, инграш, йўтал товушлари, бўғиқ сўкинишлар эштилади... Темир панжара тутилган йўлакнинг оғзида, электр тақсимлагич олдида Шумский кўймаланади, маҳбус Кунц қўлидаги қўлбола қора чироқни унга тутиб турибди.

— Жаноб бригадир,— деб сўрайди Кунц,— сиз ташқаридан посилка олиб турасизми?

— Ҳа, баъзан, амакиваччамдан.

— Мен эса — қаллиғимдан. Ойда икки марта.

— Салом, ўртоқ Кунц.— Шумский унинг қўлини сиқади.

— Салом, биз сизни кўпдан буён кутяпмиз.

— Малла шарфюрерни йўқотиш керак...

— Ҳаракат қиласиз. Эҳтиёткор у, газанда...— Кунц жим қолиб, кулимсираб қўшиб қўяди.— Посилка ҳақида, эса, афсуски, ёлғон гапирган эдим.

Шумский ва Кунц паст, тор йўлакдан юриб, қоя ичидан ўйиб ясалган хийлагина кенг бир хонага кирадилар.

Шахтёр лампалари одамлар билан тўла горни базур ёритади. Кунц йигилганларни таништира бошлайди:

— Капитан Еловой — Қаршилик ҳаракати совет группасининг раҳбари. Доктор Ян Чишпива чехословак комитетини бошқаради. Ян Побурений, Збишек Дубинский ва Винсент Хейн — Қаршилик ҳаракати поляк комитетининг вакиллари. Поль Басси — интернационал комитетнинг француз секциясидан. Эдгар Мильх,— дея Шумскийни йигилганларга таништиради у,— совет коммунисти. Сўз ўртоқ Мильхга!

— Қадрли ўртоқлар! Биродарлар!— деб сўз бошлайди Шумский.— Қизил Армия фашистларни Дунай-

дан Вислагача яксон қилиб бормоқда. Аммо биз фашизм ўзи қулашини кутиб қараб туролмаймиз. Гитлерчилар қутуриб қаршилик кўрсатмоқдалар, «қасос қуроли» ишлаб чиқаришни кўпайтиришга бениҳоя катта куч сарф қилмоқдалар. Биз сиз билан бу ишга халал бериш учун ҳамма нарсани қилишимиз керак!

— Тўғри!

— Ўртоқлар! Ишлаб чиқаришдаги саботажни давом эттириш билангина чекланиб қолмаслик лозим. Ракеталар ишлаб чиқаришни кўпайтириш режасини барбод этиш учун биз йирик бир ишни амалга оширишимиз керак...

Гестапо офицери чоғроқ экранда ҳужжатлар ва фотосуратларни намойиш этаркан, группенфю rer Вольфга доклад қилмоқда:

— «Величка» зонасида ўзини инженер Кюнль деб кўрсатган кишининг шахси аниқланди. Бу Шумский деган одам, автомеханик. Зонага бориб келганидан сўнг ғойиб бўлган, империя қидируви ҳозирча натижага бергани йўқ...

— Ва бирор нарса бериши ҳам гумон,— дейди Вольф!— У аллақачон Москвага етиб олган, қандайдир Лубянкада ўтириб олиб, ҳозир полковник Млинский иккаласи штурмбанфю rer Зангени яна бир марта қандай қилиб лақиллатиб кетишганини мароқланиб эслашаётгандир...— Вольф дераза олдида бошини гуноҳкорона қуи солиб ўтирган Зангега қараб қўяди.— Давом этинг...

— Мана бу эса Гелена Цильке, «Монополь» ресторанидаги қўшиқчи, Шумскийнинг шериги. Гўёки отаси — немис, — онаси — поляк эмиш. Иигирма беш ёшда. У ҳам ғойиб бўлган. Қидирув ҳозирча натижага бергани йўқ...

— Бунақаси фақат Кюнлнинггина бошини айлантириб қўя қолмайди,— деб луқма солади Вольф.

— Деннерт Эрнест. Ҳарбий Ҳаво Кучлари капитани. Авиабирлашма штабидан Krakov об-ҳаво станциясига команџировка қилинганлар ҳисобида турган. Сурати ва алоҳида белгилари Krakovдан олинган маълумотларга у қадар мос келмайди. «Монополь» ресторанига тез-тез келиб турган. Об-ҳаво станциясининг сўроқларидан фойдаланиб, амалда Krakov ва унинг атрофидаги аэродромларнинг ҳаво алоқасини назорат қилиб бориш имконига эга бўлган...

Вольф яна Зангега тикилади. У асабий қичқиради:

— «Близна» полигони ва «Хайделагер» объектида ўз об-ҳаво станцияси бор эди!

— Тўғри, эга эди,— дея унинг жонини олгудек босиқлик билан тасдиқлайди Вольф.— Фақат у полигон билан бирга июль ойидаёқ эвакуация қилинган эди... Яхиси, менинг жонимни чиқарма, Занге... Хўш, Деннерт ҳам ғойиб бўлган ва қидирув ҳозирча натижа бермаган бўлса керак, тўғрими?

— Худди шундай, груптенфюрер. Келишилган жойга Деннерт Кюнль билан учрашгани бошқа келмади. Биз Кюнль Krakovга жўнаш олдидан бўлган барча жойларни текширдик: «Айик» ресторани, ҳеч қандай шубҳали нарса сезилмаган; Кюнлнинг қайлифи фрейлейн Гертруда Клурфельд. Немис Қизлари союзининг фаол аъзоси; доктор Фрибенинг хусусий тиш клиники...— Бу ном тилга олинганда Вольф беихтиёр жағини ушлайди.— Бу тиш докторининг мижозлари шу қадар жиддий одамларки...

— Кавланг, гауптштурмфюрер, чуқурроқ кавлаб кўринг,— дейди Вольф ва яна жағини ушлаб қўяди.

Штольнядаги энсиз темир йўл бўйлаб ҳар ўттиз минутда ракеталарнинг корпуслари, асбоб-ускуналари ва турли қисмлари ортилган вагонлар ўтиб турибди. Қарама-қарши йўналишда келаётган вагонларга эса гилоф-

га ўралган тайёр Фау-2 ракеталари юкланган. Ҳаммаёқда автёмат таққан эсесчилар.

Тош бўлаклари ортидаги овлоқда Бютцов ва Шумский учрашадилар.

— Портловчи моддалар олинди,— дейди Бютцов.— Сизга Млинскийдан қизғин салом. Сизни сўраб юборибди.

— Хўш, нима деб жавоб бердингиз?— дея кулимсирайди Шумский.

— Нима деб жавоб беришим мумкин? Худди жантадагидек, дедим. Ёки дўзахдагидекми?

— Умуман, худди нариги дунёдагидек...

— Бунча миқдордаги портловчи моддани қандай қилиб объектга етказишимизни ҳеч ақлга сифдиролмаяпман,— дейди Бютцов.

— Буни комитетдаги ўртоқлар ўз зиммаларига олишади. Бошқа нарса ташвишланарли: хўп, ана тўғонни портлатиб, штолъяларга ер ости кўлининг сувини очиб юбордик, дейлик. Лекин бундан дастгоҳ ва ускуналар деярли шикастланмайди, сувни эса дарҳол тортиб чиқариб ташлашади. Бошқа йўл топиш керак. Мен ер тузишишини ўрганиб чиқдим: бу жойда карст форлари, бўшлиқлар бўлиши мумкин... Агар буларнинг барчаси буткул йўқ қилингандა эди, зўр иш бўларди...

— Яхши. Мен ўйлаб кўриб, ҳисоб-китобларни маълум қиласман,— дейди Бютцов.

— Лекин шундай қилиш керакки, бизнинг одамларимиз талофат кўришмасин,— дейди Шумский гап сўнгига.

Булатли тонг. Бўрон. Млинскийнинг занжир бўлиб тизилган отряди жазо отряди таъқибидан қочиб, тоғ сўқмоқлари бўйлаб бормоқда.

Шинеллар устидан ёпиб олинган плашч-палатка ва адёллар ҳам совуқдан асраб қололмаяпти. Баъзилар дармонсизлик ва чарчақдан ҳолдан тойиб йиқилмоқдалар. Уларни сафдошлари суюб турғизишади...

Млинский ва Каниннинг ёнига Катя яқинлашиб, шифровка узатади.

— Ўқи,— дейди Млинский.

— «Корцендаги заводларнинг яксон қилингани муносабати билан табриклаймиз,— деб ўқийди Катя,— алоҳида ўрнак кўрсатганлар мукофотга тавсия этилсин. Ўран қуролли қисмлари жойлашган омборларни қидириш ишларини янада кучайтиринг. «Дора» операцияси га розиликни тасдиқлаймиз. Антонов».

— Маъқул. Фрибе билан навбатдаги сеансимиз қачон?

— Соат йигирма иккию беш минутда.

Млинский бош иргайди.

Оқшом. Доктор Фрибенинг кабинетида мижозларни қабул қилиш тугаган. Фрибе халатини ечиб, дераза олдига яқинлашади, парда ортидан оҳиста ташқарига қарайди. Кўча кимсасиз, фақат бурчакда қора «Оппель» машинаси турибди. Машинадаги одамлар кўринмайди, лекин сигарет чўғидан уларнинг кабинада ўтиргани сезилади.

Рентген кабинетида фрейлейн Анна бурчакдаги яширин жойдан кичкина наушникларни олиб, шнурларни ёзади, уларнинг учини девордаги махфий тешикларга суқишдан олдин у ердаги алдамчи болтларни суғуради.

Фрибе киради. Соатига назар ташлаб, Аннага саволомуз қарайди.

— Эшитиляпти,— дея бош иргайди Анна.— Аммо жуда шозқин қучли. Қайтаришлиарини кутаман...— У шундай дея қоғозни олдириғига сурин, варақни рақамлар билан тўлдира бошлайди.

Млинскийнинг овози янграйди:

— «Шумскийдан фавқулодда муҳим ҳужжатларни қабул қилишни уюштиришингизни сўрайман. Учрашув жойи ва вақтини Бютцов Карасев билан келишиши ло-

зим. Бизнинг одамларимиз уни Бадэльстра районида кутишади. Шумский учун Бютцовга етказинг: «Дора обьектидаги янги штолъяларни портлатиш операцияси ни йигирма еттинчига ўтар кечаси кучли бомбардимонлар билан кенгайтириш фикрини Москва маъқуллайди. Бироқ операциянинг бир соат аввал бошланишини сўрашди. Млинский».

Шифровкани Фрибega бериб, Анна наушникларни қулоғидач олади.

— Мен Геленанинг олдига бораман,— дейди у.

— Шошма,— дейди доктор Фрибе.— Эртага маҳфий жой орқали етказасан. Кюнль қамоқقا олингандан сўнг, менимча, бизни кузата бошлашди...

Тоннель бўйлаб яшик ортилган платформа бормоқда. Юкни малла шарфюрер бошлиқ соқчилар қўриқлаб боришаётир. Поезд З-номерли штолъя олдида тезлигини камайтиради.

Бу ерда уни подполковник Бютцов, немис инженерлари, Шумский ва маҳбуслар кутиб туришибди. Асиirlарнинг орасида ғордаги кенгашда иштирок этган бир неча киши ҳам бор.

— Ниҳоят-эй!— дейди Бютцов енгил тортиб.— Мильх! Одамларни юк туширишга қўйинг. Фақат огоҳлантирингки, яшикларда ғоят қиммат ва нозик асбоблар бор. Ҳар бир шикастланган ёки синган яшик учун бошингиз билан жавоб берасиз!

— Эшитаман, жаноб инженер!

— Эҳтиёт бўлинсин! Штолъя ичидагаз босими бор!—Бютцов Шумскийга маъноли қарайди. Унинг нигоҳида тасдиқ аломати: ҳа, бу ўша биз кутган нарса...

Одамлар вагонлардан яшикларни тушириб, елкала-рига ортганча штолъянинг ичкарисига ташимоқдалар. Очликдан силласи қуриган бу кишилар юкнинг оғирли-

ги остида чалишиб қалам ташлайдилар. Маҳбуслардан бири қоқилиб кетиб, яшикни ташлаб юборай дейди. Шериклари уни суюб қолишади, капитан Еловой шу заҳоти унинг ўрнига ўтади.

Одамлар штольнянинг ичкарисига кириб боришгани сари нафас олиш оғирлашади. Малла шарфюрер ютоқиб нафас олганча кўзларини олайтиради...

Қоронғилик қаърида, қоя тумшуғи панасида уни иккни киши — Кунц ва Поль Басси кутиб турибди. Уларнинг қўлларида — мисранг. Аммо шарфюрер кутилмаганда тўхтайди:

— Мильх! Ўзинг қара, эҳтиёт бўлиб... Лаънати газ! У ёғига бормайман.

— Хотиржам бўлинг, бешикаст элтамиз,— деб ишонтиради уни Шумский.

Кимсасиз кон бурчагида яшиклардан бирини очишиди. Унда — зарғалдоқранг қофозга ўралган динамит шашкалари.

— Ўн килолик,— дейди Еловой,— Ҳар бир яшикда саксон килограммдан портловчи модда бор.

— Хўш, бу газандалар биз уларнинг қўлидаги қўнғиз эмаслигимизга лоақал энди ишонч ҳосил қилишар,— деда илжаяди Шумский.

Қаршилик ҳаракати яширини комитетининг кенгаши ўтказилган ғорда Кунц ўтда ёнмайдиган қўлбола қутичдан маҳфий ҳужжатларни олиб Шумскийга топширмоқда.

— Мана бу плёнкаларда — энг муҳим қисмларнинг, ракеталарни бошқариш системаси чёртёжларининг фотокопиялари. Мана бу технологик жараёнлар баёни.

У қофоз ўрамини маҳкам қисиб турган резинкани чиқаради, варақлар азбаройи юпқалигидан учиб кетай дейди. Бу қофозларда тифиз қилиб, деярли микроскопик дастхат билан битилган ёзувлар кўзга чалинади...

— Папирос қофози,— дейди Кунц.— Сигареталарни тежадик... Бошқа қофоз йўқ эди. Бунда ҳаммаси ҳар хил тилда битилган: рус, поляк, немис, норвег, француз, серб, ҳатто венгер тилида... Тенгсиз хазина.

— Раҳмат, ўртоқлар.—Шумский қутичани оҳиста силайди.

— Сен фақат уни бу ердан олиб чиқиб кетолсанг бас,— дейди Еловой электр симлари тарвақайлаб кетган портлагич машинкасининг дастасига қўлинни қўйиб.

— Ҳаракат қиласман,— дейди Шумский кулиб.

Ўз-ўзини мудофаа қилиш группасининг ҳамроҳлигига маҳбуслар халокатга маҳкум этилган штолъялардан тобора юқорига, бехатар манзилларга қараб сургалишади. Улар дармони қуриган асиirlар ва ярадорларни суюганча жимгина боришишади. Қизил боғичли кишилар йўл кўрсатишади.

Форга Ян Чишпива киради:

— Тепада ҳаво тревогаси...

— Соатингиз борми?— деб сўрайди Шумский.

— Роса икки,— дейди Чишпива.

Худди шу пайт шифт ва деворлар ларзага келади, юқоридан шувиллаб шағал тўқилади, олисдаги портлаш овозлари форга эшишилади.

— Ҳар эҳтимолга қарши хайрлашиб қўяйлик,— дейди Еловой.— Балки тез орада кўришмасмиз...

Шумский ва Еловой бир-бирларининг қўлларини сиқиб, қучоқлашиб хайрлашадилар. Сўнг Шумский Кунцни бағрига босиб, фордан чиқиш йўллагига қараб йўналади. Йўлак оғзига етганда ўгирилиб қарайди. Кунц хайрлашиб маҳкам қисилган муштини кўтариб қўяди.

Утда ёнмас қутини кўтариб олган Шумский ва Чишпива ташқарига чиқадилар.

— Бўлди, биродар! Вақт бўлди...— дейди Еловой Кунцга.

Кунц машинка дастасини босиб, кескин бурайди...

Шу ондаёқ олисдан эшитилаётган шовқинга янги, қудратли портлаш садоси қўшилади...

Штолъяларда зарядлар портлайди, шифту пештоқлар қулаб, тоғ қатламлари дастгоҳларни, поток линияларини, ускуна омборларини кўмиб ташлай бошлайди...

Аллақаердан қутуриб тошиб келган сув оқими кучли портлашдан сўнг омон қолган барча нарсани: платформалар, электровозлар, конвейер линияларини хасдек супуриб-сидириб кета бошлайди...

Фордаги ҳамма нарсани тог жинслари босиб кетган. Кунц бир четда заиф инграр, қаттиқ ярадор бўлган Еловой уни вайроналар орасидан тортиб олишга уринади.

Уларнинг ёнгинасидан, штрек бўйлаб одамлар югуриб боришади, оёқлари остида сув шалоплайди. Ўқовозлари эшитилади...

Чишлива ва Шумский гоҳ тиззадан, гоҳ белдан сув кечганча штрек бўйлаб оқимга қарши мاشаққат билан юриб боришмоқда! Шумский ҳолдан тойиб, деворга суюнади.

Чишлива ўнга ёрдам бериш учун яқинлашади ва бирдан ўзи билан Шумскийга хотиржам қараб турган малла шарфюрерни кўриб қолади. Шарфюрернинг қўлида пистолет.

— Қўлингиздаги нима?— дея шарфюрер темир қутичага ишора қиласди.— Қани, бу ёққа беринг-чи!

— Қочинг, Ян!— Шумский қутини чехга тутқазиб, малла шарфюрерга ташланади. Ўқ янграйди.

Бютцов штрек муюлишидан қайриладию қўллари боғланган Шумскийни судраб келаётган малла шарфюрер билан тўқнашиб кетаёзади.

— Жаноб подполковник,— дейди шарфюрер.— Мен бу нусхани танидим. Бу Мильх эмас, бу Қонъль. У «Величка»га келган эди. Уни албатта гестапога етказиш лозим.

— Бу ердан қандай қилиб чиқсак бўлади?— деб сўрайди Бютцов.

— «Зет» шахтаси орқали. Бизниклар ҳали уни назорат қилиб туришибди.

Бютцов атрофга аланглайди: ҳеч ким йўқ. Подполковник тугмаси ечиқ ғилофидан пистолетини олиб, шарфюрернинг бошига қараб ўқ узади. Эсесчи қулайди. Бютцов Шумскийга энгашиб, уни аста кўтаради...

— Мен сизни бу ердан олиб чиқаман...

— Йўқ.— Шумский бош чайқайди.— Ҳужжатлар Янда... қолди... Қўлимни ечинингда, штолъядан кетинг, йўқса, тўсатдан ўзимизникилар келиб қолиши мумкин. Млинскийга етказинг: «Дора» янги обьектлари ер юзидан супуриб ташланди.

Бункерда, мажлис столи ортида Гитлер, Геббелс, Борман, генерал-полковник фон Хорн, қурол-яроғ министрилиги техника хизматининг бошлиғи Зауэр, ракеталар ишлаб чиқарувчи заводларнинг бош директори Дорнбергер ва группенфюрер Вольф ўтиришибди.

— Бир неча ҳафтадан сўнг профессор Хагель уран қозонини монтаж қилиш ишларини тамомлайди,—деб доклад қиласи Зауэр.— Ҳадемай сизнинг қўлингизда мисли кўрилмаган яксон қилувчи қудратга эга янги қурол бўлади...

— Сиз нима дейсиз, Дорнбергер?— деб сўрайди Гитлер.

— А — 4 ракеталарининг сўнгги синови шуни кўрсатадики, Фаунинг учиш узунлигини анчагина ошириш мумкин экан. Афсуски, русларнинг Болтиқбўйига қилган ҳужуми туфайли Пенемюнддаги синов полигонини кўчиришга тўғри келди...

— Вольф,— дейди Гитлер ҳоргин,— менга маълум қилишдик, «Дора»да коммунистлар ва саботажчилар ракеталар ишлаб чиқаришни барбод қилаётган эмишлар, қўпорувчилик ишлари амалга оширилаётган эмиш. У ерда тартиб ўрнатинг.

— Сўзсиз бажарилади, менинг фюгерим!

— Буйруғимни эшитинглар,—Гитлер ниҳоят қолган-күтган ирова кучини тўплаб олади.— Атом қуроли ва юксак қудратли ракеталар тайёрлаш учун зарур барча воситалар Альп тоғларига жойлаштирилсин ва у ерда ишлар ниҳоясига етказилгунча давом эттирилсин. Генерал-полковник фон Хорн, сиз армиянинг зарбдор груп-паларига қўмондан қилиб тайинланасиз. Сизнинг вазифангиз — ғоят қисқа муддат ичидаги тоғларда мустаҳкам район барпо этиб, уни бу ерда, Берлинда ва марказий Германияда нима воқеалар рўй беришидан қатъий назар, маҳкам тутиб туришдан иборат. Гапимни тушундингизми, фон Хорн?

— Юксак ишонч учун ташаккур, менинг фюгерим!— деб жавоб беради фон Хорн ўрнидан туриб.

— Группенфюрер Вольфга мен «Дора» обьектидаги ва бошқа обьектлардаги асбоб-ускуналарни кўчириш, уларни, жумладан, Альп тоғларида йўлга қўйиладиган ишлаб чиқаришни ҳам мудофаа қилишини ташкил этиш вазифасини топшираман... Операциянинг шартли номи «Фергельттунг»¹. Зудлик билан бажаришга киришилсин...

Доктор Фрибе креслода ўтирган мижозни кўздан кечираётганда кабинетга фрейлейн Анна кириб келади.

— Қабулхонада — группенфюрер Вольф,— дейди Анна.

Фрибе унга кўзойнаги остидан хотиржам қараб қўя-

¹ «Фергельттунг»—«Ўч» (*Nem.*)

ди-да, ишини давом эттираверади. Бироқ мижоз негадир типирчилаб қолади: у четга туфлаб, докторнинг қўлини нари суради-да, креслодан туради.

— Ташаккур, бугунча етар, профессор... Бошқа са-фар кираман...— Ў шундай деб кабинетдан отилганча чиқиб кетади.

Шу заҳоти группенфюрер Вольф Крюгер ҳамроҳли-гигда кириб келади.

— Салом, жаноб Фрибе.

— Салом, жаноб Вольф. Марҳамат,— дейди Фрибе тавозе билан.

— Гуллаб-яшнаяпсизми?

— Аста-аста...

— Бу ҳамма вақт ёмон эмас, ҳозирги оғир вақтда эса — айниқса.— Вольф креслога чўкади.— Пастдан учинчиси, илдиз... жуда азоб беряпти...

Фрибе группенфюрернинг оғзига кўзгу тутиб кўради.

— Анчадан бери менинг олдимга келмай қўйдингиз... Олиб ташлашга тўғри келади.

— Кўп вақт керакми?

— Ярим соат, қирқ минутча... Оғриқсизлантирмас-дан десангиз тезроқ.

— Йўқ, майли, ташаккур... фақат мен огоҳлантириб қўйишим керак эди... Телефонингиз қаерда?

— Марҳамат, группенфюрер,—Фрибе рентгенкабинет эшигини очади.

— Қулай жойда экан. — Вольф хонани кўздан кечириб, номер теради:— Занге! Зудлик билан «Моабит» турмасига бориб, буйругими етказ: инженер Кюнлии тартибга келтиришсии. Уни ўзинг билан Нордхаузенга олиб жўнайсан... Вольф рентген кабинетининг қўроғини қопланган эшиги хиёл очиқ эканини пайқайди.— Қани, у ерда нари-бери юриб кўрсин-чи... Балки бирор танишини учратиб қолар... Жиловини калта тут. Ҳужжатларни Крюгердан оласану шу бугун кечқурун Нордхаузенга жўнайсан!

«Моабит» турмасидан сал нарида «Мерседес» машинаси турибди, унинг ичида — Карасев ва Гелена. Гелена шляпа кийиб, юзига тўр ёпиб олган, бу кибор хоним қиёфасида офицерлар қовоқхонасидаги қўшиқчини ёки пивоҳонадаги официанткани таниш қийин. Карасев — вермаҳт майори либосида.

Ниҳоят, турма дарвозасидан катта, қора енгил машина чиқиб келади. Ў «Мерседес»га яқинлашганда Карасев ва Гелена ўшишадилар.

Гелена Карасевнинг елкаси оша орқа ўриндиқда ўтирган Зангени, яна бир эсесчини ва уларнинг орасидаги инженер Қюнлини кўради.

Карасев «Мерседес»ни буриб, изма-из жўнайди.

Якшанба куни эканлиги ва ҳаво очиқлиги туфайли кўл ёқасида одам гавжум. Қирғоқлардаги муз эриб бўлган, фақат кўл ўртасидагина кулранг тусда кўзга чалинади.

«Гитлерюгенд» ва фольксштурм отрядлари шалоплатиб лой кечганча ўтиб боришади. Қари чол-кампирлар сайр қилиб юришибди, инвалидлар қуёшда исиниб ўтишибди, айримлари кўлга қармоқ ҳам ташлашган. Полициячилар саф тортиб ўтишади.

Кекса, бамаъни эр-хотин жуфти — Фрибе ва фрейлейн Анна кафеда, столча ортида ўтиришибди. Фрибе пивосини ичиб тугатмоқда, фрейлейн Анна идишда қолган музқаймоқни бир четга суриб, деразадан сувга тикилади. Уларнинг олдига Гелена яқинлашади.

— Икки маркаю қирқ пфенning, фрауга олинган музқаймоқ учун қандга талон ҳам...

Фрибе хўрсиниб, бош чайқайди, шошилмай ҳамёнини олади-да, оҳиста дейди:

— Эҳтиёт бўлинг. Уларда, эҳтимол, сизнинг суратингиз бўлса керак. Менинг олдимга бошқа келманг. Алоқа — телефон ва яширин жой орқали.

— Ташаккур,—дейди Гелена ва қайтимни қайтара-

ётиб, қўлини бир зум унинг кафтига босиб, қўшимча қилади:—Бу Млинскийга, ошиғич. Соғ бўлинглар.

Фрибе ва фрэйлейн Анна кафедан чиқадилар.

Балиқ овлаётганларнинг ҳаракатларини эринчоқлик билан кузатиб турган резина плашли кўримсиз киши ўгирилиб қарайди-да, уларнинг ортидан эргашади.

Кичик-кичик катакларга бўлинган катта хона. Ҳар бир кабинада магнифотон ва олдида эсесчилар формаси кийган ёшгина аёллар ўтирган чоғроқ пультлар. Бу — телефон суҳбатларини пойлаш аппаратхонаси.

Кабиналарнинг биринда телефонисткадан ташқари Вольф ҳам ўтирибди. У хотиржам, аста сигарета туатади.

Крюгер кабинага кириб, Вольфга ҳали қуритилмаган бир неча фотосуратлар узатади. Суратларда — енгил машина аварияси, ҳайдовчи ҳамда Занге билан Кюнлнинг жасадлари тасвири...

— Фожиали тасодиф-да, а?— дея кулимсирайди Вольф.—Профессионал иш! Яшавор, доктор Фрибе!

Пультдаги мурватлардан бири шиқирлайди, телефонистка товуш тўлқинларини созлайди ва репродуктордан барадла овоз эшитила бошлади:

- Доктор Фрибе? Эртангиз хайрли бўлсин.
- Сизга ҳам, Фрау фон Типельскирх.
- Мен визитимни бугунга кўчирмоқчи эдим.
- Кўп таассуф, бироқ бугун қабул бўлмайди.
- Афсус. Кўришгунча хайр, доктор.
- Кўришгунча...

Вольф суратларни кўздан кечиришда давом этади, бу суҳбат уни қизиқтирумайди. Крюгер лента билан боғланиб, сўргич билан муҳрланган қора папкани стол устига қўяди:

— «Дора»дан ускуналарни кўчириш ҳақидаги директивалар папкасига тегилмаган, группенфюрер.

— Ҳа? Демак, улар Кюнлнинг пайига тушишган

экан. Кюнль «Дора»да бирор кишини таниб қолишини исташмаган. Демак, у ерда кимдир бор: Деннерт ёки Щумский... Бечора Занге, мен унинг умри ана шундай ёмон тарзда тугашини билардим.

— Алло! Профессор Фрибени мумкинми? — деган овоз эшитилади репродуктордан.

— Ҳа-ҳа, мен эшитаман...

— Салом, доктор. Мен Артур Горстданман.

— Қўнғироқ қаердан? Ҳозироқ аниқланг! — дея дарҳол сергак тортади Вольф.

Репродуктордан Фрибенинг овози эшитилади.

— Эрингизга айтингки, у ўзининг ва сизнинг соғлиғингизни қаттиқ асрани керак. Унга айтинг, Фридрих амакига телефон қиссин ва ишларни сараңжом қилишинглар билан бетўхтов жанубга, санаторийга жўнанглар... Курт пансионатига, дам олишга...

— Яхши. Айтмоқчи, у бизнинг умумий танишларимиз ҳеч қаёққа жўнаб кетишмаганини билдириб қўйишни сўраган эди...

Вольф ўлдирилган Занге ва Кюнлинг суратини столчага ташлайди...

— Раҳмат. Қўришгунча, қизалоқ,—дея сўзини тугатади Фрибе ва қисқа-қисқа сигнал эшитилади.

— Хўш? — Вольф Крюгерга ўгирилади.

— Бабельсбергдан, уч юз йигирма биринчи автоматдан телефон қилишибди.

— Оператив машинани чақиринг! Зудлик билан!

Яна телефон жирниглайди. Крюгер трубкани олади.

— Группенфюрер Вольфнинг адъютанти... Ҳозир, бир дақиқа... — Сўнг трубкани қўйиб, маълум қиласди: — Берлин контрразведка радиомарказининг бошлиғи штандартенфюрер Зондерштери ҳозиргина номаълум радиостанция фаолияти ҳақида маълумот олибди. Тревога билан батальонни оёққа турғизиб, Фридрихштрасседаги 3 — ва 5 — кварталларни қуршаб олишга ижозат сўраяпти...

— Керак эмас. Биз ўзимиз.—Вольф ўрнидан турди, пистолетни чўнтағига солади.—Қетдик, Крюгер. Доктор Фрибедан сўрайлик-чи, у кимга соғлигини асраш ҳақида маслаҳат берди экан...

Эшик ортидан таҳдидли тақиллаш ва қаттиқ-қаттиқ овозлар эшитилганда Анна эндиғина навбатдаги алоқа сеансини тугатган бўлади.

— Очинг! Очинг, профессор Фрибе! Менинг тишим жуда қаттиқ оғрияпти! Очинг! Биламан, уйингиздасиз!

Анна хотиржам пухталик билан калит ва наушникларни яширин жойга бекитади. Шифровка ва фотоплёнкани ёқиб юборгач, рентген-кабинетга ичиқади, доктор Фрибенинг олдига яқинлашиб, унга ўзоқ тикилади.

Эшикни янада кучлироқ тумбурлатиб тақиллатишмоқда.

— Мен очаман,—дейди доктор.—Барий бир эшикни бузиб киришади.

— Алвидо,—дейди Анна.

Фрибе эшикка калит солиб бураши билан қўлларида пистолет тутган гестапочи офицерлар қабулхонага бостириб киришади. Фрибени кабинетга итариб кириб, дөвортга қараб улоқтириб юоришади. Рентген-кабинет эшиги маҳкам ёпилган.

— Калит!—деб бўкиради офицерлардан бири Фрибена қараб.—Калит қаёрда?! — Ҳон ўғт йиқини.

Кабинетга Крюгер ҳамроҳлигидан труппенфюрер Вольф илжайганча кириб келади.

— Мана, биз яна учрашдик, профессор... тинтув қилинг!

Аммо гестапочилар бунга улгурмайдилар. Фрибенинг оғзида ампула қисирлайди шу ондаёқ қийшайганча полга йиқила бошлади.

— Цианлиқалий! Тўнғизлар! — дейдий Вольф дарғазаб пишқириб. Қарибир чолни ҳам қўлга боломайсизлар...

Вольф орқасига ўгирилади-да, рентгенкабинетнинг очиқ эшиги олдида турган фрейлейн Аннага кўзи тушади. Гестапочилар унга қараб ташланишади.

Анна бир хўрсиниб, бошини силкийди-да, қандайдир тугмачани босади. Кар қилгудек кучли портлаш янграйди. Ойналар шарақлаб кетади, девор шувоқлари кўчиб тушиб, ҳаммаёқ оҳак тўзонинга кўмилади.

Портлаш зарбидан бир четга учиб кетган Вольф ёрилган лабидаги қонни артганча секин ўрнидан турди...

Кон тоғларига тушган қалин қор кўзни қамаштириб жимиirlайди. Катя Ярцева, эгнида пахталик, каштан-ранг қуюқ соchlари телпак остидан чиқиб укпардек тўзғиганча сўқмоқдан югуриб келмоқда. У командирлар ертўласига қараб йўлни кесиб ўтмоқчи бўлади-ю, бироқ қорга ботиб қолади.

— Ҳа, ёв қувдими, бунча?—дейди Ерофеев уни қордан чиқишига кўмаклашар экан.

— Сенинг олдингга кетаётганим йўқ ҳалиям...

— Ундей бўлса, ҳовлиқмай қўя қол, бошлиқлар мажлис қиляпти.

— Қўйвор, Берлиндан шошилинч радиограмма бор!

— Берлиндан?.. Унда ўта қол.

Млинский гўё нохўш бир хабар кутгандек бош кўтариб, хўмраяди.

— Фрибедан шифровка,— дейди Катя.— Муддатдан ташқари сеанс, ўртоқ полковник.

— Ўқи.

— Хозир... — Катя бурнини тортиб, сўлиш олади-да, шифровкани ўқий бошлайди:— «Биринчи. Карасевни келишилганидек кутиб олинглар. Иккинчи. Биз империя хавфсизлиги бошқармасининг директивасини қўлга киритдик. Унда Гитлернинг фармойишига мувофиқ атом қуроли компонентлари ва юксак қудратли раксталар

ишилаб чиқаришни Альп тоғларида ташкил этилажак мустаҳкам районга кўчириш ҳамда «қасос қуроли» яратишни таъминлаш вазифаси кўзда тутилган. Операцияга Вольф ва генерал Хорн раҳбарлик қилишади. Учинчи. Устимиздан гестапонинг кучли назорати ўрнатилган. Мартанинг рацияси консервация қилиб қўйилган. Москвага етказишнингларни сўраймиз: биз билан барча алоқалар тугатилди. Бу — охирги алоқа. Алвидо. Анна ва Алексей».

Ҳамма жим. Фақат эшик ортида шамол ҳуштак чалади.

— Уларнинг ўғли бор эди,—дейди полковник Канин.— Шимолда сув ости кемасининг капитани эди. Улар унинг бундан ярим йил аввал базага қайтиб келмаганини билишмади ҳам...

Млинский Хватга ўгирилади.

— Отрядни чегарарадан ўтишга тайёрла, Виктор Сергеевич. Душманнинг Альп тоғларида жойлашиб олишига йўл қўймаслик лозим. Бу фанатиклар ҳали ўз ортидан юз минглаб одамларни гўрга тиқиши мумкин. Карасев ва Шумскийга буйруқ: қандай қилиб бўлса-да, кўчиш вақти ва маршрутини аниқлашсин. Фрибедан олинган маълумотлар зудлик билан Марказга етказилсин.

Қасалхона палатаси. Девор тагида темир каравот. Малла шарфюрер койкада ётибди. Унинг боши бинт билан чирмаб ташланган, фақат бурни ва бир кўзигина кўринади. Яланғоч қўлининг томирига игна суқиб қўйилган, унинг ингичка шланги томчидори мурватига қараб чўзилган... Шарфюрер беҳуш ётибди. Энтикиб-энтикиб, ҳирқираб нафас олади... Ёнида — медицина ҳамшираси. Унинг эгнида — оқ пешбанд тагидан узун кулранг кўйлак, бошида соchlарини бекитиб турган қизил крестли, крахмалланган дуррача. Группенфюрер Вольф ва Крю-

гер ҳам шу ерда туришибди. Иккаласи ҳам хўрснинб, палатадан чиқишиади.

Энсиз, тор йўлакда, уларнинг рўпарасидан эсесчилар қонга белангани бир кишини судраб келишяпти. Бу кишининг қиёфасидан антифашистик комитетнинг фаол аъзоларидан бирини аранг таниш мумкин.

Вольф Крюгер ҳамроҳлигида камерага — деразасиз, деворлари мой — бўёқ билан бўялган кенг хонага киради.

Камеранинг ўртасида, кучли ёруққа гарқ бўлганча, темир стулга боғланган Кунц ўтирибди. Кулранг халат кийган икки барзанги Вольфни кўрган заҳоти тек қотишади. Группенфюрер имо билан уларга эшикни кўрсатиб, Кунц томон эгилади-да, ишонарли, ҳамдард оҳангда дейди:

— Кунц, ўн йилдан бери лагерма-лагерь, турмама турма изғийсиз. Эсингизни йигиб оладиган вақт келмадимикин? Ахир сиз немиссиз-ку, Кунц, юз фоиз немиссиз. Наҳотки ватанингизнинг тақдиди сизга бефарқ бўлса?

— Йўқ, группенфюрер. Бефарқ эмас...— Кунц оғир энтикади.— Ва мен умид қиласманки... мен ишонаман, ҳадемай уни фашизм вабосидан... сиздан халос қилишади...

— Ол-а, аммо сен унгача тирик қолмайсан, Кунц. Компартия Марказкомининг аъзоси сифатида сен, шубҳасиз, яширин ҳаракат билан алоқадасан. «Дора»да ким қўпорувчилик ишларини ташкил этяпти? Ким бизнинг одамларимизни ўлдиряпти? Айт, буни ҳеч ким билмайди, айтсанг — мен қисматингни енгиллаштириш чорасини ахтариб кўраман.— Вольф Крюгерга қарайди, у Шумский, Карасев ва Геленанинг фотосуратларини узатади. Вольф фотосуратларни Кунцнинг кўз олдига тутади.— Сен бу одамларни танийсанми? «Ҳа» ёки йўқ?»

— Савдонгиз пишмайди, группенфюрер. Мен сотқин әмасман,—деб юзини ўгиради Кунц.

— Эрталабгача бунинг тилидан маълумот сүфуриб олинглар. Агар индамайдиган бўлса — отиб ташланглар,—дейди Вольф — кулранг ҳалатдаги барзангиларни кабинетга чақириб.

Қоялар бағридан ўйиб ясалган улкан тоннел-залда усти ёпиқ юк машиналарининг колоннаси тизилгани. «Дора» маҳбуслари уларга асбоб-ускуналарни ортишмоқда: яшикларга жойланган дастгоҳлар, приборлар, мосламалар...

Колонна олдидан икки эсесчи ҳамроҳлигидаги Крюгер, СС қурилиш бошқармасининг тумшуқдор вакили ва подполковник Бютцов ўтиб боришлоқда.

— Машиналарнинг ярми деярли буткул ишдан чиқсан,—дека доклад қиласи қурилиш бошқармасининг вакили Крюгерга.— Қўпгина юк машиналарини тоф йўлларидан юриши учун тормоз системасини қайта жиҳозлаш лозим.

— Эртага кечқурун ҳамма ишлар тугатилини шарт,—дейди Крюгер мулозаматни йиғиштириб.— Бу группенфюрер Вольфнинг буйруғи!

Бютцов маҳбуслар билан бирга оғир, узунчоқ яшиклини юк машинасига ортаётган Шумскийни кўриб қолади.

— Нима бало, кўр бўлганмисизлар?!—деб қичқирали Бютцов.—Кечирасиз, штандартенфюрер...— У Крюгердан узоқлашади.—Бу ерда ёзиб қўйилибди-ку ахир, ағдарилмасин деб! Бошлиқ ким?

— Мен!—дека қад ростлайди Шумский.

— Мильх! Бу ёққа келинг!—Бютцов Шумскийни машинанинг баланд борти орқасига олиб ўтади.—Бугун эрталаб Кунц отиб ташланган... Ҳужжатлар сиздами?

— Ҳа.

Шумский сөзлирмай Бютцовга тугунчак тутқазади.

— Бу ердан кетиш керак,—дейди Бютцов.—Менинг машинамда панажой бор.

— Колоннанинг маршрути керак, Бютцов. Шу лаънати колоннанинг маршрути билангина кетиш мумкин.

Булутли оқшом. Ҳовлидаги бостирма тагида бир неча енгил машина турибди. Бютцов атрофга аланглайдида, ўзининг кулранг «Хоръх» ёнида турган спорт машинасининг радиатори қаршисида тиз чўкади.

У машинадан роса вақтида узоқлашади: Крюгер шу ёққа яқинлашиб келмоқда.

Бютцов машинасига ўтириб, шошилмай қўлқоплари ни кия бошлайди. Крюгер эса бу пайтда машинасини юргизолмай беҳуда уринади.

Бютцов ойнани тушириб сўрайди:

— Шаҳаргами, штандартенфюрер?

— Ҳа... Лаънати, бензин бермаяпти!

— Ўтилинг, мен элтиб қўяман.

— Майли,—дэя рози бўлади Крюгер бир лаҳза иккиланиб.

Бютцов машинани лагерь дарвозасидан чиқаради. Соқчи қўлини чеккасига қўйганча хайрлашиб қолади.

Крюгер ёнидан сигарета олади. Бютцов зажигалкасини чиқиллатиб ёқиб туради.

— Уч мингта юк машинасидан,—дейди Бютцов ташвишманд оҳангда,—ярми капитал ремонтга муҳтоҷ... Албатта бирор жойда бомбардимон остида қоламиз.

— Фақат кечаси юрамиз.

— Кундузлари-чи? Бунча дов-дастакни қаерга бекитамиз?

— Ташвишланманг, Бютцов, бекитамиз. Тўхташ жойларини мен ўзим белгилаганман. Бундан ташқари, алоҳида-алоҳида колонна бўлиб силжиймиз. Биз сиз билан колоннанинг бош қисмида борамиз.

— Нима ҳам дердим, эсон-омон етиб олишга умид қиласиз-да,—Бютцов жимиб қолади.—Ишлаш кун са-

йин оғир ва ҳавфли бўлиб боряпти... Шарфюрерни ким ўлдирганини топишдими?

— Ўлдирган, дейсизми? Бахтимизга, бу малланинг омади бор экан: у тирик, ўйлайманки, нима бўлганини ҳадемай ўзи айтиб беради.

Бютцов бош иргайди.

Чорраҳада у машинани чапга буради.

— Сиз бошқа ёққа бурилдингиз, подполковник...— дейди Крюгер ва ёнига ўгирилади.

Шу асно Бютцов уни пистолет дастаси билан уриб ҳушидан кетказади.

Карасев туман оғушидаги оқшом қоронфилигига ти-килганча машинасини автострададан ҳайдаб бормоқда. У «Лейпциг» деган ёзувли йўл кўрсаткич ўриатилган жой яқинида бир четда турган кулранг «Хоръх» машинасини пайқайди. Машина домкрат билан кўтариб қўйилган, офицер шинелидаги қандайдир киши фидирек олдидиа уймаланаяпти.

Карасев яқинроқ бориб тўхтайди. Бояги одам подполковник Бютцов. Карасев машинадан тушади.

— Ёрдамлашиб юборайми, жаноб подполковник?

— Ёмон бўлмас эди... Салом.

— Салом.— Карасев юхонасидан асбоблар со-линган филофни олади-да, Бютцов узатган тугунчакни шу заҳоти унинг ичига суқади.— Шумский сиз биланми?

— «Дора»да қолди. Менинг машинамда — группен-фюрер Вольфнинг адъютанти бор. У колоннанинг маршрутини тузган. У билан суҳбатлашишга фурсатингиз борми?

Карасев бош иргайди. Улар қўл-оёғи боғлиқ Крюгерни Карасевнинг машинасига олиб ўтишади.

— Шумскийни яна кўрасизми?— деб сўрайди Карасев.

— Умид қиласман.

— Унга айтингки, биз ҳаммамиз... У билан фахрланимиз.

Улар бир-бирларига честь бериб хайрлашадилар.

Биринчи бўлиб Карасев жўнаб кетади. Кўп ўтмай унинг машинасининг чироқлари зулмат қўйнида буткул ройиб бўлади.

Бютцов зона дарвозасидан ҳаво тревогаси сигналлари чинқириб янграй бошлаган бир пайтда кириб келади. Солдатлардан бири осмонга қараб, Бютцовни огоҳлантиради:

— Машинани панага қўйинг, жаноб подполковник.

— Мен идорада муҳим ҳужжатларни унутибман...

— Ундаи бўлса, ўтинг. Тезроқ, бошланмасдан туриб...

Зона территорияси қоп-қоронғи ва бўм-бўш. Сиреналар ваҳимали чийиллайди.

Карасев автострададан кўприкка, сўнг эса ўрмон йўлига бурнлади. Машина лойга ботиб қолади, бироқ кучли мотор уни чуқурдан чиқариб кетади.

Тез орада рўпарадан зулматаро машина чироқлари лишиллай бошлайди. Карасев ҳам чироғини ёқиб-ўчириб жавоб қиласди-да, йўл ёқасида турган «Фольксваген»га яқинлашади. Машинадан чиқмай, ойнани туширади-да, руль ортида ўтирган Геленага тугунчакни узатади:

— Буни гранатали сумкага солиб қўй.

— Нега ҳаяллаб кетдинг?

— Бир ёқимсиз нусха билан суҳбат чўзилиб кетди.

— Қелишиб олдингларми?

— Умуман, «ҳа» деса бўлади. Чегарада машиналарни ва ҳужжатларни синчиклаб текширишади, шунинг учун икки юз саккизинчى километрда қайриласан. Эсингда бўлсин, мен ҳаммавақт орқангдан бораман.

Менга нима бўлмасин, тўхтама, ҳаяжонланиб ҳам ўтиришади. Ҳаммаси яхши бўлади.

Бютцовнинг уйи. Тунги кўйлак кийган хизматчи аёл Эльза ўз хонасининг эшиги олдида тош қотганча, уйга кириб келаётган подполковник Бютцов ва ола-була маҳбус жандасидаги Шумскийни чурқ этмай кузатиб турибди.

Елкасига шойи халат ташлаган Инга — подполковникнинг хотини, иккинчи қават зинасидан тушиб келаркан, эри ва Шумскийни кўриб қотиб қолади.

— Инга, илтимос ванна тайёрлагин,—дейди подполковник.— Иогани қани?

— Ухлаб ётибди.

— Уйғониши билан бобоси уни бирор ёққа олиб бориб турсин.

— Яхши...

— Бу киши учун ич кийим ва костюм топиб бер.

Инга ўзини тутиб олади. У пастга тушиб, ҳамон хонасининг эшиги олдида турган Эльзанинг ёнидан ўтаркан, ҳукмрон оҳангда дейди:

— Бориб ухланг, фрау Эльза. Ҳали эрта. Бугун сизнинг ёрдамингизсиз ўзим эплайман.

Эльза эшикни қарсиллатиб ёпади.

— Унгача бир оз ликер ичиб ол,—деган кекса Бютцовнинг овози эшитилади.

Эгнида фақат пижама, у кутилмаган тунги меҳмонлар қаршисида туради.

— Кечир, дада,—дейди подполковник.

— Ҳечқиси йўқ. Чоллар барвақт туришади, мен ухлаганим йўқ эди... Қаердадир менинг иссиқ ов курткам билан бинойидек этикларим бўлиши керак.

— Бекор қилдингиз шуни,—дейди Шумский подполковникка ҳорғин оҳангда.

— Бошқа илож тополмадим...

Автостраданинг 198-километрида, полиция назорат пункти ёнидаги шлабгаум олдида йўловчилар ва ҳайдовчиларнинг ҳужжатларини текширишмоқда.

Назорат уйчаси биқинида полиция машинаси «Адлер» турибди. Уйчанинг ёруғ дарчасидан назорат пункти бошлигининг қандайдир бақалоққа ўлгудек дашном берәётгани, унинг эса аянчи ялинганча ниманидир илтижо қилаётгани кўзга чалинади.

Геленанинг машинаси шлабгаум қаршисида иккинчи бўлиб турибди. Унинг ортидан Карасевнинг «Мерседес»и келиб тақалади.

Полициячи «Фольксваген»га яқинлашади.

— Ҳужжатларингиз?..—Шофёрлик гувоҳномасига разм солгач, талаб қиласиди:—Шахсий гувоҳномангизни кўрсатсангиз...

Гелена граната ва ҳужжатлар солинган сумкани яқинроғига суриб қўяди-да, аёллар сумкаласидан гувоҳномасини олади.

— Марҳамат қилиб, машинадан тушинг,—дейди полициячи ва уйча томон ўгирилиб, пункт бошлиғига қўл силкийди.

Гелена рўпарасидаги кўзгудан, Карасевнинг гўё сигарета тутунини ҳайдагандек қўл силкиб қўйганини кўради.

Бирдан Геленанинг машинаси сапчиб олға интилади ва шлабгаум остидан визиллаб ўтиб кетади. Полициячи пистолетини олиб, қор тўзонига қаратиб бир неча бор ўқ узади-да, «Адлер»га ташланади.

Карав ҳам машинасини жойидан қўзғатади. «Адлер» «Мерседес»нинг биқинига урилиб, унинг қанотини пачоқлайди, ўзининг эса фаралари дабдала бўлади.

Пункт бошлиғи югуриб келади.

— Нима гап?

— «Фольксваген»да боши учун беш минг марка тикилган ўша аёл ўтирибди!—дэя жазавакор чийиллай-

ди полициячи.—Манави эса ўзининг тобутини тақаштириб солди!

— Мен унинг қочиб кетаётганини қўриб сизга ёрдамлашмоқчи эдим...— дея ўзини оқлади Карасев.

— Унинг машинасига ўтиринг, Мюллэр! Кувинг уни! Мен Плауэнга қўнғироқ қиласман.—Бошлиқ уйчага қараб отилади, полициячи эса «Мерседес»га чиқиб ўтиради. Аммо Карасев машинани юргизишни хаёлига ҳам келтирмайди.

— Сиз, нима, устимдан куляпсизми, жаноб майор?

— Шлагбаумни кўтарињг,—дейди Карасев бамайлихотир.

Полициячи туманга тикилганча асабийлашади.

Тўсатдан автострада муюлишидан чарақлаган машина чироқлари кўринади. Машина тўппа-тўғри «Мерседес» нинг устига бостириб келади. Карасев йўл ёқасига четланиб тўхтайди.

— Бу бизниклиар, Плауэндан,— дея тушунтиради полициячи.

Карасевнинг машинаси олдига чарм пальто кийиб, автомат таққан икки кипи югуриб келади.

— Кимсизлар? Ҳужжатингиз!

— Блюм! Бу мен, Мюллерман,— дейди полициячи.— Биз бир аёлни таъқиб қилияпмиз.

— «Таъқиб қилишаётган» эмиш,— деб илжаяди улардан бири.— Унинг бу ерда арвоҳи ҳам йўқ.

— Демак, икки юз саккизинчи километрда қайрилган.

— Ёки икки юз ўнинчиди. Изидан ҳайданг!

Карасев сигарета тутатади-да, шошилмай «Мерседес»ни ортига қайриради.

Илонизи тор йўлида бораркан, Карасевнинг кўзи ўрмон узра тобора юқорилаб кетаётган машина чирорига тушади. Бу шубҳасиз, Геленанинг «Фольксваген»и.

Афтидан, полициячилар ҳам уни пайқаб қолишган, тинмай тезликни оширишмоқда. Кескин бурилишларда ғилдиракларнинг резинаси чийиллаб кетади. Баъзан машина сирғаниб кетиб қолади, бироқ тажрибали ҳайдовчи уни тағин тўғрилаб олиб, қатъият билан юқорига ҳайдайди. Полициячилар тезликни оширганча кичкинагина «Фольксваген» ортидан қувишишмоқда...

Карасев акселераторни охиригача босиб полиция машинасини қувиб етади. Стоп-сигнал чироқларидан кўз узмай унинг ортидан тўхтовсиз таъқиб қилганча бораркан, ниҳоят, қулай фурсат пойлаб, полиция машинасини жарга қисган кўйи чап томондан қувиб ўта бошлайди.

У рулни кескин буради, машиналар зарб билан бирбирига урилади аммо полиция машинасининг ҳайдовчиси уни йўлда сақлаб қолади. Карасевнинг машинасида ўтирган полиция бошини тўсиққа уриб, ҳушдан кетади...

Карасев полициячиларга тобора тақалиб боради. Икки марта кетма-кет уларнинг машинасини йўлдан уриб чиқаришга уринади, бироқ ҳар гал ҳам ҳайдовчи зарбага чап бериб қолади. Ўқ товушлари янграйди. Карасев елкасидан яраланади.

Ниҳоят, у муюлишда машинасини полиция машинасининг юхонасига қараб қарсиллатиб уради. Полиция машинаси чайқалиб кетади. Карасев иккинчи зарб билан уни йўлдан улоқтириб ташлайди. Аммо «Мерседес»нинг ўзи ҳам четга отилганча бориб, қояга урилади. Карасев базўр машинадан сакраб тушиши билан у гуриллаб аланга олади...

Кичкинагина кўзгудан ортидаги таъқибни кузатиб келаётган Гелена кескин тормоз бериб, машинани орқага қайиради-да, елиб кетади.

У Карасевни қоя тагида қорга кўмилиб ётган ҳолда голади. Карасев ўрнидан туришга уринади-ю, бироқ оғриқдан инграб юборади. Гелена унинг боши узра энгашади.

— Мен сенга нима деган эдим? — дея шивирлайди Карасев тишлари орасидан базўр.— Ҳаммаси яхши бўлади.

— Гапирма, — дейди Гелена ва уни сургаб «Фольксваген»га олиб ўтади.

У машинани тоғ йўлидан ҳайдаб кетади.

— Қалайсан?— дея Карасевга ўгирилади у.

— Ленка... Бир... қўшиқ айтиб берсанг-чи...

Гелена Карпат қишлоқларида суйиб айтишадиган халқ қўшиқларидан бирини куйлай бошлайди. Карасев қўзларини юмади...

Подполковник Бютцовнинг ўғли Иоганн тонг қоронгисида отишма товушидан уйғониб кетади. Бола кара-вотдан санчиб туради-да, кўйлакчан, ялангоёқ аҳволда пастга қараб югуради...

Холлда у бобосига чап бериб, ошхонага, ундан эса отишма эшитилаётган гараж томон чопади...

Сўнг у... полда ғайритабий чўзилиб ётган бир... яна бир... яна бир эсесчини кўради... Шумский ўқ илма-тешик қилиб юборган машина ёнида қора қонига беланиб ётибди... Сўнгра отасига кўзи тушади... Икки эсесчи подполковникнинг оёғидан судраб боради. Унинг кители бошига йиғилиб қолган, бетон йўлак узра қизғиши қом излари...

Иоганн отасига қараб отилади, бироқ группенфюрер Вольф унинг елкасига чангаль солади...

Баҳор. Водий бўйлаб ғарқ гуллаган боғлар...

Тоғ йўлидан — Геленанинг ортидан гестапочилар қувган ўша тоғ йўлидан усти ёпиқ юқ машиналарининг бир неча километрга чўзилган колоннаси секин илгари-лаб бормоқда. Кузовларда — асбоб-ускуналар солинган яшиклар, солдатлар ва назорат остидаги маҳбуслар. Прицепларда эса — брезент билан ёпилган ракеталар, тўп ва миномётлар. Баъзи машиналарининг брезенти

олиб қўйилган, уларнинг кабинаси тепасида зенит пулемётларининг стволлари диккайиб туради.

Колоннанинг олдида бронетранспортёр боряпти. Унинг ортида — иккита енгил машина. Уларнинг бирида штаб офицерлари билан генералполковник фон Хорн, иккинчисида — эсесчилар билан бирга группенфюрер Вольф ўтирибди.

Моторлар бўғиқ гувиллайди.

Млинский қоялар қўйнидаги пухта ниқобланган команда пунктидан бинокль орқали яқинлашиб келаётган колоннани кузатиб турибди. Мана, олдинги машиналар муюлишдан ўрмалаб чиқиб, тоғ кўчкиси қархисида тиқилиб қола бошлади.

Млинский радиист қизга ўгирилади.

— Катя, Бондаренкога маълум қил: вақт бўлди...

— Есть! — Катя рация калитини тақиллата бошлайди.

Ва шу заҳоти пастда, тоғ этагида кучли портлаш эшитилади. Тош парчалари, темир-терсаклар кўкка отилади — колонна ортидаги дарё устига қурилган кўприк яксон қилинган.

— Жуда соз. Самолётларни чақир,— Млинский камари тагидаги гимнастёркасини тузатиб, фуражкаси ни бостириброқ кийиб олади.— Хўш, Ерофеич, кетдикими?

— Кетаверамиз, секин-аста,— деб бош иргайди сержант автоматини елкасига илиб.

Млинский харсангтошлар ортида бекиниб ётган жангчиларнинг колоннани мўлжалга олиб тизилган автоматлари, танкка қарши қурол ва огнемётлари оралаб ўтиб, пастга туша бошлайди.

Фон Хорн машина ойнасидан совет ҳарбий формасидаги икки кишининг очиқдан-очиқ йўлга қараб келаётганини жимгина кузатиб ўтирибди.

— Ана иш тамом,—дейди шоффёрнинг ёнидаги офицер.

— Биз қаердамиз ўзи? — деб сўрайди иккинчи офицер.

— Югенштадт шаҳри яқинида, — дейди биринчиси.

Группенфюрер Вольф машинага яқинлашади. Фон Хорн ойнани туширади.

— Бу америкаликлар эмас,—дейди эсесчи.

— Кўряпман.

— Сиз нима қилмоқчисиз, жаноб қўмондон?

— Бу саволни мен ҳам сизга беришим мумкин, жаноб группенфюрер. Колоннани қўриқлашга сиз жавобгарсиз-ку.

— Улар бу ерда кўпчилик бўлиши мумкин эмас. Улар билан музокара бошлаб, вақтдан ютиб туриш керак, мен эса зудлик билан ёрдам чақираман.

— Шундай қилсан ёмон бўлмас эди.

— Мен атом қуроли компонентлари юкланган маҳсус машинани портлатишга тайёrlаш ҳақида буйруқ бераман.

— Бу ҳам оқилона гап, Вольф. Ишга киришинг!

Вольф яқинлашиб келаётган Млинский ва Ерофеевга олайиб қарайди-да, машинадан узоқлашади.

Шофёрнинг ёнида ўтирган офицер Млинскийнинг қаршисига чиқади-да, честь бериб, дейди:

— Полковник Берг. Ким билан сўзлашиш шарафига мұяссарман? Сизга нима керак?

— Маҳсус отряд командири полковник Млинский. Сизлар қуршовдасиз. Олдинда — тоғ кўчкиси, орқадаги кўприк портлатилган. Беҳуда қон тўкилмаслиги учун таслим бўлишингизни таклиф этаман.

Млинскийнинг фамилиясини эшитиб фон Хорн бўйнини чўзиб қарайди ва кўзларини катта очганча афсонавий рус полковнигига тикилади.

Ерофеев жавраб қўшимча қилади:

— Оналарингни кўрсатиб қўймасимиздан таслим

бўлинглар, йўқса, худди сўваракни эзгилагандек мажақ-лаб ташлаймиз...

Фон Хорн энди машинадан тушиб, рус полковнигига юзма-юз тикила бошлайди.

— Сиз Млинский мисиз? Бўлиши мумкин эмас...

— Менга ишонмасликка қандай асосларингиз бор, жаноб генералполковник фон Хорн?

Фон Хорн жим бўлиб қолади.

Шу пайт тоғлар ортидан осмонга қизил юлдузли самолётлар кўтарилиб, колонна устидан гуррос солганча учиб ўта бошлайди.

Солдатлар машиналардан таппа-таппа сакраб қояшошлар панасига қараб қочадилар.

Самолётлар қайтадан юқорига кўтарилиш учун буриладилар.

Тоғ чўққилари орқасидан қудратли «ура» садолари билан отилиб чиққан қизил аскарлар, Млинский отрядининг командирлари ва чехословак партизанлари колонна томон шиддатли суратда бостириб кела бошлайдилар.

Фон Хорн самолётларга чақчайиб қарайди, сўнг нигоҳи колоннага қараб югуриб бораётган жангчи ва партизанларга қадалади.

— Мен сизга ишонаман, полковник,— дейди фон Хорн ва ўз офицерига ўгирилади.— Буйруқни етказинг: қуроллар топширилсин, Берг...

Колонна сафида тўсатдан портлашлар юз беради, бир неча юк машинаси аланг олади. Этак томонда гуриллаб аланг кўтарилади, аллақаердан оҳ-фарёд ва инраган товушлар, палла-партиш отишмалар әшитила бошлайди...

Ерофеев автоматини фон Хорнга тўғрилайди. Берг ҳам пистолет филофига қўл чўзади.

— Ваҳимани бас қилинг, Берг!— дея ўшқиради фон Хорн.— Бу Вольф, атом қуроли компонентлари юклangan маҳсус машинани портлатиб юборди...— У биринчи

бўлиб Млинскийнинг оёғи остига ўз пистолетини ташлади.

Майор Воробьев отряд штабига кириб маълум қилади:

— Уртоқ полковник! Шаҳарчамиздан сал нарида, тоғларда қизил аскарлар мамлакатимиздан келтирилган мактабгача ва мактаб ёшидаги болалар лагерини озод қилишибди. Фашистлар бу болалар устида турли тажрибалар ўтказишар экан. Уларнинг абгор қиёфасига, қоқсуяқ қоматига, боланикига ўхшамаган юз-кўзларига қараш даҳшат...

Млинский сесканиб тушади, дарҳол ўрнидан туради.

— Бу лагергача неча километр?

— Ўтиз-ўттиз беш километрдан ошиқ эмас.

— Кетдик,— дейди Млинский ва фурожкасини кийиб, Воробьев билан бирга штабдан чиқади.

Тоғлар қўйнида концентрацион лагерь кенг ялангликда жойлашган. У икки метр баландликдаги тиканли сим билан ўраб олинган. Лагернинг ўртасидаги кунгай майдонда ерга ёпишиб кетган ўнтача ёғоч барак қатор тизилишган. Улардаги тахтадан ясалган сўриларда Совет Иттифоқидан келтирилган болалар яшашади. Ён томонда — катта, ёруғ, озода тош иморат. Бу — касалхона, фашист «врачлари» шу ерда болалардан қон олар, улар устида турли тажрибалар ўтказар, ҳолдан тойганларини ўлдириб, крематорий печларига жўнатишар эди.

Офтоб чарақлаб турган кун. Тоғлардан эсаётган шабада муздек эпкин нафасини уфуради. Қизил Армия озод этган концентрацион болалар лагерида болаларни санитар ишловдан ўтказиш қизғин суръатда олиб борилмоқда. Шундоқ ҳовлининг ўзида сартарош-солдатлар болаларнинг кирлаб-битлаб кетган соchlарини машинкада олишмоқда. Шу заҳоти маҳсус ҳаммом-

автоМашиналарда ҳамширалар ва санитарлар уларнинг эгнидаги маҳбуслик увадаларини ечиб чўмилтиришяпти, ювиб-тараб янги болалар кийим-кечаги кийгизгач, кекса дуб остида жойлашган ошхонага жўннатишаپти. Бу ерда қатор саф тортган сафар ошхоналари олдида эпчил ошпазлар солдат котелокларига буғи чиқиб турган қайноқ, хуштаъм карам шўрва қўйиб, тарелкаларга ёрма бўтқа сузиб, бир бўлак оқ нон билан навбатга тизилган болаларга узатишади. Овқатни олгач, улар четга чиқишади, солдатлар шоша-пиша ясаган омонат тахта столлар атрофига ўтириб, овқатни ютоқканча ямлай бошлайдилар.

Машина лагерга кириб, комендатура ёнида тўхтайди. Ундан полковник Млинский ва майор Воробьев тушадилар. Комендатура олдида турган ўрта яшар офицер уларни кўриб яқинлашади-да, ўзини таништиради:

— Болаларни эвакуация қилиш бўйича санитария группасининг бош врачи, медицина хизмати подполковники Виноградов. Бизга қандай хизмат бор, ўртоқ полковник?

Млинский у билан кўришади.

— Биз лагерни кўрмоқчи эдик.

— Юринглар, мен сизларга фашист каллакесарлари болаларимизни нақадар таҳқирлашганини кўрсатаман,— дейди Виноградов ва улар биргаллашиб лагернинг ичига кириб кетишади.

Млинский озиб-тўзиб кетган, ранги заъфарон болаларга — эгнида ола-була лагерь увадалари, кўйракларида номери рақам этилган нишонлар, соч олдириш навбатини кутиб ерда, харилар устида ўтирган, бемадор чўзилиб ётган бу мурғак жонларга юраги зирқираб тикилади. У гўдакларнинг олдига яқинлашиб сўрайди:

— Болалар, сизлар қаердансизлар? Қайси шаҳар-қишлоқлардансизлар?

Сепкил юзли, ўн яшар бола полковникка мулойим боқиб жавоб беради:

- Мен Минскданман, менинг дадам партизан.
Беш ёшлардаги қоракўз қизалоқ пиқиллаб:
— Ойимга бораман,— дейди-да, йиғлаб юборади.
— Отинг нима?— деб сўрайди Млинский унинг боши-
ни силаб.
— Наташа,— дея жавоб беради қизча ҳадиксираб ва
яна йиғлай бошлайди.
— Йиғлама, Наташа, ойингни албатта топамиз,—
дейди Млинский базўр ғўлдираб ва болалардан узоқла-
шади.
Бурни узун, қотма, кўк кўзли, саккиз ёшлар чамаси-
даги бола боядан буён Млинскийдан кўз узмай туради,
у бирданига харидан сакраб тушади-да, полковникка
қараб талпинганча қичқириб юборади:
— Дада! Дада Ваня! Мен Володъкаман!
Млинский югуриб келиб болани кўтариб олади, унинг
юзига тикилиб, юз-кўзларидан тинмай ўпаркан, нафаси
тиқилиб энтика-энтика шивирлайди:
— Володъка!.. Болагинам!.. Хайрият, тирик экан-
сан!— Унинг кўзларидан тирқираб ёш оқади.
— Дадажон!— дея шивирлайди Володъка бўғиқ
овоз билан Млинскийнинг бўйнидан маҳкам қучаркан.

Берлиндаги сўнгги жанглар...
Рейхстаг устидаги қизил байроқ...
Гитлернинг куйиб қурумга айланган жасади...
Карлхорстда капитуляция актининг имзоланиши...
Рейхстагнинг қорайиб кетган деворлари. Бу ерда
юзлаб солдатлар қатори Ерофеев битган «дасхат» ҳам
кўзга чалинади: «Бекор гап, мана, ҳамма балоларга
қасдма-қасд етиб келдик. Фашистлар Германияси тор-
мор қилинди. Буюк қасос амалга ошди. Волга бўйилик
старшина Ерофеев».

Пастда бу ёзувга тикилганча Млинский, Қанин,
Хват, Қарасев, Воробьев, Бейсамбоев, Бондаренко, Қатя
Ярцева ва бошқалар кулимсираб туришади...

Улар иккита машинада қайтишмоқда. Ҳали ҳам бурқисб ётган уйлар, вайроналар оралаганча ўтиб келишмоқда. Қаёққа қараманг — шағал, синган ойна ва ғишиш парчалари, оқ байроқлар... Рўпарадан асир тушган немис солдат ва офицерларининг колоннаси келмоқда.

Веймарда ҳаммаёқ осойишта ва сокин. Бус-бутун виллалар кўм-кўк боғлар қўйнида яшинаб турибди.

— Буржуйларнинг шу ердаям омади келди,— дейди Ерофеев.— Йтваччаларнинг омон қолишганини қаранг!

— Лекин, ўйлайманки, кўпга эмас,— деб кулади Қанин.

Шу пайт уйлардан бирининг подвалидан фаустпаторон отилади. Иккинчи машина йўлга кўндаланг бўлиб қолади, фидирағи юлиниб чиқиб фидирағ кетади... Шофёр шу заҳоти жон беради, портлаш зарби эса Ерофеевни бир четга улоқтириб ташлайди.

Биринчи машинадагилар подвалга қараб автоматлардан ўт очадилар, сўнг у томонга гранаталар иргитишади...

Катя Ярцева ва Млинский Ерофеевнинг тепасида туришибди. Старшина оғир-оғир нафас олганча зўр бе-риб илжайишга уринади.

— Ана... ажалга йўлиққан жойим...

— Зудлик билан машинага!— деб буюради полковник.— Госпиталга!

— Шошма, Петрович,— дейди Ерофеев. У чарм пальтоли бир киши ва ўн икки ёшлардаги озғингина болани подвалдан олиб чиқишаётганини кўриб қолган. Бу унтерштурмфюрер Рот ва Иогани Бютцов эди. Уларни яқинроқ олиб келишади.

— Машинага сен отдингми?— деб сўрайди Ерофеев Ротдан оғриқни базўр енгиб. Полковник саволни унтерштурмфюрерга немисча таржима қилиб беради. У чурқ этмай тураверади.

— Мен отдим,— дейди Иогани секингнина.

- Аҳ, газанда!— Хват тишлигини маҳкам қисади.
- Нега сен отдинг?— деб сўрайди Ерофеев, полковник шу заҳоти таржима қилади.
- У менга «от! деди,— деб жавоб беради Иоганн ва йиғлаб юборади.
- Сен... ўзинг эмасми?— деб сўрайди Ерофеев эсесидан. У тескари ўгирилади.
- Бондаренко автомат затворини шарақлатади.
- Шошма,— дейди Ерофеев.— Иван Петрович... болани қўйиб юбор...— У шундай дея жим қолади.
- Машина! Дарҳол!— дейди полковник.
- Ерофеевни кўтариб кетишади.
- Буларни нима қилай, ўртоқ полковник?— деб сўрайди Бондаренко.
- Ерофеич нима деганини эшитдингми?
- Эшитдим...
- Бажар.
- Қани, югур...— Бондаренко Иоганни туртиб қўяди.
- Бола журъат қилолмай каловланиб туради.
- Югур деяпман!— деб қичқиради Бондаренко.— Онангнинг олдига чоп! Қани!— Иоганн орқасига ўгирилади-да, югурга кетади.
- Буни эса,— дейди Млинский қатъият тўла кўзларини Ротдан узмай,— «Смерш» бўлимига топширинг.
- Жаңгчилар боланинг оқ сочли боши ям-яшил дарахтлараро кўздан фойиб бўлгунича ортидан қараб қоладилар.

Германиянинг жанубидаги уруш деярли дахл қилмаган кичкинагина озода шаҳарча. Тўсиқ девор ортида, кўҳна қаср ҳовлисида сирень гарқ гуллаган. Шаҳарчанинг кўчалари худди қабристондек бўм-бўш; магазинлар ойнасидаги темир пардалар тушириб қўйилган. Фақат йўлакларининг у ер-бу ерида сочилиб ётган немис каскалари, противогаз ғилофлари, ҳужжатлар ва фотосуратлар кечагина бу ерда уруш бўлганидан далолат беради.

Полковник Млинскийнинг маҳсус отряди майдонда саф тортган. Ўнг қанотда жанговар байроқ ҳилпираиди. Жангчиларнинг бармоқлари қурол дастасини маҳкам сиққан. Саф олдида, қасрнинг аллақайси бурчагидан олиб чиқилган, устига қизил мато ёпилган стол ортида генерал — ҳарбий совет аъзоси ва Николай Васильевич Семиренко туришибди.

Стол устида — пирамида қилиб тахланган қизил қутичалар. Генерал баланд товуш билан фармон ўқимоқда, унинг товуши сукунат қўйнида узоқларга таралади:

— СССР Олий Совети Президиумининг Фармони. Душман ортида маҳсус топшириқларни намунали баҷаргани ва бунда кўрсатган жасорат ва қаҳрамонлиги учун майор Алиев Ҳасан Алиевичга Совет Иттифоқи Қаҳрамони унвони берилсин...

— Майор Алиев Ҳасан Алиевич,— дея сафдан жавоб беради полковник Млинский,— Ватан учун жангларда қаҳрамонларча ҳалок бўлди...

Бир лаҳзалик жимликтан сўнг генерал давом этади:

— ...Полковник Млинский Иван Петровичга Совет Иттифоқи Қаҳрамони унвони берилиб, Ленин ордени ва Совет Иттифоқи Қаҳрамонининг Олтин Юлдузи топширилсин...

Млинский шаҳдам юриб стол олдига яқинлашади. Семиренко унга мукофотларни топшириб, маҳкам қучоқлаб ўпади.

— Совет Иттифоқига хизмат қиласман!— дейди Млинский ҳаяжонланиб.

У жойига қайтмоқчи бўлади, бироқ Семиренко уни тұхтатиб қолади ва Млинский у билан фармонни ўқишида давом этаетган генералнинг ёнига бориб туради:

— ...Инженер-майор Шумский Виктор Ивановичга Совет Иттифоқи Қаҳрамони унвони берилсин...

— Инженер-майор Шумский Ватан учун жангларда

қаҳрамонларча ҳалок бўлди,— дея сафдан жавоб беради Озеров.

— ...Капитан Бейсамбоев Оқтой Бердиевич, старшина Ерофеев Иван Герасимович (марҳум), старший лейтенант Иванов Иван Алексеевич, подполковник Канин Фёдор Фёдорович, майор Карасёв Алексей Николаевич, старшина Полишчук Александр Егорович (марҳум), подполковник Хват Виктор Сергеевич Ленин ордени билан; капитан Бондаренко Семён Иванович, медицина хизмати капитанни Бистрова Ирина Петровна (марҳума), Германия граждани Бютцов Фридрих (марҳум), Чехословакия граждани Гонуляк Антон, капитан Озеров Егор Николаевич Қизил Байроқ ордени билан; медицина хизмати майори Инаури Зараб Николаевич, сержант Косих Виктор Артёмьевич, старшина Лукъянов Александр Борисович, сержант Мгеладзе Вано Тенгизович, Польша граждани Милевская Ванда I даражали Ватан уруши ордени билан...

Фолиб солдатларнинг қайтиши...

Эшелон баҳор чечакларидан гулдаста тутган кишилар билан тирбанд перронга аста яқинлашади.

Эгнидаги гражданча пиджак кўксига депутатлик нишони ва орден белгилари ярақлаб турган Семиренко, унинг ортидан Матвей бобо, Мишуткани етаклаб олган Алёша, қўлида қизча кўтарган Наташа, подполковник Хватнинг оқ соч онаси, майор Карасевнинг гўзал, ёш хотини тарҳол олдиндаги вагонга ёнириладилар.

Вагондан кўкрагида Совет Иттилоғи Қаҳрамоннинг Олтин Юлдузи ёнган Млинский ва орден-медаллар таққан Канин, Володька, Хват, Карасёв, Бондаренко, Бейсамбоев, Инаури, Катя Ярцева тушиб келадилар.

Семиренко Млинскийни маҳкам бағрига босиб, уч марта ўпади:

— Қадрдоним Иван Петрович! Сени ва барча ўртоқ-

ларни ватанга эсон-омон қайтганингиз билан қизғин қутлайман.

Млинский жилмайиб хитоб қиласди:

— Биз қайтиб келдик! Биз ғалаба билан қайтиб келдик!..

Қызил Майдонда ғалаба паради.

Парад қатнашчилари орасида Млинский, Канин, Хват, Бондаренко ва маҳсус отряднинг бошқа жангчи ва командирлари ҳам бор.

...Яна май ойи, яна ғарқ гуллаган боғлар. Янги қуриб битказилган мактабнинг кенг ҳовлисида гул қўтарган октябрятлар, пионерлар, комсомол ва ўқитувчилар саф тортишган. Млинский ва Семиренко уларга меҳмон бўлиб келишган. Митингда сўзга чиққан боланинг янгроқ овози эшитилиб турибди:

— 1945 йил, 2 май куни 1-ва 2-Украина фронти ҳамда маршал Жуков қўмондонлигидаги 1-Белоруссия фронти қўшинлари фашистлар Германиясининг пойтахтини забт этишди... 9 майда... йўқ, 8 майда эса сўзиз таслим бўлиш ҳақидаги акт имзоланди... 9 май — Ғалаба байрами... Бизнинг жангчиларимиз яксон этилган рейхстаг деворларига ўз ёзувларини битдилар. Улуғ Ватан урушида йигирма миллион совет кишиси ҳалок бўлди. Ана шундай қурбонлар эвазига тинчлик қўлга киритилди. Шавкатли жангчиларимиз ва командирларимизнинг қаҳрамонлиги ва фидойилиги туфайли фашизм бутунлай тор-мор қилинди! Мана, шундан буён ўттиз беш йилдирки, Европада уруш бўлгани йўқ...— Бола қизариб кетади-да, сўрайди:— Тўғрими, Иван Петрович?

Млинский жилмайганча жавоб беради:

— Тўғри.

Кремль девори ёнидаги Номаълум соддат қабри. Мангу шухрат олови ёнади. Оқ ҳарир лиbosга буркан-

ган келинчаклар қабрга яшнаб турган гулдасталар қўядилар...

Буюк қурилишлар манзараси. Гидроэлектростанциялар, БАМ, янги туаржой массивлари. Кўкка бўй чўзган нефть вишкалари. «Арктика» музёари уч метр қалинликдаги муз қатламини ёриб Шимолий Қутбга сузуб бораётир. Боғлар гулга кўмилган, пахталар чаман-чаман очилган, тилларанг, поёнсиз буғдойзорлар оҳиста чайқалади. Космик кемалар кўкка парвоз қилмоқда...

Совет кишисининг жанговар ва меҳнат жасоратларини улугловчи ойдин, ҳаётбахш қўшиқ янграйди.

ФИЛЬМЛАР ҲАҚИДА МАЪЛУМОТ

«Қасоскорлар фронти», «Фронт ортидаги фронт», «Душман ортидаги фронт» кенг экранли, рангли бадий фильмлар. «Мосфильм» киностудиясида 1974—80 йилларда суратга олинган.

Сценарийлар автори Семён Цвигун. Постановкачи режиссёр Игорь Гостев. Бош оператор А. Харитонов. Бош рассом В. Голиков. Композитор В. Баснер. Овоз оператори Л. Булгаков. Қўшиқлар автори М. Матусовский.

Ролларни ижро этадилар: В. Тихонов (Млинский), О. Жаков (Матвей бобо), Т. Мирзоев (Алиев), А. Денисов (Вакуленчук), Г. Польских (Зина), И. Переверзев (ҳазрат Павел), Е. Шутов (Охри姆 Шмиль), С. Суховей (Наташа), И. Лапиков (Ерофеев), Е. Матвеев (Семиренко), В. Заклунная (Ирина Петровна), Ю. Толубеев (Профессор Беляев), Г. Николаенко (Горшков), Н. Полищук (Полищук), А. Бўронбоев (Бейсамбоев), Г. Яковлев (Цюнше), И. Ледогоров (Афанасьев — Райнер), А. Кобаладзе (Сталин), В. Самойлов (генерал Ермолаев), В. Стржельчик (генерал Антонов), Мати Клорен (Григорьев — Занге), М. Жарковский (Новчакляйн), Ханио Хассе, ГДР (фон Хорн), Харри Питч, ГДР (Вольф), А. Романцов (Алик—Алерт).

«Қасоскорлар фронти» («Фронт без флангов») фильмни 1975 йилда Довженко номидаги Олтин медаль, Кишиневдаги VIII Бутуниттифоқ кинофестивалининг Асосий мукофоти, 1976 йилда Дехлидаги III ҳалқаро кинофестивалнинг Катта соврини, 1978 йилда Еревандаги XI Бутуниттифоқ кинофестивалининг Махсус мукофоти, СССР Қуролли Кучлари министрлигининг Катта соврини билан тақдирланди.

«Фронт ортидаги фронт» фильмни 1978 йилда Тошкентда бўлиб ўтган VI ҳалқаро кинофестивалда Ўзбекистон ССР Министрлар Советининг Махсус мукофотини олган.

«Қасоскорлар фронти», «Фронт ортидаги фронт» фильмлари ака-ука Васильевлар номидаги Давлат мукофотига (1978) ҳамда Ленин комсомоли мукофотига (1979) сазовор бўлган.

МУНДАРИЖА

Қасоскорлар фронти. <i>Омон Мухтор таржимаси</i>	5
Фронт ортидаги фронт. <i>Тўравой Искандаров таржимаси</i> . . .	123
Душман ортидаги фронт. <i>Хайрийдин Султонов таржимаси</i> .	<u>293</u>

На узбекском языке

Семен Цвигун

ВОЗМЕЗДИЕ

(Киносценарий)

Редактор *A. Суеноз*

Рассом *B. Немировский*

Расмлар редактори *A. Пономарев*

Техн. редактор *H. Жўраева*

Көрректор *Z. Турсунбекова*

ИБ № 2027

Босмахсмага берилди 18.12.81.

Бесишга рухсат этилди 12.01.82.

Формати 76x108 1/16 Босмахона қоғози № 1.

Адабий гарнитури. Юқори босма.

Шартли босма л 19.25+1,4 вклНашр л.19,9

2,6вкл. Тиражи. 15000. Заказ 1450 Баҳоси 1с.30т.

Гафур Гулом номидаги Адабиёт ва санъат
нашиёти, 700129. Тошкент, Навонӣ кӯчаси, 30.

Ўзбекистон ССР Нашриётлар, полиграфия
ва китоб савдоси ишлари Давлат Комитети-
иинг Тошкент «Матбуот» полиграфия ишлаб
чиқарыш бирлашмаси. Тошкент, Навонӣ
кӯчаси, 30.